

চতুর্দশ পরিচ্ছেদ ।

(কৃষি ।)

[১] জুম—হল—বৈজ্ঞানিক চাষ ;

এবং

[২] ধান কার্পাসাদি উৎপন্ন দ্রব্য ।

[১]

“বাণিজ্যে বসতে লক্ষ্মী: তদর্দ্ধং কৃষি কর্মপি।”

লক্ষ্মীর অধিষ্ঠান অর্দ্ধমাত্রায় হইলেও কৃষি মানবের জীবন স্বরূপ। সংসারে যে সমুদয় স্বার্থকোলাহল শুনিতে পাওয়া যায়, মনুষ্য মনুষ্যরূপে লোলুপ হয়, কৃষিতে তাহারও নিবৃত্তি ঘটে। কৃষি ও শিল্পদ্বারা প্রকৃত পক্ষে দেশের ধনবৃদ্ধি হয়, বাণিজ্যে কেবল ধনের হস্তান্তর ঘটে মাত্র।

কৃষি।

হায়, যে ভারতে মিথিলাধীশ্বর জনক স্বহস্তে হল চালনা করিতেন, তাঁহাদেরই বংশধর বলিয়া অভিমান-দৃষ্ট আমরা ঈদৃশ লোক-হিতকর কার্যকে ঘৃণার চক্ষে অবলোকন করি! সত্য বটে অধুনা ভারতের চারিদিকে এই কৃষিশিল্প লইয়া আলোচনা চলিতেছে, এবং স্থানে স্থানে শিক্ষিত সম্প্রদায়ও ক্ষেত্রে অবতীর্ণ হইয়াছেন, কিন্তু বিরাট জনসংখ্যের তুলনায় সে আন্দোলন অতি সামান্য মাত্র। ভারতভূমি স্বর্ণপ্রস্থ; ভূভাগ প্রায় বিনা যত্নেই অনন্ত রত্নরাশি প্রদান করিতেছে। যদি আমরা কৃষির প্রতি কিঞ্চিৎ মনোযোগী হই, তাহা হইলে রপ্তানীরাকসী শতবিহ্বা বিস্তারেও কোন ক্ষতি করিতে পারিবে না; বরং তাহাতে রত্নগর্ভা ভারতের ঐশ্বর্য দিন দিন ত্রীবৃদ্ধি লাভ করিবে।

পাঠক ভূনিরা সুখী হইবেন, যে কৃষিকর্মের প্রতি চাক্ষুণ্যিগের অবজ্ঞার ভাব

মাত্রই নাই। বংশ ও শিকারভিমান নির্কিংশেবে ইহাতে প্রায় সকলেরই আসক্তি
বেধা বার। সম্রাট দেওরান তালুকদারেরা নিজেরা
সমাজের আসক্তি। সমস্ত কাজ করেন না বটে, কিন্তু যতদূর সম্ভব সাহায্য
করিতেও পরাধুখ হন না। বিভাগের ছাত্রগণও অবকাশ পাইলে অসঙ্কচিত
চিত্তে কৃষিকর্মে যোগদান করিয়া থাকে, এবং পাঠ্যজীবনের উপসংহারে যতদিন
না অভিলষিত কর্মের যোগাড় হয়, অর্থাৎ যখন আমাদের যুবকগণ তাস-পাশায়
কি উৎসব-আমোদে উন্নত থাকে, সেই সময়টুকুও ইহারা কৃষিপ্রভৃতি গৃহকর্মের
সবিশেষ তৎপর থাকে! তাই নব প্রবর্তিত কিণ্ডারগার্টেন শিক্ষা ব্যবস্থা এদেশে
বড়ই উপযোগী হইয়াছে, আশা হয় কালে এতদ্বারা এদেশ পার্শ্বতা সুইজারল্যান্ডের
স্তায় মনোরম হইয়া উঠিবে।

বস্তুতঃ এই পার্শ্বতাপ্রদেশে কৃষির উপযোগী বিস্তার ভূমি পড়িয়া আছে ;
সামান্য চেষ্টা করিলেই আবাদ করা বাইতে পারে। ভূমিও বিশেষ উর্বরা ;
তাছাড়া আবার বহুকাল যাবৎ অনাবাদে পতিত
চেষ্টা। থাকায় যথেষ্ট বল সঞ্চিত রহিয়াছে। এহেন ক্ষেত্রে
একটু মনোযোগের সহিত চাষের নিমিত্ত খাটিলেই উন্নতি নিঃসন্দেহ। অভাবের
তাড়নায় এবং কর্মক্ষেত্রের ভীষণ প্রতিযোগিতায় ইহারা ক্রমেই চাষের গুরুত্ব
উপলব্ধি করিতেছে। এতৎপ্রতি প্রজাসাধারণের অধিকতর দৃষ্টি আকর্ষণমানসে
বর্তমান রাজা বাহাদুর রাজবিলাস নামক স্থানে সুবিত্তীর্ণ ভূমিখণ্ডে “মডেল ফার্ম”
খুলিয়াছেন এবং কুমার বাহাদুরও অপর এক “আদর্শ কৃষিক্ষেত্র” খুলিয়াছেন।
তাঁহাদের গুণ্ডচেষ্টা সফল হউক, ইহাই কামনা।

ইছামিরের কৃষিকর্ম দ্বিবিধপ্রকারে নির্বাহিত হয়। প্রথমতঃ জুম এবং দ্বিতীয়
হল। এই ‘জুম’ শব্দটা ইতিপূর্বে বহুবার ব্যবহার করিয়া আসিয়াছি, তাহা
বুঝিতে হইতঃ অনেকেরই কষ্ট হইয়াছে। কিন্তু
জুম। পার্শ্বতাপ্রদেশ মাত্রই অর্থাৎ যে সকল ভূমিতে হল-
চালনার সুবিধা নাই তাছাড়া, জুম করা হয়। সম্রাট ভারতের সমুদয় পার্শ্বতায়
আস্তিত্ব মধ্যে এই প্রথাই কৃষি চলিয়া থাকে। হিমালয় হইতে স্ত্রাম পর্যন্ত ইহার
বিস্তার দেখা যায়। ইহা ব্রহ্ম ও আরাবানে “টংগ্যা” এবং মধ্যপ্রদেশে “ধৈরা”
নামে প্রসিদ্ধ। আর বাঙ্গালার এই “জুম” শব্দটা “জলম” শব্দ হইতে প্রস্তুত কিনা,
সুধীসমাজের বিবেচনা—কেননা ইহাও গমন অর্থাৎ স্থান পরিবর্তনশীল। যেখানে
এক বৎসর জুম করা হয়, তাৎ বৎসরের মধ্যে সে ক্ষেত্রে পুনরায় সেইরূপে জলম

করা চলে না। সুতরাং অনান্যসলভ্য বিস্তীর্ণ জুমি থাকিলে এই প্রথা যদ্য নহে।
কিঞ্চিৎ অধিক পরিশ্রম প্রয়োজন হইলেও যৎসামান্য সুলভনে চলিতে পারে। অথচ
বার্ষিক চাষিগণের মাত্র-স্বাভায়ে—এক দম্পতী সচরাচর দুই একর, নিয়মিত পোড়া
(কেননা ভাগপোড়া না হইলে জুমক্ষেত্রে ঘাস কম হয় বলিয়া পরিশ্রমের দাব্য
ঘটে,) হওয়ার উপযোগী “আকাব্বন” (নিবিড় জঙ্গল) পাওয়া গেলে, চাষি একর
পর্যন্ত জুম করিতে পারে। এই কারণে অধিকাংশ সাধারণ পরিবারে ইহাই
একমাত্র উপায়। সেন্সাস রিপোর্টে নির্ধারিত হইয়াছে, ইহাঙ্গিরের ১৪৭৭২
পুরুষ ও ১২৭৮৯ স্ত্রীলোক কৃষিজীবী; তন্মধ্যে ১৪০২৩ পুরুষ ও ১২০৬০ স্ত্রীলোক
জুম করিয়া থাকে।

পরন্তু এই জুম প্রথার ফলাফল লইয়া বর্তমানে নানা প্রশ্ন উঠিয়াছে। ইহাতে
প্রধান আপত্তির কারণ—প্রথম বস্ত্রব্যয় নষ্ট হয়, দ্বিতীয় তাহাদের স্থিতিহীনতা
বৃদ্ধিকে প্রশ্রয় দেওয়া হয়। এই প্রথম আপত্তি
জুমের ফলাফল।

সহজেই খণ্ডন করা যাইতে পারে। কারণ যে যে স্থানের
বনজাত দ্রব্যাদি রপ্তানী হওয়ার সুবিধা আছে, গভর্ণমেন্ট প্রায় তত্ত্বৎস্থানসমূহ,
এই ধার্কৃত্য প্রদেশের প্রায় চতুর্থাংশ জুমি (১), রিজার্ভ করিয়া রাখিয়াছেন।
সুতরাং যে সকল স্থানের বস্ত্রব্যয়াদি স্থানান্তরিত করিবার উপায় নাই, জুমপ্রথা
না থাকিলে সে সব ক্ষেত্র পতিত থাকিত। এক্ষণে সেই সকল স্থানে কত ধন
সামগ্রী উৎপন্ন হইতেছে। ওদারা দেশেরও কত উপকার হইতেছে এবং গভর্ণমেন্টও
কত রাজস্ব লাভ করিতেছেন। পক্ষান্তরে ইহাতে চাষের ক্ষতি ঘটবার আশঙ্কা
নাই। কেননা পাহাড় (যেখানে চাষ চলে না) ছাড়া জুম হয় না। আর এই
পাহাড়গুলি প্রধানতঃ বাঁশবনে আচ্ছন্ন, জুমিয়ারা প্রধানতঃ বাঁশবন অহুসন্ধান
করিয়াই ক্ষেত্র নির্ধারিত করে। বাঁশের উৎপাদিকাশক্তি এত অধিক যে,
একবার জুম করিয়া গেলে—৫০ বৎসরের মধ্যে সেই জুমি পুনরায় জুমের উপযুক্ত
হয় না। কিন্তু জুমে জঙ্গল কমায় বলিয়া বৃষ্টিও কমিয়া যাইতেছে। ভূতপূর্ব
তেপুটী কমিশনার মিঃ কোর্বিল একদা বলিয়াছিলেন, “এই জুমের ফলে কর্ণকুলী
নদী এক সময়ে বালিতে মজিয়া যাইবে।” বস্তুতঃ তাঁহার ঐকান্ত্যবোধী কল্পনা

(১) প্রায় ১৬৬৫ বর্গমাইল ছিল। তন্মধ্যে হইতে “চাষের জুমির বিভাগের নিমিত্ত” মত
১লা মে (১৯০২) মাসের পূর্ববন্ধ ও আনাম গভর্ণমেন্ট বাইরেরী উপত্যকাবন্দীভূত “রিজার্ভ”
ছাড়িয়া বিরাহেব।

উঠিতেছে, এখন শীতকালে ইহার অনেক স্থানে হাঁটুরা পায় হওয়া যায় (১)। সম্প্রতি “নাইটিং সেন্সুরী” নামক পত্রিকার ত্রীমুখ্ত কে, নিম্নবর্তি ইহার কারণস্বরূপ বলিয়াছেন, জঙ্গল কাটিয়া ফেলিলে সমিহিত বরণাগুলি শুকাইয়া যায় ; কাজেই শীতসময়মে নদীর জল কমিয়া আইসে। তিনি আরও বলেন, জঙ্গলকর্তনে নিকটবর্তী ভূমির উর্বরতা হ্রাস হয় ; সুতরাং আবাদী ভূমির পরিমাণ বেগী হইলেও, ফলে উৎপন্ন অধিক হয় না। দ্বিতীয়তঃ জুমদ্বারা যে স্থিতিহীনতা বৃত্তিকে প্রেরণ দেওয়া হয়, তাহা কতকটা সত্য বটে। যদিও অধুনা কোন কোন জুমিয়ার স্থায়ী বাসস্থানও দেখিতে পাওয়া যায়, কিন্তু তাহা খুবই বিরল এবং অধিকাংশই চিরস্থায়ী নহে। চুঃখের বিষয় চাক্‌মাদিগের অনেকেই অমিতব্যয়িতার প্রায় রিক্তহস্ত থাকে, মূল ধনের অভাবে বাধ্য হইয়া জুমে অধিকতর আকৃষ্ট হইতে বাধ্য হয় ; কিন্তু অপেক্ষাকৃত অল্পমত শ্রেণীর মধ্যগণ তেমন নহে।

পৌষ-মাঘ মাস হইতেই ইহার জুমের উপযোগী নিবিড় বনভূমি অল্পসন্ধান করিতে থাকে। পরন্তু জুমক্ষেত্র যথাগাধ্য একে অপরের অনতিদূরে নির্কীচন করিবার চেষ্টা করে ; তাহাতে বীজবপন, ঘাস উৎপাদন, ফসল সংগ্রহ প্রভৃতিতে ইহার পরম্পর পরম্পরের সাহায্য পায়। ফাল্গুনের প্রারম্ভে—যখন মলয়কর সঞ্চালনে শুষ্কতা নবীন-ললিত সূৰ্যমা ছড়াইয়া চতুর্দিক আকুল করিয়া তোলে, এবং বসন্তের এহেন সজ্জার—কোকিলের অশ্রান্ত অমুরাগে পরসুখকাতরা বিরহিণীগণ অন্তরে অন্তরে ভুবান্ধে জলিতে থাকে, তাহাদিগের সহায়ত্বভূতিতেই যেন সেই সুখ-চুঃখের সন্মিলনকালে “জুমিরাগুণ” বিরহিণীকুল-
কর্তন ও দাহন।

বৈরী বৃক্ষ-বল্লরীর সর্কনাশসাধনে প্রবৃত্ত হয়। যাহারা পূর্বপুণ্যা-ফলে বিরাটকার, অথচ কসলের কোন অনিষ্ট ঘটাইবার সম্ভাবনা নাই, তাদৃশ বৃক্ষগুলি মাত্র বাঁচিয়া থাকে। কিন্তু ইহাতেই যে হতভাগ্যগণ বহুগাধার হইতে রক্ষণ পাইল তাহা নহে ; অনন্তর যখন চৈত্রশেষে হতাশনের গোলজিহ্বার “বাণবদাহন” অভিনীত হয়, তখন মনে হয়, এরূপ মরমে জলিয়া বাঁচিয়া থাকা অপেক্ষা তাহাদের সে সময়েই জুমিরাদিগের কুরাল “তাপলা” বাস্ত্বে নিহত

(১) পূর্ববঙ্গ ও আসামের বর্তমান লেফটেনাণ্ট গভর্নর সার লেফলেট হেরার কে, সি, এস, আই ; সি, আই, ই, মহোদয়ের গত পরিদর্শনকালে স্থায়ী অধিবাসিবর্গ কর্তৃক ফুলীরা এই চর কাটাইবার প্রারম্ভ উপস্থিত করিয়াছিলেন ; তাহাতে তিনি বিশেষ আশ্বাস দিয়া গিয়াছেন। আশা করি অচিরে অল্পতঃ রাজ্যমাটী পর্যন্ত শীতকালে অবাধে টিয়ার চলিবার সুবিধা বৃট্টবে।

হওয়া ছিল ভাল। কর্তনপর্কের পর হইতে ইহাদিগের সহধর্মিণীগণও প্রাণান্তপণে স্বামীর সচারভার-স্বত্বপরা হয়। ইহাদের সেই কর্মজীবন বর্ণনার অতীত। চৈত্রেয় ধরতর মার্ভগুময়ুখমালা ধু ধু করিয়া অলিতেছে, মনে হয় যেন—সরহর এবার কালাগ্নি সদৃশ কোপবহিতে ব্রহ্মাণ্ড ভস্মীকরণে উত্তত হইয়াছেন, সেই দিকে জ্রুৎপ মাত্র না করিয়া জুমিয়া দম্পতি অনাবৃত মস্তকে—অবিচলিত উৎসাহে স্বকাৰ্য্য সাধনে নিরত রহিয়াছে। দরদর ধারার ঘর্ষ প্রবাহিত হয়, ধমনীনিচয়ের ঘন ঘন সঞ্চালনে গৌরাজ আরক্তিম হইয়া উঠে, এই অবকাশে একবার পরস্পরের দৃষ্টিতে আসিলে যাবতীর ক্লাস্তি অবসান পায়, বিশ্রাম আকাঙ্ক্ষা মিটিয়া যায়! সুরসিক বাহারী সেই নির্জন প্রদেশে উদ্ভাস্ত রাগিণীর লহরী তুলিয়া অপূর্ণ প্রণয় সঙ্গীতে আকুল পিয়াসা চরিতার্থ করে; এবং গানের উপসংহার সূচক “কুই” ধ্বনিতে দিগ্দিগন্ত ব্যাপিয়া প্রাণের উৎফুল্লাভাব পরিফুরিত হয়। এতদতিরিক্ত উপহাস-বিদ্রূপ এবং ঠাট্টাকৌতুক ইত্যাদি ইত্যাদি কতই আছে! দম্পতির এহেন সম্মিলিত শ্রম কত যে বিস্কন্ধ আনন্দপ্রদ, তাহা কল্পনার আসিবে না,—কার্য্যে অহুভব করিবার সামগ্রী !!

বস্তুতঃ জুমে অধিসংযোগ এক ভীষণ ব্যাপার! সে সময়ে সবিশেষ সাবধান না থাকিলে বিধম অনিষ্ট, এমন কি প্রাণ-বিয়োগ পর্য্যন্ত ঘটতে পারে। আগুণ লাগিলে চৌদিগ্‌বন্ধ গিরিগুহায় বায়ুদেব দিশাহারা হইয়া যান, তাই রোষে প্রচণ্ড অগ্নিশিখা ইতস্ততঃ সঞ্চালিত করিয়া আততায়ীর প্রাণ বিনাশের চেষ্টা করেন। এইরূপে সমুদয় বনহুলীতে যোয় দাবদাহ উপস্থিত হয়, কোন কোন সময় সেই উদাম হতাশন-জিহ্বা লোকবসতি আক্রমণ করিয়া অসীম ক্ষতি সংঘটিত করে! আগুণ দিবার পূর্বে গুহ বৃক্ষবল্লীর এমনি সূক্ষশীলে সাজাইতে হয়, যেন সর্কাংশে সমতাকে জ্বলিতে পারে, এবং তাহা অকর্তিত জ্বলের সহিত সম্পূর্ণ বিছিন্ন থাকে। সচরাচর বাতাসের নিশ্চল সুযোগেই অধিসংযোগ করা হয়, তখন জুমিয়া দম্পতি সপন্নব শাখা-হস্তে অনলমেঘের সীমা রক্ষা করে। যদি সর্কাক্রকের অব্যাহত প্রভাবে নিত্যন্ত বৃহত্তর কাষ্ঠগুলি ব্যতীত আর সমুদয় ভস্মসাৎ হইয়া

আনুনী-ছুতা ।

একাধিক ইঞ্চি পরিমিত ভূপৃষ্ঠভাগ পর্য্যন্ত পুড়িয়া যায়, তাহা হইলে ইহার জুমে গুহলক্ষণ মনে করিয়া

থাকে। অনন্তর দৃষ্টকাণ্ডিক কাষ্ঠগুলিকে ক্ষেত্রপার্শ্বে সরাইয়া ফেলে; তাহারই সাধারণ সংজ্ঞা—‘আনুনী-ছুতা’, আমাদের কথায়—প্রথম বাহন।

একপে বপনের কাণ্ড। বরণদেব পবিত্র দেহধারার ধর্মীকে সীতল করিলে,

জুমিয়া পরিবারের স্ত্রী, পুরুষ, বালক, বালিকা সকলেই কটিদেশে ধাত্ত, তিল, ভুট্টা, লাউ, কুমড়, শসা, আলু, কচু, মার্কী, বেগুন, চিনার, কার্পাস, তরমুজ প্রভৃতি নানাবিধ শস্তের বীজপূর্ণ “কুম্ব” লইয়া “চুচ্যাং তাগল” হস্তে কেত্রে অবতীর্ণ হয়। তাগল দ্বারা দক্ষিণ হস্তে সমুদ্রে কুম্ব

বপন।

কুম্ব গর্ত্ত করিয়া বামহস্তে তন্মধ্যে কতক মিশ্রিত বীজ রোপণ করে। এই সকল গর্ত্ত তিন ইঞ্চির অধিক গভীর করা হয় না ; বীজবপনের পর সামান্ত মৃত্তিকা উপরিভাগে চাপা দেওয়া হয়।

অনন্তর বৃষ্টি পড়িলে যখন বাবতীর শস্তের চারা উঠিয়া যায়, তখন তাহাদের মধ্যে মধ্যে যে সকল আগাছা জন্মে, তৎসমুদয় অন্ততঃ তিনবার পরিষ্কার করিয়া ফেলা হয়। প্রথমবার জ্যৈষ্ঠ মাসে যে বাছন হয়, “বীজপোতনা,” “কোমর ছুতা” তাহার নাম—“বীজপোতনা”। দ্বিতীয়বার আষাঢ় মাসে

ও “মির ছুতা”।

এবং তৃতীয় অর্থাৎ শেষ বাছন প্রায়শঃ শ্রাবণ মাসেই হইয়া থাকে। এই দুই “ছুতা”কে ইহারি বৎসকে “ছুতীকুচ্যা বা কোমর ছুতা” এবং “মিরছুতা” সংজ্ঞায় অভিহিত করে ; এতদ্ব্যতীত জুমক্ষেত্র নিড়ানের আবশ্যক হয় না। পরন্তু জুম-কৃষিতে বৃষ্টি অধিক হইলে তরি-তরকারীর গাছ-গুলি প্রায় নষ্ট হয়, কার্পাসেরও অপকার ঘটে।

আষাঢ় শ্রাবণ মাসে যখন ফসল বেশ ছটপুট হইয়া উঠে, সে সময়ে তাহারি “জুম পূজার” ব্রতী হয়। ক্ষেত্রের পার্শ্ববর্তী কোনও বনস্পাত-ছায়ার বাঁশের একটি কার্পাসবৃক্ষাকৃতি প্রতিষ্ঠিত করে। ইহাদের মোট

জুমপূজা।

যত দেবতা আছেন, প্রত্যেকেরই উদ্দেশে এক একখানি “নারেই” দুই-দু’খানি পাতার গাঁথিয়া তন্মুদ্রদেশে প্রোথিত করিয়া থাকে। প্রথমে “বৃহত্তারা” দেবের পূজার নিয়ম, অনন্তর গঙ্গাপূজা। ইহাতে নদীকূলে দুইটি ছাগল বলি দিতে হয়। পরে “গইয়া” প্রভৃতি অপ-দেবতাকে পূজা করিয়া একটি শূকর, ১৬টি মোরগ এবং হাঁস, পারাবত ইত্যাদি বলি দেয়। এই উপলক্ষে নিমন্ত্রণের আড়ম্বরও কম নহে, পূজার মতই প্রধানতম উপচার। সঙ্গে একখানি “তাগল”ও দেওয়া হয়। অতঃপর ধান পাকিলে “মা-লক্ষ্মী-মা”র পূজা করিবার রীতি আছে। ইহাতে পূজা পদ্ধতির কিছুই নাই, কেবল ওরা ক্ষেত্র মধ্যে গিয়া একটা শূকর অথবা দুইটি মোরগ কাটিয়া দেয়, এই সঙ্গে কিঞ্চিৎ মদও চালিয়া দিতে হয়। তার পর এক শুদ্ধ ধানগাছ “বুক্ব” মধ্যে পৃষ্ঠোপরি লইয়া গৃহাভিমুখে আসিতে পরিবারের সকলে “লক্ষ্মী মা আস” “লক্ষ্মী-মা আস” বলিয়া ধাত্ত-

শুষ্ককে অভ্যর্থনা পূর্বক গৃহে লইয়া যায়, এবং উচ্চ স্থানে স্থাপন করে। তৎপরে একখানি "বেলাং" এর উপর ধালা কি পাতার তাত ও বলিহস্ত প্রাণীর একখানি পা ও মস্তক সাঝাইয়া "লক্ষ্মী-মা"র সম্মুখে তুলিয়া রাখে, পরিশেষে লক্ষ্মীগণ্ড সকলকে পরিপাটিক্রমে খাওয়ারান হয় এবং প্রসাদীতোক্তা নামাইয়া লয়।

পূর্বেই বলিয়াছি, বস্ত্রপত্তর উপগ্রহ হইতে ফল রক্ষা করিবার নিমিত্ত জুম-ক্ষেত্রের উচ্চতম শৃঙ্গোপরি "মইন বর" প্রস্তুত করিয়া থাকে। জুমিয়াগণ এই সময়ে বৃদ্ধ বা নিতান্ত অক্ষমদিগকে মাত্র গৃহে রাখিয়া জীপুত্রাদিসহ এখানে আসিয়া বাস করে। বস্ত্র হরিণ, শূকর, কুকুর প্রভৃতির পাহারা।

উৎপাত্ত অতিশয় ভয়ানক; বিশেষতঃ ক্ষেত্রে দৌড়া-দৌড়ি করিলে শত্রু একিবারেই নষ্ট হইয়া যায়। অনন্তর উৎপন্ন ফসল সংগৃহীত হইলে ইহারা স্ব স্ব আবাসে প্রত্যাবর্তন করে।

বলা বাহুল্য, বাবতীর ফসল এক সঙ্গে পাওয়া যায় না। প্রথমে গাউ, কুমুড় শসা, বেগুন, মার্কা, চিনার, তরমুজ, ভুট্টা, ইত্যাদি যথাক্রমে দেখা যায়; পরে প্রায় আধিন মাসে ধান পাকে। কার্পাসও তিল পাইতে কাঠিক মাস আসিয়া পড়ে, এই তাহাদের শেষ ফসল।

ফাণ্ডান লুইন বিদেশ করিয়াছেন (১),—এক দম্পতি বৎসরে ময় কাণি (প্রায় এগার বিঘা) জমিতে জুম করিতে পারে। এই জুমিতে বীজের নিমিত্ত গড়ে ৬ আড়ি (২) ধান, ৩ আড়ি কার্পাস এবং এই অল্পপাতে তিল, ভুট্টা ইত্যাদির প্রয়োজন হয়। উক্তির তরি-তরকারীর জন্য গাউ, কুমুড়, মার্কা, শসা প্রভৃতির বীজের আবশ্যক। নিম্নে তাহার নির্দ্ধারিত আয়ব্যয়ের তালিকাখানি উদ্ধৃত করিয়া দেওয়া হইল।—

উপরি-নির্দ্ধিষ্ট জুম-আবাসে আনুমানিক প্রম-মূল্য,—

“ভল্ল পরিষ্করণ—	একজনের ২০ দিন—	দৈনিক মুজুরী পাঁচ আনা হিসাবে	৬।
মুহতম, কাঠাধি স্থানান্তর			
করণ ও সাজান—	”	১০	১০

(১) Appendix D (The Joom),—The Hill Tracts of Chittagong and the dwellers there in.

(২) এক আড়ির ভল্ল সমান ঠোঁক মের।

দক্ষাংশিত কাঠ বুরকেপন—দম্পতির	১০	"	"	"	৬।০
বীজবপন—	৭	"	"	"	৪।০
ঘাস উৎপাটন (প্রথমবার)	২৪	"	"	"	১৫
" (দ্বিতীয়বার)	১২	"	"	"	৭।০
" (তৃতীয়বার)	৬	"	"	"	৩।০
ধান কাটা—	৩৬	"	"	"	২২।০
শস্ত্রাদির ও ড়ি কর্তন—	৩	"	"	"	১।০
কার্পাস তোলা (প্রথমবার)	১৮	"	"	"	১১।০
" (দ্বিতীয়বার)	২৭	"	"	"	১৬।০
" (তৃতীয়বার)	৩	"	"	"	১।০
শস্ত্র আহরণ এবং কার্পাসের					
খোসা ছাড়ান—	১২	"	"	"	৭।০
					১০৮।০

বীজের মূল্য—৪।০

দা-প্রভৃতি— ২।০

ঝড়ি প্রভৃতি—৮
১৫

...

...

সর্বমোট— $\frac{১৫}{১২৩}$

"এক্ষণে দেখা যাউক উল্লিখিত ক্ষেত্রের উৎপন্ন বৎসরের মূল্য পরিমাপ কি হইতে পারে :-

ধান—১৮০ আড়ি, টাকার ৫ আড়ি হিসাবে	...	৩৬
কার্পাস—১২/০ মণ, মণপ্রতি মূল্য তিন টাকা	...	৩৬
তিল ও তরিতরকারী প্রভৃতির মূল্য—	...	৪
		৭৬

এতদ্ব্যতীত বাশকাটা, নৌকাগঠন প্রভৃতি দ্বারা অতিরিক্ত উপার্জনে যেন—

সর্বমোট ১০৬

"কিন্তু এক দম্পতির বৎসরের নৈমিত্তিক খরচ যথা,—

ধান ১২০ আড়ি,	মূল্য	৩৬
মৎস্ত	"	৪
তৈল	"	১
স্বপ্ন-মস্কি প্রভৃতি	"	৪
সুপারি-ভানাক প্রভৃতি	"	১০
কাগড়	"	১২
পুষ্টি প্রভৃতি	"	৫

উৎসবাদিতে	৬
চিকিৎসা ব্যয়	৭
অলঙ্কার-বিবাহাদিতে ব্যয়...	১৫
জুমের দা প্রভৃতিতে	২৪
.. বীজ	৪১

মোট ১০৬

সুতরাং দেখা যাইতেছে, ইহারা যাহা উপার্জন করে, তৎসমস্তই অতি আবশ্যকীয় খরচেই শূন্য হয় (১)। তন্নিম্ন জুমকর ও অপরাপর অপরিহার্য কার্যের নিমিত্ত ইহাদিগকে হয়ত এ সকলকে সংক্ষেপ করিতে হয়; নতুবা ঋণ নিশ্চিত। আমি রাজপুরুষের উপরোক্ত তালিকার কোনও পরিবর্তন করি নাই।

অথচ তিনি যাহা দেখাইয়া গিয়াছেন, তাহাতেও ভূমির অত্যাচার।

ইহাদিগের পারিবারিক অস্বাচ্ছন্দ্য সহজেই প্রতীয়মান হয়। পরস্পর ইতিমধ্যে ইহাদিগের উপর কয়েকটি নতুন কর চাপান হইয়াছে এবং কালের কুটিল গতিতে সাংগারিক খরচের মাত্রাও বাড়িয়া গিয়াছে, সন্দেহ নাই। ইহাদিগের যে অমিতব্যয়িতার উদাহরণ দিরাছি, তাহা ছাড়িয়া দিলেও এই তালিকা-নির্দিষ্ট পক্ষেও পরিবার পরিচালন চক্রহ ব্যাপার। অনেকেই তাদৃশ চুঃসময়ে অনশনক্রমে অবলম্বন করিতে বাধ্য হয় এবং সামান্য অনাবৃষ্টি হইলে ছুঁড়িক-রাফস করাল-জিহ্বা বিস্তার করিতে থাকে।

পূর্বে এদেশেই হল চালনার প্রচলন ছিল না। ১৮৯৯ খৃষ্টাব্দে কাপ্তেন লুইন বলিয়াছেন (২), "হলকর্ষণ দ্বারা কৃষি করে এমন একজন পাহাড়ীকেও আমি জানি না; বাস্তবিক জুম ব্যতীত অন্তবিধ উপায়ে জীবিকার্জন কদাচিৎ পরিলক্ষিত হয়। কতিপয় সম্পন্ন ব্যক্তির বাসসমীপবর্তী সামান্য ভূমিখণ্ড মাত্র কোন কোন সময়ে হলকর্মে হইতে দেখা যায়। কিন্তু তাহারা তৎকৃত্ত বাঙ্গালী চাকর নিযুক্ত করিয়া থাকে। সম্প্রতি "বন সংরক্ষণী (Forest Reserve) বিধি" প্রবর্তিত হইয়াছে। আশা করা যায়, অতঃপর তাহারা (জুমের ক্ষেত্রভাবে) লাভের চাব অবলম্বন

(১) বর্তমানে ধান-কাপাসাদি বেশন মহাধ হইয়াছে, সেই অংশেই জুমের বেশনও কতিপয় চড়িয়া গিয়াছে।

(২) The Hill Tracts of Chittagong and dwellers therein—P. 13-14.

করিবে।" পরন্তু তাঁহারই তিন বৎসর পরবর্তী মত (১),—“চাক্‌মাদিগের মধ্যে এমন এক শক্তি লক্ষিত হইবে, তাহারা হেড্‌ম্যানদের হইতে স্বকীয় স্বার্থ প্রথমে সম্পূর্ণরূপে রক্ষা করিবার চেষ্টা করিবে। সুবিধামূলক বন্দোবস্ত দ্বারা পাঁচবৎসরের মধ্যে এই জাতির প্রায় দুই তৃতীয়াংশ কৃষক হইতে পারিবে।”

উদ্যোগ ভবিষ্যৎদ্বারা সার্থক হইয়াছে। গভর্ণমেন্টের সহায়তা এবং স্বর্ণগত মহারাজ হরিশচন্দ্র ও নীলচন্দ্র দেওয়ান মহোদয়দ্বয়ের ঐকান্তিক উত্তোগে এদেশে যে, লাজলের চাষ প্রবর্তিত হয়, অধুনা তাহা বহুল বিস্তারিত। ১৮৮১ খৃষ্টাব্দে

চাষে সাহায্য করিয়া বখন এসম্বন্ধে আপত্তি উঠে, সরকার বাহাদুর অতি ধীরভাবে তদ্বিচার মীমাংসা করিয়াছেন (২)।

তাহা ছাড়া, ১৮২২ সালের আইন প্রণয়নকালেও ইহার প্রতি যথেষ্ট দৃষ্টি রাখা হইয়াছে। প্রথম তিনবৎসর সম্পূর্ণ নিষ্কর ভোগদখল করা যায়। পরে একবার চোরালিয়া নিরিখে যে কর নির্দ্ধারিত হয়, তাহা দশ বৎসর যাবৎ অপরিবর্তিত থাকে। সাধারণতঃ হালচাষের প্রতি লোকের উৎসাহ বৃদ্ধি মানসে করের হার খুবই কম রাখা হয়। রাজা এই প্রাপ্ত করের ষোড়শাংশ মাত্র পাইলে হেড্‌ম্যান অষ্টমাংশ পাইবার ব্যবস্থা হয়। তাহাতে ইহার কারণও লিখিত রহিয়াছে। হেড্‌ম্যানগণ চাষকার্য্য বিস্তৃত করিতে অধিকতর চেষ্টা করিবেন আশায় তাঁহাদিগকে রাজা হইতে এত অধিক পরিমিত লভ্যাংশ প্রদানের ব্যবস্থা হইয়াছিল। পরবর্তী বিধিতেও চাষকরের প্রাপ্ত টাকাপ্রতি হেড্‌ম্যানের তিন আনা এবং রাজাবাহাদুরের ভাগে দুই আনা নির্দিষ্ট হইয়াছে।

বড়ই সুখের বিষয়, কর্তৃপক্ষের এতাদৃশী চেষ্টা ফলবতী হইতে আরম্ভ হইয়াছে (৩)। অধুনা চাক্‌মাদিগের চাষের প্রতি একটু মতিগতি কিরিয়াছে।

চাষের বিস্তার:

উপযুক্ত মূলধন সংগৃহীত হইলে ইহার স্বতঃই তাহাতে প্রবৃত্ত হয়। ফেনী ও ঢাকার তীরবর্তী সমস্ত জমি

(১) Letter No. 532—To the Commissioner of Chittagong, dated 1st. July 1872.

(২) See the offg. secretary of Bengal—Mr. A. P- Macdonall's letter No. 1985-797 L. R. dated 1-9-1881.

(৩) সরকারী কাগজপত্রে দেখা যায়, ১৯০৩-০৪ সালে

চাক্‌মা সার্কেলে ৪০০৫ একর ১ রোড ৩৩.পোল—

সমূহে একমাত্র হল চালনাতেই আবাদ চলিতেছে ; তথাকার জমিগুলিতে উৎ-
পাদিকা শক্তিও সর্বাপেক্ষা অধিক । পক্ষান্তরে এই চাষবিস্তারের ফলে—ইহার
যে পূর্বে নিয়ত বসতি স্থানান্তরিত করিত, তাহা বহু কমিয়াছে ; এক্ষণে অনে-
কেই স্থায়ী বাড়ীঘর প্রস্তুত করিতেছে ।

কিন্তু ইহাদিগের ভিতর এই চাষবিস্তারের মূলে বাঙ্গালীদিগের সহায়তাও
কম উল্লেখযোগ্য নহে । ১৮৭৫ খৃষ্টাব্দের ১৭ই জুন ডেপুটি কমিশনার মিঃ
পাউয়ার বিভাগীয় কমিশনার বাহাজুরের নিকট যে
বাঙ্গালী সাহায্য । (নম্বর-৪৭২) পত্র দেন, তাহাতে উল্লিখিত ছিল,
“এই জিলায় ত্রিবিধ প্রধায় ভূমির চাষ হয় । ১। কেবল মাত্র বাঙ্গালীদিগের
চাষ, ২। বাঙ্গালী ও চাক্‌মাদিগের সম্মিলনে চাষ (রাঙামাটি ও নীলচন্দ্র
দেওস্থানের গ্রামে) এবং ৩। পাহাড়ীগণদ্বারা কর্ষণ।” পরবর্তী কমিশনার মিঃ
বীমসুও বাঙ্গালীসংসর্গজনিত এই উপকার স্বীকার করিয়াছেন (১)। তবে
আক্ষেপের কথা এই যে, এত বৎসরের সহায়তাতেও চাক্‌মাদিগের অধিকাংশ
এথাবৎ সম্পূর্ণ অনগ্রনির্ভর ভাবে লাঙ্গলের কাজ চালাইতে পারে না ; বাঙ্গালী
ভৃত্য রাখা অনেকেরই আবশ্যক হইয়া পড়ে । গুনিতেছি “রাজবিলাস মডেল
ফার্মে” রাজাবাহাজুরের কোনও লাভ নাই, অধিকন্তু মধ্যে মধ্যে ক্ষতিগ্রস্ত
হইতে হয় । তাহার কারণ, একেত পরনির্ভরতা, তাহাতে আবার বিজাতীয়
বিদেশীয় চাকর, তাহাদের তত সহায়ভূতি থাকিবে কেন ? বাহা হউক, তথাপি
যে তিনি নিজে ক্ষতিস্বীকার করিয়াও প্রজাসাধারণের উন্নতির চেষ্টা করিতেছেন,
তজ্জন্ম তিনি ষপার্থ ভক্তি ও কৃতজ্ঞতার পাত্র ! পরনির্ভর হইলেও ইহারা যে
চাষে পাহাড়ী আর সকলের দৃষ্টান্তস্বরূপ, সন্দেহ নাই ।

এই ত গেল ধানের চাষের কথা ; ইক্ষুর চাষও ইহাদের মধ্যে সাতিশর
বিস্তৃত হইয়া পড়িয়াছে । ইহাতে সুবিধাও আছে মন্দ নহে । একবার বণন
করিলে তিন বৎসর যাবৎ ফসল পাওয়া যায় । পূর্বে ইক্ষুরা এতাদৃশী সুবিধার
কথা অবগত ছিল না । কয়েক বৎসর হইল অত্রত্য বাঙ্গালী অফিসার (officers)

ধোমাং সার্কেলে ৪১১২ একর ২ রোড ১০ পোল
মণ্ড " ৪১৭৪ " ২ " ৩২ " ভূমির আবাদ হই-
রাছে। তাহার রাজস্ব পরিমাণ ২২০০০ টাকা। কিন্তু ১৮৭৫ সনে কৃষিসংক্রান্ত কর মাত্রই
ছিল না ।

(১) See the letter No. 227 H. dated 5-9-1879.

বাবুরা বোধ মূলধনে রাঙামাটির পার্শ্ববর্তী মাঠে ইক্ষুর চাষ আরম্ভ করিয়াছিলেন । কিন্তু পরিচালকের ক্রটিতে তাহা অকালে ধ্বংস হইলেও তদ্বারা পার্শ্বভাগদিগের ইক্ষুচাষের পথ উন্মুক্ত হইয়াছে । তন্নিম্ন ইহার শীতকাল আসিলে শুষ্ক নদী-সৈকতে তাম্রকূট বীজ বপন করে । ইহাতে বিশেষ ইক্ষু, তামাক ও সবিসার চাষ। কোন পরিশ্রম নাই, তেমন শক্ত বেড়াও দিতে হয় না । কেবল মাত্র কষ্ট এই যে, পাতার মূল দিয়া যে সমুদয় নব-মুকুল বাহির হয়, প্রত্যহ তৎসমস্ত ভাঙ্গিয়া দেওয়ার প্রয়োজন ; নতুবা পত্রগুলি সতেজ হইতে পারে না । আর হলকুট ভূমিতে সরিষাও ছড়ায় । শীতাগমে ফুল ফুটিলে ক্ষেত্রের হরিদ্রাভার দূর হইতে দর্শকের নয়নপ্রাণ বিষ্ময় হইয়া যায় !

“রাজবিলাস মডেল ফার্মে” নবপ্রচলিত বিশেষ কোন বৈজ্ঞানিক স্রীতি অনুসৃত হয় না । কিন্তু কুমার রমণী বাবু স্বীয় “আদর্শ কৃষিক্ষেত্রে” এনিমিত্ত যথাসাধ্য প্রয়াস পাইতেছেন । তিনি চট্টগ্রাম বৈজ্ঞানিক চাষ। “বিভাগীয় কৃষিসমিতি”র অগ্রতম সভ্য ; স্তরায় তাহাতেও সাতিশয় সাহায্য পাইতেছেন । তা’ ছাড়া কৃষিসম্বন্ধীয় নানাবিধ পুস্তিকা এবং মাসিকপত্র অবলম্বনে তাঁহার যাদুশী চেষ্টা দেখিতেছি, তাহাতে আশা হইতেছে,—“আদর্শ কৃষিক্ষেত্র” কালে নিশ্চিতই সফলতা প্রদান করিবে । সবুড়েপুটি বাবু কৃষ্ণচন্দ্র দেওয়ান কৃষিবিষয়ক গ্রন্থাদির সাহায্যে তদীয় রাঙামাটি বাসার অনতিবিস্তৃত প্রাঙ্গণে বৎসর বৎসর শাকসবজীর চাষ করিয়া থাকেন । মৃত্তিকার অনুর্করতানিবন্ধন তাঁহার বহু চেষ্টাতেও আশারূপ ফল পাওয়া যায় নাই । বাবু কৃষ্ণকিশোর দেওয়ান তাঁহার বাড়ীতে আলুর চাষ করিয়াছিলেন তদুৎপাদিত এক একটা আলু ওজননে প্রায় আধপোয়া তিনছটাক হইবে ; কিন্তু আশ্বাদে ননীতালের আলুর সমান নহে । তথাপি ইহাতে তাঁহার যথেষ্ট চেষ্টা প্রকাশ পাইতেছে । এজন্য তিনি অবশ্য ধন্যবাদের পাত্র ! ‘কাচালঙের মুখ’ নিবাসী বাবু ইন্দ্রকয় দেওয়ানের নাম এখানে সর্কাশেফা অধিক উল্লেখযোগ্য । তিনি গতপূর্বে প্রদর্শনীতে সকলকে দেখাইয়া বিস্মিত করিয়াছেন যে, এই পার্শ্বভাগ মুক্তিকাগর্ভে বিস্তর বহুমূল্য রত্ন নিহিত রহিয়াছে ! প্রধানতঃ তাঁহার উৎপন্ন কলা, মুলা, সালগম, বেগুণ, কুমুড় ও কচু সর্কসাধারণের দৃষ্টি আকর্ষণ করিয়াছিল । স্বীয় অসামান্য অধ্যবসায় এবং শ্রীবুদ্ধ প্রবেশচন্দ্র দে প্রমুখ

কতিপয় সুপ্রতিষ্ঠিত কৃষিবিদগণের প্রচারিত গ্রন্থ সাহায্যেই তিনি সাঙ্খ্য লাভ করিয়াছেন। আমাদিগের বিবেচনার প্রদর্শনীর উচ্চতম পুরস্কারও তাঁহার পক্ষে বঞ্চেই হয় নাই। যদি সমুদয় গভর্নমেন্ট একত্র তদীয় পোষকতা করেন, তবে তিনি আরও উন্নতি করিতে পারিবেন,—আশা করা যায়।

[২]

দাশ্য—নানাজাতীয়। উন্ন্যে আবার প্রত্যেক জাতি কতিপয় শ্রেণীতে বিভক্ত। যথা,—বিনি দ্বাদশ প্রকার। “কবা বিনি” (১), “বীদরা” বা “হুথ বিনি”, শূকরের “লৌ-বিনি”, “গেরৈংছা বিনি”, “ফোংছা বিনি”, অথবা “লবা বিনি”, “ধোবা বিনি”, “উত্তরো বিনি”, “রাতা বিনি”, “কুড়ি বিনি”, “লকা বিনি”, “ধেবি বিনি”, “লক্ষাপোড়া বিনি” ইত্যাদি। “ভুর্কি” দুইপ্রকার, সাদা ও কাল। “বার্ডেরা” ত্রিবিধ—“বড় বার্ডেরা”, “ছোট বার্ডেরা” এবং “চিকণ বার্ডেরা”। “কাত্রাং”ও তিন জাতীয়—বড়, ছোট ও চিকণ। “ছুরী” ত্রিবিধ—“জৈট ছুরী” এবং “এমি ছুরী”। এইগুলি প্রায় ভাদ্রের শেষভাগে পাকে। আর সকলের মধ্যে “মেইলি” দুইপ্রকার—“মেইলি” ও “রঙ্গী”; কবোরক বড়বিধ—“কলা”, “রাঙা”, “ধোবি”, “হেইল”, “লুম্ফ্র” ও “পেলাং”। এই সমুদয় এবং “গেইলং” প্রভৃতি শ্রাবণের শেষ কি ভাদ্রের প্রথমেই পরিপক হয়। এতদ্বিত “ট্যাথোঁ”, “পর্তকি” ও মধুমালতী প্রভৃতি জ্যৈষ্ঠমাসে বপন করে, আশ্বিন মাসে পাকিয়া যায়; এবং “কামইন খান” ভাদ্রমাসের মধ্যেই পাকে।

ভুট্টা।—স্থানীয় নাম মোকা, ইহা চারি জাতীয়। যথা,—“বিনিমোকা”, “চিম্বমোকা”, “লালমোকা” ও “ধোপমোকা”। এগুলিও ভাদ্রমাসের মধ্যে পাকিয়া যায়।

তিল—দুই প্রকার; সাদা ও কাল। কিন্তু

সরিষার—কোনও প্রকার ভেদ নাই।

কার্পাস (২)—দ্বিবিধ; “ফুলসুতা” ও “বিনিসুতা”। “ফুলসুতা” ধবলবর্ণ ও উৎকৃষ্ট। জুমে প্রধানতঃ ইহারই চাষ হয়। “বিনিসুতা” গাঢ় পিঙ্গলবর্ণ—

(১) আমরা এখানে অহবিধার পড়িয়া কোটেনস চিহ্নে চাক্ষুস নাম দিতে বাধ্য হইলাম।

(২) কার্পাস এদেশে পর্যাপ্ত পরিমাণে হয় বটে, কিন্তু এসকল কার্পাস অতি নিকৃষ্ট। বস্ত্রস্বত্র পক্ষে এ সমুদয় সম্পূর্ণ উপযোগী নহে। ইহার অধিকাংশ পশদের সহিত মিশাল দেওয়ার নিমিত্ত জরদীমিতে চালান যায়। যদি সদাশয় গভর্নমেন্ট এদেশে উৎকৃষ্ট কার্পাসের বীজ বিতরণ করেন, তবে বড়ই উপকার হয়।

কেহ ইচ্ছা করিয়া ইহার বীজ বপন করে না। “ফুলের” বীজের সহিত ইহার বীজ মিশ্রিত হইলে সামান্য পরিমাণে দেখা যায়।

তামাক—“কফিপাতা”, “খোলমোকরা” প্রভৃতি নানাজাতীয় আছে, তন্মধ্যে শেবোক্ত রকমই প্রধান।

আউক ও—দুই তিন রকমের আছে, তন্মধ্যে “খাওগ্যা” শ্রেণীর নূতন আমদানী হইয়াছে। ইহার ছাল শক্ত বলিয়া বস্ত্র পণ্ডতে নষ্ট করিতে পারে না। ইক্ষুর স্থানীয় নাম—“কুছাল”, চট্টগ্রামে “কুস্তার” বলে।

আলু—“মোম (লাল) আলু”, “বীশতারা আলু”, “ছিমি আলু”, “রং আলু”, “জুরো আলু”, “কুইরাং আলু”, “লাল কেইলা আলু” এবং “নাবা ফেইলা আলু” প্রভৃতি।

কচু—“ওল কচু” (ওজনে প্রায় ১৫ মণেরও অধিক হয়), মানকচু, “চাকমা কচু”, “কুলুপা কচু”, “বিনি কচু”, “গুন্ধা কচু” “কসুরী কচু”, “নদে কচু” “বিষ কচু”, “ছ-কচু” প্রভৃতি স্থলজাত। এবং “পাত্তা কচু”, “হেরা কচু”, “মোদ্দম কচু”, “কাল গোয়ারী কচু”, ও “নাবা গোয়ারী কচু” ইত্যাদি জলজ।

তরি-তরকারী।—বেশুণ দ্বিবিধ—“বারমাত্তা বিশুণ” ও “জৈট বিশুণ”। এতদ্ভিন্ন “মাষারা”, “চিল্লিরা”, সশা, “কুছগুলা” (লাউ) (২), “ইউরীগুলা” (কুমড়), “কাঁরাগুলা” (কাঁকরোল), “তিতাগুলা” (উচ্ছে), “চেরস”, বিঙা, “কৈদা”, “ছমি” (সিম), “ছুমিছমি” (অরহর); শাকের মধ্যে পুঁইশাক, “ছাব্রেংশাক”, “ফুছিশাক”, “ওজোনশাক”, “মারিস শাক”, “নারিচ শাক” “গাং-কুল্যা শাক”, “ইয়ারং শাক”, কচুশাক, টেঁকি শাক এবং লেংরা শাক ইত্যাদি। এতদ্ভিন্ন—

লক্ষা ও—নানাজাতীয় আছে; এবং বাধরের মধ্যে “রাইবাহর”, “জুমোরা বাহর” প্রভৃতিও পর্যাপ্ত পরিমাণে আছে।

(১) ইহার বাবতীর ‘ফল’ অর্থেই “গুলা” শব্দ ব্যবহার করে। এই সঙ্গে এতদ্দেশে উৎপন্ন কতিপয় বস্ত্র ফলেরও তালিকা রাখিয়া গেলাম। যথা,—“ঘেরে আম”, “রামকলা” “কেরেঞ্জা”, “হাজা লেনু” (পার্তিলেনু); “করাল” (বাতাবি লেনু), “তুকরা”, “মিটালেনু”, “নারেং কমলা”, “কাদালেনু”, “পুকরেং”, “ধল-কো”, “রোগুৎ-কো” “পুৎপাতা-কো”, “আমা” (আমড়া), “জলপেই”, “কাদামালা”, (আমলকী), “হতালু” (হরিতকী), “বঁড়াগুলা” (বহেরা), “কুহরগুলা”, “ভারাতাগুলা”, “পিলাগুলা”, “দেমলগুলা”, “ছবেইগুলা”, বঁড়াগুলা, “জৈৎগুটগুটা”, “সবগুটগুটা”।

পঞ্চদশ পরিচ্ছেদ ।

(শিল্প ।)

[১] বস্ত্রশিল্প—[২] বেতের বুনন—[৩] নৌকাগঠনাদি ।

শিল্পরচনার চাক্‌মাজ্‌জাতি পশ্চাৎপদ নহে । বরং তন্নিমিত্ত ইহাদের মধ্যে একটি উৎকট আকাঙ্ক্ষা দেখিতে পাওয়া যায় । যে সময়ে আমাদের রমণী-সমাজ নিদ্রালগ্নে কিংবা 'নভেল' পাঠে কাল অতিবাহিত করেন, চাক্‌মাজ্‌গৃহিণী সেই সময়ে সাংসারিক অভাব পূরণে নিরত থাকে ।

শিল্পাসক্তি ।

দিনের বেলায় তাহাদের অবসর মাত্রই নাই । যদি গৃহকর্ম্ম সারিয়া যৎকিঞ্চিৎ অবকাশ লাভ হয়, তখন তাঁতখানি হইলেও লইয়া বসে । রাজিরও অধিকাংশ ধরিয়া সূতা কাটা বা সূতার বীজ ছাড়াইতে ব্যস্ত থাকে । ইহাদিগের এতাদৃশ অশ্রান্ত কর্ম্মতৎপরতা দেখিলে দয়া ও ভক্তি যুগপৎ প্রবাহিত হইয়া হৃদয়কে আগ্রত করিয়া তোলে ! আমরা এই পাহাড়ীজীবনের আলোচনাকালে তৎপ্রতি বঙ্গীয় পাঠিকাগণের দৃষ্টি আকর্ষণ করিতেছি । আশা আছে, ইহাদের হইতে তাঁহারা গৃহিণীপনার গুরুত্ব উপলব্ধি করিতে পারিবেন ।

বর্ত্তমান সভ্যতার সংজ্ঞামতে যে জাতি যত অধিক পরিমাণে আত্মনির্ভর, তাহাদের সভ্যতা গৌরবও তত বেশী ! ইহাই শুধু সভ্যতার পরিমাপক হইলে

শিল্প পরিমাপ ।

চাক্‌মাজ্‌গণকে অসভ্য বলিয়া ক্রকুঞ্চন কখনই মুক্তিদাতা নহে । পূর্বেই বলিয়াছি, ইহাদের মধ্যে সূত্রধর, স্বর্ণকার, কুম্ভকার, কর্ম্মকার ইত্যাদিরূপে শ্রমবিভাগের দ্বৈত প্রতীবন্ধক নাই । সূত্রায় বংশমর্যাদা-নির্কিংশেবে সকলেই শিল্পোন্নতি সাধনে সুবিধা পাইয়া থাকে । এমন কি ইহাতে ধনী নির্ধনের মধ্যেও কোন তারতম্য দেখা যায় না । ইহাও একটি গৌরবের কারণ বটে যে, চাক্‌মাজ্‌গণ কর্তব্য সাধনকালে

স্বকীয় পদগৌরব সম্পূর্ণ ভুলিয়া যাইতে পারে। কিন্তু শিক্ষার অপরিমিততা নিবন্ধন ইহাদিগের শিল্প সাধনায়-এবং বৈজ্ঞানিক অভিজ্ঞতা অতি সামান্য পরিমাণেই প্রবেশ করিতে পারিয়াছে।

এই পাহাড়ীদিগের কৃষি ও শিল্পের উন্নতি কল্পে—অত্রত্য সুপারিন্টেন্ডেন্ট মিঃ হাচিন্সন মহোদয়ের উদ্যোগপরায়ণতায় বিগত কয় বৎসর ধরিয়া “প্রদর্শনী” হইয়া (১) আসিতেছে। মাননীয় গভর্ণমেন্ট তজ্জন্ত বার্ষিক ২০০ হই শত টাকা করিয়া দিয়া উদারতার পরিচয় দিতেছেন। ইহাতে স্থানীয় রাজস্ববর্গও অর্থ সাহায্য করিয়া থাকেন।

শিল্পে সাহায্য ।
রাষ্ট্রমাটিতে এই “প্রদর্শনী” অল্পক্ৰমে হ্রস্ব হইয়া গিয়াছে। ইহা হই দিন যাবৎ স্থায়ী থাকে। এ উপলক্ষে যাত্রা, সার্কাস, নৌকাচালান, দড়িটানা (Tug of war), দৌড় প্রভৃতি আমোদ প্রমোদেরও অভাব হয় না। পাহাড়ীরা তাহাদের প্রদর্শিত দ্রব্যের নিমিত্ত যথাযোগ্য পুরস্কার লাভ করিয়া থাকে। ইতিমধ্যে তাহাদের প্রতিযোগিতা যেরূপ উন্নতিশালী হইয়াছে, তাহাতে আশা করা যায়, “প্রদর্শনী”র উদ্দেশ্য শীঘ্রই সফলপ্রসূ হইবে। এই পুরস্কৃত লোকদিগের অধিকাংশই চাকমা জাতীয়। গুণসাপেক্ষ বিচার হওয়াতে ইহারাই সমধিক লাভবান হইতেছে। তদ্বারাও অবশ্য বুঝিতে পারা যায় যে, অত্রত্য পাহাড়ীদিগের মধ্যে চাকমাগণই কৃষি ও শিল্পে অপেক্ষাকৃত উন্নত।

[১]

প্রদর্শিত দ্রব্য সকলের মধ্যে ইহাদের বঙ্গশিল্পই সাতিশয় উল্লেখ যোগ্য। বর্তমান সময়ে ভারতের সর্বত্রই এতৎ সৰ্ব্বত্র প্রাধান্য উঠিয়াছে, প্রত্যেক ভারতবাসীরই ইহা লইয়া ধীর ভাবে চিন্তা করা উচিত। কিন্তু শত ধন্ত চাকমা মহিলায়, তাহারা লজ্জা নিবারণের নিমিত্ত পরমুখাপেক্ষী হইয়া নাই। তনু-রাহি, প্রথম বক্ষে জড়াইবার বস্ত্র (খাদী) ধানি প্রত্যেকের নিজেকেই প্রস্তুত করিয়া লইতে হয়। কথাটা সত্য হইলে তাহাকে শিল্প-শিক্ষার এক মনোরম শাসন বলিতে হইবে।

শিল্পশাসন।

এইরূপে প্রত্যেক চাক্ষুস মহিলাই বস্ত্র বয়নে অন্নবিস্তর পারদর্শিনী ; বয়ন শির তাহাদের শিকার অন্ততম অঙ্গ । (১)

ইহাদিগের (হাতের) তাঁতে বস্ত্র বয়ন একটু সময়সাপেক্ষ সত্য, কিন্তু তাহাতে এমনি মনোহর ফুল তোলা যায় যে, দেখিতে স্বতঃই প্রশংসা করিবার ইচ্ছা জন্মে । এই সকল তাঁতে মোটা সূতার কাজই ভাল চলে । পরন্তু ইহার রেশমী বস্ত্র শিল্পেও সবিশেষ নৈপুণ্য দেখাইতেছে । স্বর্গীয়া চাক্ষুসরাণী দয়াময়ীর স্বহস্ত নিৰ্ম্মিত ছইখণ্ড রেশমী বস্ত্র “বোম্বাই প্রদর্শনী”তে কিরূপ সম্মান লাভ করিয়াছিল, তাহা যথাস্থানেই প্রদর্শিত হইয়াছে ।

উন্নতি।

অপর সকলের মধ্যে ‘কাচালগেরমুখ’ নিবাসী শ্রীযুক্ত ইন্দ্রজয় দেওয়ান এবং তদীয় পুত্র চেলীতীরবাসী শ্রীযুক্ত রাজচন্দ্র দেওয়ানের পরিবারেই অপেক্ষাকৃত পটুতা দেখা যায়,। সম্প্রতি শেখোক মহোদয়ের অন্যতম আমাতা চেলীবাসী বাবু শশীমোহন দেওয়ান একখানি “ফ্লাইলাটেলুম” আনিয়া স্বীয় বাড়ীতে কার্য আরম্ভ করিয়া দিয়াছেন । তাহার কাজ যে কিরূপ চলিতেছে, এথাবৎ সে সংবাদ পাওয়া যায় নাই । তবে ইহাদের হাত যখন অভ্যস্ত আছে, তখন সফলতা লাভে যে বহু বিলম্ব হইবে, বোধ হয় না । ইহারা সুরুত্ব কাটিতে জানে না । সূতরাং অধিকাংশ কাপড়ের নিৰ্ম্মিত বিদেশজাত সূতা আমদানী হইয়া থাকে । এ সকল সূতা সাদাই আসে । পরে ইহারা প্রয়োজন মতে বিশেষ বিশেষ বুদ্ধবস্ত্রীর নিৰ্ব্বাসি দ্বারা বিবিধ বর্ণে রঞ্জিত করিয়া লয় । সচরাচর “কালাগাব” বুদ্ধের বকুল জলে সিন্ধ করিয়া কাল রং, তাহাতে কাল্মা যোগে নীলরুক্ষ, কার্দামাপাতা পঁচাইয়া চূর্ণ মিশাইলে বা হলদি ও আমগাছের ছাল দিয়া পীত, কাল্মা ও হলদিতে সবুজ এবং ‘রঙগাছের’ শিকড় চূর্ণ করার জলে মিশাইয়া লোহিত রঙ করিয়া লইয়া থাকে । এই সকল রঙকে পাকা করিতেও বনজপত্র বিশেষের রস ব্যবহৃত হয় ।

বস্ত্রপরিচয়।

ইহাদিগের নিৰ্ম্মিত সাধারণ বস্ত্রশিল্পগুলির পরিচয়

নিম্নে দেওয়া গেল । যথা—

“পিন্ধন”—স্ত্রীলোকদিগের পরিধেয় বস্ত্র । পূর্বেও ইহার একরূপ পরিচয়

(১) শুনিতে পাই, পূর্কালে ইংরাজ-অর্দ্ধাঙ্গিণীগণও বস্ত্র বয়নে তৎপরা ছিলেন, তন্মূলক

এংলোসান “wifian” শব্দ হইতে ইংরাজী ওয়াইফ্ (wife) কথাটা আসিয়াছে । তাহা হইলে এজন্যে করজন ইংরাজ-মলনা সার্ভিক ওয়াইফ্ (wife) সংজ্ঞার অধিকারী ?

প্রদত্ত হইয়াছে। ইহা শেষে তিন হাত এবং প্রস্থে দুই হাত পরিমিত হইবে। বর্ণ গাঢ় নীল, মধ্যে প্রায় চারি অঙ্গুলী করিয়া বিস্তৃত লোহিত বর্ণের দুইটি সুদীর্ঘ ডোরা থাকে। ইহা প্রধানতঃ মোটা সূতাতেই প্রস্তুত হয়।

“খাদী”—বন্ধোবন্ধন বস্ত্র দৈর্ঘ্যে ২½ কি ৩ হাত, কিন্তু প্রস্থ এক ফুটের অনধিক। “খাদী” দুই জাতীয়—“রাঙা খাদী” ও “ফুল খাদী”, “রাঙা খাদীতে” লাল সূতার কাজই বেশী, “ফুল খাদী”তে ফুল রচনাতেই অধিকতর মনোযোগ থাকে। ইহাতে “বাদই চোখ”, “ত্রিপুরাউলু ফুল”, “করুণা ফুল” প্রভৃতি নানা রকমের ফুল তোলা হয়।

“ধবং”—পাগড়ী। ইহার সূতা সাদা, তবে যুবতীদের “ধবং” প্রান্তে লোহিত-বর্ণ রঞ্জিত সূতার ‘ফুল’ তুলিয়া থাকে। দৈর্ঘ্যে প্রায় তিন হাতেরও অধিক, প্রস্থ কোনরূপে এক হাত মাত্র হইতে পারে।

“কর্জ্বাল”—‘ব্যাগ’ (Bag) বা থলি বিশেষ। ইহা স্বকোপরি হইতে উপবীত প্রায় বুলাইয়া লয়।

“পানের খল্যা”—ইহাকেও থলি বলা যায়; পান, সুপারী প্রভৃতি রাখিবার জন্য ব্যবহৃত হয়।

“গামছা খানি”—সচরাচর গা-মুছিবার নিমিত্ত প্রস্তুত হইলেও অনেক পুরুষ গরীব-দুঃখী ইহা পরিধানও করিয়া থাকে। ইহা নানা বর্ণেরই হয়। দীর্ঘ ৩ কি ৩½ হাত এবং প্রস্থ ১ কি ১½ হাত; কোন কোন “গামছা খানি”তে ফুল ও তোলা হয়।

“তৈইলা”—ইংরাজী towel শব্দের অপভ্রংশ। ইহা যে অমুকরণে আসিয়াছে, সহজে বুঝা যায়। এখনও সকলে এমন কি অধিকাংশ স্ত্রীলোকে ইহা প্রস্তুত করিতে জানে না। ইঙ্গলয় ও রাজ্যে বাবুর বাড়ীতে যে তোয়ালে প্রস্তুত হয়, তাহা প্রায় বিলাতী ‘তোয়েল’রই অমুকরণ। সম্ভবতঃ সর্বদো তাঁহাদের পরিবারেই এই অমুকরণ চেষ্টা আরম্ভ হইয়াছিল।


“আলাম্”—ইংরাজী (chart) “চার্টের”ই অমুকরণ। ইহাতে হরের রকমের ফুল লতাধির নমুনা রক্ষিত হয়। বস্ত্র বয়নকালে ইহা আদর্শরূপে ব্যবহৃত হইয়া থাকে।

“বর্গি।”—ইহা “জিলাপ” নামেও প্রসিদ্ধ। সাধারণতঃ বর্ণ ধবল, দুই দীর্ঘ ধারে লোহিত বর্ণের সামান্তরূপ পাইয়। দৈর্ঘ্যে ১০ হাত ও প্রস্থে দুই হাতের দুই খানি কাগড় তৈয়ার করিয়া, উভয় খানিকে জোড়াইয়া চারি হস্ত পরিমাণ

বিস্তৃত করে। অনন্তর তাহাকে দুই ভাঁজ অর্থাৎ ৫ হাতে \times ৪ হাতে করিয়া শীতের সময় গায়ে দেয়।

এতদ্বিধ চাক্ষুসমণীর প্রস্তুত “ছিলুম” (কোষ্ঠী, এর কাপড়, বালিসের কাপড়, বিছানার চাদর, টেবিলের চাদর, বিশেষতঃ ঘাণা-পাশা প্রভৃতি ‘খেলার ঘরে’ হৃন্দর কারুকার্য প্রকাশ পাইয়া থাকে।

বয়ন প্রণালী।—ঊঁত অশেফাকৃত ছোট, স্ত্রীলোকদিগের ঘরাই পরিচালিত হয় বলিয়া প্রায়ে কোনরূপে দুই হস্তের অধিক নহে। কারণ, ইহাতে ও



তাঁহাদিগকে হেলিয়া চলিয়া মাকু চালাইতে হয়। ঊঁত খুলাইবার নিমিত্ত বস্ত্র কোনও ঘর নাই। সচরাচর “ইজরে” বসিয়াই বস্ত্রবয়ন করিতে দেখা যায়। জ্বরের খন্দকালে জ্বরিতা মহিলাগণ ঊঁতের কাজে হাত দিতে পারে না। পরে অবসর মতে অর্থাৎ সাংসারিক নৈবেত্তিক কার্যাদি পারিয়া—যে সময়ে আমাদের বঙ্গমহিলাগণ নিদ্রাস্থলসম্বন্ধে কাটার, তখন ইহারা ঊঁত বানি লইয়া ঘসে। এইরূপে “পিঁপনের” মত এক খানি কাপড় তৈয়ার করিতে প্রায় সাপ্তাহিককাল গত হয়। কিন্তু কাপড়ও এরূপ টেকসই হয় যে, দুই খানি “পিঁপনে” অবশ্যে দুই বৎসর কাটিয়া যায়।

টানাগুলির উত্তর প্রান্ত দৃঢ়-সম্মিবদ্ধ থাকে, এক প্রান্ত “তাম্বোরা বাঁশে (১) আবদ্ধ করিয়া, বাঁশের উত্তর দিক্ সম্মুখস্থিত কোনও স্তম্ভে বাঁধিয়া দেয়। অপর প্রান্ত “ভাগলক্ বোড়ে” (২) আটকাইয়া হু’পাশে ছইখণ্ড রজ্জু মহিবচর্কের “তাব্‌ছি” সহযোগে কটিদেশে টানাইয়া লয়। কর্ণশ রজ্জুতে মেরুদণ্ডে ব্যথা লাগে, তাই এ চর্ম “তাব্‌ছির” প্রয়োজন। টানাগুলির কতক উপরে, ও কতক নিম্নে থাকে, সেই উর্দ্ধাধঃ অবস্থান পরিবর্তন করিতে “ব-কাঠি” (৩) ব্যবহৃত হয়। ইহাতে কৌশলের সহিত সম্যক্স জোরে নাড়া দিলেই উপরের টানা নীচে এবং নীচের টানা উপরে চলিয়া আইসে। এতদ্বিন্ন কাপড়ে বত অধিক ফুল তুলিতে হয়, “ব-কাঠি”ও তত অধিক প্রয়োজন। ফুলে বা লতার প্রত্যেক রূপান্তরে এক একখানি “ব-কাঠি”র আবশ্যক হইয়া থাকে। “ব-কাঠি”র সঙ্গে সঙ্গে একখণ্ড “ছুচ্যাক্ বাঁশ” (৪)ও থাকে; তদ্বারা “ব-কাঠি” চাপিবার সুবিধা হয়। টানাগুলি বাহাতে ইতস্ততঃ সরিতে না পারে, তাই তৎসমুদয় “স্যায়” নামধের সন্ন বংশ খণ্ডে স্নকৌশলে জড়িত থাকে। এইরূপে টানা সজ্জিত হইলে “ধুরচুঙা”র (৫) পড়েন চলাইয়া “ব্যাং” (৬) দ্বারা তাহা চাপিয়া দেয়। একটি পড়েন ফিরাইতে প্রথমতঃ “ব্যাং” দ্বারা পূর্ক বিন্যস্ত পড়েন চাপিয়া “ছুচ্যাক্ বাঁশে”র সাহায্যে “ব-কাঠি”র উপরের টানাগুলি নীচে এবং নীচের টানাগুলিকে উপরে তুলিয়া লয়, এবং “ব্যাং”খানি সেই উন্মুক্ত পথে চলাইয়া পুনরায় চাপ দ্বারা পড়েনের স্থান অব্যাহত করে। অনন্তর “ধুরচুঙা” বিপরীতভিত্তিমুখে চলাইলেই পড়েন পড়িয়া যায়। যদি কোনরূপে টানা বা

(১) “তাম্বোরা বাঁশ”—ইহা সাধারণ বংশখণ্ড মাত্র।

(২) “ভাগলক্ বোড়ে”—বাঁশের ছই ধানি বাধারী মাত্র। (৩) “ব-কাঠি”—ব-অর্থাৎ হস্ত-কাঠি। সচরাচর এই “কাঠিতে” টানাগুলি একান্তরে জড়াইতে হয়। তবে ফুল-সজ্জা তুলিতে “আলাস” দেখিয়া টানা জড়াইয়া থাকে। (৪) “ছুচ্যাক্ বাঁশ”—ইহা প্রায় “তাম্বোরা বাঁশের”ই অল্পরূপ; বিশেষত্ব মাত্র এই যে, ইহার এক প্রান্ত হু’চালো। (৫) ধুরচুঙা—বংশ নির্মিত মাত্র। ইহা একটি এক প্রান্ত বদ্ধ সাধারণ ‘চুঙা’ বিশেষ। গাঁট বিশিষ্ট প্রান্ত অপেক্ষিত হু’চালো করা হয়। তা’ ছাড়া চুঙার পার্শ্বে একটি স্থল হিহ্ন থাকে। হস্তনগী চুঙার মধ্যে ভরিয়া খোলা প্রান্তে ফুৎকার দিলেই উক্ত হিহ্ন দিয়া নগী হইতে হস্ত প্রান্ত বাহির হইয়া আসে। (৬) “ব্যাং—একখানি সন্ন ও ভারী বংশখণ্ড।

পড়েন সঙ্কুচিত বা জটিল বিকিণ্ড হইয়া পড়ে, সজারকণ্টকের সাহায্যে তাহার শৃঙ্খলা বিধান করা হয় । এই কাঁটার সাধারণ নাম—“কুহুক-কাঁটা” (১) ।

বস্ত্র বয়নের প্রধান কার্য—টানা এবং “ব-কাঠি” ঠিক করিয়া লওয়া । তা’ না হয় “ব্যং” চাপন ও “থুরচুড়া” চালনে কোন ও বিশেষ পারদর্শিতা নাই । পরন্তু একবার ‘পড়েন’ ফিরাইতে ইহাতের প্রায় ৩৪ মিনিট সময়ের প্রয়োজন হইয়া থাকে । বলা বাহুল্য, টানা বসাইবার পূর্বে সূতাগুলি কলপে মাখিয়া লয়, অন্নমণ্ডই ইহাদিগের একমাত্র কলপ । এইরূপে—

“কার্পাসে কর্কশ বস্ত্র বুনে বিনোদিনী ;

সুবর্ণ অঙ্গুলিচয় ।

—কিন্তু কোমলতা নয়,—

নাচে তস্ত যস্ত্রে, (নীচে গায় কন্নোলিনী !)”

১০ম শ্লোক, “জুমিয়া জীবন ।”

[২]

বুনন কার্যে পুরুষ চাক্ষুমা মাজেই প্রায় সিদ্ধহস্ত । তাহারা ঝুড়ি প্রভৃতি এত চিকণ ও পারদর্শিতা সহকারে প্রস্তুত করে যে দেখিয়া চোখ ফিরান কঠিন হয় । তবে এই সকল কার্যে বাঁশের চেঁচাড়ীরই প্রচলন অধিক । শীর্ষদেশে যদিও ‘বেতের বুনন’ সংজ্ঞা দেওয়া হইল, কিন্তু বেত অল্প কাজেই ব্যবহৃত হয় । সম্ভবতঃ বাঁশ অধিকতর সহজলভ্য বলিয়া বেতের প্রতি তাদৃশ নজর পড়ে না । এই পাহাড়ে এগার জাতীয় বাঁশ পাওয়া যায় । নাম যথা,—“এগজ্যা” “কার্কোয়া” (পাইয়া), ওলা, “মিদিঙা” (মিতিন্নী), ডলু, “কালিছিন্নি”, “ভুহুম্,” “নয়ানসুক,” “লুদি” (লোথা), বারিয়ানা বা বাইয়া, এবং কাঁটা বাইয়া । ইহার যে কোন বাঁশ দিয়া সকল কাজ করা যায় না । মিতিন্নী, ডলু, ও লোথা বাঁশই ঝুড়ি নির্মাণে বিশেষ উপযোগী ; তন্মধ্যে ডলু বাঁশেরই প্রচলন অধিক । এই বাঁশ বৈধি প্রায় ২৫ হাত এবং পরিধি ও ১৫।১৬ ইঞ্চি পরিমিত হইবে । নিম্নে এতদ্বারা প্রস্তুত ঝুড়িগুলির বিবরণ দেওয়া হইতেছে ।

(১) কুহুক—সজার, কাঁটা—কাঁটা, অর্থাৎ সজার কণ্টক । কেহ কেহ হরিণ শৃঙ্গ সূত্রায় করিয়াও এমিনিত ব্যবহার করে ।

“তুল”—আমাদের কথার ডোল। ইহা এত বড়ও দেখা যায় যে, ৭৮ মণ জিনিষ অনায়াসেই রাখা যাইতে পারে। “দিংরা”—ডল বাশের কাজ। ইহাতে সচরাচর খাড়াদি শস্ত রাখা হয়; আকারে ডোল অপেক্ষা ক্ষুদ্রতর। “বারেং”—গঠন প্রণালী “দিংরা”ই অল্পরূপ। ইহাকে ছোট “দিংরা” বলা যাইতে পারে। খুঁটা প্রভৃতি দিয়া বিশেষ কারুকারণের সহিত প্রস্তুত হইলে ইহা “ফুলবারেং” নামে কথিত হয়। গহনা বস্ত্রাদি বহুমূল্য সামগ্রী ইহাতে সবলে রক্ষিত হইয়া থাকে। বস্তুতঃ “বারেং” ও “ফুলবারেং” ইহাদের সিন্দকের অভাব পূরণ করে। কাল্লোয়াং—সাধারণ “বারেং” এর সহিত তারতম্য অতি সামান্ত মাত্র; কিন্তু ইহাদিগের নিত্য প্রয়োজনে আসে। খুঁটা চারিটা লাগাইয়া “পিঠাকাল্লোয়াং” প্রস্তুত করা হয়; বাজারাদিতে যাইবার সময় ইহা পৃষ্ঠের উপর দিয়া কপালের সঙ্গে ঝুলাইয়া লইয়া থাকে। “কাল্লোয়াং” ভারী না হইলে, বিশেষতঃ সমতলভূমিতে চলিতে কপাল হইতে দড়িখানি স্বন্ধের উপর দিয়া দক্ষিণ হস্তে টানিয়া রাখে। আবার ভারী বোঝা লইয়া বেশী দূরে যাইতে হইলে “কাল্লোয়াং” এর সহিত ছুই খানি “খিরাং” অর্থাৎ আঁকুড় বাঁধিয়া লয়; ছুই স্বন্ধে “খিরাং” ছুইখানি দৃঢ়রূপে লাগিয়া থাকে, স্তত্রাং কপালে জোর খুব কমই পড়ে। “কুরং”—“কাল্লোয়াং” হইতেও অনেক ছোট এবং অপেক্ষাকৃত সচ্ছিন্ন। শস্ত বপন কালে ইহাতে করিয়া বীজ লওয়া হয়।

সচ্ছিন্ন ।

তৎপরে “মিতিরী বাশ”। ইহা ২০ হাত পর্য্যন্ত লম্বা হয় এবং পরিধিও প্রায় ২।১০ ইঞ্চি পর্য্যন্ত দেখা গিয়াছে। আকারেও গঠনে “পাইয়া বাশ” ও প্রায় একরূপ। কিন্তু “মিতিরী বাশে” “পাইয়া বাশ” অপেক্ষা স্থিতি স্থাপকতা শক্তি অধিক, বেধ ও ক্রিষ্টিং বেশী হইবে। এই নিমিত্তই ছোটখাট বুড়ি সমুদয় “মিতিরী বাশে” নির্ধৃত হইয়া থাকে। কয়েকটার বিবরণ যথা;—“পুল্যাং”—সেঁচনী বিশেষ, গঠন প্রণালী সম্পূর্ণ বিভিন্ন। এতদতিরিক্ত “লুই” (১) এবং কুলা-চালুনি, ডুব ও নানাবিধ “চাই” (২) এই “মিতিরী বাশে” প্রস্তুত হয়।

(১) “লুইর” গঠনপ্রণালী সেঁচনীর স্থায়, কিন্তু সারা গায়ে—জল সরিয়া পড়িতে পারে অথচ মাছ যাইতে না পারে এমন সব ছিদ্র আছে। জল সেঁচিয়া ইহাতে ফেলা হয়। সিক্ত জলের সহিত যদি কোন মাছ যায়; তৎসমুদয় ইহাতে আবদ্ধ হইয়া যায়।

(২) মস্ত ধরিবার কল বিশেষ, কোন কোন দেশে ইহাকে ঘুরী বলা হয়।

কিন্তু বুনন কার্ঘ্যের সঙ্গে “লোথা বাশই” সর্কটপক্ষা উৎকৃষ্ট । এই বাশ সকলের ড়েয়ে বেশী স্থিতিস্থাপক এবং চটেচাড়ি গুলিও বিশেষ মন্থণ হইয়া থাকে ।

এই বাশের “ছাস্মো” অর্থাৎ বাক্সবিশেষ অতীব লোথা বাশের কাজ ।

মনোহর ; ইহার বাহিরে নানা কোণ এবং ভিত্তরে বিবিধ কক্ষ গঠিত করিয়া অশেষ শিল্প নৈপুণ্য প্রকাশ করা হয় । “কুম” অর্থাৎ কলসির ত্রিকোণ বিশিষ্ট ঢাকনীও “লোথা বাশে” নিশ্চিত হইয়া থাকে ।

বেতসও এই প্রদেশে অষ্টবিধ, যথা ;—“মরিজা,” “চিকণ মরিজা,” “গল্লাক,” “কেয়েং,” “কর্কল্যা,” “বীদরী,” “ছহুং” এবং “জ্যাং” । কিন্তু ঝড়ি, ঝাঁপী প্রভৃতি বুনন কার্ঘ্যে “গল্লাক,” “বীদরী” ও “মরিজা” বেতের কাজ ।

—এই তিন রকমের বেত মাত্র ব্যবহারে আসে । বেতের কাজ তত অধিক নহে, পূর্কোক্ত ঝড়ি, ঝাঁপী ও ইহাদের মধ্যে বিরল প্রচলিত । তা’ছাড়া, ধাত্তাদি শস্ত মাণিবার আড়ি, সেরী, ছেলে দোলাইবার —দোলনা, এবং মৎস্ত সংগ্রহের “তুলা” মাত্র সরচাচর দেখিতে পাওয়া যায় । আড়ি, সেরী, “ফুলবারেং,” “গিঠাকালোয়াং” এর খুঁটিগুলি একমাত্র “গল্লাক” বেত দ্বারাই দেওয়া হইয়া থাকে ।

* [৩]

নৌকা প্রস্তুত করাও ইহারিগের জীবিকাংস্থানের একতম উপায় । জুমের বপন ও বাছন কার্ঘ্য শেষ হইয়া গেলে, সাধারণতঃ শ্রাবণ-শুদ্ধ মাসেই ইহার নৌকা কাটিতে যার ; নদীস্রোত প্রবল থাকিতে থাকিতেই নামাইয়া লইয়া আসে । এই কার্ঘ্যে পুরুষেরা অগ্রগ্রহ করিয়া সহধর্মিনীগণকে ছাড়িয়া যায় ! তাহার “মইন ধরে” থাকিয়া জুমক্ষেত্র রক্ষণাবেক্ষণ করে । বস্তুতঃ যৌথ-পরিবারেই নৌকা কাটিবার বেশ সুবিধা । তন্নিম্ন যে পরিবারে সামর্থ্যশালী একাধিক পুরুষ নাই, অস্ত্রান্তকে তন্নিমিত্ত অংশীদার করিয়া লইতে হয় । ফলকথা, একজনের দ্বারা নৌকাকাটা কোনরকমেই চলে না । ইহাদের প্রস্তুত নৌকা কেবল যে চট্টগ্রামে মাত্র পশার লাভ করিয়াছে এমন নহে, নোয়াখালি, কুমিল্লা প্রভৃতি দুই দেশেও বিস্তর সংখ্যায় রপ্তানী হইয়া থাকে । বর্তমানে অত্রত্য অস্ত্রান্ত সার্কেলের তুলনার বোমাংসার্কলেই নৌকা প্রস্তুত করিবার উপযোগী গাছ বেশী । চাক্ষুসী সার্কেলের মাইরনিতে ও যথেষ্ট গাছ আছে, কিন্তু তৎসমস্ত এতদিন ‘রিজার্ভ’ ছিল বলিয়া পাওয়া যায় নাই ।

তেলসুর, চাপালিস ও জারুল গাছের নৌকাই সর্কাপেক্ষা উত্তম । বিশেষতঃ

তেলসুর ও চাপালিস কাঠ ওজনে পাতলা এবং জলে বেশীদিন স্থায়ী হয়। এই দুই নৌকার কাঠ। কাঠের শালুতিরই প্রচলন অধিক। কুমিল্লা, নোয়াখালী প্রভৃতি যথেষ্ট প্রধানতঃ শালুতিই রথুনি হইয়া থাকে। বহিঃ চাপালিস তেলসুরের সমান স্থায়ী নহে, কিন্তু প্রধানতঃ এই শ্রেণীর গাছ হইতেই আকারে বৃহত্তর নৌকা বা শালুতি পাওয়া যায়। জারুল গাছ অত্যন্ত সূক্ষ্ম, তাহার নৌকাও বৃহদারতনে প্রস্তুত হইতে পারে, এমন কি ৩০ হাত পর্যন্ত দীর্ঘ দেখা যায়। কিন্তু এই গাছের নৌকা গুরুত্বের আধিক্য নিবন্ধন বেশী চলেনা। কস্তুরী, কামদেব, ও গামার নৌকানিৰ্মাণের দ্বিতীয় শ্রেণীর গাছ। এতদ্ভিন্ন করই, তালি, গুটগুট্যা, পিত্রা, গর্জন, বোলসুর, কাকড়া, ভারী প্রভৃতি গাছের ও নৌকা প্রস্তুত হইয়া থাকে। তবে ইহাদিগের নৌকাগঠনে একটি বিশেষ ক্রটি আছে। একটি গাছ খোদিয়া ইহার একখানি মাত্র নৌকা প্রস্তুত করিয়া থাকে। তাহাতে যে কাঠ নষ্ট হয়, সেই পরিমিত কাঠে তক্তাচিরা নৌকার তিন-চারি খানি নির্মিত হইতে পারে। এইরূপ তক্তা চিরা নৌকা প্রস্তুত করিতে জানিলে, ইহাদের কাঠও শ্রমের যথেষ্ট লাভ হইত। কিন্তু কাঠশিল্পের আরও উন্নতি না হইলে সে আশা কোথায়!

পূর্বেই বলিয়াছি, পুরাকালে ইহাদিগের “জাগল” ভিন্ন সচরাচর ব্যবহার্য বিশেষ কোন অস্ত্র ছিল না; একমাত্র “ভাগল” ধারাই ইহার বাবতীয় কর্ন নির্মাণ করিত। অধুনা ইহাদের মধ্যে নৌকানি নৌকা খোদাই গঠনের নিমিত্ত কুরুল, “বাইস্” প্রভৃতি প্রচলিত হইয়াছে। এই দুই অস্ত্রের সাহায্যে প্রথমে গাছের মধ্যভাগ খোদিয়া লম্ব, অনন্তর “সানাতাইজং” (১) ধার ছিদ্র করিয়া কোনও নির্দিষ্ট পরিমিত কাঠের একটি সরু কাঠি ঢুকাইয়া দেয়, এবং নৌকার অন্তিমিত্তবেদ বাদ রাখিয়া বহির্ভাগ হইতে অবশিষ্টাংশ চাছিয়া ফেলে। অর্থাৎ যেন কোন ক্ষোদিত-বন্ধ কাঠখণ্ডের তলদেশে ছিদ্র করিয়া অষ্ট অঙ্গুলী পরিমিত একটি কাঠি ঢুকাইয়া দেওয়া হইল। নৌকার বেদ রাখা হইবে—চারি অঙ্গুলী মাত্র। তাহা হইলে উক্ত কাঠখণ্ডের বহিঃপ্রদেশ একরূপ চাছিতে হইবে, যেন উক্ত কাঠির চারি অঙ্গুলী পরিমিত নৌকার পৃষ্ঠ-বহির্ভূত থাকে। পরে কাঠিটি খুলিয়া সেই ছিদ্র ভালরূপে ঝাঁটির দেওয়া হয়। অনেক “সানাতাইজং” এর পরিবর্তে “খোল বাটালীও” ব্যবহার করে।

(১) একপ্রকার ‘বুক’ বিশেষ।

ষোড়শ পরিচ্ছেদ।

[১] পশুপালন ; ও [২] শিকার।



[১]

পুরাবৃত্ত পাঠে জানা যায়, আদিমজাতি মাঝেই পশুপালন দ্বারা জীবিকানির্ভর করিত। ইহা আর্য্য ঋষিদিগের অতি পবিত্র কার্য্যরূপে পরিগণিত ছিল। বিশেষতঃ গো-সেবা হিন্দুদিগের এক প্রধান কর্তব্য কর্ম্ম! তাহার গাভীকে ভগবতী জ্ঞানে ভক্তি করিয়া আসিতেছেন। অত্য়াপি পালনে পোষণ। কোন কোন বাড়ীর কর্তা গো-গৃহের কাজকর্ম্মসমূহ নিজে দেখিয়া পরে অন্নগ্রহণ করিয়া থাকেন। বাস্তবিক পরিবারের আর সকলের জায় গৃহপালিত পশুগুলি যেমন একদিকে আমাদিগের আশ্রিত ও পোষা, অপর দিকে তেমনি সর্কথা যত্নের পাত্র। আমরা মহুয্য বলিয়া বাদশ সম্মানের আকাঙ্ক্ষা করি, এক্ষেত্রে তাহারই সম্যক্ পরীক্ষা প্রকাশ পায়। কিন্তু অত্রত্য পাহাড়ীগণ যে সকল পশুর রক্ষণাবেক্ষণের ভার গ্রহণ করে, তাহাদের অবস্থা অতিশয় শোচনীয়। ইহার তৎপ্রতি এত উদাসীন থাকে যে, অনেকে হরত বাড়ীতে কয়টি গরু বা কয়টি ছাগল আছে, তাহারও খবর রাখে না। গরু, ছাগল, মহিষ প্রভৃতি জন্মলে চরিয়া বেড়ায়, গৃহস্থ তৎসমুদয় রক্ষাতৎপর থাকিবে হুঁই থাকুক, সন্ধ্যাতে কয়টি ঘরে আসিল বা আসিল না, তাহাও একবার খুঁজিয়া দেখে না। অনেক গরু, মহিষ সপ্তাহের মধ্যেও দুই একবার ঘরে আসে না। গৃহস্থ কোনটিকে ২৩ মাস বাবৎ বাড়ী কিরিতে না দেখিলে বাধে বা অন্য কিছুতে মারিয়াছে মনে করিয়া নিশ্চিন্ত হয়। অধিকাংশ গৃহস্থেরই এই হতভাগ্য পশুগুলি থাকিবার কোন ভাল বন্দোবস্ত নাই। উহাদের কোন কোনটি

মকের নিরে আশ্রয় লয়, অথবা অনাবৃত স্থানে ভূপ্রাণিত গোঁজে একত্রে দুই তিনটা আবদ্ধ হইয়া অদৃষ্ট কল ভোগ করে। বর্ষাকালে 'দেগা-বার, এসকলের হাঁটু পর্যন্ত কাদায় ডুবিয়া আছে।

গরু, ছাগল, মহিষ, শূকর, কুকুর প্রভৃতি চাক্‌মাদিগের সাধারণ গৃহপালিত পশু। গরাল (বস্ত্র গরু বিশেষ; ইহাদের দুগ্ধ অতিশয় গাঢ় ও সুমিষ্ট। জাল দিবার পূর্বে জল মিশাইয়া লইতে হয়, নতুবা তলানি জমিয়া পুড়িয়া যায়। জর্মান সত্রাট গো-জাতির উন্নতির নিমিত্ত ৪০ হাজার টাকা ব্যয়ে দুইটা সুপুষ্টি বুব লইয়া বাইতে লোক পাঠাইয়াছিলেন। এখান হইতে আটটি গরাল প্রেরিত হয়। গুনিয়াছি, পথে মরিতে মরিতে জর্মানিতে দুইটি মাত্র পৌঁছিয়াছিল।) অতি অল্প পরিবারেই আশ্রয় পায়। কাশেন লুইন বলেন, 'গরু গরু, ছাগল ও মহিষ।

ও মহিষ ফেণীতীরবর্তী প্রদেশসমূহে অধিক পরিমাণে লক্ষিত হয়। ভ্রাতৃত্ব অধিবাসিবর্গ বহু গোচারণ মাঠ হইতে পশুপালনের সাহায্য পাইয়া থাকে।' কিন্তু অনেক চাক্‌মা বাড়ীতেই গরু ও ছাগল পোষিত হয়; অবশ্য তাহাদের সংখ্যা ন্যূনাদিক হইবে সন্দেহ নাই। মহিষের মূল্য অধিক বলিয়া সকলে সংগ্রহ করিয়া উঠিতে পারে না। ইহাদিগের পশুপালন দুগ্ধপ্রাপ্তির নিমিত্ত নহে; পালিত পশুর বংশবৃদ্ধিই একমাত্র আকাঙ্ক্ষা থাকে। ইতিপূর্বেও লিখিত হইয়াছে যে, ইহাদের ঘরে অপৰ্যাপ্ত দুগ্ধ থাকিতেও অনেকে খাইতে চাহে না। দুগ্ধ বিক্রয় করিতেও সচরাচর দেখা যায় না; তবে সাধারণ গৃহস্থের দধি করিয়া বিক্রয় করে। কিন্তু বাজারের সুবিধা না থাকিলে তাহাও হইবার উপায় নাই। সম্পন্ন পরিবারের গরুর জন্ত "উরা" থাকে; ইহার অল্প নাম "গোছাল শাল" অর্থাৎ গোয়াল। প্রত্যেকে অতি সঙ্কীর্ণ স্থানের অধিকার পাইলেও সেই "উরা" বাসী গরুগুলিকে অপরের তুলনায় সমধিক সৌভাগ্যশালী মনে করা যায়। কিন্তু মতিষকে গৃহে বাঁধিবার কোন পরিবারেই নিয়ম নাই। অধিকাংশ গৃহস্থই উহাদিগকে গাণি সর্বপক্ষেই বাঁধিবার জন্ত ব্যবস্থা করে। মহিষের বিষ্ঠা সরিষার প্রধান সার।

শূকর—প্রায় সকল বাড়ীতেই আছে। ইহা দুই জাতীয়—সাদা ও কাল। তন্মধ্যে কাল শূকরই সচরাচর অধিক। বহুদিন ক্ষেতে রুচু থাকে, ততদিন ব্যবৎ মোটা মোটা গাছের বেটেন "গোরা" করিয়া, তাহাদিগকে আবদ্ধ করিয়া রাখা হয়; অল্প সময়ে ছাড়িয়া দেয়। কেমনা কচুর প্রতি শূকরের বড়ই লোভ; সুবিধা পাইলেই ক্ষেত্রে গিয়া সমূদে খায় ও নষ্ট করে। আরও একটা কথা, শূকর ও

যেহেতু ইহাদিগের বাড়ীকে অপরিষ্কৃত হইতে দেয় না ; নিজেরা যাকি কিছু হর্গত করে মাজ ।

কুকুর—পাহাড়ী মাজেরই প্রধান সহচর । তাহাদের ধন সম্পত্তি এমন কি প্রাণ পর্যন্ত ইহাদ্বারা রক্ষিত হয় । ইহার ভুরসাভেই পাহাড়ীগণ এই ব্যাবভঙ্গ্যাদি জীবন ঋপমপরিবৃত জঙ্গলে বাস করিতে সাহস পায় । এমনও দেখা গিয়াছে, কোন কোন গৃহস্থ কুকুরের উপর গো-চরণের ভার দিয়া নিশ্চিত থাকে । সারমের প্রভু গো-পালের মধ্যস্থলে বসিয়া তত্ত্ববধান করিতে থাকে ; ক্ষুৎপিপাসায় কাতর হইলেও পালের কাছছাড়া হয় না । যদি কোন বিপদ দেখিতে পায়, পূর্বেই বিকৃত চীৎকার দ্বারা গরুগুলিকে সাবধান করিয়া দেয় ; তাহাদের পলায়ন অসম্ভব বুলিলে প্রাণান্তপণে পাল রক্ষার নিমিত্ত বিপদের সম্মুখীন হয় ।

হরিণ—কোন কোন বাড়ীতে মাত্র কচিং পোষিতে দেখা যায় । কিন্তু সচরাচর পোষা হরিণ বড় হইলে জঙ্গলে পলাইয়া গিয়া থাকে । “ধনপাতা (একটি ছরা)র মুখ”-বাসী ‘কাত্তার বাপ’ আখ্যায় প্রসিদ্ধ জর্নৈক চাক্‌মা একটি হরিণী পোষিয়াছিল । সেইটি এত পোষ মানিয়াছে যে, জঙ্গল হইতে ঘুরিয়া ফিরিয়া পুনরায় তাহার বাড়ীতে আসিয়া আশ্রয় লয় । বনের হরিণের সঙ্গে মিশিয়া গর্ভও হয়, তদ্বারা সে এবাবৎ তিনটা শাবক পাইয়াছে । তা’ছাড়া কোন কোন কামোন্নত হরিণ এই পোষিতা হরিণীর সঙ্গে সঙ্গে একেবারে তাহাদের বাড়ী পর্যন্ত আসিয়া পড়ে । তাহাতেও সে ইতিমধ্যে দুইটি মারিয়া খাইয়াছে । বস্তুতঃ ইহাতে একদিকে যেমন একপ্রকার চাষ চলিতেছে, অপরদিকে ফাঁদও মন্দ নহে !

এই সঙ্গে চাক্‌মাদিগের প্রতিপালিত পক্ষিগুলির বিবরণ সংক্ষেপরূপে হইলেও রক্ষা করা আবশ্যিক বোধ করিতেছি, বোধ হয় তাহা নিতান্ত অপ্রাসঙ্গিক হইবে না । বোরগ ছোট বড় প্রায় সকল বাড়ীতেই আছে । মধুরাও কেহ কেহ পোষে বটে, কিন্তু বাঁচাইয়া রাখা অতিশয় কষ্টসাধ্য । ইঁসও খুব কম । এতদ্ভিন্ন সখের লাঙ্গলার পোষিত তোতা, ময়না, ধনেশ প্রভৃতি পক্ষীও কোন কোন বাড়ীর গৃহ-প্রাঙ্গণে পোষা পাইয়া থাকে ।

[২০]

অন্তঃপর শিকারের কথা ! ইহা গণনার অতীত কাল হইতে আৰ্য্য ও অনার্য্য সকলেরই নিত্য কার্যের এক প্রধান অঙ্গরূপে চলিয়া আসিতেছে । বস্তুতঃ

শিকারনীতি ।

পৃথিবীতে সভ্য রমিরা ইহাদের গৌরব আছে, তাহারা প্রত্যেকেই এ মন্ত্রে দীক্ষিত । “একত কবিকা শ্রীতি

অস্ত্রপ্রাপ্তিবিমুক্ত্যেত—এ যেমন সত্যতার নীতি, মনে করিলেও লক্ষ্য বোধ হয় ! মধ্যযুগে যখন বুদ্ধবোধের পবিত্র ধর্মছন্দুভি বাজিয়া উঠিয়াছিল, “অহিংসা পরমো ধর্মঃ” মন্ত্রের গভীর নির্দোষে প্রাচ্য বন্ধ বিকম্পিত করিয়া তুলিয়াছিল, তখন এতদেশে শাস্তির এক বিমল প্রবাহ দেখা দিয়াছিল ; কিন্তু তাহা আবার রহিল কই ? আবার সেই ক্রুথিরপিপাসা বাজিয়া উঠিয়াছে ! সৃষ্টির প্রেক্ষিত জীব মানব সম্প্রদায় তুচ্ছ শক্তিপ্রকাশ-ব্যপদেশে—অকিঞ্চিংকর বিলাসিতা চরিতার্থ করিবার নিমিত্ত শোণিতধারার পৃথিবীকে বোম কলুভিত করিতেছে ।

পূর্বকালে পশুপক্ষিগণ মাত্র শিকারীদিগের লক্ষ্য ছিল । অধুনা সত্যতার উন্নতিতে মহুগ্য়ানামধারী কতিপয় দুর্বল নিরীহ জীবও ক্ষমতাদৃশ মহাপুরুষগণের

শিকারার ।

ব্যসনপিপাসা তৃপ্ত করিতে হতভাগ্য প্রাণ উৎসর্গ করিতেছে । সুতরাং এহেন সত্যতার যুগে (বৃ-

বিধাসী হইলেও) চাকমাগণ যে, বস্ত্র অঙ্ক হইতে প্রাণ ও ক্ষেত্রের শস্তাদি রক্ষার নিমিত্ত শিকারে পরাস্থ হইবে না, তাহাতে বিচিত্র কি ? এজন্ত বাল্যকাল হইতেই ইহার শিকারে অভ্যস্ত হইয়া থাকে । ইতিপূর্বে কুমার বাহাদুরের শিকারনৈপুণ্যের কথাও উল্লিখিত হইয়াছে । পুরাকালে পক্ষীশিকারে “কামঠা-গুলি” এবং পশুশিকারে ‘তীরধনু’ ব্যবহৃত হইত । পূর্বে একস্থলে বলিয়াছি, কয়েকটি বালক “কামঠা-গুলি”র সাহায্যেই-কুকিদের আক্রমণ হইতে আত্মরক্ষা করিয়াছিল । কিন্তু এক্ষণে তাহার প্রচলন অতীব বিরল ; বন্ধুকের আবিষ্কারেই ইহার কারণ হইবে । তাহা ছাড়া “কাবুক” নামে ইহাদের অস্ত্রতম এক অস্ত্র ছিল, তদ্বারা ব্যাজাদি শিকার চলিত । ইহা সূচ্যগ্র বংশধরমাত্র । মাথার বিঘাত্ত্র জব্য মাথির বর্ধাই পত্তর চলাচলপথে স্থাপনপূর্বক তাহার সহিত একখণ্ড অবনমিত বাধারীর বোগ করিয়া দেওয়া হইত । তাহা কোনরূপে নাড়া পড়িলে উক্ত “কাবুক” বিছাঘেগে আসিয়া আঘাতকারীকে নিহত করে এবং অচিরে প্রাণবিরোগ ঘটায় । ইহাতে সময়ে সময়ে অনভিজ্ঞ পক্ষিকেশও জীবন নাশ হইত । তাই সজদর ইংরাজ গভর্নমেন্ট বর্তমানে এই “কাবুক” স্থাপনের ব্যবস্থা রহিত করিয়া দিয়াছেন, এক্ষণে মাত্র সূঁ রিয়া শূকর বধ করিবার নিমিত্তই “কাবুক” ব্যবহৃত হয় । সে বাহা হউক, অধুনা একমাত্র বন্ধুকের সাহায্যেই শিকার চলে । পূর্বে এদেশে “লাইসেন্স” (License) ছিল না, কিন্তু ১২০৩ ইংরাজিতে তাহাও প্রচলিত হইয়াছে ; তদ্ব্যজ ইহাদিগকে বন্ধু প্রভি বার্ষিক চারি আনা করিয়া বন্ধ দিতে হয় ।

শিকারের সময় ইহাদের বিশেষ সজ্জা "কর্জাল" অর্থাৎ ধলিবিশেষ মাত্র । তন্মধ্যে ছড়া, বারুদ, কেশ প্রভৃতি এমন কি ক্লাস্তি অপনোদক পান-তামাকেরও যাবতীয় সরঞ্জাম পূর্ণ করিয়া স্বছোপরি বুলাইয়া সজ্জা ও সঙ্গী । স্তত্রাং তাহাতে শিকারীদিগের কোন অসুবিধা থাকে না । সঙ্গে থাকে প্রভুভক্ত সারমের । সে অধিকাংশ সময় সারথির কাজ করে, আগে আগে দৌড়িয়া সন্মুখীন অবস্থা পরিদর্শন করিয়া লয় । যদি কোন শিকারের সম্ভান পায়, নীরবে প্রভুসকাশে আসিয়া সঙ্কেত দেয় ; অথবা বিপদের সম্ভাবনা দেখিলে বিকট চীৎকারে প্রভুকে সাবধান করিয়া রক্ষা করিতে ধাইয়া আসে । এতাদৃশ বিবস্ত শরীররক্ষক সঙ্গে থাকিলে শিকারীর আর ভয় কি ।

কোন কোন জাতির নিয়ম আছে, শিকারলব্ধ পশু বা পক্ষী প্রাণবিয়োগের পূর্বে গলদেশ ছেদন করিয়া লয় । ইহাকেই বলা যায়, "মরার উপর খাঁড়ার বা" ।

শিকারের মাংস ।

কিন্তু চাক্‌মাছিগের তাহা নাই । বরং কেহ কেহ সেই শিকারাহত যুমুর্জীবের ব্যাকুল কাতরতার মুখে জল দান করে ; তাহা অবশ্য মনের ভাল, সন্দেহ নাই । আবার ইহাও বিরল নহে যে, অনেকে তাদৃশ ছট্‌কটানিতে আনোদ উপভোগ করে । সাধারণ রায়ত্তেরা যে সকল পশু শিকার করে, রাজসরকার হইতে ক্ষমতাপ্রাপ্ত হেড্‌ম্যানগণ সেই সব শিকারলব্ধ পশুর অংশ পাইয়া থাকেন । তাঁহাদিগকে একথানা করিয়া "রাণ" অর্থাৎ সমূল পদ ক্রিতে হয় । হেড্‌ম্যানের বাড়ী দূরে হইলে তাহা গুকাইয়া রাখে ; অতঃপর তাহাদের সত্বরতম অবকাশে দিয়া আসে । এতদ্ভিন্ন বড় পশু শিকারে তন্মাংস "লুটে" অর্থাৎ আদমের প্রত্যেক স্বতন্ত্র পরিবারে বিভাগ করিয়া দেওয়া হয় । খাজানা দিবার সময় যে সকল পরিবার স্বতন্ত্ররূপে নির্দিষ্ট হয়, এখানেও তাহার স্বতন্ত্র মাংসাংশ পাইয়া থাকে । এইত গেল পশুপক্ষী শিকারের বিবরণ, মৎস্যশিকারেও ইহারা বাঙ্গালীদিগের জাল, "চাই", বড়শী প্রভৃতি ধরিয়াছে ।

সপ্তদশ পরিচ্ছেদ ।

অপরাপর সাধারণ ব্যবসায় ।

সংসারে মানবের উপজীব্য নানাবিধ । অসংখ্য উপায়ে নির্ভর করিয়া পৃথিবীর লোক চলিতেছে । এমন কোনও সাধারণ পথ আবিষ্কৃত হইবার সম্ভাবনা নাই, যাহাতে সকলেই সেই পথে গিয়া উপজীব্য । সফল মনোরথ হইতে পারে । সুতরাং এসকলের মধ্যে কোন পছা যে এককষ্টতর তদবধারণও এক বিরাট সমস্যা । অধুনা অর্থকরী ব্যবসায় সমাজের সর্বত্র সন্মানিত । যাহাতে অর্থের অনটন পৃথিবীর অতি অল্প সংখ্যক লোকই তৎপ্রতি আকৃষ্ট হইয়া থাকে । তবে কি অর্থই সংসারের সারসর্বস্ব ? অর্থ ভিন্ন পৃথিবীতে সাধনার বিষয় আর কিছুই কি নাই ? তাহাইবা কিরূপে বলিতে পারি ? যখন ধর্মের ক্রিয়াগুলি অর্থের পৃষ্ঠোপরি পড়াই রেখা আঁকিত করিয়া যায়, তদন্তয়ের মধ্যে তুলনা করিতেও ভরসা হয় না । ধর্মের উপর অর্থ সুপ্রতিষ্ঠিত হইলে যেমন সর্বসাধারণের শ্রদ্ধা ও প্রীতি আকর্ষণ করিতে পারে, ধর্মহীন অর্থ তদপেক্ষা শত-সহস্রগুণে নিকট ও দুর্গম । অতএব উপজীবিকার প্রধান লক্ষ্য একরূপ হওয়া উচিত, যাহাতে ধর্ম ও অর্থের সাধনা অব্যাহত থাকিতে পার ।

জীব মাত্রেরই স্বাতন্ত্র্যপ্রায়সী । বনের পাখিটাও সুবর্ণপঞ্জরে আবদ্ধ থাকিয়া রাজ্যোপকরণ উপভোগেও অবচ্ছন্দ মনে করে । সুতরাং সত্যতাবৃষ্ট মানবসমাজ স্বাধীন ব্যবসায় ভাল বাসিবে, তাহাতে আর বয়ত্তি । বৈচিত্র্য কি ? এই আত্ম-মর্যাদাজানটুকু সকলেরই থাকা অবশ্য কাঙ্ক্ষনীয় । “একান্ত বশংসদ ভৃত্য” জীবন কত যে দুর্কর্মবহ, ভুক্তভোগী ভিন্ন তাহা অপরে অনুভব করিতে পারে না ; দূর হইতে পরিহার বাবুগিরির

উজ্জল দীপ্তিতে দিশাহারা হইয়া পতঙ্গ প্রায় আত্মসমর্পণ করে, আর তখন হইতে “চোখ বাধা বলদের মত, খেটে মরে অবিরত ।” হার ! এহেন সুখের চাকরী লইয়া আবার তুমুল প্রতিক্রিয়া ! বস্তুতঃ চাকরিতে বিবেক শক্তিকে বলিদান করিতে হয়, নতুবা পদস্রাব্য ছুড়র হইয়া উঠে । তাই নীতিজ্ঞ পণ্ডিত বলিয়াছেন, “সেবা খবুত্তিরাখাতা তন্নাত্তাং পরিবর্জয়েৎ ।” আর হতভাগ্য বাদালী সেই চাকরী-পীড়িত স্ত্রীলোককে বলিয়া থাকে,—“চাকরী শু-খোরী না করি কি করি ?” সম্প্রতিমাত্র স্বাধীনতাব্রত চাকমা সমাজ এই আত্মদমনানবন্ধিত চাকরিকে অন্তরেণ সহিত ঘৃণা করিয়া থাকে । ইহারা অনাহারে মরিলেও অস্ত্রের চাকরী করিতে চাহে না । কাপ্তেন লুইন বলিয়া গিয়াছেন (১),—“১৮৬৮ খৃষ্টাব্দে এই পার্বত্য প্রদেশে একটি রাস্তা প্রস্তুত করিতে হইয়াছিল । কিন্তু চাকমাদিগকে অধিক বেতন দিতে বলাতেও তাহার মুজুরি স্বীকার করে নাই । অবশেষে গভর্ণমেন্টকে বহু অর্থ ব্যয় করিয়া চট্টগ্রাম হইতে কুলি আনিতে হইয়াছিল ।” সে পুরাণো কথা কেন, বিগত ভীষণ ছুর্ভিক্ষকালে যখন ইহাদের অধিকাংশ অদৃষ্টের দারুণ নির্যাতন ভোগ করিতেছিল, স্ত্রী পুত্রের অনাহার-কষ্ট সহ্য করিতে না পারিয়া দুর্ভিক্ষ জীবন তার কমাইতে উৎকণ্ঠিত হইয়াছিল, তখনও ইহাদিগের অনেকে মুজুরি খাটিতে স্বীকার করে নাই । পোড়া উদর-জ্বালায় সাহায্য প্রার্থনা করিতে আসিয়াছে, এমন কাহাকে যদি কোন সামান্য কাজ করিতেও বলা হইত, অমনি হে অভিমানিত হইয়া কিরিয়া যাইতে চাহিত । অধিক কি, একবার স্থানীয় সুপারিন্টেণ্ডেন্ট মহোদয় এই অনশনক্রমে সাহায্য প্রার্থীগণকে অগ্রিম টাকা নিয়া দৈনিক টাকা টাকা মুজুরিতে একখানি রাস্তা পরিষ্কার করিয়া দিতে বলিয়াছিলেন ; ইহারা তাহাতে সাহায্য প্রার্থনাও ছাড়িয়া পলাইয়াছিল । সাহায্যটুক, এখানে শতকরা ৮১০ জন লোকের মতি কিরিয়াছে, দেখা গেল । তাহার উপবাস কষ্ট আর সহিতে না পারিয়া প্রস্তরোৎপাটন, জঙ্গলকাটা, মোট বহন প্রভৃতি নানা কাজ করিয়াছে ।

ইহাদিগের মধ্যে প্রবাদ আছে, ‘মাসোভ্যস্তরস্ব কণ্টক প্রায় আত্মীরেয় দাসত্ব অসহনীয়’—কথাটা অল্প বর্ষে বর্ষে সত্য । চাকরী ও গোলাবী কাব্যতঃ এক হইলেও দায়িত্বে কিঞ্চিৎ বিভিন্নতা আছে । দম্বোদরকে কোনরূপে প্রমোদ

(১) The Hill Tracts of Chittagong and the dwellers therein—

দিতে পারিলে চাকরির গল্পনা হইতে মুক্তি লাভ করা যায়, কিন্তু দাসত্ব বন্ধ হইতে রক্ষা পাওয়া পূর্বে একরূপ অসম্ভব ছিল দাসত্ব ।

সম্রাট ইংরাজ গভর্নমেন্টের ইহা এক মহীয়সী কীর্তি,— যাহাতে লক্ষ লক্ষ লোক অধীনতার কঠোর নিগড়মুক্ত হইয়া স্বাচ্ছন্দ্য উপভোগ করিতেছে । সরকারী কাগজ পত্র দেখা যায়, এই পার্শ্বতা প্রদেয় হইতেও ১৮৩০ খৃষ্টাব্দের ৩০শে আগষ্ট তারিখের সেই বিধিতে তিন শতাধিক অধমর্ণ দাস উদ্ধার পাইয়াছিল । ইহাতে চাক্‌মাদাসও যে ছিল না, তাহার কোন প্রমাণ নাই । এই প্রথা যদিও সমাজের চক্ষে নিতান্ত দুগিত জ্ঞান হইত, তথাপি অভাবের তাড়নায় এবং চট্টগ্রাম বাসীদিগের অহুকরণে ইহারায় যে দাসত্ব অবলম্বন করে নাই, এমন নহে । চট্টগ্রামের শাসন কর্তা মিঃ গুড উইন ১৭৭৪ খৃষ্টাব্দের ১লা সেপ্টেম্বর মাননীয় গভর্নর জেনারাল ওয়ারেন হেষ্টিংশের নিকট যে পত্র লিখিয়াছিলেন, তাহাতে পরিদৃষ্ট হয়,—তখন চট্টগ্রামে দাসত্ব প্রত্যাব বিলক্ষণ প্রবল ছিল । পিতৃমাতৃহীন এবং অপর সম্পর্কশূন্য নিম্নশ্রেণীর লোকেরা অভাবে পড়িয়া আত্মবিক্রমে দাসত্ব গ্রহণ করিত । প্রভুদের আবার বিক্রয় ক্ষমতাও ছিল, ক্রেতা প্রভুদের সম্পূর্ণ অধিকার পাইতেন । পক্ষান্তরে দাসপত্নী প্রভুপত্নীর চিরস্তন সহচারিণী হইত । এইরূপে পুরুবাহুক্রমে এবং বিধি অধিকার ও অধীনতা অব্যাহত থাকিত । বলিতে কি, অত্মপি ইহার আভাব পরিদৃষ্ট হয় । আইন শাসনে যদিও দাস বিক্রয় রহিত, কিন্তু আত্মবিক্রয় এবং ভূমির কয় মুক্তিতে দাসপণা বিরল নহে । (১) চট্টগ্রামের তাদৃশী ব্যবস্থা ইহাদিগের উপরও আধিপত্য স্থাপন করিয়াছিল । তবে এই দাসত্ব প্রথায় কিঞ্চিৎ বিশেষ এই যে, অধিকাংশ স্থলে ঋণের দায়ে দাসত্ব গ্রহণ করিতে দেখা যায় । নিরুপায় অধমর্ণ উত্তমর্ণের নিকট আত্মসমর্পণ করে ; নির্দিষ্ট বেতন হইতে অল্প বাদ গিয়া ক্রমে মূলধন পরিশোধ হইতে থাকে । কেহ কেহ বা সম্ভান কি পরিবারের অপর কাহাকেও উত্তমর্ণের গৃহে রাখে ; বলা বাহুল্য, ঋণ পরিশোধ হইয়া গেলে ইহাদের দাসত্বমায় মুক্তি যায় । বেতনভোগী চাকর অপেক্ষা ইহাদের উপর কাজকর্মের দারিদ্র্য ভার কম থাকে এবং ইহারায় পরিবারস্থ লোকের ছায় ব্যবহৃত হয় ; কোনরূপ কঠোর শাসন

(১) আইনের মন্ডিরে দেখা যায়, পূজাপার দাতারহ স্বর্ণগত হরপোকিন রাইই চট্টগ্রামের বর্তমান 'চাকরান' ব্যবস্থার কারণ । পোলাসেরা মুক্তিকামনার যে অভিযোগ করে, তিনি উদ্বুদ্ধে যোরকর প্রতিবাদি করিয়াছিলেন ।

পৰিলক্ষিত হয় না। জাতীয় বিচাৰেৰ অৰ্থদণ্ড শোধে অসমৰ্থ ব্যক্তিও বিচাৰকেৱ দাসত্ব গ্ৰহণ কৰিবা তাহা ক্ৰমে পৰিশোধ কৰিবা দিবা থাকে।

কিন্তু প্ৰচলিত শিক্ষায় চাকৰিই আমাদেৱ অনন্তগতি। তাই চাক্ৰমাৰ্জিগেৱ শিক্ষিত সম্প্ৰদায়ও প্ৰায় বান্ধনীদিগেৱই মত সেই পুৰুষপৰম্পৰায়ুগিত চাকৰী-

কৰ্মচাৰী।
লোলুপ হইয়াছে। তবে কিনা তাঁহারা এৰাবং
ৰাজকৰ্ম ছাড়া অপর কোন সাধাৰণ কাৰ্য গ্ৰহণ
কৰেন নাই। মাননীয় গভৰ্ণমেণ্টও তাঁহাদিগকে যথেষ্ট আনুকূল্য দেখাইয়া
আসিতেছেন। তাহাৰই ফলে—বাবু কৃষ্ণচন্দ্ৰ দেওয়ান ও তাঁহাৰ জ্যেষ্ঠ পুত্ৰ
বাবু নগেন্দ্ৰনাথ দেওয়ান উভয়েই সবডেপুটি কলেজ্জিগেৱ এবং জামাতা বাবু অৰিনাশ-
চন্দ্ৰ দেওয়ান স্কুল সব ইন্স্পেক্টেৱেৰ পদ লাভ কৰিয়াছেন। এতদ্ভিন্ন বাবু
জিগ্ৰগৎ দেওয়ান স্থানীয় ট্ৰেজাৰীৰ খাজাৰী, বাবু শনীকুমাৰ দেওয়ান, বাবু
শয়চন্দ্ৰ দেওয়ান ও বাবু ভগবানচন্দ্ৰ দেওয়ান পুলিস সব ইন্স্পেক্টেৰ; শ্ৰীমান
মদনমোহন দেওয়ান—হস্পিটাল এচিঃ, শ্ৰীমান জিতেন্দ্ৰনাথ তালুকদাৰ সুপাঃ
অফিসেৰ অত্তম কেৰাণী, বাবু লাগমণি চাক্ৰা ভেঙ্কিনেদন সব ইন্স্পেক্টেৰ,
শ্ৰীমান ৰাজচন্দ্ৰ চাক্ৰা শ্ৰীমান শঙ্কুৰণি চাক্ৰা ৰাইটাৰ কন্ঠাৰলে কাৰ্যে আছেন।
শুনিতেছি, স্থানীয় বৰ্তমান সুপাৰিণ্টেণ্ডেণ্ট মিঃ হাচিন্সন মহোদয় ইহাদিগকে আৰও
অধিকতৰ পৰিমাণে ৰাজকৰ্মে প্ৰবেশাধিকাৰ দিতে চেষ্টা কৰিতেছেন। অত্ৰদিকে
ৰাজবাহাদ্ৰেৰ আৰ্জিসেও বাবু মধুচন্দ্ৰ দেওয়ান ইংলিস ক্লাৰ্কেৰ কাৰ্যে আছেন।

সমগ্ৰ চাক্ৰা সমাজেৰ তুলনাৰ এইৰূপ চাক্ৰমেৰ সংখ্যা নিতান্ত মুষ্টিমেৱ
মাত্ৰ। তাই বলিবা আৰ আৰ সকলে কেবল আত্মাভিমানেৰ মদগৰ্কে বলিবা
নাই। স্বাধীনতাৰ্জ্হা আত্মনিৰ্ভৰতাকে উত্তেজিত কৰে, নতুবা উদয় নামক
বৃহৎ গহ্বৰটিৰ পুষ্টি চলিবে কিৰূপে? পৰন্ত জীবন যাজা নিৰ্কাহেৰ নিমিত্ত
জীপুৰুষ প্ৰায় সমভাবে চেষ্টা কৰে; উভয়েই উভয়েৰ সহচৰ ও সাহায্যকাৰী।
নিতান্ত অসমৰ্থ ভিন্ন কেহই অপৰেৰ গলগ্ৰহ হইতে চাহে না। বিশেষতঃ
জীলোকেরা বাহিৰেৰ-ক্ৰাজে পুৰুষদেৰ সমান পৰিশ্ৰম কৰিবাও সাংসাৰিক
বাবতীৰ কৰ্ম অনন্ত-অপেক্ষায় সম্পাদন কৰিবা থাকে। তত্ৰপৰি পতিসেবা,
সন্ধান পালন, অতিথি সংকাৰ ইত্যাদি আৰও কত আছে! চাক্ৰামহিলাৰ
এই অপূৰ্ণ মহত্ব বাৰ বাৰ উল্লেখ কৰিবা আসিবাছি, আৰও শত-সহস্ৰ বাৰ
বলিবা গেলেও যেন বলা ফুৰাইবে না। বাস্তবিক ইহা অপর সাধাৰণেৰ
আন্তৰিক ধনত্বৰ এবং বিশেষ প্ৰশিধান যোগ্য।

বিগত (১৯০১ সালের) আদমশুমারিতে দেখা যায়, ইহাদিগের ১৪৮৭৩ জন পুরুষ এবং ১২৮৮১ জন স্ত্রীলোক নিম্নলিখিতরূপে খাটির জীবিকানির্ভার করিতেছে ।

বিভিন্ন শ্রম ।

তন্মধ্যে ১৪৭৭২ জন পুরুষ ও ১২৭৮৯ জন স্ত্রীলোক কৃষিকার্য্যে, ৮ জন পুরুষ ও ২ জন স্ত্রীলোক শিকারান কার্য্যে এবং ২৬ জন পুরুষ শাসনস্বকীয় কর্ম্মে লিপ্ত ; অবশিষ্ট ৯০ জন পুরুষ ও ৬৭ জন স্ত্রীলোক ছোট বড় নানা কাজ লইয়া আছে । সুতরাং সমুদয় খাতির মধ্যে আর ২১২৬৪ জন বালবৃদ্ধবনিতা মাত্র সম্প্রতি অকর্ম্মণ্য ।

বস্তুতঃ শাসন, কৃষি, শিল্প, যজ্ঞ, চিকিৎসা, বাণিজ্য, শিকার, চাকরী, পশু-পালন ইত্যাদি ইত্যাদি নানাবিধ উপারই চাক্‌মাদিগের সাধারণ উপজীব্য । তবে ইহাদের সমাজে

উপরোক্ত ব্যবসায়গুলির মধ্যে বখাসমিহিত পরবর্ত্তী হইতে ক্রমে পূর্ববর্ত্তীগুলি অধিকতর সম্মানজনক । পূর্বেই জা হইয়াছে, ইহাদিগের মধ্যে সম্প্রদায়গত শ্রমবিভাগ নাই । সুতরাং বাহার যে কর্ম্মে অভিরুচি এবং দক্ষতা আছে, কিঞ্চিৎ চেষ্টা করিলে তাহা সে স্বচ্ছন্দে গ্রহণ করিতে পারে । কেবল শাসন-স্বকীয় কার্য্যের নির্ব্বাচনভার মাত্র অধুনা গভর্নমেন্টের হস্তে রাখিয়াছেন, তাহাও আবার উপযুক্ততার উপর নির্ভর করে । গ্রামবাসী যাহাকে উপযুক্ত বলিয়া নির্ব্বাচন করে এবং রাষ্ট্রাভিমতও তদনুকূল হইলে গভর্নমেন্ট তাহাকেই তৎপদ প্রদান করেন । যজ্ঞ, চিকিৎসা এবং চাকরীও কথঞ্চিৎ পরিমাণে সেরূপ উপযুক্ততা-সাপেক্ষ ; অপর দিকে কৃষি, শিল্প, শিকার, পশুপালন প্রায় সকল পরিবারেই আছে । কেবল বানিজ্যে মাত্র ইহাদিগের আসক্তি আশাশূন্য নহে । হায় ! যে উপরে বিদেশীয়গণ আসিয়া তাহাদের বখাসকর্ম্ম সূচন করিয়া লইয়া বাইতেছে, সপরিবারে অহিনিশি অধিশ্রান্ত খাটিয়াও বাহার করাল আক্রমণে তাহাদিগকে আত্মসমর্পণ করিতে হইতেছে, তৎপ্রতি সমুচিত দৃষ্টি-নিক্ষেপে অত্মপি তাহারা উদাসীন !

এই পার্কৃত্য চট্টগ্রাম হইতে বৎসর একমাত্র চাক্‌মাদিগেরই শ্রমলব্ধ প্রায় পাঁচলক্ষ টাকার কার্পাস, তিল, অরণ্যজাত কাঠ, নোকা, বেত, ছন ও আলানী কাঠ বিদেশে রপ্তানী হইয়া থাকে । কিন্তু বলিতে কি, বিদেশীয় মহাজনেরা দানম খাটাইয়া তাহা হইতেও প্রায় তৃতীয়াংশ আত্মসাৎ করে । তাহা ছাড়া এ সকল জন্ম চক্রঘোনা অর্থাৎ পার্কৃত্য চট্টগ্রামের নীচা ছাড়াইলেই প্রায় বেতশূন্য সূচ্য ধারণ করে, চট্টগ্রাম

পৌছিতে পৌছিতে আরও বেশী হয়। পরন্তু এই লভ্যাংশের সিকি পরসটিও ইহাদিগের ভাগ্যে ঘটে না;—সমস্তই বিদেশীদিগের সিল্ককাজ হইয়াছে। কিছুকাল হইতে কুমার রমণীমোহন কার্পাস ও তিলের ব্যবসায় খুলিয়াছেন কিন্তু উপযুক্ত তত্ত্বাবধানাত্মক তেমন সুবিধা হইতেছে না। সবডেপুটি কালেক্টর বাবু কৃষ্ণচন্দ্র দেওয়ানের পুত্র সুরেন্দ্রনাথ দেওয়ান ও রাইখ্যাং বাজারে একখানি দোকান খুলিয়াছিলেন; সুবিধামূরূপ চালাইতে না পারায়, তাহাও উঠিয়া গিয়াছে। ইহাদের মধ্যে এতদ্ভিন্ন আরও হু'চারিজন বেপারী দেখা যায় বটে, কিন্তু এই বিরাটকাজের পক্ষে এতৎসমুদয়কে নিতান্ত অগণ্য বলিলেও চলে। বর্তমান শিক্ষিত সম্প্রদায়ের মধ্যে বাণিজ্যের প্রতি আরও হু'একজনের আন্তরিক অনুরাগ দেখা যায়। উপযুক্ত মূলধনের অভাবে তাঁহারা কার্যে হস্তক্ষেপ করিতে পারিতেছে না। যদি ধনশালী মহোদয়গণ তাঁহাদিগকে সামান্ত অংশমাত্র দিয়া হইলেও ব্যবসয়ে প্রবৃত্ত হন, তাহা হইলে সকল দিকেই সুবিধা ঘটতে পারে।

সচরাচর কৃষি, শিল্প, বাণিজ্য, চাকরী ইত্যাদিতে একটি সাধারণ হৃত্ত দেখিতে পাওয়া যায়। পূর্বে এ সমুদয় সম্বন্ধে যাহা যাহা বর্ণিত হইয়াছে, তৎসমস্তের ব্যাপক-আলোচনা স্বরূপে বলা যাইতে পারে, জুম নিতান্ত দরিদ্রশ্রেণীরই অবলম্ব্য। সম্ভ্রান্তসম্প্রদায়—মোটকথা উপযুক্ত মূলধন সংগ্রহ করিতে পারিলে

ব্যবসারে সাধারণ হৃত্ত ।

সকলেই লাভের চাব আরম্ভ করিয়া দেয়। সাধারণতঃ এই দল হইতেই অধিক পরিমাণে লোক শিক্ষাপ্রাপ্ত হয়; সুতরাং চাকরীওয়ালার সংখ্যাও এই দলে অধিক। আর গরীব জুমিরাগণ অভাবে পড়িয়া নানা প্রকার বেতের কাজ, নোকাগঠন প্রভৃতি দ্বারা এক বনজাত উৎকৃষ্ট কাঠ, জালানী কাঠ ও ছন ইত্যাদি কাটিয়া জীবিকা-নির্কীর্ষে বাধ্য হয়। এই সমস্ত এবং জুমোৎপন্ন অপরাপর দ্রব্যনিচয় তাহারা নিকটবর্তী বাজারে নিয়া বিক্রয় করে। ইহাই তাহাদিগের একমাত্র অন্তর্বণিজ্য। সুতরাং জুমিরাদিগের দ্বারা শিল্প ও বাণিজ্যকার্য প্রধানতঃ চলিয়া থাকে। তাহা না হইয়াও উপায় নাই; যখন নোকাগঠনাদির সময় আসে, তখন চাষাদিগের অবকাশ হইয়া থাকে না। কিন্তু বস্ত্রবয়নের তার উত্তর সম্প্রদায়ের জীসমাজের উপরই ভ্রম রাখিয়াছে। পশুপালন চাষাদিগেরই অল্প কৰ্তব্যকর্মের অন্তর্গত। সাধারণ—যোরগ, শূকর ইত্যাদি ভিন্ন ভিন্ন পরিবর্তনশীল জুমিরাদিগের অপর পশুপালন পোষার না। তবে শিকারে চাষাগণ হইতে জুমিরাদিগের অধিক প্রয়োজন হয় বটে। এতদ্ভিন্ন যখন কাজও শেবোক্তরলের অধিকারে স্থগিত।

অষ্টাদশ পরিচ্ছেদ ।

[১] শিক্ষা (—স্ত্রীশিক্ষা) ;

এবং

[২] ভাষা—বর্ণাবলী—অপরাপর ভাষার সহিত
সাদৃশ্য বিশ্লেষণ ।



[১]

অবশ্যই ইহা স্বীকার্য যে, শিক্ষার চাক্ষুসভাতি অত্য়পি বহু পশ্চাৎপদ
রহিয়াছে । সরকারী কাগজপত্রে (১) পরিদৃষ্ট হয়, তাহাদের প্রায় অর্ধলক্ষ
অধিবাসীমধ্যে ২১৫৬ জন পুরুষ এবং ৪৪ জন স্ত্রীলোক মাত্র শিক্ষিত । তন্মধ্যে

শিক্ষার পরিমাণ । ৭৮৮ জন পুরুষ ও ২৪ জন স্ত্রীলোক বাঙ্গালা, আর ৫৫

জন পুরুষ মাত্র ইংরাজী জানে । অবশিষ্ট পুরুষ ও

স্ত্রীলোকেরা চাক্ষুসভাষা লিখিতে পড়িতে পারে । পক্ষান্তরে বাঙ্গালাভাষা-
শিক্ষিতদিগের মধ্যে ২২০ জন পুরুষ ও ৪ জন স্ত্রীলোক চাক্ষুস লেখাপড়াতেও
পরিপক্ব, এবং ১২ জন পুরুষের মধ্যভাষাতে অভিজ্ঞতা আছে । এক কথায় শত-
করা ৪১০ জন মাত্র কোনরূপে শিক্ষিত সংজ্ঞালভের যোগ্য । এখনও অনেকেই
লেখাপড়ার উপযোগিতা সম্পূর্ণ উপলব্ধি করিতে পারে নাই ; তাই ইহাদের
সমাজে জ্ঞান-জ্যোতিঃ এতই ক্ষীণ ! সাধারণ সকলে স্থূল দৃষ্টিতে আলোচনা করে,
লেখাপড়া শিখিলে বিলাসিতা আসে, সাংসারিক কাজকর্মে অভিজ্ঞতা জন্মে না,
বিশেষতঃ তদ্বারা অর্থোপার্জনের বাহা কিছু উপায়—তাহাও অতি স্থগার্হ । একেত
চাক্ষুসী—তাও আবার বিদেশে বিদেশে ঘুরিয়া (২) ! ফলে বর্তমানে বাহাদের মন

(১) Census Report—1901 &c.

(২) রামকমলবাবু একবার জনৈক চাক্ষুসকে বিজ্ঞার উপযোগিতা বুঝাইতে গিয়া বিশেষ
সতর্কত হইয়াছিলেন । সে বলিয়াছিল, 'মাষ্টার, তুমিও ত লেখাপড়া শিখিয়াছ, তার ফলে
ত্ৰীপুরাষি ছাড়িয়া এই বিদেশে বিদেশে ঘুরিতেছ । আমার হলে লেখাপড়া শিখিলে তাহার

শিক্ষার প্রতি আসক্ত হইয়াছে, তাহাবিগেরও অনেকে পাঠশালার শিক্ষাকেই যথেষ্ট মনে করিয়া থাকে।

অতিশয় কৃতজ্ঞতার সহিত উল্লেখ করিতেছি যে, সঙ্কল্প ইংরাজগভর্নমেন্টে এপ্রদেশের শাসনভার গ্রহণ করিয়া অবধি এই পার্শ্বত্যা জাতিসমূহের শিক্ষার নিমিত্ত বিস্তর অর্থগ্রহ দেখাইতেছেন। প্রাথমিক শিক্ষা প্রদানের নিমিত্ত সরকারী

সঙ্কল্প হইতেই একখানি মধ্য ইংরাজী স্কুল, চারিখানি
সুবিধা।

উচ্চ প্রাথমিক এবং ৭৭ খানি নিম্ন প্রাথমিক বিদ্যালয়ে (১) সাহায্য প্রদত্ত হয়, তজ্জন্ম গভর্নমেন্টের বার্ষিক প্রায় সাড়েবার হাজার টাকা ব্যয়িত হইয়া থাকে। এ সমুদয়ের কোন স্কুল হইতেই ছাত্রবেতন লওয়া হয় না, ফলতঃ গভর্নমেন্টের অতীত্পিত অর্থাভিত্তিক শিক্ষা প্রদানের সঙ্কল্প এদেশেই বহুকাল হইতে কার্যকরী হইতেছে। এতদ্বিত্তর খাস গভর্নমেন্টেরই সম্যক পরিচালনাধীনে রাঙামাটিতে এক উচ্চ ইংরাজী স্কুল (২) চলিতেছে, তাহাতে

অবস্থাও ত এইরূপ হইবে? হয়—লেখাপড়ার এই ত পরিণতি।' বস্তুতঃ আমাদের বর্তমান শিক্ষার পরিণাম যে চাকুরি—তাহাতে জীবনধারণ ভারস্বরূপ নহে কি?

(১) এই জেলায় মোট আইনারী স্কুল সংখ্যা বালকের—২০, এবং বালিকার—২; তা'ছাড়া ২৬ খানি ক্যাংস্কুল এবং ৪ খানি মজুবও আছে। এই শিক্ষা বিঘৃতির মূলে পার্শ্বত্যা-চটগ্রামের ভূতপূর্ব সিভিলসার্জন ও শিক্ষাবিভাগের অবৈতনিক সেক্রেটারী রায়সাহেব শ্রীযুক্ত ব্রজনাথ সাহা এবং অত্যত্র স্কুলসমূহের ভূতপূর্ব ডেপুটি ইন্সপেক্টর পরলোকগত গগনচন্দ্র বড়ুয়া—মহোদয়দ্বয়ের চেষ্টা সাতিশয় প্রশংসার্হ। সম্প্রতি প্রিয়মহাদ শ্রীযুক্ত অবিদ্যাপ্রসাদ দেওয়ান সবইন্সপেক্টরের কার্যে প্রবেশ করিয়া শিক্ষা বিস্তারের প্রতি বিশেষ মনোযোগ দিয়াছেন, আশা করা যায়—তাহাচার্য্য দেশের অধিকতর উন্নতি হইবে।

(২) এই স্কুল প্রথমতঃ ১৮৬৩ খৃষ্টাব্দে চন্দ্রবোনার স্থাপিত হয়। তখন ইহার "চন্দ্রবোন বোর্ডিংস্কুল"—আখ্যা ছিল। ইহাতে দুইজন মাত্র শিক্ষক ছিলেন, ছাত্রগণও মাত্র দুই শ্রেণীতে বিভক্ত ছিল। অনন্তর সমগ্র স্কুল দুই প্রধান ভাগে বিভক্ত হইয়া একজাগের শ্রেণীগুলির নাম হইল "বার্মিজ ক্লাস", অপর ভাগের শ্রেণীগুলির নাম হইল "চাকমা ক্লাস"। বার্মিজ ক্লাসে—বার্মিজ, ইংরাজী ও বাঙ্গালা বা বার্মিজ ও বাঙ্গালা পড়ান হইত, এবং চাকমা ক্লাসে—বাঙ্গালা ও ইংরাজী অথবা কেবল বাঙ্গালা অধ্যাপনা চলিত। অনন্তর ১৮৬২ অব্দের আরম্ভেই ডেপুটি কমিশনার অফিস চন্দ্রবোন হইতে রাঙামাটিতে উঠিয়া আসিবার সঙ্গে সঙ্গে এই স্কুলও চলিয়া আইসে; তখন হইতে ইহা "রাঙামাটি গভর্নমেন্ট বোর্ডিংস্কুল" নামে অভিহিত হইয়া আসিতেছে। ১৮৭৩ খৃঃ অব্দে ইহাতে মধ্য ইংরাজী শ্রেণী খোলা হয়। তাহাতে ১৯ জন মধ্য ইংরাজী, ৪ জন মধ্যবাঙ্গালা এবং ৪০ জন উচ্চ প্রাথমিক পরীক্ষার উত্তীর্ণ হইলে কর্তৃপক্ষ সন্তুষ্ট হইয়া ১৮৯১ খৃষ্টাব্দে

পাহাড়ী ছাত্রগণকে উন্নীতরূপ অবৈতনিক শিক্ষা ব্যতীত পকাশ জন ছাত্রকে স্বচ্ছন্দরূপে আহ্বান পর্যন্ত দেওয়া হয় ; এবং নিত্য দরিদ্রদিগের পুস্তকের লভ্যও কিছু টাকা নির্দিষ্ট আছে। সম্রাতি আবার প্রথম চারি শ্রেণীতে অধ্যয়নপর দরিদ্র ছাত্রদিগের নিমিত্ত দুই ও তিন টাকার দুই দুইটি বৃত্তি প্রদানের ব্যবস্থা হইয়াছে। এতদ্ব্যতীত তাহাদের তত্ত্বাবধানের নিমিত্ত ডাক্তারের বন্দোবস্ত আছে, এবং প্রধান শিক্ষক ও অন্ততম সহকারী শিক্ষকের উপর সুপারিন্টেন্ডেন্টের ভার লভ্য। বোর্ডিংএ পাচক, ভিত্তি, মেথর প্রভৃতিও বখানিয়মে আছে, এমন কি তাহাদের বস্ত্রাদি পরিষ্করণের নিমিত্ত সরকার হইতে একজন ধোণাও নিযুক্ত রাখিয়াছে। পূর্বে ইহাদের জল খাবার এবং পরিধেয় বস্ত্র পর্যন্ত দেওয়া হইত, করেক বৎসর হইতে তাহা উঠাইয়া দেওয়া হইয়াছে। পূর্বে যখন বিভাগীয় কমিশনার কি উর্দ্ধতন রাজকর্মচারী স্কুল পরিদর্শনে আসিতেন, তখন শিক্ষার ইহাদের আসক্তি বৃদ্ধির নিমিত্ত খলে খুলিয়া 'হিরলুটের বাতাসা'র ভার টাকা ছড়াইতেন। আর বালকগণ ছড়াছড়ি করিয়া তৎসমুদয় লুটিতে দেখিলে, তাঁহারা আনন্দে অধীর হইয়া হাততালি দিতেন !

হার ! এত সুবিধা ও প্রলোভন সবেও ছাত্র সংগ্রহের নিমিত্ত নাকি পূর্বতন শিক্ষকগণকে বিশেষ বেগ পাইতে হইত। তাঁহারা এই দুর্গম পার্শ্বপ্রদেশের নানা স্থানে ঘুরিয়া ঘুরিয়া ছাত্রাভ্যেষণ করিতেন। কোন কোন স্থানে তাঁহারা "ছেলেখরী" লোক (১) বলিয়া বিপদেও পড়িতেন। এই কারণেই একবার কতিপয় ছষ্টলোক ভূতপূর্ব প্রধান শিক্ষক শ্রীযুক্ত রামকমল দাস মহোদয়ের নোকা ডুবা হইয়া দেয়, তিনি অতি কষ্টে প্রাণে প্রাণে ফিরিয়াছিলেন। বলাবাহুল্য ইহাতেই তাঁহার সেই উচ্চ কাম হই নাই, তাঁহারই ঐকান্তিক অধ্যবসায় বলে এই স্কুলের বর্তমান উন্নতি ঘটিয়াছে। অধুনা অবশ্য তেমন দ্বারে দ্বারে ছাত্রসংগ্রহ

ইহাকে উচ্চ ইংরাজীতে উন্নীত করিয়াছেন। এখানে ইহাতে ১২ জন পাহাড়ী এবং ২৬ জন বাঙ্গালী ছাত্র প্রবেশিকা উত্তীর্ণ হইয়াছে। পূর্বে ইহার কর্মচারীসংখ্যা অত্যন্ত মাত্র ছিল। বর্তমানে শিক্ষক ১১ জন, দপ্তরী ১, দারোয়ান ১, মালী ১, মেথর ১ হইয়াছে। ১২০৮—০৯ সালে গভর্নমেন্টের স্কুলের লক্ষ ৭১৭৫ এবং বোর্ডিংএর লক্ষ ২৭২২ টাকা ব্যয় সিদ্ধাছে ; তদ্ব্যতী ৪২২ টাকা মাত্র ছাত্রবেতন আদায় হইয়াছে।

(১) পূর্বে পূর্ব গীজ দহাগণ কাহাকেও সুবিধা মত পাইলে, ঘুরিয়া ঘুরিয়া তাহাদের বলদুল্লভ করিত, তাহারা "ছেলেখরী" বলিয়া এসিক।

করিতে যাইতে হয় না বটে, কিন্তু গভর্নমেন্টের আগ্রহানুরূপ ছাত্র পাওয়া যাইতেছে না। ফলতঃ শিক্ষার উন্নতি যাদৃশ মন্দ, তাহাতে মনে হয়—
আরও বহুদিন ধরিয়া গভর্নমেন্টকে এই বোর্ডিং ব্যয় বহন করিতে হইবে।

এদেশের শিক্ষা সম্বন্ধে খৃষ্টিয়ান মিশনারীগণের চেষ্টাও অবশ্য উল্লেখ যোগ্য। তাঁহারাও স্থানে স্থানে বোর্ডিং পাঠশালা স্থাপন করিয়াছেন, এবং রাঙামাটিতেই বোর্ডিংযুক্ত এক মধ্য ইংরাজী বিদ্যালয় রাখিয়াছেন। উপসংহারভাগে তাঁহাদের অধ্যবসায়ের বিস্তৃত বিবরণ প্রদত্ত হইল। সে যাহা হউক, তাঁহাদিগের সেই উৎকট ধর্মবিস্তার চেষ্টাও এতদেশে শিক্ষাবিস্তারের কম অল্পকূল নহে। ফলতঃ পার্শ্বভাগে যুবকদিগের শিক্ষানুরাগবর্দ্ধনের জন্ত এই সমুদয়ই যথেষ্ট নহে। সহস্র গভর্নমেন্ট এই জেলার মধ্য পরীক্ষায় ১টা, উচ্চপ্রাথমিক ২টা ও নিম্ন প্রাথমিক ৮টা বৃত্তি প্রদান করিতেছেন এবং কেবল এই রাঙামাটি জুলেরই নিমিত্ত প্রবেশিকা পরীক্ষায় দশ টাকার এক বৃত্তি রাখিয়াছেন এবং উচ্চশ্রেণীতে অধ্যয়নার্থিকে

পুরস্কার।

বিশেষ বৃত্তি দিয়া থাকেন। এতদ্ব্যতীত কুমার রমণী

বাবু প্রতিবৎসর প্রবেশিকা পরীক্ষোত্তীর্ণ প্রথম

পাহাড়ী ছাত্রকে “সৈরিন্দ্রী মেডেল” নামে এক রৌপ্যপদক দিতেছিলেন, সম্ভ্রতি তৎপরিবর্তে প্রবেশিকার উক্ত বৃত্তিপ্রাপ্ত চাকমা ছাত্রকে উচ্চশিক্ষার সাহায্যার্থে দুই বৎসর স্থায়ী মাসিক পাঁচ টাকা করিয়া বৃত্তি প্রদানের সঙ্কল্প করিয়াছেন। এবং ঘোষণা করিয়াছেন, ১৯১৭ ইংরাজীর মধ্যে যে চাকমাছাত্র সর্বপ্রথমে বি, এ, পরীক্ষায় উত্তীর্ণ হইতে পারিবে, তিনি তাহাকে পাঁচশত টাকা পুরস্কার দান করিবেন।

এতসব চেষ্টার ফল নিতান্ত সামান্ত হইলেও এবং মঘ, কুকি, মুকং, ত্রিপুরা, বনজুগী প্রভৃতি সকলের প্রতি গভর্নমেন্টের তুল্যদৃষ্টি থাকিলেও পাহাড়ীদিগের মধ্যে চাকমাগণই শিক্ষায় সমাধিক অগ্রসর হইয়াছে। কি পাঠাশালায়—কি

কল।

জুলে অধিকাংশই চাকমা ছাত্র। অপরাপর পাহাড়ী

ছাত্রের তুলনায় চাকমাছাত্র অপেক্ষাকৃত অল্প বয়সেই

শিক্ষারমুখ করে। বর্তমানে কেবল চাকমা পল্লিতে দুইখানি উচ্চপ্রাথমিক এবং ৩২ খানি নিম্নপ্রাইমারী বিদ্যালয় আছে, তাহাতে ৫২৬ জন চাকমাছাত্র শিক্ষালাভ করিতেছে। এতদ্বিধি অধুনা অস্তিত্ত স্থানে অধ্যয়ন নিরত চাকমা ছাত্র সংখ্যাও প্রায় শত সংখ্যক হইবে। অপরদিকে দেখা যায়, রাঙামাটি উচ্চ ইংরাজী বিদ্যালয়ে গত দশ বৎসরের মধ্যে মাত্র ৯৪ জন চাকমা ছাত্র ভর্তি

হইরাছে; সুতরাং বার্ষিক দশ জনও নহে। পার্শ্বত্যা অপরাপর জাতির তুলনায় ইহাদিগের শিক্ষা শক্তি বহিঃ ন্যূন নয়, কিন্তু বিরাট সমাজের গণনার উহা নিতান্ত সামান্ত বলিতে হইবে। পরীক্ষা ফলও তাদৃশ সন্তোষপ্রদ নহে। এবাং ইহাদের হইতে নিম্ন প্রাইমারীতে ৬৮ জন, উচ্চ প্রাইমারীতে ৮ জন, এবং মধ্য পরীক্ষায় ৩ জন মাত্র উত্তীর্ণ হইতে পারিয়াছে। উচ্চশিক্ষার ফল ততোধিক শোচনীয়। মাত্র শ্রীযুক্ত নগেন্দ্রচন্দ্র দেওয়ানই বি, এ, পর্য্যন্ত পড়িয়াছেন। তিনি ছাড়া বর্তমান রাজা ও কুমার—ভ্রাতৃযুগল, শ্রীযুক্ত অমিনাশচন্দ্র দেওয়ান, শ্রীযুক্ত শরচ্চন্দ্র দেওয়ান ও শ্রীমান্ জিতেন্দ্রনাথ তালুকদার, ফাট্ট আর্ট পর্য্যন্ত পড়িয়াছেন, নবকুমার দেওয়ান নামে আর একটি ছেলে প্রবেশিকা পরীক্ষা প্রদান করিয়াছিলেন, কিন্তু পাশের সংবাদ বাহির না হইতেই করালকাল হতভাগ্যকে ইহলোক হইতে সরাইয়া নিয়াছে। তাহারই সমপাঠী শ্রীমান্ মদনমোহন দেওয়ান প্রবেশিকা পাশের পর কেঞ্চেল স্কুল হইতে হস্পিটাল এসিষ্ট্যান্টসিপ্ পাশ করিয়া আসিয়াছেন। অবশিষ্ট শ্রীমান্ যামিনীকুমার দেওয়ান ও শ্রীমান্ মতিলাল চাকমা এই বৎসরে উত্তীর্ণ। এতাদৃশী উন্নতি কোন জাতীয়-জীবনের পক্ষে যথেষ্ট নয় সত্য, তবে সুখের ও আশার কথা এই, ক্রমেই ইহা বিস্তৃত হইতেছে। বিশেষতঃ গত কয়েকবৎসর ধরিয়৷ ইহা বৈকল্পিক ক্রম গতিতে অগ্রসর হইতেছে, তাহাতে কালে ইহার প্রকৃত উন্নতি আশা করা যায়।

এস্থলে একবার স্ত্রীশিক্ষার আলোচনাটুকু করিয়া রাখা মন্দ নহে। এই সভ্যতাদৃষ্ট বিংশ শতাব্দীতে ইহার উপযোগিতা প্রায় সকলেই উপলব্ধি করিতে পারিয়াছেন। নিতান্ত অসুবিধা বিশেষ না থাকিলে স্ত্রী-শিক্ষা।

অধুনা স্ত্রীশিক্ষার উৎসাহদানে কাহাকেও বিমুখ দেখা যায় না। বস্তুতঃ অর্দ্ধদশ লইয়া সমাজ কত আর অগ্রসর হইতে পারে? গৃহিণীকে দিয়া যদি পারিবারিক নিত্যনৈমিত্তিক বর্ধগুণিও সুচারুরূপে সম্পন্ন করা না যায়, তবে আর সে পরিবারে সুখ কোথায়। শিক্ষা না পাইলে বাহ্য জ্ঞান লাভেরও সুবিধা পাওয়া যায় না। সুতরাং যাহাদের দ্বারা শিক্ষাদীপ প্রজ্জ্বলিত নহে, তাহাদিগের দ্বারা পারিবারিক সুখের প্রত্যাপা বিড়ম্বনা রাজ। বর্তমানে অবরোধ পালিতা বকীর ললনাগণ শিক্ষাক্ষেত্রে বেশ পারদর্শিতা দেখাইতেছেন।

সজ্জিস্ত চাকমাগণও শুদহুকরণে নিজেদের পরিবার গঠনে চেষ্টা করিতেছে। পূর্বেই বলিয়াছি, বিগত আদমশুমারিতে ৪৪ জন শিক্ষিতা চাকমা রমণীর খবর পাওয়া গিয়াছে, তন্মধ্যে ২৪ জন বালালা এবং ২০ জন চাকমা লেখা গড়ায়

অভিজ্ঞ। ইহাদের মধ্যে চারিজনের উত্তরবিধ লেখা পড়াতেই পরিপক্বতা আছে। যতদূর দেখা যায়, এতদুৎসাহদাতৃগণের মধ্যে শ্রীযুক্ত ইন্দ্রকর দেওয়ানই সর্বপ্রধান। তাঁহার দুইটা কন্যাই শিক্ষিতা। প্রথমা কন্যা শ্রীমতী সরযুবালা দ্বিতীয় বিভাগে উচ্চপ্রাথমিক পরীক্ষোত্তীর্ণ হইয়া ছাত্রবৃত্তি পর্যন্ত পড়িয়াছেন। দ্বিতীয়া কন্যা শ্রীমতী বোড়শীবালা প্রথম বিভাগে নিম্নপ্রাথমিক পরীক্ষা পাশের পর উচ্চপ্রাথমিকের পাঠ্য শেষ করিয়াছেন। ইহারা ছাড়া শ্রীযুক্ত পূর্ণ দেওয়ানের কন্যা শ্রীমতী সরোজিনী উচ্চপ্রাথমিকের পাঠ্য পর্যন্ত পড়িয়াছেন। অপর শ্রীযুক্ত রাজচন্দ্র দেওয়ানের কন্যা শ্রীমতী ইন্দ্রানী ও শ্রীমতী সুরবালা, শ্রীযুক্ত রসিকচন্দ্র দেওয়ানের কন্যা শ্রীমতী কুমুদিনী এবং সব ডেপুটিকালেক্টর শ্রীযুক্ত কৃষ্ণচন্দ্র দেওয়ানের প্রথমা কন্যা শ্রীমতী যশোদা নিম্নপ্রাথমিক পরীক্ষা পাশ করিয়াছে। তদীয় দ্বিতীয়া কন্যা শ্রীমতী পদ্মগন্ধা পরীক্ষা দেন নাই বটে, কিন্তু নিম্নপ্রাইমারীর পাঠ্য শেষ করিয়াছিলেন। বলা বাহুল্য, ইহা নব্যসম্প্রদায়ের তালিকা। প্রাচীনাদের মধ্যেও সামান্য রকমের বিহুযী মহিলা হুপ্রাপ্য হইলেও অপ্রাপ্য নহে। বাহা হউক বর্তমান এ উন্নতিতে শ্রী-শিক্ষা যে ভবিষ্যতে সুফলপ্রদ হইতে পারিবে, বেশ সূচিত হইতেছে। এক্ষণে যাহাতে ইহা সাধারণ পরিবারেও প্রসারিত হয়, সমাজ-হিতৈষী বৃন্দের নিকট তজ্জনা যথোচিত চেষ্টা প্রার্থনীয়।

দেশভেদে ভাষার বিভিন্নতা স্বতঃসিদ্ধ। যদি সমগ্র পৃথিবী ব্যাপিয়া একমাত্র ভাষার ভাবের আদানপ্রদান চলিত, তবে কত যে সুখের ও সুবিধার আশা ছিল, তাহা পরিমাণ করা যায় না; কেন না, প্রত্যেক দেশের স্বধীসম্প্রদায় বহুশ্রমার্জিত ভাষাশি শব্দ দেশজ ভাষায় লিপিবদ্ধ করিতেছেন; সে সমুদয় আয়ত্ত করিতে হইলে ভাষাভাষার পারদর্শী হওয়া সর্বাগ্রে আবশ্যিক। সুতরাং পৃথিবীর

সার্বভৌমিক ভাষা।

সার্বভৌমিক ভাষা।
 ঐক্যসাধিত করা হুন্নহ। কিন্তু তাদৃশ সার্বভৌমিক শিক্ষা সামান্য মানজীবনে লাভ সম্পূর্ণ অসম্ভব। তাই বলিতেছিলাম, সমগ্র পৃথিবীর এক সাধারণ ভাষা হইলে উপকারের পরিমীমা ছিল না। পূর্বে এক সময়ে এ ভারতের প্রায় সর্বাংশে হিন্দিতে কথোপকথন চলিত; কালক্রমে তাহা বিচ্ছিন্ন হইয়া পড়িয়াছে। সম্প্রতি কতিপয় বর্ষীয় কৃতবিদ্য বাল্যভাষায়কে ভারতের সর্বত্র প্রচলিত করিবার প্রয়াস পাইতেছেন, তাঁহাদের মনোরথ সিদ্ধ হইলে—দেশের এক গুরুতর অভাব নিরাকৃত হইবে।

ভাষাতত্ত্ব আলোচনা কালে দেখা যায়, দেশের অবস্থানের উপরই ভাষার

প্রকৃতি সম্পূর্ণরূপে নির্ভর করে । ইহা আবার বিবিধ কারণে ঘটয়া থাকে ।

ভাষাতত্ত্ব ।

প্রথম—দেশবাসীর কর্মতৎপরতা, দ্বিতীয়—প্রতি-
বেশী অপর্যাপ্ত ভাষার সংঘর্ষণ এবং তৃতীয়তঃ—

দেশের অবস্থানুসারে আবহাওয়ার প্রকৃতি । যে দেশের লোক সাতিশয় কর্মতৎপর (যেমন বন্দরাদিতে), এমন কি ভালরূপে কথাটি বলিবারও অবকাশ পায় না, তথাকার ভাষা সংক্ষিপ্ত হওয়াই স্বাভাবিক—অনেকস্থলে সঙ্কেতমাত্র অবলম্বনে কার্য্য চালাইতে বাধ্য হয় । পার্শ্বদেশের পক্ষেও এই ব্যবস্থা কতকপরিমাণে খাটে ; কারণ এখানকার জীবনকেও পরিশ্রমের কঠোর শাসনে পরিচালিত করিতে প্রকৃতিই বাধ্য করে । আবার বিভিন্ন ভাষার সংমিশ্রণে আসিলে, তাহাতেও একটা খিচড়ী না হইয়া যায় না । অধুনা আমরা অনেকগুলি ইংরাজী শব্দ একেবারে ধাসদখলে আনিয়া ফেলিয়াছি । এই যে ‘ধাসদখল’ শব্দটা প্রয়োগ করিলাম, তাহাও নিজস্ব নহে । এস্থলে তৎপরিবর্তে ‘নিজ অধিকার’ বসাইলে ঠিক উপযুক্ত (idiomatic) প্রয়োগ হইলনা মিলিয়া সম্ভবতঃ অনেকেই নাসিকা কুঞ্চিত করিবেন । এইরূপে সকল ভাষাই কিছু না কিছু পরিমাণে বিভিন্নভাষা দ্বারা পরিপুষ্ট হইয়াছে ও হইতেছে । এতদ্ব্যতীত দেশের জলবায়ু এবং শীতাতপের বিভিন্নতাও ভাষাবিচ্ছেদ ঘটাইবার পক্ষে সামান্য কারণ নহে । কিঞ্চিৎ অল্পসন্ধান করিলেই দেখা যায়, কোন কোন দেশের আবহাওয়ায় জিহ্বার এত জড়তা জন্মে যে, উচ্চারণে নিতান্ত বিকৃত ঘটে । কোথাওবা কেবল অল্পনাসিক উচ্চারণই ভাষার প্রকাশক । দেশ ভেদে এইরূপ নানা উচ্চারণ-বৈষম্যে ক্রমে পরস্পরের অবোধ্য ভাষার সৃষ্টি হইয়া থাকে ।

চাক্‌মাদিগের মূলভাষা বাঙ্গালা ; তবে ইহা প্রচলিত বাঙ্গালার তুলনায় নিতান্ত বিকৃত, এবং সংক্ষিপ্তও কম নহে । ইংরাজ রাজপুরুষেরা ইহাকে

“চাক্‌মা-বাঙ্গালা” (The language is Chakma Bengali) নামে অভিহিত করিয়াছেন (১) ।

বস্তুতঃ বঙ্গভাষা ক্রমেই পূর্কদিকে বিকৃত হইয়া আসিয়াছে । এতৎসম্বন্ধে প্রধানতঃ দুইটা কারণ অল্পমান করা যায় । প্রথমতঃ এ সকল দেশে পূর্বে

(১) Vide—Appendix VII ; part of A (Bengal code of census procedure.)

অধের বসতি ছিল। পরে যখন পশ্চিমবঙ্গ হইতে বাঙ্গালিগণ এখানে উপনিবেশ সংস্থাপন করিতে আসেন, তখন তাঁহাদের সেই প্রাচীন অর্থাৎ প্রাকৃতবহুল বাঙ্গালামাত্র সম্বল ছিল (১)। পরবর্তী যুগে নবদ্বীপ সংস্কৃত আলোচনার কেন্দ্রস্থল হওয়াতে তৎপার্শ্ববর্তী দেশ সমূহের ভাষার বহু সংস্কৃত শব্দ প্রবেশ লাভ করিয়াছে। তথা হইতে বাঙ্গালার যে অংশ যত অধিক দূরে অবস্থিত, তথাকার বাঙ্গালায় সংস্কৃত শব্দের পসার তত অল্প। দ্বিতীয়তঃ বিভিন্ন ভাষার সংঘর্ষেও যেকোন ভাষা বিকৃত এবং নিকৃষ্ট হইয়া পড়ে। চাক্‌মাভাষার মূল বাঙ্গালা হইলেও ময়, ত্রিপুরা এবং মুসলমানী ভাষার সহিত সংমিশ্রণ অতিশয় বিস্তৃত। ফলকথা, ইহারা বিজাতীয় সমাজ হইতে যাহা যাহা অনুকরণ করিয়াছে, ভাষা তন্মধ্যে সাধারণ মোটাটো বলা যাইতে পারে, চাক্‌মাগণ হিন্দুদের হইতে ভাষা ও দেবদেবী ; মর্ঘদিগের ধর্ম, ব্যবহার, ভাষা, এমন কি অক্ষরগুলি পর্য্যন্ত ; ত্রিপুরাদের ভাষা, পূজাপদ্ধতি ও আচার ব্যবহার ; এবং মুসলমানদিগের ভাষা ও তাঁ প্রভৃতি উপাধি ইত্যাদি—পার্শ্ববর্তী প্রায় সমুদয় জাতি হইতেই কিছু কিছু করিয়া গ্রহণ করিয়াছে। এই নিমিত্ত ইহাদের জাতীয় ইতিবৃত্ত সাতিশয় জটিল, এবং ভাষাও এত দুর্লভ হইয়াছে যে, অপর কোন জাতিরই সহজবোধ্য নহে। পরন্তু ধীরে ধীরে বলিলে সাধারণ চাক্‌মাও সরল বাঙ্গালা বুঝিতে পারে, এবং প্রায় বোধযোগ্য করিয়া উত্তর প্রদান করে। আবার ইহাদের মধ্যে “গোছা” বিশেষেরও কথার পার্শ্বক্য রহিয়াছে। যেমন “লার্মা”, “খেয়ংচেগে”, ও “কুরাকুট্যা” গে’ছার লোকে “খাঙল্” (যাঙর), “এজঙল্” (এজঙর) ইত্যাদি রূপে “র” স্থলে “ল” বলে। আবার কোন কোন “গোছার” কথার টানও বিভিন্ন।

ইহারা কতিপয় সংস্কৃত শব্দ এমনি অবিকৃতরূপে গ্রহণ করিয়াছে যে,

সংস্কৃত শব্দ ।

ভাবিলে আশ্চর্য্য হইতে হয়। তন্মধ্যে—দয়া,

ধর্ম, শক্তি, ভক্তি, দান, মান, কৃপা, পীড়া, চিং,

অমৃত, সুখ, গুণ, উপকার, সম্পত্তি, বন্ধু, মন, বিপদ, আপদ, ধন,

(১) দৃষ্টান্তস্বরূপ—চট্টগ্রামে প্রচলিত অনেক কথা ‘চৈতন্যভাগবত’, ‘চৈতন্যমঙ্গল’ ও প্রাচীন পদাবলী’ প্রকৃতি হইতে তুলিয়া দেখাইতে পারা যায়। তা’ছাড়া এখানে এমতও অনেক কথা আছে, যা পশ্চিমবঙ্গ ভিন্ন অপর কোথায়ও ব্যবহৃত নাই। এ সকল এবং আরও অন্যান্য কারণে বর্তমান চট্টগ্রামবাসী অধিকাংশ হিন্দুই যে দক্ষিণ রাঢ়জ তাহা স্বদৃঢ়রূপে প্রমাণিত হয়।

ধনী, মিত্র, বিচার, অন্তর, অকূল, শাক, গূঢ় প্রভৃতি শব্দগুলি সুপ্রথিত ।
এতদ্ভিন্ন কতকগুলি সংস্কৃতশব্দ সামান্য বিকৃত ভাবে ব্যবহৃত । যথা :—

মূল সংস্কৃত	চাক্‌মাতাধায় ;	মূল সংস্কৃত	চাক্‌মাতাধায় ;
অভুক্ত	আহুৎস্‌ ;	বট্‌তি	ঝা দি ;
আর্ধ্য	আর্ধ ;	দ্রুৎ	দ্রুৎ ;
উনানশাল ;	উনান শাল ;	পিশুৎ	পিশুৎ ;
কণ্‌থ	কল্‌ক ;	প্রত্যয়	পাত্যায় ;
কৃত	কুৎ ;	পিচ্ছিল	পিচ্ছোল ;
কুরাৎ (কয়্যৎ) কুরৎ ;		ধাস (গন্ধ)	ঘাচ ;
কর্ম	কাম ।	মে দেহি	মে দে ,
গোশালা	গোমাল ;	শবশালা	চযাশালা ;
গুচ্ছ	গোছা ;	সংশ্লেহভাষা	ছন্দভাচ ;
ছায়	ছাষা ;	হৃদয়ে	হৃদৎ : ইত্যাদি ।
জঙ্ক	জুর ;		

ধর্ম ভিন্ন প্রচলিত কথায় প্রাকৃত-প্রভাব তাদৃশ অধিক নহে । সচরাচর
কথোপকথনে—“উজু” (উজ্জু), “এজ্যা” (অজ্জ) ; “লডি” (লট্‌ঠী),
পালিশব্দ । “পাথর” (পথর), “দুয়ার”, “ঘর”, “খাম”
(খস্ত), “দুদু” (দুধ), “দৈদ”, (দহী), “শিয়াল”
(শিষা), “জিহু” (জেট্‌ঠা), বাবন (বরণ), “দঢ়”, “আন্ধান” (অন্ধ)
“দুনা” (দুণা), “বুরা” (বুড্‌ট), “তেল”, “মু” (মহ), “রূপা” (রূমা),
“মাছি” (মছি), “হোলদু” (হলদা), “পুধি” (পোথি) প্রকৃতি মূল এবং
ঈষদ্বিকৃত পালি শব্দের ব্যবহার পাওয়া যায় ।

আর অবিকৃত বাঙ্গালা শব্দও কম নহে । তন্মধ্যে ফুল, ভাল, মন্দ,
ঢাক, গরীব, বৈদ্য, ভাজা, নিজ, চোখ, ওঝা, পরাণ ইত্যাদি শব্দগুলি সাধারণ ।
বাঙ্গালা শব্দ । আণর উচ্চারণ-বিকৃতি দোষে কতকগুলি বাঙ্গালা
শব্দ সামান্য রূপান্তরিত হইয়া পড়িয়াছে ।

যেমন,—“দুষ” (দোষ), “বিচ্ছাচু” (বিশ্বাস), “ভাপ” (ভাব), “কদা”
(কথা), “বিগুণ” (বেগুন), “বালোসু” (বালিস), “বিষম্ লাগা” (বিষম্
লাগা), “বিছ্ লাগা” (বিষলাগা) ইত্যাদি । এ ছাড়া, কোন কোন শব্দ
বিশেষ পরিবর্তিত এবং কোনটী বা অর্থাভিন্ন হইয়া পিয়াছে ।
কয়েকটী উদাহরণ যথা,—“অবুদ্ধ” (অবোধ), “অমগদ” (মৌমার),

“শেতখানা” (পায়খানা), “পুর” (ম্যাদ), “দো-ল্” (সুলন্দর), “বারিজা” (বর্ষা), “কমলে” (কোন্ সময়ে) এবং “কাণা” শব্দে অন্ধকে বুঝায়। পাঠক মহোদয়েরা দেখিলেন, ইহার সংস্কৃত কি বাঙ্গালার এমন অনেক শব্দ বিকৃত বা অবিকৃতভাবে ব্যবহার করে যে সমুদয় পূর্ব কি উত্তরবঙ্গেও প্রচলিত নাই। তাহা ছাড়াও “মুজুং” (মৌসুম), “মাড়া” প্রভৃতি কতিপয় শব্দ পশ্চিম বঙ্গেরই অমুকরণ ব্যবহার করিয়া থাকে ।

পরন্তু আত্মীয় আত্মানেও বাঙ্গালীদিগের বিশেষতঃ হিন্দুগণের যথেষ্ট অমুকরণ পরিলক্ষিত হয় ; কোন কোন স্থলে সামান্য বিকৃতি ঘটিয়াছে মাত্র ।

আত্মীয় আত্মান ।

যথা—পিতা বা ঋগুর—“খা” ; মাতা বা শাশুড়ী—
“মা” ; পিতৃব্য—“জিধু” (জ্যেষ্ঠতাত), “খুরা”,
“কাকা” ; পিতৃব্যানী—“জৈধেই” (জ্যেষ্ঠতাতপত্নী), “খুরী”, “কাকী” ;
জ্যেষ্ঠভ্রাতা—“দাদা” ; জ্যেষ্ঠাভগ্নী—“বেই” ; কনিষ্ঠ ভাইভগ্নী—(মেহ-
সূচক) “লক্ষ” ; জ্যেষ্ঠ ভ্রাতৃবধু—“ভুজি” (১) ; মায়ের কনিষ্ঠা ভগ্নী—
“মুকি” ; মায়ের জ্যেষ্ঠা ভগ্নী—“জৈধেই” ; “মুকি”-পতি—“মইকা” এবং
“জৈধেই”-পতি “জিধু ; পিসী—“পিঝেই ; পিসা—“পিঝা” ; মামা—“মামু” ;
—মামী—“মামী” ; পিতামহ বা মাতামহ—“আবু”, “দা” ; পিতামহী
বা মাতামহী—“বেই”, “নানু” ; ভগ্নীপতি—“বোনই” (২) ।

সর্বোপরি ইহাদিগের সংখ্যাগণনা এক অদ্বুত ব্যাপার ! মোট কুড়িটা
রাশি আছে কিন্তু শ্রত্যেকটিরই অভিধা বিভিন্ন । ততোধিক গণনার

সংখ্যা গণনার ।

আবশ্যক হইলে, ‘এককুড়ি এত’ বা ‘দুই কুড়ি
এত’ বলিয়া প্রকাশ করে । অর্থাৎ পাঁচটার

কুড়ি কুড়ি গণনার পর তবে এক শতের সাক্ষাৎ পাওয়া যায় । বলিতে কি,
এতাদৃশ প্রথা অতাপি চট্টগ্রামের অশিক্ষিত সম্প্রদায়ে প্রচলিত আছে সম্ভবতঃ
ইহা তাহারই সংক্রমণ ফল । কিন্তু এই সংখ্যাগুলির নাম প্রায় বাঙ্গালা-
প্রসূত হইলেও কোন্ অর্থে স্থিীকৃত হইয়াছে, নির্ণয় করা দুঃস্বপ্ন । যথা :—১
একুধ, ২ দিধ, ৩ তিতিরি, ৪ তিধ, ৫ কাচ, ৬ কতম, ৭ বৌলাই, ৮ নিল, ৯
রাজা, ১০ দিন, ১১ হাত, ১২ গাৎ, ১৩ ব্রাহ্মণ, ১৪ ছকি, ১৫ ধর্জা, ১৬ ভাৎ,

(১) চট্টগ্রামের হিন্দুগণ “ভইল” এবং মুসলমানেরা “ভাউল” সম্বোধনে “ভাজি” বলিয়া থাকে ।

(২) চট্টগ্রামের নিম্ন শ্রেণীর লোকেরা বলে—“বোনাই” ।

১৭ গন্দা, ১৮ গন্ধি, ১৯ উনিশ, ২০ কুড়ি। কিন্তু র্তমানে এবংবিধ আখ্যায় গণনা এত বিরল যে, অশিক্ষিত সমাজেও কদাচিৎ পরিলক্ষিত হয়; প্রায় সকলেই এক ছুই করিয়াই গুণে।

ক্রিয়াপদের রূপ সংস্কৃত-অনুকরণে হইলেও নিত্যন্ত সংক্ষিপ্ত করিতে গিয়া তৎসমুদায় অধিকতর ছুর্কোষ্য হইয়া পড়িয়াছে। দেখিলেই বোধ হয় যেন,

ক্রিয়া বিভক্তি।

প্রাকৃতের অবস্থা অতিক্রম করিয়া বাঙ্গালায় উপ-
নীত হইবার কালে একটা মহাবিপ্লব ঘটয়া

গিয়াছে। একবচন ও বহুবচন লইয়া ক্রিয়ার পরিবর্তন হয়। কাল, পুরুষ ও বচনভেদে বিভক্তি সকল অষ্টাদশবিধ। ক্রিয়াবিভক্তি যথা :—

		একবচন	বহুবচন	
বর্তমানকাল	}	উত্তম পুরুষ	আং	এই
		মধ্যম পুরুষ	এইচ্	অ
		প্রথম পুরুষ	য়	ন্
ভবিষ্যৎকাল	}	উত্তম পুরুষ	এইম্	এষ
		মধ্যম পুরুষ	এষে	এষা
		প্রথম পুরুষ	এষ	এষাক্
অতীতকাল	}	উত্তম পুরুষ	এইয়ং	ইয়েই
		মধ্যম পুরুষ	ইয়চ্	ইয়
		প্রথম পুরুষ	ইয়ে	ইয়ন্

বাঙ্গালা পদ্যের “মুই”, “তুই” সর্কনাম চাক্‌মাতাষায় যথাক্রমে উত্তম ও মধ্যমপুরুষের একবচনে তুচ্ছার্থে এবং অতুচ্ছার্থে প্রচলিত; কিন্তু আশ্চর্য্য রূপান্তর এই, ইহার “আমি” এবং “তুমি” শব্দে বহুবচনার্থ প্রকাশ করিয়া থাকে। অততঃ প্রথম

সর্কনাম।

পুরুষের একবচনে—সংস্কৃত “তে” এবং বহুবচনে বাঙ্গালা পদ্যের “তারা” সর্কনাম পদ ব্যবহৃত হয়। এই সমুদয় সর্কনামের সম্মুখার্থে কোন বিশেষ রূপ নাই বটে, কিন্তু তাদৃশ সম্মানিত স্থলে সংস্কৃতের অনুকরণে একের প্রতিও বহুবচনের রূপ ব্যবহারের ব্যংহা আছে। আমাদের বক্তব্য কিঞ্চিৎ স্পষ্টতর করিতে এস্থলে একটা ক্রিয়ারূপ উপযুক্ত সর্কনাম সহযোগে প্রদর্শিত হইল।
গমনার্থ-বোধক ক্রিয়ারূপ যথা :—

বর্তমান কাল ।

বাঙ্গালা কথা ।
আমি যাই

চাক্‌মাতা কথা ।
মুই বাঃ

বাঙ্গালা কথা ।

আমরা যাই

তুই বা তুমি যাও

তোরা বা তোমরা যাও, }

অথবা আপনি যান }

সে যায়

তাহারা যায় বা তিনি যান

চাক্ষুণ্য কথা ।

আমি যেই

তুই যেইচ্

তুমি য

তে যায়

তারা যান

ভবিষ্যৎ কাল ।

আমি যাব

আমরা যাব

তুই যাবি বা তুমি যাবে

তোরা যাবি বা তোমরা যাবে }

অথবা আপনি যাবেন }

সে যাবে

তাহারা যাবে বা তিনি যাবেন

মুই যেইম্

আমি যিষই

তুই যেবে

তুমি যেবা

তে য়েব

তারা যেবাচ্

অতীত কাল ।

আমি গিয়াছিলাম

আমরা গিয়াছিলাম

তুই গিয়াছিলি বা তুমি গিয়াছিলে

তোরা গিয়াছিলি বা তোমরা }

গিয়াছিলে অথবা আপনি }

গিয়াছিলেন

সে গিয়াছিল

তাহারা গিয়াছিল বা তিনি গিয়াছিলেন

মুই যেইয়ঃ

আমি যিয়েই

তুই যিয়চ্

তুমি যিয়

তে যিয়ে

তারা যিয়ন্

পূর্বে বলিয়াছি, ইহারা মতভাষা হইতে বর্ণগুলি অনুকরণ করিয়াছে ।
কেননা ইহাদিগের বর্ণমালা এবং বর্ণসংযোগে ব্রহ্মবাসীদের সহিত যথেষ্ট সাদৃশ্য
দৃষ্ট যায় । ফলতঃ ব্রহ্মা এবং বঙ্গীয় বর্ণাবলীর
বর্ণাবলী ।
উৎপত্তিস্থলও বিভিন্ন নহে ; একই বৃক্ষের কাণ্ড

হইতে নানা শাখা নানা আকারে গঠিত হইয়া ভাষার অন্তর্সৌষ্টব বৃদ্ধি
করিয়াছে । শ্রীযুক্ত দীনেশচন্দ্র সেন মহাশয়ের “বঙ্গভাষা ও সাহিত্যে”
প্রদর্শিত “অশোকের সময় (২৫০ পূঃ খৃষ্টাব্দ) হইতে বঙ্গীয় বর্ণমালার ক্রম-
বিকাশের সহিত ব্রহ্মা ও চাক্ষুণ্য বর্ণসমূহের সাদৃশ্য দেখাইয়া পরবর্তী পৃষ্ঠায়
এক তালিকা প্রদত্ত হইল ।

ଆଧୁନିକ ସଂଜ୍ଞା	ପ୍ରାଚୀନ ସଂଜ୍ଞା	ପ୍ରକା	ଟାକସା	ଆଧୁନିକ ସଂଜ୍ଞା	ପ୍ରାଚୀନ ସଂଜ୍ଞା	ପ୍ରକା	ଟାକସା
ଅ	ଅ	ଅ	ଅ	ଟ	ଟ	ଅ	ଅ
ଇ	ଇ	ଇ	ଇ	ଠ	ଠ	ଅ	ଅ
ଉ	ଉ	ଉ	ଉ	ଡ	ଡ	ଅ	ଅ
ଏ	ଏ	ଏ	ଏ	ଢ	ଢ	ଅ	ଅ
କ	କ	କ	କ	ନ	ନ	ଅ	ଅ
ଖ	ଖ	ଖ	ଖ	ପ	ପ	ଅ	ଅ
ଗ	ଗ	ଗ	ଗ	କ	କ	ଅ	ଅ
ଘ	ଘ	ଘ	ଘ	ବ	ବ	ଅ	ଅ
ଙ	ଙ	ଙ	ଙ	ଭ	ଭ	ଅ	ଅ
ଚ	ଚ	ଚ	ଚ	ସ	ସ	ଅ	ଅ
ଛ	ଛ	ଛ	ଛ	ସ	ସ	ଅ	ଅ
ଜ	ଜ	ଜ	ଜ	ର	ର	ଅ	ଅ
ଝ	ଝ	ଝ	ଝ	ଲ	ଲ	ଅ	ଅ
ଞ	ଞ	ଞ	ଞ	ବ	ବ(ଞ)	ଅ	ଅ
ଟ	ଟ	ଟ	ଟ	ସ	ସ	ଅ	ଅ
ଠ	ଠ	ଠ	ଠ	ହ	ହ	ଅ	ଅ
ଡ	ଡ	ଡ	ଡ	ଞ୍ଜା	ଞ୍ଜା	ଅ	ଅ

ଈହାତେ ଦେଖା ସାନ୍, ଧ, ଗ, ଘ, ଘ, ଯ, ସ, ଯ ଏବଂ ହ ତେ କେନି ପାର୍ବକ୍ୟ ନାହିଁ ବଳିଲେ ଚଳେ । ଅବଶିଷ୍ଟଙ୍କର ସଂଖ୍ୟା ଅ, କ, ଚ, ଛ, ଙ, ଟ, ଡ, ଢ, ଧ, ପ, ଫ, ବ, ଭ,

প্রাচীন বাল্মালা, ব্রহ্মা
এবং চাক্ষুস ।

এবং ল প্রভৃতি বর্ণ যৎসামান্য রূপান্তরিত মাত্র ।
এতদতিরিক্ত যে বর্ণাবলী রহিল, তাহাদের মধ্যেও
যে আকৃতিগত একটা সম্পর্ক না রহিয়াছে, এমত
নহে । সময়সাগরের কত তরঙ্গাভিঘাত চলিয়া গিয়াছে, তথাপি এত
পরবর্তীকালের জীব আমরা যে প্রাচীন নিদর্শনের এতটা সাদৃশ্যেরও অস্তিত্ব
পাইতেছি, তাহাও পরম সৌভাগ্যের কথা বলিতে হইবে । পক্ষান্তরে ব্রহ্মার
সহিত চাক্ষুসবর্ণমালার সাদৃশ্য এবং সৎক অধিকতর ঘনিষ্ঠযুক্ত । সম্ভবতঃ
ত্রিপুরাদিগের ঞায় চাক্ষুসদিগেরও লিখন প্রথা বা বর্ণমালা ছিল না,
অনন্তর ব্রহ্মদেশে অবস্থিতিকালে নানা অশুবিধায় পড়িয়া তথাকার বর্ণাবলী
গ্রহণ করিয়া থাকিলে । পূর্বপৃষ্ঠায়বিন্যস্ত আদর্শেই পরিলক্ষিত হইবে,

ব্রহ্মা ও চাক্ষুস ।

স্বরবর্ণ গুলির মধ্যে 'উ'টা সম্পূর্ণ অবিকৃত :
'অ' ঙ্গে পরিবর্তিত হইয়াছে ; এবং অপর দুইটা

— ই, এ বর্ণে তারতম্য কিঞ্চিৎ অধিক থাকিলেও ব্রহ্মার দ্বিতীয় পর্যায়ে
সহিত সাদৃশ্য অনৈক্য নহে । ব্যঞ্জনবর্ণে—ক, খ, গ, ঘ, ত, থ, প, ফ, ব, ম, য,
ব (ওয়া), স ব্রহ্মাবর্ণের সহিত অভিন্নপ্রায় ; ঙ, চ, ছ, ঞ, ট, ঠ, ড, ঢ, ণ, দ,
ধ, ভ, ল, হ ইত্যাদি বর্ণেও অতিসামান্য রূপান্তর ঘটিয়াছে ; অধিকন্তু তৎ
ক্রমপরিবর্তন সুস্পষ্টই পরিদৃষ্ট হয় । অবশিষ্ট জ, ঝ, ন, র এবং হ্রস্ব তে
সামঞ্জস্য উদ্ধার কিছু কঠিন হইয়া পড়িয়াছে সত্য, কিন্তু পরস্পরের মধ্যে
মূলতঃ সৌসাদৃশ্য সহজেই অনুসন্ধান করিয়া লওয়া যায় । চাক্ষুস-সমাজের এ
অনুকরণ অল্পদিনের কথা নয় ইহার উপর দিয়া কত কত রাজামহারাজার
প্রভুত্ব—জগতের কত অনন্ত পরিবর্তন চলিয়া গিয়াছে, তাহার তুলনায় বর্ণ-
মালার এ সামান্য পরিবর্তন ধর্তব্যই নহে । বিশেষতঃ অনুকরণে প্রায়ই
খাটি জিনিষ থাকে না, অনুকারী হয়তঃ স্বীয় বিদ্যাবুদ্ধির সংযোগে একটা
অভিনব পদার্থ গড়িয়া তোলে, অল্পথা তাহা যতদূর পারা যায়—সংক্ষিপ্ত
সংস্করণে প্রকাশ করিয়া থাকে ।

এ ক্ষেত্রে কেবল আকৃতিগত সামান্য পরিবর্তন করিয়াই অনুকরণ-কর্তা
সন্তুষ্ট থাকিতে পারেন নাই, বর্ণসংখ্যাও যথাসাধ্য সংক্ষেপের চেষ্টা হইয়াছে ।
সংস্কৃতমাতৃক বলিয়া এই বর্ণগুলিও স্বর এবং ব্যঞ্জনভেদে দুই শ্রেণীতে বিভক্ত ।

স্বরবর্ণ ।

ব্রহ্মাদিগের মূল স্বরবর্ণ দশটা— ঋ এবং ৯ ইহাদের
নাই । কিন্তু চাক্ষুসগণ তাহা হইতে অ-ই-উ-এ

বর্ণচতুষ্টয়মাত্র গ্রহণ করিয়াছে । ই-ঈ এবং উ-ঊ পদ্বন্দ্বীরে কোন প্রত্যয় নাই । 'অ' এর উচ্চারণ—আ ; তত্‌পরি (৫) মাধা তুলিয়া দিলে অর্থাৎ রেবাক্রান্ত করিলে 'অ' উচ্চারিত হয় । 'ঊ' ছাড়া 'অ' এর উপর (১) বায়বুধী আর একখানি শিখা তুলিয়া দিলে 'ঐ' এবং 'অ' এর নীচে 'উ' দিলে 'ও' উচ্চারিত হইয়া থাকে । যেমন,—

অ উচ্চারণে—  ও উচ্চারণে— 
 ঐ উচ্চারণে—  ঊ উচ্চারণে— 

ইহাদের মধ্যে নাই ।

ব্যঞ্জনবর্ণের সংখ্যা ব্রহ্মভাষারই অমুরূপ বত্রিশটি । তৎমধ্যে বর্ণীরবর্ণগুলি ঠিকই আছে ; অস্তস্ব বর্ণের য—'য়া' এবং ব—'ওয়া' (১) সংজ্ঞার প্রথিত । পালির জায় তালব্য 'শ' ও মূর্দ্ধন্ত 'ষ' এর শাসন ইহাদের মধ্যে নাই । উদ্যবর্ণে অবশিষ্ট 'স' ও 'হ' ব্যতীত ব্রহ্মবর্ণাবলীর অমুরূপে (লাক্ষিয়ে) 'ছল' নামে আর একটা বর্ণ আছে, তাহার

ব্যবহার অপেক্ষাকৃত বিরল । এতদ্ব্যতিরিক্ত অমুস্বার এবং বিসর্গের প্রচলনও ইহারা অজ্ঞাত নহে ; তবে চন্দ্রবিন্দুর কাজ নু স্বারা সারিয়া যায় ; পরন্তু পালির জায় ব্যঞ্জনবর্ণ সকল কা—খা—গা—ঘা ইত্যাদি ক্রমে আকারান্ত করিয়া উচ্চারিত হয় ; বিশেষ পরিচয়স্থলে—তৎসঙ্গে আকৃতিসূচক বিশেষণযোগে পাঠ হইয়া থাকে । বলা বাহুল্য—তৎসমুদয় বিশেষণ "আঁকুড়ে ক" "বকা ঠোটে খ" প্রভৃতি রূপান্তর মাত্র । তাহা দেখাইবার পূর্বে বলিয়া রাখা প্রয়োজন, ইহারা সচ-রাচর 'স'কে 'হ' এর জায় উচ্চারণ করে এবং ট, ঠ, ড, ঢ, এর উচ্চারণ যথাক্রমে ত, থ, দ, ধ, এর সহিত বিনিময় করিয়া থাকে । যথা, ক—"চুচ্যাক্যা কা", খ—"গুজাক্যা খা", গ—"চান্দ্যা গা", ঘ—"তিনঠাণ্যা ঘা", ঙ—"ছিলামুঙা ঙা", চ—"ছিডাচ্যা চা", ছ—"মজছ্যা ছা", জ—"দ্বিপদলা জা", ঝ—"উরাউরি ঝা", ঞ—"তিলচ্যা ঞা", ট—"দ্বিয়াদা তা", ঠা—"কোডাদিয়া ঠা", ড—"আঁড়-ভাঙা দা", ঢ—"লেজভরা ধা", ণ—"শেট্টোয়া পা", ত—"গঙলা টা", থ—"জরদা ঠা", দ—"ছলনি ডা", ধ—"তলমো ঢা", ন—"কার্বাণ্যা না", প—"পাল্যা পা", ফ—"উয়রবোঝা ফা", ব—"উয়রমু বা", ভ—"চেরেদা ভা", ঝ—"বুগদ্-পদলা মা", য—"ছিমুছ্যা য্যা", র—"দ্বিদাণ্যা রা", ল—"তলমুলা লা",

(১) এই 'ওয়া' উচ্চারণ উত্তর-পশ্চিমাঞ্চলেও শুনিতো পাওয়া যায় । যথা—যোয়ারী (যারী), ষশে যার (ঈষর) ইত্যাদি ।

ব—“বাক্‌মালি ওয়া”, ম—“ভূতিবক্যা ছা”, হ—“উন্নয়নু হা” এবং ফ্লা—
“ল্যাম্বিরে ফ্লা”।

এই সমুদয় ব্যঞ্জনবর্ণকে অকারান্ত উচ্চারণের উপযোগী করিতে পূর্বোক্ত-
রূপে মন্তকোপরি (◌) রেফস্থাপন প্রয়োজন। ই-ঈকার (◌) শূন্য
বিশেষ মাত্র, ব্যঞ্জনের দক্ষিণপার্শ্বোপরি বসে। এবং
স্বরসংযোগ ।



উ-ঊকার (◌ বা ◌) একটান বা ছইটান নিম্নে,
একার (◌)—টিক বাদলার স্থায় পূর্বভাগে স্থাপিত হয়। এতদ্ভিন্ন পূর্ববর্ণিত
পদ্ধতিতে ঐকার যোগ করিতে হইলে, মন্তকে রেফ এবং বামমুখী শিখা উত্তোলন,
একরে মন্তকে রেফ এবং পাদদেশে ‘উ’ সংযুক্ত করা গিয়া থাকে। উদাহরণ যথা,—
ক কা কি কু কূ কে কৈ কো

ক কা কি কু কূ কে কৈ কো

অনুস্বার, বিসর্গ এবং চন্দ্রবিন্দু—পৃথক্ বর্ণ নহে, হলন্ত বর্ণেরই রূপান্তর মাত্র।
বলিতে কি, ইহাদের মধ্যেও তাদৃশ বিধি লক্ষিত হয় নাই। পূর্বেই বলা
হইয়াছে, চাক্‌মালেথায় হলন্ত ‘ন’ দ্বারা চন্দ্রবিন্দুর
হসন্তবিধান। উদ্দেশ্য সংসাধিত হয়। অপর অনুস্বার এবং বিসর্গের

নিমিত্ত সংস্কৃতভাষ্যকরণে যথাক্রমে (◌) একটা এবং (◌◌) দুইটা বিন্দু ব্যবহৃত
হইয়া থাকে। পরন্তু এই বিন্দুগুলি সংযুক্তবা বর্ণের মন্তকোপরি স্থান পায়।
হসন্তচিহ্নও (◌) মাত্রার স্থায়, তবে বর্ণের দক্ষিণপরি স্থাপিত হয়। ইহা-
দিগের ভাষায় ক, ঙ, চ, ঞ, ত, ন, প, ম, য়, র এবং ল এই কয়েকটা বর্ণে মাত্র
হসন্ত প্রয়োগ করা যাইতে পারে। তন্মধ্যে ভিন্ন ভিন্ন বর্ণে হসন্তযোগে ভিন্ন ভিন্ন
উচ্চারণ হইয়া থাকে। যথা,—ক্ (কাক্), ঙ্ (কাঙ্), চ্ (কাচ্), ঞ্ (ঞেই),
ত্ (কাত্), ন্ (কোন্), প্ (কোপ্), ম্ (কাম্), য়্ (কেই), র্ (কার্), ল্ (কাল্)
ইত্যাদি। কিন্তু অপর কোন স্বরান্ত ব্যঞ্জনের সহযোগে উচ্চারণের উক্ত ‘ক’ ইং
বাঁয়। হলন্ত ‘ওয়া’র উচ্চারণ—য়। বর্ণবিজ্ঞানের এই অংশ অত্যন্ত হ্রস্ব। তবে
সংযুক্তবর্ণ লিখিবার একটা বিশেষ নিয়ম প্রচলিত আছে। ইহা নামান্তরূপ জটিল
হইলেও অপরায়ণ নিয়মের তুলনায় বর্ণবিজ্ঞানের সরল সঙ্কেত বলিতে হইবে।
উপরেই দেখান হইয়াছে, বর্ণীয় বর্ণের প্রথম ও পঞ্চমবর্ণে মাত্র হসন্তযোগ করিতে
পারা যায়। সংযুক্ত বর্ণের যে বর্ণটি নিঃস্বর, তাহা যদি বর্ণের প্রথম বা পঞ্চম বর্ণ
না হয়, তবে সেইটা যে বর্ণের—সে বর্ণের প্রথমবর্ণোপরি হসন্ত চিহ্ন দিয়া, পরে

উক্ত বর্ণ অকারান্ত করিয়া বসাইতে হয়। উদাহরণস্বরূপ যেমন 'গম' ; চাকমা-লেখায়—'লক্গন'। অতঃ 'স' তে হসন্তচিহ্ন প্রয়োগ করিবার ব্যবস্থা নাই। যেখানে 'স' কে হসন্ত করিবার প্রয়োজন হয়, তথায় 'চ'—'স' এর অধিকার পায়। যেমন পুরচ্কার (পুরকার), বাচ্প (বাপ) ইত্যাদি। বলা বাহুল্য, ইহাদের মধ্যে রেফের কোন ভিন্ন ব্যবস্থা নাই ; রেফ যুক্ত করিতে হইলে পূর্ব-ভাগে 'ব' স্থাপন করিয়া তৎপার্শ্বে বর্ণটী লিখিতে হয়। উচ্চারণের পক্ষে ইহাদের আরও একটী সরলাবিধি এই যে, শব্দের অন্ত্য যে বাঞ্জন হসন্ত করিয়া উচ্চারিত হয়, লিখিবার সময়ও তাহাতে হসন্তচিহ্ন যুক্ত হইয়া থাকে।

য (য়), র এবং ব (ওয়া) এই কতিপয় বর্ণ মাত্র 'ফলা'রূপে অপর বাঞ্জনের সহিত সংযুক্ত হয়। 'য ফলা'টী () প্রায় বাঙ্গলারই স্বরূপ—বর্ণের পশ্চাতে বসে। 'র ফলা'টী () একটু অধিক বক্র বটে, কিন্তু দেখিলেই বাঙ্গলাভাব আসে এবং তদস্বরূপ পাদমূলে বসিয়া থাকে। প্রথমেই বলিয়া আসিয়াছি, ইহাদের স্বতন্ত্র কোন ঋকার নাই। কিন্তু এককণ যাবৎ তাহার কার্য বুঝাইবার সুবিধা পাইয়াছিলাম না। কোন বর্ণে ঋকার যোগের প্রয়োজন হইলে, তাহাতে 'র ফলা' ও ইকার যোগ করিলেই উদ্দেশ্য সম্পাদিত হয়। যথা,—ক্রিত (কৃত)। এতদ্বিন্ন 'ব' অর্থাৎ 'ওয়ারফলা' ও (০) একটী শূন্মাত্র—বর্ণের পদপ্রান্তে স্থান পায় ; উচ্চারণ সেই উত্তরপশ্চিমাঞ্চলেরই মত 'ওয়ার' অর্থাৎ দোয়ারী (দারী), দোয়ারিকা (দারিকা) ইত্যাদিক্রমে হইয়া থাকে। নিম্নোক্ত প্রতিলিপি হইতে আশা করি, মদীয় বক্তব্য সহজেই স্বদয়ঙ্গম হইবে।—

স ৎ পু ত্র বং স উ চ্ জ ল ক রে

সকলুত্ৰ ভূম্‌ য়েচন ন্যে

ত্রি চ্‌ স কা লে র বি র কি র গ তি ক্‌ গ হ

ত্ৰুয়র্ষ মনে ত্ৰুত্ৰু মিত্ৰু ঙ্গনর্ক্‌ ক

ভাষার মূল এবং গঠনপ্রণালী যথাসম্ভবরূপে প্রদর্শিত হইল। পরিশেষে বাঙ্গলা, পালি এবং সংস্কৃত ভিন্ন অপভ্রংশের ভাষা হইতে যে যে শব্দ ইহাদিগের মধ্যে প্রবেশ লাভ করিয়াছে, তাহা দেখাইয়াই বর্তমান অপভ্রংশের ভাষার শব্দ। পরিচ্ছেদের উপসংহার করিতেছি। তবে ইহা দ্বারা

বিজ্ঞাতীয় সংশ্লেষের গভীরতা পরিমাণ করিতে গেলে, প্রমাদে পতিত হইতে হইবে মাত্র । কারণ, মধ্যপ্রিয়াদি জাতির, যাহাদের সহিত ইহাদিগের বহুকাল ধরিত্ত একত্র বসবাস চলিতেছে, অতি অল্পসংখ্যক শব্দই চাক্‌মা সমাজে অধিকার পাইয়াছে। সুতরাং প্রচলিত শব্দসংখ্যা লইয়া জাতীয় নৈকট্য পরিমাপ নির্ণীত হইলে বিপরীত ফলই লাভ হইবে। মধ্যভাষার শব্দ যথা :—থবং (গধং), ধিসা (কিজা), গুয়াম্ (গুয়াঁবা অর্থাৎ পেরারা), ধিরা (দংথেরাবী. অর্থাৎ ফিরা), লোতা (লোরা অর্থাৎ ঘটা)। ইত্যাদি ; ত্রিপুরাভাষার শব্দ যথা :—তাগল (তাকুয়াল অর্থাৎ দা) ইত্যাদি ; আরবীভাষার শব্দ যথা :—হাগিম, হুগুম, মুলবী (মৌলবী), মেজবান, চাবি, চালাগ, জিব ইত্যাদি ; পারসীভাষার শব্দ যথা :—ফোজদারী, কাছারী, লৌ, জোয়ানবন্দী (জবানবন্দী), ফর্যাদি (ফরিয়াদী) ইত্যাদি ; হিন্দিভাষার শব্দ যথা :—মামী, জার (জারা অর্থাৎ শীত), আন্দাজ, চেয়ারা (চেহারা), জঁয়ল (জলল) ইত্যাদি ; চীনভাষার শব্দ যথা :—ছাটিন্ (সাটিন) লেছ (নিছ), চিনি ইত্যাদি ; মালয়ভাষার শব্দ যথা :—ছাউ (সাঙ) ইত্যাদি ; হিব্রুভাষার শব্দ যথা :—সেতান (সয়তান) ইত্যাদি ; ইংরাজীভাষার শব্দ যথা :—গভর্ণমেন্ট (গভর্ণমেন্ট), কমিছনার (কমিশনার), জজ, মাজষ্টর (ম্যাজিস্ট্রেট), আপিল, সুটিস (নোটিস), গলস (গ্লাস), রেফার (রফর) ইত্যাদি ; ফরাসীভাষার শব্দ যথা :—ফেঁরঁই (ফিরিজি), জিন, বিছকুট (বিসকিট) ইত্যাদি ; পটুগীজভাষার শব্দ যথা :—বারান্দা (বারেন্দা), ফিতা, বেলা (বেহালা), গির্জা (ইথ্রিজা—আমাদের কথার গির্জা), পাদারী (পাদ্রী), কাদিরা (কেদেরা), ছাবন (সাবান), আলমারী (আলমিরা) ইত্যাদি ; স্পেনীয় ভাষার শব্দ যথা :—সেরি ইত্যাদি ; দেনমার্ক-দেশীয় ভাষার শব্দ যথা :—বারান্দি (ব্রাণ্ডী), ডেক ইত্যাদি ; ইতালী-দেশীয় ভাষার শব্দ যথা :—সোদা (সোডা), কোম্পানী (কোম্পানী), পিতল, লিভি (লিষ্ট), বুক্‌ছ্ (ক্রু), কাপ্তান, ইত্যাদি নানা বিজ্ঞাতীয় শব্দের দ্বারা চাক্‌মাতাভাষা ক্রমেই পরিপুষ্ট হইতেছে এবং কদর্য্য বাঙ্গলা শব্দগুলিও ক্রমে সংকুত হইতে আরম্ভ করিয়াছে। মূল শব্দের সন্ধান পাওয়া গেলে অপ-ভ্রষ্টতার নির্কাসন স্বাভাবিক। অধুনা ইহাদের শিক্ষিত সম্প্রদায়ের সহিত কথোপকথনে তাঙ্গুশ কোন শব্দবিকৃতি সহজে ধরিতে পারা যায় না। আশা করা যায়—শিক্ষার প্রভুত বিস্তার হইলে, বাঙ্গলা ও চাক্‌মাতাভাষার উপলব্ধি করিবার উপযোগী কোন বিশেষ ভারতম্য থাকিবে না ।

উনবিংশ পরিচ্ছেদ ।

—:~:—

[১] কবি ও কবিতা ;

[২] বারমাস—[৩] ছড়া—[৪] হৈয়ালী ।

—:~:—

[১]

কবিতা সঙ্গীত শাস্ত্রের স্রশোভন পরিণাম । ভগবদত্ত মধুর কণ্ঠ না পাইয়াও কবি ভাবের নীরব ঝঙ্কারে ছন্দের মোহিনী ক্রিয়ায় জগৎ মাতাইয়া তোলে ; সেতার, এস্রাজ, পাখোঁরাজ, তবলা প্রভৃতি নানা রাগ-কবিতা ও সঙ্গীত ।

রাগিনী আলাপী মনোহর যন্ত্রনিচয় তাঁহাদের প্রয়োজনে আসেনা । সঙ্গীতের পদ জানা থাকিলে ও তদ্বারা কণ্ঠস্থিমানসে সুগায়কের আশ্রয় আবশ্যক ; কিন্তু কবি সেরূপ কাহারও মুখাপেক্ষী নহেন । উত্তরের রচনা প্রণালীতেও প্রভেদ বিস্তর । কবিতায় ভাষা ও ব্যাকরণের প্রভাব যত অধিক, সঙ্গীতে তেমন নয় । সঙ্গীতে পদ্য-গৌরব যেন অতি সামান্য, তাহাতে কেবল মাত্রা লইয়া গণনা ; শেষভাগে স্বর বা ব্যঞ্জনের ঈষৎ সাদৃশ্য থাকিলেই যথেষ্ট । পরন্তু কবিতা অমিত্রাকরে চলিলেও চরণ পূরণ কঠিনতর—প্রত্যেক স্বরবর্ণ লইয়া অক্ষর গণনা করা হয় । তদুপরি আবার যতির কড়া শাসন রহিয়াছে ।

ফলতঃ এস্থলে আমার এতাদৃশী ভূমিকা নিতান্ত নিরর্থক । চাক্‌মাদিগের কবিতাগুলি এযাবৎ সঙ্গীতের পাশমুক্ত হইতে পারে নাই । প্রায় কবিতাই প্রথম পরিচ্ছেদে প্রদর্শিত গানের অমুরূপ অল্প এক উপবাক্যের সহিত অতি নিকট মিলনে সহবাস করিতেছে । এমন কি, এ সকল তান-লয় সমন্বয়ে গীত হইয়াও থাকে । তথাপি তাহাদিগকে যে কবিতা আখ্যা দিলাম, সে কেবল ভাব-প্রবণতা এবং ঐতিহাসিকতার সনির্কঙ্ক অমুরোধে, নানা রাগ-রাগিনীতে উদ্দীত হইলে ও রামায়ণ-মহাভারতের আখ্যায়িকাগুলিকে যেমন কবিতার কথকতা ।

কবিতাসমষ্টি ধরা হয়, এইগুলিও সেই শ্রেণীর অন্তর্গত । উৎসব-আমোদে চাক্‌মাগণ কথকদিগের সাহায্যে সেই পৌরাণিক কাহিনী সমূহ স্তম্ভিবার ব্যবস্থা করে । প্রশস্ত স্থানে 'সভাস্থল' সজ্জিত হইয়া থাকে । পরে যথাসময়ে নিমন্ত্রিতগণ সমবেত হইলে, "গেনকুলী" মহাশয় কোকিল-বিনিম্বিত

রাগিণীতে সভাজনকে বিমুগ্ধ করিয়া বক্তব্য আরম্ভ করে। নান্দীপাঠ তাহার প্রথম কার্য,—‘সভাবন্দন’ দ্বিতীয়। আধ্যাত্মিক উপসংহার হইলে গৃহস্থ ও উপস্থিত সাধারণের মঙ্গল প্রার্থনা এবং স্বকীয় বিনীত নিবেদন ইত্যাদি করা হয়। এ সময়ে উপস্থিত সকলেই “গেনকুলীকে” পুরস্কৃত করে, বলা বাহুল্য, অপর সাধারণ অপেক্ষা গৃহস্থের পারিতোষিকের পরিমাণ অধিক থাকে।

কথকতা শিক্ষা সাপেক্ষ। এই তানলয়বদ্ধ কাহিনী এবং তদ্ব্যাখ্যা প্রভৃতিও শিখিয়া লইতে হয়। বস্তুতঃ চাক্‌মাদিগের এ সকল কথকগণকেও কবি বলা যাইতে পারে। যদিও তাহাদের বর্ণিত আধ্যাত্মিক সম্পূর্ণ কবি বা কথক।

নিজস্ব নহে, তথাপি মধ্যে মধ্যে লোকরঞ্জন মানলে তাহাদের স্বীয় ষোজনা যথেষ্ট দেখা যায়। সমগ্র চাক্‌মা সমাজে বর্তমানে প্রায় ১৫১ ২০ জন প্রথিতনামা কথক আছে; তন্মধ্যে ‘আক্‌কাণা’ নামক অক্ষয়ী সর্গ-প্রধান। ইহার বাড়ী চেঙ্গৌরকুলে, সাকিন তৈচাক্‌মা—“ফাক্‌মা গোছা”, ‘বালকাগোষ্ঠী’ সম্বৃত। জন্মদিন লিপিবদ্ধ নাই, বয়স অনুমান ৫৬.৫৭ বৎসর। এ বৃদ্ধ বয়সেও তাহার স্মমধুর কণ্ঠে শ্রোতৃবর্গ ক্ষুধা তৃষ্ণা ভুলিয়া যায়, পরমপিতা তাহাকে দৃষ্টিশক্তিহীন করিয়া কোন সজ্জদেহ সাধন করিতেছেন, আমাদের ক্ষুদ্র বুদ্ধিতে বুঝিতে অক্ষম; কিন্তু আপাত দৃষ্টিতে তজ্জন্ম ক্ষতি অনুভব করিতেছি।

আধ্যাত্মিকগুণের মধ্যে “ধনপতি রাধামোহনের উপাখ্যান”, “চাটগাঁ ছাড়া” “স্বষ্টিপত্তন”, “স্বর্গপালা” এবং “লক্ষ্মীচরিত্রের” নামই বিশেষ উল্লেখ যোগ্য। প্রথমোক্ত আধ্যাত্মিকগ্রন্থের স্থূলমর্ম প্রথম পরিচ্ছেদেও বিবৃত করিয়াছি; এস্থলে সবিস্তার বর্ণনা প্রদত্ত হইল। যে যে স্থানে বর্ণনা-বৈচিত্র্য পরিদৃষ্ট কবিগ্রন্থ।

হইয়াছে, তন্ত্বেংশল মাত্র অবিকৃত রাখিয়া পাঠকসাধারণের বোধ-সৌকর্যার্থে অপর আধ্যাত্মিক ভাগ গদ্যে রূপান্তরিত করিয়া দিলাম।—

ধনপতি-রাধামোহনের উপাখ্যান।

সাম্বিংগিরি রাজ্যের একমাত্র কচ্ছা, নাম রূপতি। রূপতি স্বয়ংবরা হইয়া জয়মঙ্গলকে বিবাহ করে। তাহাদের সংসার বড়ই সুখে চলিতেছিল; কিছুকাল পরে রূপতি এক কচ্ছা প্রসব করিল; তাহার নাম হইল “ধনপতি”।

চম্পক নগরে সাম্বিংগিরি রাজা ছাড়া হরিশ্চন্দ্র নামে অপর এক রাজা ছিলেন। তাহার পাটরাণীর নাম—মেনকা। রাধামোহন ইহাদের পুত্র এবং রূপতি ও মেনকা।

নিলপতি কচ্ছা। বাল্যকাল হইতেই রূপতি ও মেনকার মধ্যে বড় বেশী ভাব জন্মিয়াছিল। বয়সাবিক্যের সহিত

তাঁরা অধিকতর পরিপুষ্ট লাভ করিতে লাগিল । একে অপরকে প্রাণান্তপণে সাহায্য করিত; একে কোন স্থানে কার্যোপলক্ষে যাইতে হইলে আপন পুত্র কস্তাকে অস্ত্রের হেণাকতে রাখিয়া যাইত । একবার মেনকা রাধামোহনকে কপতির নিকট রাখিয়া যায় । রাজা সাধিবংগিরি তখন অতিশয় বৃদ্ধ হইয়াছিলেন । বৃদ্ধ বাৎসল্যকর্ষণে ধনপতি ও রাধামোহনকে একই দোলনায় রাখিয়া নিজেই দোলাইতে লাগিলেন এবং গাহিতেছিলেন,—

“সোনা-দোলনং রূপার দড়ি

দাদাটেল বেবেই ঘুম যাদন সমারে পড়ি ।

অলিরে অলি ধি—ধি—ধি ॥”

অন্তর্থাৎ—“সোণার দোলনার রূপার দড়ি; নাতনী আমার নাতীর সঙ্গে পড়িয়া ঘুম যাইতেছে । (অলিরে ইত্যাদি দোলনার তান ।)”

বৃদ্ধ যেন লোকাভীত প্রতিভাবলে ভবিষ্যতের মনোমুগ্ধকর চিত্র দেখিয়া আনন্দে আত্মহারা হইয়াছিলেন । তাঁহার দোলনার অপর গান যথা :—

“হাদং লয়ে বাদোল বাশ কুর্জাং লয়ে গুলি ;

আমা-দাদা মারি আনি দিব গৈ বনর পাখী ।

অলিরে অলি ধি—ধি—ধি ॥”

অন্তর্থাৎ—“হাতে ‘কামঠা’ ও কোচরে ‘গুলি’ লইয়া (রাধামোহন) দাদা আমার বনের পাখী মারিয়া আনিয়া দিবে । অলিরে ইত্যাদি ।”

ইহাতেও বৃদ্ধের দুর্বদর্শিতা পরিবাস্ত হইতেছে ।

ক্রমে ধনপতি ও রাধামোহন বয়ঃপ্রাপ্ত হইয়া যৌবনে পদার্পণ করিলে, উভয়ের মধ্যে অলঙ্কিত ভাবে প্রণয় সংস্থাপিত হয় । অবশেষে একদা রজনীভাগে

উভয়ে অরণ্যে পলাইয়া যায় । এদিকে তাঁহাদের ধনপতি ও রাধামোহন ।

খোজ আরম্ভ হইল । অনেক অমূলকানের পর তাঁহারা এক নদীকূলে ধৃত হন । প্রত্যাবর্তনের পর বিশেষ আড়ম্বর সহকারে যথাবিধি তাঁহাদের পরিণয় কার্য্য সূক্ষ্মসম্পাদিত হইল ।

চম্পকনগরের প্রধান রাজার নাম উদয়গিরি, সাধিবংগিরি ও হরিশ্চন্দ্র তাঁহারই সামন্ত রাজা । উদয়গিরি রাজার দুই পুত্র; বিজয়গিরি জ্যেষ্ঠ এবং সমরগিরি কনিষ্ঠ । রাজা বার্কাক্যদশায় উপনীত; উপযুক্ত পুত্র বিজয়গিরির হস্তে রাজ্য ভার সমর্পণ করিবার করুণা করিতেছিলেন । কিন্তু বিজয়গিরি ইতিমধ্যে দিগ্বি-

জয় ব্যপদেশে দক্ষিণাভিমুখে অভিযান করিতে সম্মত রাধামোহনকে সেনাপত্যে বরণ

করিলেন । সর্বসম্মতিক্রমে রাধামোহনকেই সেনা-পতিন্দে বরণ স্থিরীকৃত হইল । তজ্জন্ত রাধামোহনের নিকট লোক প্রেরণ

করিলেন। ধনপতি পূর্বরাত্রি: ভীমরাজ নামক পক্ষীবিশেষের জন্মনধনি শুনিয়াছিলেন। সেই কারণে অনিষ্টপাত ভয়ে ধনপতি রাধামোহনকে রাজ্যলগমনে প্রথমতঃ বারণ করেন, কিন্তু রাধামোহন রাজ্যদেশের প্রতি অসহোদ্র প্রদর্শন করিতে সাহস করিলেন না। বিজয়গিরি সমীপে উপস্থিত হইলে তিনি রাধামোহনকে সেনাপতিপদে অভিষিক্ত করিয়া প্রতিক্ষা করিলেন যে, যদি যুদ্ধ জয়ী হইয়া ক্ষিরিতে পারেন, তবে তাঁহাকে বিজিত রাজ্যের অর্দ্ধাংশ সমর্পণ করিবেন। ইহাতে রাধামোহন অধিকতর উৎসাহিত হইয়া অবিলম্বে মধুসখা চৈত্রের দশম দিবসে চম্পকনগর হইতে যাত্রা করিলেন। পথে আসিতে মনে হইল, এ সময়ে একবার ধনপতির সহিত সাক্ষাৎ করিয়া যাওয়া কর্তব্য। মৈত্র সামন্ত সমভিব্যাহারে স্বীয় প্রাণেশ্বরকে রণসজ্জায় বিভূষিত দেখিয়া ধনপতি পূর্বোক্ত অমঙ্গলাশঙ্কায় অধীরা হইলেন। রাধামোহন নানাবিধ প্রবোধবাক্যেও তাঁহাকে সাস্থনা করিতে পারিলেন না। অনন্তর রাধামোহন—

“(সুরে এত্তনু পিপীরা,)” (১)

এয়জি তগাৎগে তিবিরা।”

প্রতিনিধি দিবার জন্ত ‘ত্রিপুবা’ অবেষণ করিতে লাগিলেন।

“(কুচি রাণ্যা কাদাবন,)”

জয়নারাণ রোয়াজা-ইছ্ গেল্ রাধামন।”

রাধামোহন (ত্রিপুবাগিরির জনৈক সর্দার) জয়নারাণ রোয়াজার নিকটে গেলেন।

“(ছরা আগারে জুনি যায়,)”

তুমি রাধামন কুনি যায়?”

(তাপিত ভাঙি পিপাতা,)”

জয় নারাণ রোয়াজা পুয়ার লয় এই কথা।”

রাধামোহন আপনি কোথায় বাইতেছেন, জয়নারাণ রোয়াজা এই কথা জিজ্ঞাসা করিলেন।

“(চৈদে বৈশাখে পৈল্ বিছু,)”

এয়জি তগেছ্ এচ্চ্যং তন্ন ইছ্।”

(রাধামোহন বলিলেন) তোমার এখানে (যুদ্ধের) প্রতিনিধি খুঁজিতে আসিয়াছি।

“(আলু কুরি কামাতুন,)”

এয়জি পোম্মে তমা-পাড়াত্তুন?”

তোমার পাড়া হইতে প্রতিনিধি পাইব কি?

১) এই বস্তুবিশেষ পশ্চিমবঙ্গের কেবল পদমিলনের জন্ত ব্যবহৃত; যজুর্বেদ বিধির সঙ্গিত তাঁহাদের অর্থনত কোনও সম্বন্ধ নাই।

“(বেইনে বুনি কর ভারাম্,)

পাড়াপড়সী ডাকিল অন্নবারণ ।”

অন্নবারণ (রোজালা এই কথায়) প্রতীবাসীগণকে ডাকিলেন ।

“(ধারেরা ভাগলৈ কাবং বন,)

এরজি আগনে কোন জন ?”

(জিজ্ঞাসা করিলেন) তোমরা কেহ (সেনাপতি রাধামোহনের) প্রতিনিধিরূপে অন্নবারণ হইতে পার ?

“(শুলা খেলুং কুহুমে,)

ছয় কুড়ি টেঙা দিদ কর মুজুঙে ।”

(এতত) আগামীতে ১২০ টাকা দিতে বলিতেছে ।

ইহাতে তাহারা বলিল :—

“(চৈল্ কারি ঝায়াদং নয়,)

ছয়কুড়ি টেঙা কা—দ্বিশত টেঙা দিলেও আমি পার্জং নয় ।”

১২০ টাকা কেন—দুইশত টাকা দিলেও আমরা পারিব না ।

অনন্তর—

“সুপারী কিনি আধাপণ)

তিবিরি ন পোই কিরি এগ ঘরং রাধামন ।”

রাধামোহন ত্রিপুরা (প্রতিনিধি) না পাইয়া গৃহে প্রত্যাবর্তন করিলেন ।

“(উড়েল বয়ারে রণপতি,)

এরজি পেলৈ কি নপেলৈ পুঝার শয় ধনপতি ।”

ধনপতি (রাধামোহনকে) প্রতিনিধি পাইলেন কিনা, জিজ্ঞাসা করিলেন ।

রাধামোহন বলিলেন :—

“(ইজরং নিগলি চান্ ন-চান,)

দ্বিশত টেঙা দিলেও তিবিরি খাম্ ন-খান্ ।”

দুইশত টাকা দিলেও কোন ত্রিপুরা সাহস করে না ।

পরিশেষে রাধামোহন ধনপতিকে অনেক বুঝাইয়া চৈত্রের ১৫ই তারিখে রণবাজী করিলেন । আর এদিকে পতিবিরহ বিধুরা ধনপতি বিলাপ করিতে লাগিলেন :—

“লইয়ে পরাণে বিড়বিড়ি

খেলুং মাথা তর রাজা বিজয়গিরি ।”

‘পরাণ হটকট করিতেছে, (সুব্রাহ্ম অর্থে) রাজা বিজয়গিরি তোর মাথা খাই ।’

বলিয়া মাথা ভাল এ সময়ে ধনপতির গর্ভলক্ষণ দেখা দিয়াছিল ।

ইতি ধনপতি-রাধামোহনের উপাখ্যান ভাগ সমাপ্ত ।

চাটিগাঁ ছাড়া ।

এই আখ্যায়িকাখানি উপরি উক্ত উপাখ্যানের দ্বিতীয় খণ্ড মাত্র । তবে ইহার বর্ণনীয় কথা যে দিখিজর, তাহার প্রথম উত্তোগ হইতে বিস্তারিতভাবে আলোচিত হইয়াছে । বধা ;—

বধন যুবরাজ বিজয়গিরি দক্ষিণাভিমুখে দিখিজর গমনে সক্ষম করিতেছিলেন, সেই সময়ে—

“(রাঙা কালা সুইং ছিনে),

নানান কুসপনু দেগে রোয়াং রাজা দগিনে ।”

দক্ষিণে রোয়াং রাজা (১) অর্থাৎ আরাকান রাজা নানা কুৎস দেখিতেছিলেন ।

কেবল স্বপ্ন :নেহে, বিনে শৃগালের ডাক, অহর্নিশ শকুনি প্রভৃতি উড়িতেছে ; বেড়াইতে বাহির হইলে শব্দদর্শন ইত্যাদি নানা অমঙ্গল পরিদৃষ্ট হইতে লাগিল । একদা তাঁহার জলপূর্ণ ঘটা হইতে কুকুর আসিয়া জল খাইয়া গেল । এইরূপে নানা অশুভ চিহ্নদর্শনে মধ্বরাজা ব্যাকুল হইলেন এবং কারণ জানিবার নিমিত্ত দৈবজ্ঞ ডাকিলেন ! দৈবজ্ঞ গণনা করিয়া বলিলেন :—

“(বজ লগে বুধবারে)

অগোয়ে শত্ৰু র উত্তরে ।”

‘উত্তরদিকে শত্রু জয়গ্রহণ করিয়াছে ।’

ইহা শুনিয়া মধ্বরাজ মনে মনে প্রমাদ গণিলেন এবং গোপনে শত্রু-বিনাশের জন্ত জনৈক পারদর্শী নৃত পাঠাইলেন । কিন্তু সে শত্রুর কোনও সন্ধান পাইল না, অধিকন্তু রাজাকে আসিয়া নিরাশ্রম আশ্বাস দিল । রাজাও তাহাতে একরূপ নিশ্চিন্ত হইয়া রহিলেন ।

এদিকে যুবরাজ বিজয়গিরি সেনাপতি রাধামোহনকে অগ্রে পাঠাইয়া অবিলম্বে তিনি স্বয়ং আসিয়া তাঁহার সঙ্গে যোগ দিলেন । কালাবাধা প্রদেশে ভদ্রীশ শিবির সংস্থাপিত হইল । যুবরাজকে তথায় রাখিয়া রাধামোহন সৈন্ত সামন্তগণসহ যুদ্ধার্থে বহির্গত হইলেন । সৈন্তগণ যুদ্ধে বাইতে বাইতে বলিতেছে:—

“(গেগুং ছরার নে উজানি,)

মধবেশ কুছু আগে কি জানি ?”

ইহার উজানাকির্দ্বী বাইতেছি, কিন্তু সীবা পাওগা বাইতেছেন, —মধবেশ যে কোথায় আছে, কে জানে ?

“(মানেক বেগানী কল্‌কলি),

কত সৈন্ত কতন কল্‌কলি ।”

কতকগুলি সৈন্ত কোলাহল করিতেছে ।

“(তামা পিদোল কেচতন্‌ দে,),

কত সৈন্তগণ এতন্‌ দে ।”

কত বে অর্থাৎ অগণিত সৈন্ত আসিতেছে ।

“(তোনে রাগিনি তাত খেলাক্)

সমুদ্র সাগর নি লাগ পেলাক্ ।”

(অবশেষে) সমুদ্রতীরে আসিয়া সকলে উপনীত হইল ।

সেনাপতি বলিতেছেন :—

“(আশুগং দিলে ঘি গলে,)

সমুদ্র পার হবং গম দোলে ।”

‘সুবিধা মতই সমুদ্র পার হইব ।’

কবি দেখিলেন :—

“নাভের উল্লাসে রাধামন

কৈগাং পলাকি সৈন্তগণ ।”

সৈন্তগণ কৈগাং নদীতীরে উপস্থিত হইলে রাধা মোহন আনন্দে নাচিতে লাগিলেন ।

অনন্তর মঘরাজ-সমীপে দূত প্রেরণ করা হইল । সংবাদ পাইয়া মঘরাজা অস্থির হইলেন এবং কিংকর্তব্য পরামর্শের নিমিত্ত মন্ত্রিগণকে আহ্বান করিলেন । যুদ্ধ করাই মন্ত্রণা স্থির হইল । দূত আসিয়া উত্তর জ্ঞাপন করিলে সেনাপতির আদেশক্রমে—

“(জাদি পূজাং দিলুং ঘি,)

মঘদেশ কূলে সৈন্তগণ পলাকি ।”

সৈন্তগণ মঘদেশে আসিয়া উপস্থিত হইলেন ।

“(পাজারি দোকানং কিটকিদি,)

জাগা নদে মঘরাজা এককিদি ।”

‘মঘরাজা তাহাদিগকে একটুকু স্থানও দিলেন না ।

“(বন্ধিৎ বাভের দলবাজা,)

মঘরাজা ক’ন্তে কু ঠুন্‌ এল কন্‌ রাজা ?”

মঘরাজা বলেন, কোথা হইতে কোন্‌ রাজা আসিল ।

অতঃপর রাধামোহনের সঙ্গে মঘরাজার যুদ্ধ আরম্ভ হইল । কবির ভাষায়

“রাধামনর সা’স ডাঙর,

আন্তে আন্তে চাক্‌রাজা রাজ্য বারি লয় ।”

রাধামোহনের সাহস খুব বেশী ; তখনে চাক্‌মারাজা ধীরে ধীরে বেশ ভয় করিতে লাগিলেন ।

ক্রমে—

“লৈইজ্জার সমারে সৈস্তগণ,
রোয়াংকূলে লুগেই রাধামন ।”

রাধামোহন সৈস্তগণ সমভিব্যাহারে রোয়াং কূলে অর্থাৎ বর্তমান আরাফানে উপস্থিত হইলেন ।

ইহাতে অতিশয় কুপিত হইয়া

“(ছরাছরিং নে গাধিব,)

মঘরাজা ক’তে চাক্‌মারাজাকে কাটিব ।”

মঘরাজা বলিলেন, ‘চাক্‌মারাজাকে কাটিব ।’

কিন্তু—

“(বজ্জিবেইজ্জার আধারে,)

রোয়াং রাজা লারেই ন-গরে ;

লারেই গরে পান্তরে ।”

‘রোয়াংরাজা নিজে যুদ্ধ করিলেন না, তদীয় পাত্র অর্থাৎ সেনাপতি যুদ্ধ করিতে লাগিলেন ।’

(অথ যুদ্ধ বর্ণনা ।)

কবি বলিতেছেন :—

“ডাকের তুলি ঘনে ঘন,

মার মার ছকুম দিল দাদা রাধামন ।”

দাদা রাধামোহন ভীষণ শব্দে ঘন ঘন চীৎকার তুলিয়া ‘মার মার’ আদেশ দিলেন ।

“গন্তন মঘে লিক্‌লিকি,

মঘ-ইন্দি সৈস্ত পস্তনদে কমি কি ?”

মঘেরা ছুটাছুটি করিতে লাগিল ; তাহাদের পক্ষে কি কম অর্থাৎ অগণিত সৈস্ত পড়িতেছে ।

“মঘে গন্তন হাহাকার,

রাজ্য গন্তন চাক্‌মার মঘের অনাচার ।”

চাক্‌মার মঘের রাজ্যে অভ্যচার করিতেছে ; মঘেরা হাহাকার করিতে লাগিল ।

‘পিন্ডে মঘরাজা হদিল,

রাধামন সমারে ন জিন্‌ল ।”

অবশেষে মঘরাজা পরাস্ত হইলেন ; রাধামোহনের সহিত যুদ্ধে ভয় লাভ করিতে পারিলেন না ।

“(বজ্জিৎ বাজের ধলবাজা,)

তুদি গরি ডাংগর মঘরাজা ।”

স্বরাজা (রাধামোহনকে) সন্নিহনে আহ্বান করিলেন ।

“কহে স্বরাজা রাধারে,
রেক্ষ্য গর্বেভ্যং তুমারে ।”

স্বরাজা রাধামোহন কে কহিলেন, তোমাকে রাজ্য বুঝাইয়া দিতেছি ।

“গম্মা গন্না কন্মুং দান,
চাংগে তত্ত্বনু পরাণ দান ।”

গম্মা গন্না অর্থাৎ সর্ব্বই তোমাকে দান করিলাম; তোমার নিকট (মাত্ৰ) প্রাণ তিক্কা চাহিতেছি ।

তদনন্তর রাধামোহন রোয়াংকুল হইতে স্বয়ং দেশজয় করিতে ছুটিলেন ।
প্রায় পাঁচদিনে—

“জালি পাগর্ঘ্যা লুমে লাগ,
ছিত্ত সৈন্তগণ জিরে লাগ ।”

(ষায়ং দেশের) জালিপাগর্ঘ্যা নামক স্থানে উপনীত হইয়া তথায় সৈন্তগণ বিস্রাম করিল ।

তখন—

“জাদি পূজাং নে ঘি দিল,
বিজয়গিরি রাজা ঘিরাজা জিদিল ।”

(যুব) রাজ বিজয়গিরি ছই রাজ্য জয় করতে ধর্ম্ম-কামে বক্রাঘুষ্ঠান করিলেন ।

“রণং জিনি বার্ল্যা তেজ,
সিত্তুন গেলাক্ বিলে (১) অক্সাদেশ ।”

যুদ্ধে জয়লাভে (রাধামোহনের) তেজ বাড়িল,—অনন্তর তথা হইতে অক্সাদেশ (উক্তরাজ)
যাত্রা করিলেন ।

এখানে অক্সাগণের সহিত ঘোরতর যুদ্ধ বাধে । তাহাতে রাধামোহন
মূর্ছাগত হইয়াছিলেন । কথিত আছে, নারায়ণ স্বয়ং বৈভবেশে আসিয়া
রাধামোহনের মূর্ছা ।

সংবাদ লইয়া তদীয় সারথি কুলধন কালাবাঘা প্রদেশে
স্বরাজ্য বিজয়গিরির নিকট ষায় । তচ্ছ্রুত্বে বিজয়গিরি বিলাপ করিতে লাগি-
লেন :—

“ওরে পাত্ৰগণ কি হব ?

লারেই সন্দার লারেং পোল্ কি হব ?”

ওহে অমাত্য সকল, যুদ্ধের সেনাপতি পড়িয়া গেলেন; উপায় কি হইবে ?

অবশেষে স্বরাজ্য রাধামোহনের উদ্ধারার্থ কুলধনের সহিত আরও অধিকতর

(১) বিলে—পদস্বরূপে ।

সৈন্য পাঠাইলেন । এদিকে সেনাপতি সংজ্ঞালভ করিয়াছিলেন । অনন্তর তিনি নবাগত সৈন্যসমূহকে লইয়া একত্র বিক্রমের সহিত যুদ্ধারম্ভ করিলেন যে, অবিলম্বে—

“(পিতা হুবি সিংহল,)

রাধামন তিন রাজ্য জিহিল ।”

রাধামোহন (মঘদেশ, খারঃ রাজ্য এবং অজ্ঞাদেশের) রাজত্বকে জয় করিলেন ।

অনন্তর রাধামোহন অজ্ঞাদেশ হইতে প্রত্যাবৃত্ত হইয়া পুরীদেশ আক্রমণ করিলেন । ইহার বর্তমান নাম কাঞ্চনপুর ।

“কাঞ্চন রাজ্য লারেই ক্ষেমা দিল,

রাধামনে কাঞ্চন নগর জিহিল ।”

কাঞ্চনপুররাজ যুদ্ধ করিলেন না, হতরাং রাধামোহন অনায়াসেই কাঞ্চননগর জয় করিলেন তখন বলিলেন :—

“এবে জিহিলুং কাঞ্চন দেশ,

ফিরি উল্লা বেড়েংবৈ পুগর দেশ ।”

‘এখন কাঞ্চন দেশ জয় করিলাম, আবার পূর্বদেশ বেড়াইতে বাহির হইব ।’

“পুগে আগে রেজ্য কালঞ্জর,

সে মুখ্যা রাধামন দিল লড় ।”

পূর্বদিকে কালঞ্জর অর্থাৎ কুকিদেশ আছে, রাধামোহন তদভিমুখে বাত্মা করিলেন ।

এই সংবাদ পাইয়া—

“কালঞ্জর রাজ্য কিগল,

পাখরী কিল্লা কুগাল ।”

কুকিরাজ কি করিলেন ? প্রস্তর নির্মিত দুর্গে প্রস্তুত করিলেন ।

পনের দিন ধরিয়া কুকিরাজার সহিত রাধামোহনের যুদ্ধ হয় ; অবশেষে কুকিরাজ পরাজিত হন । দিথিঞ্জয় ব্যাপার শেষ করিয়া, রাধামোহন যুবরাজ-সমীপে সংবাদ পাঠাইলেন । তখন—

“সে সংবাদ শুনি কি গল,

সিতুল বিজয়গিরি রাজ্য লড় দিল”

রাজ্য বিজয়গিরি সেই সংবাদ শুনিয়া (কালাধাষ প্রদেশ হইতে) ছুটিলেন ।

“(জাদি পুজাং দিলুং ঘি,)

রগল দেশে পলাকি ।”

রগল দেশে অর্থাৎ চট্টগ্রামে আসিয়া উপস্থিত হইলেন ।

চাক্ষুসরাজ আলিতেছেন শুনিয়া মঘরাজ্য শশব্যস্ত হইয়া পড়িলেন ।

“(রাজ-আগাং তদেগংখুল,)

লুম্যেটে রাজা সাঙ্গেরোর কুল ।”

(যুবরাজ বিজয়গিরি একিবারে) সাঙ্গেরোরকূলে (ব্রহ্মদেশে) উপনীত হইলেন ।

রাধামোহন সাঙ্গেরোরকূলে যুবরাজের সহিত সাক্ষাৎ করিয়া স্বদেশপ্রত্যা-
ঘর্জননের প্রার্থনা জানাইলেন । বিজয়গিরি কৃষ্ণাভঃকরণে সেমাপত্তিকে বিদায়
দিলেন । প্রায় বার বৎসরের পর রাধামোহন স্বীয়
রাধামোহনের স্বদেশবাত্রা ।

ভবনে উপস্থিত । ধনপতির গর্ভজাত পুত্র সারাদান
ষাদশ বৎসরে পদার্পণ করিয়াছে । পুত্রকে বন্দে করিতে পাইয়া রাধামোহন
আনন্দসাগরে ভাসিলেন । ধনপতিও বহুকাল পরে হৃদয়ের ধন হৃদয়ে পাইয়া
হৃদয় জুড়াইয়া লইলেন ।

বিজয় গিরির দিগ্বিজয় যাত্রার কিছুকাল পরে বৃদ্ধ রাজা উদয়গিরি কালক্রমে
পতিত হন । সিংহাসন শূন্য পড়িয়া রহিলে পাছে রাষ্ট্রবিপ্লব ঘটে, এই ভয়ে

কনিষ্ঠ সমরগিরি সিংহাসনারূঢ় হইয়াছিলেন । রাধা-
রাজা সমরগিরি ।

মোহন প্রত্যাবৃত্ত হইয়াছেন সংবাদ পাইয়া রাজা
সমরগিরি তাঁহাকে ডাকিয়া পাঠাইলেন । রাধামোহন রাজসকালে সমাগত
হইলে সমরগিরি তাঁহার প্রতি যথোচিত সন্মান প্রদর্শন করিয়া প্রথমেই জ্যেষ্ঠ
সহোদরের কুশল জিজ্ঞাসা করিলেন । রাধামোহন তত্ত্বস্তরে বিজয়গিরির উপ-
দেশান্তরে বলিলেন :—‘তিনি আগামী অগ্রহায়ণ মাসে নিশ্চয়ই ফিরিবেন ।’
অনন্তর যুদ্ধের বিবরণ আরম্ভ করিলেন এবং পরিশেষে বিজিত রাজ্যের বর্ণনা
শেষ করিয়া স্বগৃহে প্রত্যাগত হইলেন ।

এদিকে বিজয়গিরি বিজিতরাজ্যের সুশৃঙ্খলাবিধান করিয়া কথিত অগ্রহায়ণ
মাসে স্বদেশাভিমুখে যাত্রা করিলেন । কালবাধা প্রদেশে আসিয়া গুলিলেন

বিজয়গিরির খেদ ।
যে, অনেকদিন গত হইল, বৃদ্ধরাজা লোকান্তর গমন
করিয়াছেন এবং কনিষ্ঠ সহোদর সমরগিরি সিংহাসনে

সমাসীন হইয়াছেন । তখন তিনি খেদ সহকারে বলিতে লাগিলেন :—

“(জলা ধোই নাই কুম্বে,)

কি’দোলে জানেইজুং গুরা ভেইয়রে সালামে ।

কিরূপে গিরী কনিষ্ঠ সহোদরকে সন্মান জানাইব ।

“পর্কোরা পত্তিত নেই যে দেশং

যেদং নয় সৈজগণ দেই দেশং ।”

‘যে দেশে শিক্ষিত পত্তিত নাই, সে সৈজগণ আর সেই দেশে বাইব না ।

“যেই যেই সৈন্তগণ যেই যেই,
কিরি যেই সাপ্পোরের কূলে কিরি যেই ।

‘চল সৈন্তগণ চল, সাপ্পোরেরকূলে কিরিয়া যাই ।’

এইরূপে বহু আক্ষেপ করিয়া বিজয়গিরি সাপ্পোরের কূলে প্রত্যাবর্তন করিলেন । তখন সৈন্তগণকে বিজিতদেশবাসীদের হইতে পত্নীগ্রহণে অহুমতি দিলেন এবং তিনি নিজেও অপেক্ষাকৃত উচ্চবংশ-সম্ভূতা রূপে গুণে বরণীয়া এক মহিলার পাণি গ্রহণ করিয়া তাহাদের ধর্ম ও আচারপদ্ধতি অবলম্বনে বসবাস আরম্ভ করিলেন ।

ইতি চাটিগাঁছাড়া সমাপ্ত ।

অবশিষ্ট “সৃষ্টিপত্তন”, “স্বর্ণপালা” এবং ‘লক্ষ্মীচরিত্র’ পালাও এই ভাবের কবিতাপুঞ্জ মাত্র । কল্পনার তাদৃশ পারিপাট্য না থাকায় এখানে তাহার উল্লেখ প্রয়োজনীয় মনে করিলাম না । একত্বিন্ন ইহাদের মধ্যে নানা উপকথাও শুনা যায়, তৎসমুদয়ের ‘কিছুত কিমাকৃতিতে’ আরব্য-পারশ্বোপজ্ঞাসও হার মানে অধিকাংশই রাজা বা রাজকন্তার রহস্য লইয়া অমুহ্যত, তাহার সহিত “রাক্ষসখোক্ষসের” বিবরণও বিবল নহে । দুঃখের বিষয় আলোচনার অভাবে ঐ সকল কৌতুহলোদ্দীপক কাহিনী ক্রমেই বিলুপ্ত হইতেছে ! অমরলেখক বক্রিমচন্দ্র বঙ্গীর উপজ্ঞাসপ্রবাহে যে হিলোল তুলিয়াগিয়াছেন, সমাজ তাহারই আন্দোলনে আত্মহার ! বিচার-বিবেচনাহীন বালকের দল যুবক-যুবতীর সেই সব প্রেমগাথা পড়িতে পড়িতে মকালপক হইয়া উঠিতেছে এখন আর ঠাকুরমার মুখের অনাবিল “আষাঢ়ে গল্পে” মনোযোগ বাইবে কেন ? সেই কারণে হতাশাস হইয়া এবং পুস্তকের কলেবর বৃদ্ধি ভয়ে এখানে “জামাই মারনী” এবং “গোমতী নদী”র বিবরণ গর্ভ ছইটা মাত্র ঐতিহাসিক কাহিনী প্রদান করিতেছি, জানি না ইহারা পাঠকবর্গের কতদূর অগ্রগ্রহ লাভ করিবে ।

“আক্করি (১) এক রাজা এইল (২) তাঘুন (৩) এককোরা (৪) খুব. দোল, (৫) বি এইল : তার দোল, স্বঘাদ দেজে (৬) বেজে রাঠ. হোল, আমাত্যসকল, লগর (৭) গাভূর (৮) গাভূর পোরা-লগে (৯) তারে লভারুতাই : (১০) ছটুকদি লাগিলাক্, পরে রাজা ঠিক-গরি দিলদে (১১), একখান জামাই মারনী গর ।
টারেঙ্ (১২) মাদান্তুন (১৩) যে বাম্ দিনলাই (১৪) —

(১) প্রাচীনকালে, (২) ছিল, (৩) তাহার নিকট, (৪) একটা, (৫) হৃদয়, (৬) দেশে, (৭) আমাত্য সকলের (৮) যুবক, (৯) পুত্রের সঙ্গে, (১০) লইবার অর্থাৎ বিবাহ করিবার জন্য, (১১) দিল যে, (১২) পর্য্যন্ত সুন্দ : ইহা “জামাই মারনী” আখ্যায় কর্ণফুলী উত্তরতীরে সীতাপাহাড় ভরোইসিয়ার্ডের অন্তর্গত চিংবক নামক স্থানে উপরি উক্ত ঘটনা লাক্ষীধরুপে অবস্থিত । বহুকাল

বড় গাঙৎ পড়ি নাই (১), সাজুরি নাই (২) উকুলে পার হই পারিষ, ডারে তা-ঝিরোয়ে দ্বিৰ । কৰজনে (৩) বাম্ দি দি মলাগ্ (৪) ; পিজে (৫) এক দিছা এক রাজা-পোয়া এই নাই (৬), রাজা-ঝিরে পেবাডাই (৭), বাম্ দিদি চেল (৮), রাজা তারে ছি'ছা (৯) বাম্ দিবাং নমিল ; তাং পর দিছা বাম্ দিবার কদা (১০) হল্ । রেবোৎ (১১) রাজা সগনে শেল দে, একোরা বুড়ী এই নাই, রাজারে বুদ্ধি নিগেই (১২) দিলদে, বৃগৎ-পিনৎ ও দিহাংৎ (১৩) দ্বিবা বালোজ্ বানি (১৪) দিজ্, আন্ হাদৎ একোরা ছাদি (১৫) ধরিনাই মিলি দিদ কোচ্ (১৬) । এই কই' নাই সেই বুড়া মিলাবোরা (১৭) অদেগা (১৮) হোল্ । বেইছা (১৯) বুমতুন উদিনাই (২০) রাজা পোয়াবোরা (২১) রাজা-কদা-দগে (২২) বালোজ্ বানি নাই বাম্ দিল । বাম্ দি' নাই সাজুরি নাই বড়গাং পার হই নাই এইল্ । রাজা খুজী (২৩) হই নাই, সেই রাজাপোয়াবোয়ারে তা' ঝিরোয়ে দিল ।'

এই উত্তরশৃঙ্গ কালকৃত্তিতে বিলুপ্ত না হইবে, ততদিন এই কাহিনী ঘুচিয়া দ্বাইবার নয় । তাহাতে আবার বঙ্গবর শ্রীযুক্ত জীবেন্দ্র কুমার দত্ত মহোদয় কবির ভাবায় যে এই অপূৰ্ব "প্রেমের সাধনা" বঙ্গভাষার দপ্তরে খতিয়া রাখিয়া (আলোচনা নামক মাসিক ৯ম সংখ্যা, ১৩১৫ খ্রষ্টাব্দ তাহার স্বাক্ষর আরও দৃষ্ট করিয়াছেন । আমরা তাহা হইতে অন্ততঃ শের মোকটী এখানে উদ্ধৃত করিবার লোভ সঞ্চরণ করিতে পারিলাম না । যথা,—

“নাজানি এ কবের কথা কে কহিবে হার,—

‘জামাই মারা’ পাঁহাড় বেয়ে

তেমনি ভাবে বিরাজ করে

নদী কিনারায় ।

জাগেগো কত ব্যাকুলতা

আজো দেখে তার ।”

“এঠৈ (২৪) এক বুৰ্গা । তে এদগ (২৫) আল্জি (২৬) যে, কলা তারৎ (২৭) এরেই (২৮) ন খায় । তাতুন (২৯) দ্বিবা (৩০) ঝি এলাগ (৩১) । বুৰ্গা তারাভায় (৩২) একখান্ জুর কাবি দিনাই (৩৩) কিছ ন গত্ত (৩৪) । একদিন কালবেশাপী

(১৩) শীর্ষ হইতে, (১৪) ঝাঁপ দিয়া, (১) পড়িয়া, (২) সঁতারিয়া, (৩) কত জবে, (৪) মরিলেন, (৫) শেষে, (৬) আসিয়া, (৭) পাণ্ডার নিমিত্ত, (৮) ঝাঁপ দিতে চাহিল, (৯) দেইদিন, (১০) কথা, (১১) রাখিতে, (১২) শিখাইয়া, (১৩) বুক পিঠে ও ছই হাতে, (১৪) ছইটী বাস বাঁধিয়া, (১৫) ছাতি, (১৬) কহিও, (১৭) বুড়া গ্রীলোকটী, (১৮) অদৃষ্ট (১৯) এভাবে, (২০) যুম হইতে উঠিয়া, (২১) রাজপুত্রী, (২২) রাজার কথামতে, (২৩) পুসি ।

(২৪) অৰ্ধ, (২৫) এত যে, (২৬) অলস, (২৭) পৰ্য্যন্ত, (২৮) শাকল ছাড়াইয়া, (২৯) তাহার (৩০) নিকট ছইটী (৩১) কল্পা ছিল, (৩২) তাহাদের স্তম্ভ, (৩৩) দিয়া, (৩৪) আর কিছুই করিত না

মিনৎ বগন জা' বিবা বি কুমৎ ধান কুজিলাগ্ (১) জেইরন্ (২), বেব্ (৩) কদ্দু
 জেইনাই (৪) দেবা (৫) আঁবাৰ্ঘা হুকালি পল্লগৈ (৬),
 গোমতী নদীর কথা ।
 চের-কেইজাতুন (৭), ব্ (৮) বেব (৯) লাগিল্ ।
 তামা থেবা (১০) জাগা নেই দেই নাই (১১) কপাল বিনেই বিনেই (১২) কান্দাগ্
 লাগিলাগ্ । দাঙবোঁরা (১৩) কব্বেয় (১৪), সাব্ (১৫) হোগ্ বেঙ্ হোগ্, ভ (১৬)
 হোগ্, দেবতা হোগ্, ভুত-হোগ্ পেরেৎ হোগ্, রাক্কা হোগ্, রেইয়ৎ হোগ্, মে
 আমারে ইথো (১৭) একথান্ ঘর তুলি বিব, মুইজার লোম্ (১৮) । সিরাগ (১৯) গুনি
 নাই এককোরা বড়-সাবে রাজ্ ভার (২০) বোই নাই (২১) তারা জায় একথান্ ঘর
 তুলি দিল । তারা বি বোনতুন (২২) দাঙব বোন্ নোরাই (২৩) সে সাকোরারে
 লল (২৪) । তার-বাবে (২৫)—বুর্ঘায় সেই কদা (২৬) গুনি নাই সেই সাকোরারে
 কাষি ফেল । তা-ঝি রে (২৭) কান্দে কান্দে চোগ-পাণিরে (২৮) ঘরা জেই চাই
 (২৯) সেই ছরা-পানিং ডুবিনাই মর্যো । সেই ছরান নাং (৩০) গোমেদ্ গাং ।
 জিবরা রাক্কা পোরারই (৩১) সাব-বেঙ্ (৩২) ধরিনাই তারাজ্জার বিলে ঘর
 তুলি শু-গৈ (৩৩) ।” [২]

প্রাচীন সাহিত্যভাণ্ডারে “বারমাস” একটি আদরের সামগ্রী। কবির
 কবিত্ব ইহাতে অতি সুন্দরভাবে প্রকাশ করিবার সুবিধা ছিল। বারমাসের
 অবকাশও সুদীর্ঘ, এই অবসরে কবি মনের যাবতীয়
 বারমাস ।

সিপাসা মিটাইয়া লইতেন। সচরাচর নান্নিকার মনোবাধা
 লইয়াই ইহা গ্রথিত হইত; বঙ্গীয় ললনাগণ বারমাসের উপর্যুপরি লাজনার
 ঝালাপালা হইয়া মনের উচ্ছ্বাসে “বারমাস” জুড়িয়া দিতেন। এই সকল হিন্দু
 অবলার ‘বারমাস’ও চাক্ৰা-সমাজে ঘণ্টে আছে সত্য, কিন্তু তাহাদের নিজস্বও
 কম নহে। “কিকীবি’র বারমাস,” “শেখোয়া কস্তার বারমাস,” “তান্তাবির
 বারমাস,” “রজনমালা’র বারমাস,” “কালিকীরানীর বারমাস” ইত্যাদি কতই
 আছে। উল্লেখ্যে প্রথমোক্তখানি আমরা নিয়ে তুলিয়া বিলাম। পাঠক
 দেখিবেন, ইহার ভাষা যদিও বিশুদ্ধ বাঙ্গলা নহে, কিন্তু তজ্জন্ত বেন প্রভূত চেষ্টা
 হইয়াছে। মূল চাক্ৰা ভাষার তুলনার ইহার ভাষা বহুপরিমাণে স্বাক্ষিত। কথাঃ—

- (১) রোপন করিতে, (২) গিরাছিল, ৩) বেলা, (৪) কড়কুর গলে, (৫) দেবতা এখানে আকাশ, (৬)
 কাল অর্থাৎবোর পক্ষকার করিল, (৭) চারিদিক হইতে, (৮) খাতাস, (৯) বহিতে, (১০) থাকিবার,
 (১১) দেখিরা, (১২) করাযত করিতে করিতে, (১৩) বড়ী, (১৪) কছিল যে, (১৫) সর্প, (১৬)
 বেব (১৭) এখন, (১৮) আদি তাহাকে লইব অর্থাৎ বিবাহ করিব, (১৯) সেই কথা, (২০) বাঁশের
 জায়, (২১) বহিষ্ণ, (২২) ছই ভয়ী হইতে, (২৩) জুড়িয়াই, (২৪) লইব অর্থাৎ বিবাহ করিল,
 (২৫) জারামের-বিভার (২৬) কথা, (২৭) তাহার কস্তা, (২৮) চকের কলে, (২৯) ছরা বহিরা
 হইয়া, (৩০) ঘরাটির নাম, (৩১) ত্রিপুরা রাজপুত্রই, (৩২) সর্পের বেণ, (৩৩) গিরাছিল ।

কির্কাবি' (রূপাবিবি)র বারমাস ।

কার্তিক মাসেতে কির্কা বৃক্ষপত্র করে ।
 ধর্মকলে অন্ন হৈল সুন্দরী-বাপের (১) ঘরে ॥
 পুত্রের সমান করি মারে বাপে পালে ।
 হেন হুঃখ দিল কির্কা শরীর-অন্তরে ॥
 হেন মতে পালে যেন কস্তা রত্নমালা ।
 দিনে দিনে বাড়ে যেন পূর্ণ চন্দ্রকলা ॥ ১ ।
 আশ্রয় মাসেতে কির্কা কুরঙ্গ নয়ানী ।
 কান ছুঁটা বরণ তার ক্ষীণ মাজাখানি ॥

* * *
 চন্দ্রের সমান মুখ নাসিকা তিল ফুল ।
 দেখিতে সুন্দর (অঙ্গ) কস্তা রতনের মূল ॥
 খঞ্জন গমনে হাঁটে কির্কা চন্দ্রমুখী ।
 গৃধিনী সাবশে কর্ণ ক্ষীণমাজাখানি ॥ ২ ।
 পৌষ মাসেতে কির্কা শীতে পরে ধারে ।
 পূর্ণিমার চন্দ্র যেন দিনে দিনে বাড়ে ॥
 “আতুরা” (২) অঙ্গিল যদি লাক্ষ্মনের ঘর ।
 কির্কাবি'র মিলন কথা শুন সূর্য নর ॥
 খারি কাবা নদী ছিল পূর্বে আর উত্তরে ।
 দৈবযোগে গেল কির্কা সেই নদীকূলে ॥
 সেই দিন আতুরার সঙ্গে দরশন ।
 হুই জনে যুক্তি করি প্রবেশিল বন ॥ ৩ ।
 মাঘ মাসেতে কির্কা মনে করি সার ।

* * *
 কৌতুক করি দিল আলিঙ্গন ।
 হুই জনে যুক্তি করি প্রবেশিলা বন ॥
 কত দিন ভ্রমিয়া কস্তা অঙ্গল মাঝার ।
 ঘরেতে আসিল কস্তা লোকেতে প্রচার ॥

(১) সুন্দরী নারী যুবতীর পিতার (২) অঙ্গল অর্থাৎ কুড়ে বিশেষের আধা;

আমূলকে মিলি করি (৩) যুক্তি করি সার ।
 বাড়াইয়া দিল কত্না ঘরে আপনার ॥ ৪ ।
 কাক্তন মাসেতে কির্কা ফাউ (৪) খেলে দোলে ।
 ত্রিপুরাছরী ছয়ারে নিল সালিশ করিবারে ॥
 সত্বাতে বসিয়া কত্না উঠিল দড় (৫) হইয়া ।
 জয় খিলা (৬) হুকুম দিল কত্না দেগৈ বিয়া ॥
 সর্কল্যোকে মিলি যদি বিয়া দেগৈ কোইল (৭) ।
 জয়চক্রে খিলা উঠি কিছু না বলিল ॥
 বহুমূল্য ধন দিরা তুলি নিল বাপে ।
 রহিতে নপারে কির্কা মনের অমুতাপে ॥ ৫ ।
 চৈত্র মাসেতে কির্কা রোদ্রেতে হরণ (৮) ।
 বুঝাইতে নাহি পারে কত্নার পরাণ ॥
 ভীম-মৃত গলে দিয়া জলেতে গমন ।
 তবে সে পাইব আমি প্রভু দরশন ॥
 রামেরে হারাইল যদি সীতা মহাদেবী ।
 সেই মতে হারাইল কির্কা গুণনিধি ॥ ৬ ॥
 বৈশাখ মাসেতে কির্কা বৈসে তরুতলে ।
 ছাড়িবারে না পাইলুম প্রভুর মায়াজালে ॥
 রহিবারে না পাইলুম ভাইবন্ধু ঘরে ।

* * * *

নিত্য নিত্য কৃষ্ণমুতে দহে রাজিদিনে ।
 কেমনে ছাড়িয়া গেল কত্না সুবদনে ॥
 (ত্রিপদী)

অষ্টসীতা বলে পুনি, কোথা যাব সুবদনী
 তব্বকথা (৯) কহি শুন সার ।
 কত্না বলে সুবদনী নিবেদন করি আমি
 সত্য কথা কহি শুন আর ॥
 জ্ঞাতিবন্ধু ঘরে রৈলুম বহুদুঃখ মনে পাইলুম
 শুন প্রভু করি নিবেদন ।

(৩) মিলিত হইয়া; (৪) হোলির উপকরণ—আবির নামে খ্যাত; (৫) শক্ত;
 (৬) ব্যক্তিবিশেষের নাম; (৭) কহিল; (৮) পরিত্যক্ত; (৯) বিষমবাক্য ।

অয়িকুণ্ড সাজাইয়া অনলেতে প্রবেশিয়া
 তবে প্রভু পাব দরশন ॥
 আদিচন্দ্র নিজচন্দ্র উলমহু চন্দ্র *
 পৌরচন্দ্র রোহিনী চন্দ্র করিমু যে পান ।
 কৃষ্ণহৃতে সহিল . উত্তর না দিয়া গেল
 তবে পাইব প্রভুর উদ্দেশ *
 এত দুঃখ না সয় শরীরে
 বালিস্বতে জরজর কাঁদি আমি নিরন্তর
 কোন মতে পাইমু প্রভু দরশনি ।
 অষ্ট সীতা বসাইল নানা যুক্তি দেখাইল
 সে অঞ্চলে কত্যা সুবদনী ॥
 কত্যা বলে অষ্টসীতা অষ্টেশিব মোর পিতা
 ন কহিও কভু আত্ম *
 কত্যা কথা না কহিও অঙ্গে অনল জলিও,
 তবে (মোর) পিতা হবে বধভাগী ॥

(পরায় ।)

আঙু পারজ্যা আর সীতা চরণে স্থগুর ।
 বাড়াইয়া দিল কত্যা আর কতদূর ॥
 হেন মতে না কহিও তবু কথা সার ।
 অবশ্য হইবে জান লোকেতে প্রচার ॥ ৭ ।
 ত্রৈলোক্য মাসেতে কির্কী পূরে মনোরথ ।
 অষ্ট সীতা দেখাই দিল সেই নিজপথ ।
 সেই দিন গেল জান সেলচ্ছরী-থুমে (১০)
 কতদিন রাখিল কন্যা তত্কাপারা লোকে ॥
 'পাজাচথা' নদী ছিল নাকন নন্দিনী ।
 তার ঘরে গুপ্তবেশে রৈল (কত্যা) সুবদনী ॥
 কত দিনে তার পিতার করিল উদ্দেশ ।
 উদ্দেশ না পাইয়া আইল আপনার দেশ ॥৮।
 আবাচ মাসেতে কির্কী মনে নাহি স্থখ ।
 কত্যা হইয়া পিতার এত দিল দুখ ॥

(পরায়)

এই মতে আতুরায় নিজ কজা পাইল ।
 শিক্ত পাইরা ইত্র যেন আনন্দ হইল ॥ ১ ।
 প্রাষণ মাসেতে কিরী খালে নালে পানি । ১২ ।
 পূর্ব কলে বিধাতার মিশাল যে আনি ॥
 দুই চাঁদ ধরা পাইল যেন সকল সরস্বতী ।
 হেন মতে পাইল আতুরায় কিরী গুণনিধি ॥
 বিতীর্ণে পাইল লক্ষা রাবণার শেষে ।
 কজা লইয়া আতুরায় বাইব কোন দেশে ॥
 মুনি বাণ বৃদ্ধি পাব শুভু করল্য কীর্ণ ।
 ঠাণ্ডর জ্যার ঘরে আনি রাখে কতদিন ॥ ১০ ।
 এই ভাজ্যমাসে কিরী রূপে গুণে ধজা ।
 'বগাছরী থুমে' নিয়া রাখিলেক কজা ॥
 পুরুষের বেশ ধরি চলে কজা খালি ।
 হাঁটিতে না নড়ে পা ধজনের মুখী ॥
 নিল দশ প্রিয়া লাগি আছে অঙ্গে ।
 দুই জনে চলি গেল বুড়াবুড়ী সঙ্গে ॥
 সুন্দর ধজন কজা দুই চক্ষু লাল ।
 পূজবদ্ধ ঘরে রাখিতে পাইল অঞ্জাল ॥ ১১ ।
 আখিল মাসেতে কিরী পুষ্পরসে মেলা ।
 আতুরায় পাইল যেন চিকনিয়া কালা ॥
 বেবা গার বেবা শুনে কিরী-বারমাস ।
 পাপ ছাড়ি পুণ্য বাড়ে বৈকুণ্ঠে নিবাস ॥ ১২ ॥ সমাপ্ত ।

এই বার মাসের একখানি মাত্র প্রাচীন হস্তলিপি আমি বহু যত্নে লাভ
 করিয়াছিলাম, তাহা হইতে যথাসাধ্য পাঠোদ্ধার করিয়া উপরে প্রকাশিত
 হইল । উহার স্থানে স্থানে আমার মস্তকুট হয় নাই, বহু প্রাচীন ব্যক্তিও
 হার মানিয়াছেন । সহন্য পাঠকবর্গকে অধিক আর কি কৈকিরং দিব ! অপর
 কথা মূল 'বারমাস'খানি বার্ষিকভাবে প্রস্তুত, তাহাতে পাঠকবর্গের অধোগলকি
 করিবার যথেষ্ট ব্যাঘাত হইত । তাই আমি উদ্ধৃত করিবার কালে অধিকাংশ

স্থলেই বর্ণাশুদ্ধি সংশোধন করিয়া লইয়াছি। তথাপি স্থানে স্থানে অর্থভেদ ঘটরাছে, তাহা বোধ হয় লিপিকরের অনভিজ্ঞতার ফল। 'বারমাস'খানির ভাষা ও রচনাচর্চা বস্তুতই প্রাণিধান যোগ্য। ইহা যে অপরাপর বাঙ্গলা বার মাসের অনুরূপে লিখিত ও আধুনিক, তাহা সহজেই বুঝা যায়। ছুঃখের বিষয়, বহু অনুসন্ধানও বর্তমানেরই অনূরবর্তী এই কির্কীর সুন্দরী, আতুরা, অষ্টসীতা বা জয়চন্দ্র খিসা ইত্যাদি কাহারও পরিচয় পাওয়া গেল না। 'বারমাস' খানির প্রতি পণ্ডক্‌তিতে চাক্‌মাক্‌দিগের জাতীয় কাহিনী নিহিত রহিয়াছে। কিরিবা বিবি ও আতুরার প্রেমোভিনয় চাক্‌মা সমাজে অত্‌্যাপি প্রায়শঃ সংঘটিত হইয়া থাকে। পরিশেষে কবি তদীয় কাহিনীর গৌরব বাড়াইতেন—

'যেবা গায় যেথা শুনে কির্কীর বারমাস।

পাপ ছাড়ি পুণ্য বাড়ি বৈকুণ্ঠে নিধান ॥'

কথায় উপসংহার করিয়াছেন। বারমাস রচনায় ইহা এক নূতন আশ্বাস বটে।

[৩]

যখন আমাদের জ্ঞান নিতান্ত নষ্টার্ণ থাকে, সন্ধাতের বিশ্ববিমোহিনী ক্রীড়া ছড়া। (১) উপলব্ধি করিবার সামর্থ্য জন্মে না, ততদিন যাবৎ এই ছড়া মাত্র সঞ্চল লইয়া আমরা প্রাণের উচ্ছ্বসিত আনন্দ পরিব্যক্ত করি। হার! সেই ছড়া গাইতে গাইতে বা গুনিতে গুনিতে যে কি উদার আনন্দে আত্মহার্য হইতাম, আর তাহা স্মরণ করিতেও প্রাণ মাতোয়ারা হইয়া উঠে! সেই অতীত ও বর্তমানে যেন—যুগযুগান্তর। আর, সেই 'অতীত সুখের দিনে—পুনঃ আর ডেকে এনে' কি হইবে? ঐ দেখুন, বিমল কোমলী তলে দাঁড়াইয়া চাক্‌মাক্‌জননী সুকোমল হস্ত প্রসারণে ক্রোড়স্থ শিশুকে আকাশের চাঁদ আনিয়া দিতেছে, এবং সুর-লয় সহযোগে চঞ্জের আবাহন করিতেছে;

'আর চান এলাদে—বেলা দে,

ভাঙা কুলা নোরান (১) দে।

গরুয়ে বিয়াইয়ে ধল ডেগা (২);

(১) শিক্ষিত সম্ভ্রমের উদাসীন্ডপ্রযুক্ত বঙ্গভাষার মূল্যবান ছড়াসমূহ কালের কুক্ষিতে লর পাইতেছে। প্রচুর শ্রীবৃত্ত বোগেন্দ্ৰনাথ সরকার 'ধুকুমধির ছড়া' প্রকাশ করিয়া তৎসমূহর রক্ষার এক আদর্শ বৃদ্ধি উদ্ভুক্ত করি দেখাইয়াছেন, তৎপ্রতি সাহিত্যসেবক মাত্রেই কৃপাচুরি প্রার্থনীয়। 'পরিষদের' স্তম্ভভঙ্গ হিতৈবী 'চট্টগ্রামী'হলে ভুলান ছড়া'র সংগ্রাহক শ্রীবৃত্ত জীবনুল-করিম মহোদয় ও এজন্য ধন্যবাদের পার।

(১) লয়বান; (২) সর্বা বাছুর;

ঘল ডেগাবোরা ন খায় হুথ ।

লক্ষর মাথাৎ (১) সোণার টুপ ৪”

আবার কোথায়ও বা জননী সন্তানকে দোলাইয়া দোলাইয়া ‘ঘুম পাড়ানিরা’
গাইতেছে ;—

“অলি—অলি—অলি,

বাঁশপাতার ঝলি (২) ;

বুর্ঘ্যা (৩) বাবা ঘুম যায় (৪) সোনা-ধুলনৎ (৫) পড়ি”

“সোনা-ধুলনৎ রূপার দড়ি,

বুর্ঘ্যা বাবা ঘুম যায় সোনা-ধুলনৎ পড়ি ।” ২ ।

“হানৎ লয়ে বাদোল বাঁশ (৬),

কুয়াৎ (৭) লয়ে গুলি,

বুর্ঘ্যা বাবা মারি আনি দিবগৈ বনর পাখী ।” ৩ ।

(খেলা দেওয়ার ছলে,—)

“উন্দুরে গন্তন কজমজ (৮),

বিলেই (৯) আগে বই—

বুর্ঘ্যা বাবা ঘুম যায় সোনার ধুলন লই ।” ৪ ।

“আলু পাতা তালু রে

কুচ্ছাল পাতা লং (১০) ;

ববুনালৈ ববুনি ন এক্ছালং ।

ম্যাকাক্ ছ-গুপে (১১) ঘুঁৎ ঘাঁৎ গম্বতন্দে,

নমন ঘর ভিদিয়ে (১২) ভালুক বেশ,

এসয়ে বাপমা চলয়ে দেশ ” ৫ ।

(আবার ক্রন্দনের সাঙ্ঘনায়—)

“এ কূলে কলাগাছ, ওকূলে জরা ;

পরগ্যা বাবা (: ৩) ন কানিজ্ (১৪) ভাঙিব গলা ।” ৬ ।

বাবা বুর্ঘ্যা ন কানিজ্ তুট,

বাঙালে (১৫) কলা মলা আননে

লৈ দিষ্টে (১৬) মুই ।” ৭ ।

(১) লক্ষ বাবার মাথা ; (২) বেড়া ; (৩) বুড়া (শ্রেষ্ঠসূচক আত্মন) (৪) বাইতেছে ; (৫) স্বর্ষ
দোলনার (৬) কাষ্ঠা ; (৭) কোচড়ে ; (৮) ইন্দুরে কিচিবিচি করিতেছে ; (৯) বিড়াল ;
(১০) ইক্ষুপাতা লম্বা ; (১১) শাবক সঞ্চলে ; (১২) ভেদ করিয়া ; (১৩) প্রাণের বাছাবন ;
(১৪) কাঁদিস্ না ; (১৫) বাঙালী (বাবসারীরা) ; (১৬) লইয়া (ক্রম করিয়া) দিষ্ট ;

“দারু (১) তুলি জারীফুল (২) ;

ন কানিজ্‌ বাবুধন

কেজন স'রখুন (৩) শু-বাবে (৪) আনি দিব
নারিকুল (৫) ।” ৮ ।

‘হাদৎ লয়ে বাদোল বাঁশ

কুশৎ লয়ে মাং (৬),

বুর্ঘা বাবা ন কানিজ্‌ অলি ডাগি ত্বং (৭) ।” ৯ ।

(ক্রন্দন ধামিতেছে না দেখিয়া ভীতিমিশ্রিত মেহে—)

‘জাহ্‌ ঘুম যারে তুই,

পুরাণ কালা (৮) হস্তী এচ্ছে (৯)

মাতাই আইয়ন্‌ (১০) মুই ,

জাহ্‌ ঘুম যারে তুই ।” ১০ ।

‘ধরর পিছে (১১) লাল খাগারা (১২)

মাখান্‌ মুথুন্‌ করে ;

হালা ধরর (১৩) কালা কুর্ভা (১৪),

কেমন কেমন করে ।

জাহ্‌ ঘুম যারে তুই ।” ১১ । ইত্যাদি ।

আবার কোথায়ও বা চাক্‌মাজ্‌দের দল ‘বৃষ্টি প্রার্থনা’ করিতেছে :-

“দেরে দেবা (১৫) দেরে বড় (১৬),

গাজর আগার আগার (১৭) পানি গর (১৮) ।

কলা কাবি (১৯) গর দে,

মামু (২০) দেবার বড় দে ॥”

এ সব ছাড়া ছেলে-মেয়েদের অর্ধহীন “বিহতি কথা” ও যথেষ্ট । নমুন
যথা :-

“পদ্মাবতী চরণে,

আমা-বুর্ঘা মনুগে,

ধান তলইবা (২১) রাখইরা (২২) নেই ;

(১) উষধ ; (২) বৈদ্যকত্রব্য ; (৩) সহর হইতে ; (৪) তোরবাগরে ; (৫) নারিকেল ; (৬) তুলি ;
(৭) ডাকিরা দিতেছি ; (৮) প্রাচীন কালের ; (৯) আনিরাহে, (১০) সাক্ষাৎ করিয়া আসি ।
(১১) গৃহের পশ্চাতে ; (১২) জল ত্বং বিশেষ ; (১৩) চাষার ঘরের , (১৪) কালা কুর্ভা ; (১৫)
দেবতা (এখানে আকাশ) ; (১৬) বৃষ্টি ; (১৭) বৃক্ষের অগ্রভাগ পর্যন্ত ; (১৮) জল কর ; (১৯)
কাটরা ; (২০) মাতুল ; (২১) ধান ওড় করিবার ট্যাং বিশেষ ; (২২) রক্ষা করিবার ।

ভোগরা (১) কুমোরা (২) খেইরা নেই ;

রাজা-পোরা (৩) মর্দান্দ সে (৪)

কানাইরা (৫) নেই ;

শগফুল ফুটান্দে (৬) তোলাইরা (৭) নেই ।” ১ ।

“চল্ খুৎ খুৎ চল মুখি (৮),

চল্ কুলা লৈ (৯) বেড়ালৈ (১০) মুখি ;

কাপড় চোপড় ভুডি (১১) বান (১২),

ঔমানিক চান, ধুহুগ (১৩) আন ।” ২ ।

“দিম্ দিম্ (১৪) ঝিরালে (১৫),

নাকোরা (১৬) নিল শিয়ালে (১৭),

সে নাকোরা কদক দুর (১৮),

বড় গাং কুলর (১৯) দগিন কুল (২০) ;

দগিন কুলং ‘অরা’ বাশ,

ঘর তুলি’ (২১) দিম্ আগন মাস (২২) ;

আগন মাসর ‘কনকডি’ বেঙ,

বাবনা (২৩) নিল গকর ঠেং ।” ৩ ।

(তেং তেয়রীর “গান” :—

“তেং তেয়রি তেং তেয়রি (২৪),

বাড়া বান (২৫) ;

কার্খ্যা চোলর (২৬) ভাত ঝিবা (২৭) রান (২৮) ।

রাছে রাছে (২৯) চাম্পাকুল,

চাম্পা মত পড়ে ;

দাদা ভুজি (৩০) ষরৎ(৩১) নেই

সোনার নাথেঙা (৩২) অলে ।

(১) মদবিশেষ, (২) মদের কলসী ; (৩) রাজপুত্র ; ৪) মরিয়াছে যে ; (৫) কাঁদিবার লোক ; (৬) ফুটিয়াছে ; (৭) তুলিবার লোক ; (৮) মায়ের কনিষ্ঠাভগ্নী ; (৯) (চাউলামি ঝাড়িবার) কুলা লইয়া ; (১০) বেড়াই গিয়া ; (১১) পুটলী ; (১২) বাঁধ ; (১৩) বাগ্য বস্ত্রবিশেষ ; (১৪) দিঘ ; (১৫) বৈকালে ; (১৬) নাকটী ; (১৭) শৃগালে ; (১৮) কতদূর ; (১৯) নদীতীরের ; (২০) দক্ষিণ পাড় ; (২১) ঘর উঠাইয়া ; (২২) অগ্রহারণ মাস ; (২৩) ব্রাহ্মণে ; (২৪) তেংতেয়রী—কীট বিশেষ, (২৫) ধানভান ; (২৬) ছাটা চাউলের ; (২৭) ছইটী ; (২৮) রন্ধন কর ; (২৯) রাঁধিতে রাঁধিতে ; (৩০) মোট আঁকুবন্ ; (৩১) ধরে ; (৩২) কর্ণাভরণ বিশেষ ।

ভুক্তি বিয়ে (১) ভাত চরা (২),
 দাদা বিয়ে মঘপাড়া ;
 দাদার মোগর (৩) দীঘল চুল,
 বান্ধে বান্ধে চাম্পাফুল ;
 চাম্পাফুলর তলে,
 দিবা (৪) হরিণ লড়ে ;
 হরিণ নয় চোঙরা (৫),
 চোখের পাতা (৬) ভোমরা ।” ৪ ।

এই গেল শিশু বা বালককালের কৌতুকলহরী। ইহার সঙ্গে কৰ্ম্মাধিগের একটি কৰ্ম্মসঙ্গীতের নমুনাও প্রদর্শন করা আবশ্যিক বোধ হইতেছে। এই ছড়াটি পাহাড়ী জুমিয়াদের বিশেষতঃ বাহারা “কাট্টন” করে “কাট্টনের ডাক।” অর্থাৎ কাঠ বা নোকা কাটে, তাহাদিগের প্রায় নিত্য প্রয়োজনে আইসে। গাছ টানিতে ও তুলিতে সুরলয়যোগে ইহার আবৃত্তিতে বড়ই জোর পাওয়া যায়। ইহা একদিকে যেমন উৎসাহ বৃদ্ধি করে, অপর দিকে তেমনই সুরলয়ে সকলেরই বল যুগপৎ নিরস্ত্রিত করিয়া থাকে। সুতরাং এই ছড়ার সহজেই অল্পবলে অধিক কাজ আদায় করা চলে। ইহাতে ধলপতি দলের সকলকে সাবধানপূর্বক উত্তেজিত করিয়া “ডাক” বলিতে থাকে ; আর তাহারা একযোগে প্রত্যেক ডাকের সঙ্গে সঙ্গে “হেইয়া” হেইয়া” বলিতে বলিতে বল প্রয়োগ করে। যথা ;—

দলপতি—“ধরুরে ধর, বাবা সকল, ভাইয়া সকল,

ধরুরে ধর—জোর করিয়া সমান করিয়া”

দলপতি—“মারে মা !”

দলের অপরেরা—“হেইয়া” ;

“ তোর পুতে ডাকে শুনু না ? ”

“ শুনিয়া পুত করিম্ কি ? ”

“ ধীরে ধীরে চলেছি ! ”

“ চল সন্দরী হাতের তাড় (১), ”

“ জাঙাল বাইরা (২) বজুরা বার ; ”

“ বঁধুরা দেখি লাজে মরি ! ”

“ লাজপায়লি (৩) বাজারং (৪) ধর, ”

(১) দিরাছে ; (২) ভাত চড়াইতে ; (৩) প্রীর ; (৪) ছুইটা ; (৫) বড় হরিণ ; (৬) চোখের পাতা ।

(১) হস্তান্তর বিশেষ ; (২) রাজা বাইরা ; (৩) লজাকতী ; (৪) বাজারং

দলপতি	দলের অপরেরা	হেইরা
" একদিন গম ধা'ই (১) দু'দিন জর ;	"	"
" চল সুন্দরী করি মন,	"	"
" আমরা থাইতাম সাউধের (২) মন ;	"	"
" আন্নার বরে নবির বরে,	"	"
" সাতালি পৰ্বত ডাকুং লড়ে ।	"	"
" ডাক শুনাইতে আনলাম্ গাভুর,	"	"
* * *		
" আনলাম্ গাভুর বাছি বাছি,	"	"
" ছি'ড়ি ফেলিদে লোহার কাছি (৩) ।	"	"
" লোহার কাছি ন ধরে টান,	"	"
" আলঙর কাছি (৪) পাকাইয়া আন ।	"	"
" জোরের জঙ্গী (৫)	"	"
" মাথায় ভঙ্গী (৬) ;	"	"
" ভঙ্গীর লাঞ্জে,	"	"
" ঘুম না আইসে ফাউকা বাসে (৭) ।	"	"
" বীর হনুমান !	"	"
" হনুর বেটা (৮) ভাহুর নাম ।	"	"
" থাক (৯) গড়াইদে (১০) নাইয়র (১১) বাম্ "	"	"
" থাক বেচি (১২) লাড়ু বাম্,	"	"
" লাড়ু লইয়া সহরৎ (১৩) বাম্ ।	"	"
" জোরের কাম ;	"	"
" পড়ের (১৪) বাম্ ;	"	"
" বাসের ঘুম ;	"	"
" সুন্দরীর মুখে কে দিল চুম ?	"	"
" রস্যার মুখে কে দিল চুম ?	"	"

(১) সুস্থ থাকিয়া ; (২) সদাগরীর ; (৩) রজু ; (৪) সোটা গড়ী ; (৫) সিপাহী ; (৬) গাগড়ী । (৭) দুর্গকে । (৮) বেটা অর্থ পুত্র ; কিন্তু ইহাতে ভাহুর হনুর বেটা বলিয়া উক্ত হইয়াছে । এই নিমিত্ত 'ডাক' ঋত্নিতাকে দোষী করা আমরা সমীচীন বোধ করি না । সম্ভবতঃ বিস্ময়কর শাস্ত্রান-
ভিত্ত 'ডাক' কথকেরা ভাহুর বেটা হনুকে হনুর বেটা ভাহু করিয়া কেলিয়াছে । (৯) গহনা
(১০) গড়িয়া দাও ; (১১) বেড়াইতে ; (১২) বিক্রম করিয়া ; (১৩) সহরে ; (১৪) পড়িতেছে ।

দলপতি	দলের অপরেরা ।	হেঁয়ালী ।
" হায়রে হায় !	"	"
" হায় বোলায় !!	"	"
" গা ঢুলাইয়া হায় বোলায় !!!	"	"
	"	ইত্যাদি ।

[৪]

এ সকল ছড়ায় কৌতুক আছে, উদার আনন্দ আছে, অধিকন্তু ললিত শব্দ বিস্তারিত কতকগুলি খাপছাড়া ভাবও প্রথিত আছে। ইহাতে ভাবুক বা বুদ্ধিমান পরিভূপ হইতে পারিবেন কি না, বলা 'হেঁয়ালী' চাক্‌মা সংজ্ঞায় 'বানা'। যায় না। যাহা জলের মত গেলা যায়, বুদ্ধিমান সমাজে তাহার আদর কোথায়? বৃষ্টি বৃষ্টি করিয়াও বৃষ্টি না, বৃষ্টিত বৃষ্টিতে পারি না,—একপ না হইলে কি আর ভাব বলা যায়? বস্তুতঃ ভাব হ্রদয়ে অনুভব করিবার বিষয়; ভাবায় প্রকাশিত হইতে পারিলে তাহার গৌরব কমিয়াই যায় বটে। তাই বলিতেছিলাম, ছড়া—বুদ্ধিমানের জন্ত নহে, উহা নেহাৎ "ছেলে ভুলানো।" তবে যে "কাট্রলের ডাক"কেও ছড়ার কৌটায় রাখিয়াছি, সে কেবল কবিত্বের অভাবে! আর যখন বালক-বালিকাদের মস্তিষ্ক পরিচালনার ক্ষমতা জন্মে, খেলা ও কৌতুকের ভিতর দিয়া তাহাদিগের বুদ্ধিবৃত্তি সতেজ করিতে এক প্রকারের কবিতা আছে, সে গুলিকে আমরা 'হেঁয়ালী' বলি। চাক্‌মা-দিগের প্রচলিত সংজ্ঞা "বা-না।" এই হেঁয়ালী বা "বা-না"তে শব্দ লালিত্য এবং সরল আনন্দোচ্ছ্বাসও আছে, অথচ বুদ্ধির জটিলতা ও ভাবের বাধুনিও রহিয়াছে। কিন্তু হায়! এ গুলি সংরক্ষণের প্রতি শিক্ষিতসমাজের আসক্তি এত সামান্য যে, নাই বলিলেও অভুক্তি হয় না। বস্তুতঃ নগণ্য হইলেও এই সমুদয় প্রাচীন টোটকা টুটকা উপেক্ষার জিনিস নহে। চট্টগ্রামে প্রচলিত অনেক হেঁয়ালী ইহাদিগের মধ্যে গৃহীত হইয়াছে। সেগুলি বাছিয়া ফেলিলেও মূল চাক্‌মা 'বানা'র সংখ্যা কম নহে। পুঁথি বাড়িয়া যাওয়ার ভয়ে এখানে চাক্‌মা-সমাজে প্রচলিত ৩০টি মাত্র "বানা" রক্ষা করা গেল। জাতীয় প্রত্যেক জন্মের পরিচয় প্রদানই আমার বিশেষ লক্ষ্য।—

"উররে মালা তলে মালা,
ধগ্‌ধি ধগ্‌দি হাঁদে ডালা।" ১
উপরেও মালা, নীচেও মালা অর্থাৎ
ছইদিকেই শব্দ খোলা; থাকিয়া থাকিয়া।

"ফেলুং কালায় জীয়া,
উদিল ছদরক্-পা,
উত্তর—কছপ।
হাঁটতে বেশ—ভাল দেখার।

ফুটিল মালতি ফুল,
ধরল্য করঙা” । ২ ।
“গাংকুলে কুলে বড়ই গাছ,
লড়ে চড়ে ন পড়ে ।” ৩ ।
“দশ ভাইয়ে লড়াই ধরে,
হুই ভাইয়ে মারে” । ৪ ।
“পাঁচ ভাইয়ে তুলে,
বত্রিশ ভাইয়ে ভিড়ে ;
এক ভাইয়ে ঠেলা মারিলে,
দৈর্যামুরং পড়ে” । ৫ ।
“বাবু সান্যা বজে ;
চলা সান্যা বাজে ;
বাঘ সান্যা লাফ মারে ;
পাত্র সাত্তা ডুবে” । ৬ ।
“ইজব-মানাং খের-কুর
মেলি চেলে চাম্পাফুল” । ৭ ।
“আগজে ঝিলমিলি

পাতালে লেজ ;
কন্ খদায় বানাই দিবে,
কালিকল্ জায় কেজ্” । ৮ ।
“কাজাগকে ভেঙ্ভেক্যা” ,
পাগিলে সিন্দুর ;
যে ভাঙিং ন পারে,
তে গুত্তি হুদা উন্দুর” । ৯ ।
“মাথাং খজা, টিকিনিং চুল ;
দশ ঠেং আগে—
তিন লেঙুর” । ১০ ।
“একুলে ধুম্ধাম
ওকুলে বিয়া ;
ভাঙা নারিকুল জোড়া দিরা” । ১১
“আট হাত ষোল আঁছ,
মাচমারা ষিয়ে সাধু ;
চুঙুনা খালং কেলুং জাল,

২ । কৃষ্ণজীরা ফেলিলাম, গাঁদা ফুলের
গাছ উঠিল, মালতীফুল ফুটিল, কামরাঙা ধরিল ।

উত্তর—তিল ।

৩ । নদীর তীরে তীরে কুল গাছ, নড়েচড়ে
পড়ে না ।

উত্তর—পদ্ম অর্থাৎ চকুলোম ।

৪ । দশভাইয়ে দৌড়াইয়া ধরে, হুই
ভাইতে মিলিয়া মারে ।

উত্তর—উকুন অর্থেষণ ও মারা ।

৫ । পাঁচভাই তুলিয়া ধরে, বত্রিশ ভাই
মিলিয়া কবে ; অস্ত্র এক ভাই ঠেলা মারিলে
সমুদ্রপর্ভে পড়ে ॥

উত্তর—ভাত খাওয়া ।

৬ । বাবুর মত বসে ; কাঠবিড়ালের স্তায়
ডাকে ; বাঘের মত লাফ দেয় ; পাত্র অর্থাৎ
আধারের স্তায় ডুবে ।

উত্তর—ভেক্ ।

৭ । “ই জরের” মাথায় খড়ের গাদা
খুলিয়া দেখিলে চাঁপা ফুল ।

উত্তর—কাঁঠাল ।

৮ । আকাশে ঝিলমিল করে, পাতালে
জে ; কোন ঈশ্বরে হৃদপিণ্ডে কেশ করিয়া
দিরাছে ।

উত্তর—আম ।

৯ । কাঁচা সময়ে নরম, পাকিলে সিন্দুর ;
যে ইহা কি বলিতে না পারে, তাহার সঙ্গোটি
ই হুর ।

উত্তর—মেটে পাতিল ।

১০ । মাথায় খজা, টিকিতে চুল ; দশ
পা এবং তিন খানি লেজ আছে ।

উত্তর—চিংড়ি মাছ ।

১১ । ভাঙা নারিকেল জোড়া দিরা—
এই কুলে ধুম ধাম একুলে বিয়াই ।

উত্তর—বন্দুক ।

মাচ স্বাস্তে পরাণ স্বাস্ত’ । ১২ ।

“হেদ নয় ধোঁয়াও নয়,
কিরে পাকে পাকে ;

সুন্দর পুরুষ নয়,
ধাগে জি-লগে ।” ১৩ ।

“লোহারে লোহা,
লোহারে ধরলা ঘুণে ;
স্বৰ্গপুরে আগুন লাগে

মারি দিব কনে ?” ১৪ ।

“হলদা ফুল, চন্দনের মালা ;
ধরিৎ নপারে, বেতাগী কাঁদা” । ১৫ ।

“হিলৎ বিলৎ পানি নেই

গাঙ্গর আগাৎ কুমা” । ১৬ ।

“এক হাত গাছোরা,
ফুল ফুদে পাঁচোরা” । ১৭ ।

১২। আট হাত, ষোল হাঁটু সাধু মাছ
স্বাস্তেগিয়াছে ; শুক্কা খালে জাল ফেলি
লাম, মাছ মারিতে প্রাণ বাহিরায় ।

উত্তর—মাকড়সা ।

১৩। হাতীও নয়, ঘোড়াও নয়, ঘুরিয়া
ঘুরিয়া কিরে ; সুন্দর পুরুষও নহে, অঞ্চ জীর
মলে বাস করে ।

উত্তর—চরকা ।

১৪। লোহরে লোহ, লোহকে ঘুণে ধরিল
স্বৰ্গপুরে আগুন লাগিয়াছে, কে নিতাইয়া
দিবে ?

উত্তর—রোজ ।

১৫। হলদে ফুল, চন্দনের মালা ; বেতস
কাটা প্রবৃত্ত ধরিতে পাইবার না ।

উত্তর—মোচাক ।

১৬। খাল বিল (কোথায়ও) জল নাই,
মাছের আশায় কুণ ।

উত্তর—নরিকেল ।

১৭। এক হাত লখা গাছ, পাঁচটা ফুল
ফুটে ।

উত্তর—হাত ;

“এক পাতায় বুড়া হয় ।” ১৮ ।

“বড় কল্গৎ সূতা ফুদে” । ১৯ ।

“ধায়নে শুটার বছ নেই” । ২০ ।

“দুই ভাইয়ে লড়াই” ২১ ।

“আগা কাবিলে গরা মরে ।” ২২ ।

“তগায়, শেলে ন আনে” । ২৩ ।

“পরাণ নেই, মাতুষ গিলে ।” ২৪ ।

“চাল আগে ; তলা নেই ;

পঁখা থবার জাগা নেই” । ২৫ ।

“চালের উন্নর শিয়াল ছা,

কিজাক কিজাক করে রা” । ২৬ ।

১৮। এক পাতাতেই (গাছ) বুড়া হইয়া
থাকে ।

উত্তর—ওল ।

১৯। বৃহৎ পৰ্বতগাত্রে সূতা ফুটে ।

উত্তর—ভারা ।

২০। এমন কোন শুষ্কফল, যার বোটা
নাই ।

উত্তর—ডিম ।

২১। দুই ভাই মিলিয়া বুঝাবুঝি করে ।

উত্তর—মানুষের ভঁটি ।

২২। অপ্রভাগ কাটিলে বা বার্ষিক রাখিলে
গোঁড়াও মরিয়া য’য় ।

উত্তর—খাল ।

২৩। তালস করে, পাইলে আনেনা ।

উত্তর—পখ ।

২৪। প্রাণ নাই (অঞ্চ) মাতুষ পুঁস
করে ।

উত্তর—কোর্তা ।

২৫। চাল থাকে, তলা নাই বোঝা রাখি-
বার জায়গাও নাই ।

উত্তর—হাতি ।

২৬। চালের উপর শিয়াল খাবক, কিরকম
কিরকম শব্দ করে ।

উত্তর—বেশবন্দন ।

বিংশ পরিচ্ছেদ ।

[১] ক্রীড়া,—[২] কোডুক (—নাচ, বাজীপোড়ান প্রভৃতি)

[৩] বাঘ ও [৪] সঙ্গীত ।

[১]

আধুনিক সভ্যতাবৃদ্ধির সঙ্গে সঙ্গে আমাদের দেশীয় ক্রীড়াগুলি ক্রমেই বিলুপ্ত হইতেছে । তৎপরিবর্তে কেবল যে বিলাসিতার প্রশ্রয় দেওয়া যাইতেছে এমন নহে, উদ্যোগ জাতীয় বলবীর্ষ্যও যথেষ্টরূপে রক্ষা পাইতেছে না । কারণ, প্রাকৃতিক শক্তির অল্পকূলে গতি পরিচালিত করিতে পারিলে যেমন সকলকাম হওয়া যায়, প্রতিকূল-চরণে তেমতি অনিষ্টের সম্ভাবনা ! শীতপ্রধান দেশোচিত ক্রীড়াসেবার আমাদের উপকারের আশা যত, অপকারভীতি ততোধিক । আর দেশীয় ক্রীড়া-গুলিতে কাণাকড়িটাও খরচ নাই, অথচ প্রয়োজনীয় ব্যায়াম করা চলে ; কিন্তু সভ্যতার চাক্চিক্য নাই বলিয়া তৎসমুদায় অধুনা অবজ্ঞাত হইতেছে ! “চট্টগ্রামি সভ্যতাবিরল দেশে” অত্ৰাপি পল্লীগ্রামের নিতৃত অন্তরালে সেই নব প্রাচীন ক্রীড়া রাজত্ব করিতেছে দেখিরা, দূর হইতে সেই ‘সভ্যতা’কে নমস্কার করিতে ইচ্ছা যায় ! কিন্তু সমাজ কি আর আমাদের নিবেদে কর্ণপাত করিবে ? অহুচৌকিবুঁ যে আমরা, ফলাফলের প্রতি লক্ষ্য কোথায় ? জানিরা, তগবান্ এই হতভাগ্যদিগের প্রতি কবে কৃপাকটাক পাত করিবেন !

যাহাহউক এই পার্শ্বভীরদিগের মধ্যে প্রাচীন ক্রীড়াগুলির যথেষ্ট সম্মান আছে । রাঙামাটিবাসী ছাত্রগণ ব্যক্তিরেকে কেহই তথাকথিত ‘সভ্য খেলা’গুলির আশ্রয় পায় না । সুতরাং অনন্তোপায়েরেই হউক, তাহাদের পুরাতনের আদর ।

উদ্যেস্ত প্রশংসনীয় । চাক্‌মাদের ক্রীড়াগুলির মধ্যে কয়টি আমাদের অল্পকৃত, কোনটিবা সাধারণ রূপান্তরিত এবং কোন কোন “বারা” আবার এখানে আসিরা সম্পূর্ণ পরিবর্তিত হইরা গিয়াছে । ক্রীড়াগুলিকে মোটামুটি তিন অংশে বিভক্ত করা যাইতে পারে । প্রথমতঃ শিশুক্রীড়া,—ইহাতে মন ও শরীরের বিশেষ কোন চালনা থাকে না, কেবল অনাবিল আনন্দ

মাত্র লাভ হয়। বলাধানের সহিত স্কুর্টির নিমিত্ত ষোলক এবং কিশোরগণ
 দ্বিতীয় প্রকারের ক্রীড়াগুলি গ্রহণ করে। বলা বাহুল্য, এইগুলি কিছু শক্তি-
 সাপেক্ষ। পূর্বকালে এসকল “থারা”র যুবক এবং প্রৌঢ়ের দলও যোগদান
 করিত; এখন তাহা লোপ পাইয়াছে। তাহার বিশেষ কারণ,—সেকালে
 জীবনব্যয় এক দুর্বল ছিল না; কঠোর সাংসারিক চিন্তার এক্ষণে তাহাদের
 সে সুখ উৎসর গিয়াছে। ৮১২ বৎসরের শিশুসন্তানগুলিতে পর্য্যন্ত আর সেরূপ
 বালমূলত মাধুরিমা খেলিতে দেখা যায় না, যেন সকলেই “অন্নচিত্তাচমৎকারা”।
 দারুণ ভবিষ্যৎভয়ে কাতর ও সন্ত্রস্ত। তৃতীয় শ্রেণীতে যে সমুদয় ক্রীড়াকে
 ভুল করা যায়, তাহাতে বুদ্ধি-বুদ্ধিই মার্জিত হইয়া থাকে; শরীরের কোন
 ব্যয়নাম হয় না।

শিশুক্রীড়া বহু বধ, তন্মধ্যে কেবল ছইটীমাত্র এখানে উল্লেখিত হইতেছে।
 বধা :—

(ক) “ইজিবিজি থারা”র কতিপয় শিশু মণ্ডলাকারে বসে এবং
 তাহাদের হাতগুলি সম্মুখে বিস্তৃত করে। দলের সেরামা শিশু—

“ইজি—বিজি—কার্মা—বিজি—

মইচ্—চরে—ঘোড়া চরে—

সাধু—বইয়ে—কছ—রান—

বার্গি—উত্তান—মনোরাম—

এর্গী—দের্গী—রাজা—বাবু—

কৈরেনে—গুধা—হাতান—নেজা”—

বলিতে বলিতে প্রত্যেক শব্দের সহিত বধাক্রমে এক এক জনের হাত স্পর্শ
 করিতে থাকে। এইরূপে চক্রাকারে হাত ঘুরাইয়া বিস্তৃত হস্ত সমুদয় স্পর্শ
 করিতে করিতে যে হাতে শেষোক্ত “নেজা” শব্দটা উচ্চারিত হয়, সেই হাত
 তখনই উঠাইয়া লওয়া হয়। অনন্তর পুনরায় এবংবিধ প্রক্রিয়ার আবৃত্তি চলিতে
 থাকে। সর্বশেষে বাহার হাতখানি অবশিষ্ট থাকে, তাহাকেই পরাজিত সাব্যস্ত
 করা হয়।

(খ) “কভাজাং থারা”র ছই বা ততোধিক শিশু পরস্পরের হস্তপৃষ্ঠ-
 চর্চাকর্ষণে ধীরে ধীরে আন্দোলন করিতে করিতে—

“কভাজাং—কভাজাং

নইনর—উন্নর, বা—বাং

একোয়া বা খোলা পদ্বি ধাং”

বলিয়া হঠাৎ প্রত্যেকে বা ক হস্ত সঞ্চলে আকর্ষণ করিয়া স্বরূপান্তরে আপনাপন

মুখ নির্গত শব্দে বাধা দিতে দিতে “আবা” “আবা” করিতে থাকে । ইহাতে কোন অপর্যায়ের প্রত্নিযোগিতা নাই ।

দ্বিতীয় শ্রেণীর ক্রীড়া সমূহকে আবার বিবিধ পর্যায়ে বিভক্ত করা যায় । তাহার প্রথম পর্যায়ে কেবল সরল অপোগণ্ড বালকগণ মাত্র থাকে ; দ্বিতীয় পর্যায়ে তাহাদিগ হইতে বয়োবৃদ্ধ দল অর্থাৎ কিশোর-যুবকগণই অধিকাংশরূপে বোণদান করে । বালকের খেলা যেমন :—

(ক) “পলাপলি খারা”—ইহা লুকোচুরি ক্রীড়ারই নামান্তর মাত্র । বালকগণ সমান ছই ভাগে বিভক্ত হইয়া একদল কোন নির্দিষ্ট সীমার মধ্যে বেঞ্চামুরূপ স্রবিধায় লুকাইয়া থাকে । অপর দলপতি জিজ্ঞাসা করে,—“তোমরা সকলে পলাইয়াছ ; এখন আমরা খুঁজিতে পারি?” ইহাতে কোনও উত্তর পাওয়া না গেলে, বুঝিতে হইবে—“মৌন সম্ভতি লক্ষণ” । তখন তাহারা সোৎসাহে বিকল্পদলকে খুঁজিতে আরম্ভ করে । যদি কাহাকেও তালাস করিয়া না পাওয়া যায়, খুঁজ সকলে অধেষণকারিদলকে তাহার সম্মান বলিয়া দিলে ‘কি হারাটিকে’ বীকার করাইয়া তবে বলিয়া দেয় । পক্ষান্তরে তাহারা এক “পির” হারিয়া যায় ।

(খ) “পুৎপুৎ খারা” । ইহা জলক্রীড়া বিশেষ । আনাতি জলে সকলে দাঁড়াইয়া, তাহাদের মধ্যে একজনে সকলেরই সম্মুখে কোন ভাসমান বস্তু খণ্ড ডুবাইয়া আচম্বিতে ছাড়িয়া দেয় । আর সেই মুহূর্ত্ত হইতেই সকলে জল-পৃষ্ঠোপরি ঘন ঘন আঘাত করিতে থাকে । ইতিমধ্যে যে ঐ ভাসমান বস্তু হস্তগত করিয়া বস্তুকটী জলে ডুবাইতে পারে, সেই জয়ী হয় ! কিন্তু সে ডুব দিবার পূর্বে যদি অপরেরা বুঝিতে পারে যে, তাহাদের লক্ষ্য পদার্থ উহার হস্তগত হইয়াছে, তখন তাহারা শারীরিক বলের প্রত্নিযোগিতা দেখায় । যাহার সামর্থ্য অধিক, সে অপর সকল হইতে বস্তুটি বলে গ্রহণপূর্ব্বক মস্তক জলে ডুবাইয়া জয়লাভ করে ।

(গ) “বুদ্ধিবান্ খারা” । ইহাতে একজনকে রাজা করিয়া অপরেরা ছই ভাগ হইয়া যায় । রাজা মধ্যস্থলে এবং তাহারা চুরে চুরে থাকে । পরে একদল হইতে একটা বালক আনিয়া রাজার নিকট অতি গোপনে অপরদলের কোন বালকের নামোন্মেষ মাত্র করিয়া যায় । ইহাতে বিকল্পদলের সকলে বিবেচনা করিয়া তাহাদের মধ্য হইতে একজনকে রাজার কাছে পাঠায় । তাহাতে যদি সেই নামোন্মেষিত বালকই আসে, তাহা হইলে রাজা তাহাকে ‘মৃত’ ঠিক করিয়া নিজের কাছে রাখিয়া দেয় ; অন্যথা সে বালক প্রত্নিযোগী দলের কাহারও নাম বলিয়া যায়, তখন সেই দল হইতে বালক আসে । এইরূপে কোন দলের সকলেই হারিয়া গেলে “এক পির” পরাভ হয় ।

(ঘ) “ঘর চাক বাহির চাক খারা”। সমতল ভূমিতে একটি স্তম্ভ বৃত্ত অঙ্কিত করিয়া সমবিভক্ত বালকগণের একদল পরিধিমধ্যে এবং অপর দল বাহিরে থাকে। অনন্তর “ঘর চাক না বা’র চাক,” “বা’র চাক না ঘর চাক” বলিতে বলিতে ‘ঘরের’ দল ‘বাহিরের’ দলকে এবং ‘বাহিরের’ দল ‘ঘরের’ দলকে যথাগাথা বলপ্রয়োগে টানিয়া আনিয়া স্ব স্ব দলপুষ্টির চেষ্টা করে। যদি কোন দলের সকলকেই সীমাতিক্রম করাইতে পারা যায়, তখন অপর দলের বালকেরা সানন্দে বলিয়া উঠে,—“এক পির”।

(ঙ) “পত্তি খারা”। ইহাতেও স্তম্ভ বৃত্তের ভিতরে এবং বাহিরে বালকগণ দুই দলে বিভক্ত হইয়া থাকে। পরে ‘ডু ডু খেলা’র জ্ঞান হই পক্ষ হইতে পর্যায়ক্রমে এক একজন “পত্তি ……” রবে নিখাস লইয়া সীমার বহির্ভূত অপর দলকে আহ্বান করিয়া আসে। যদি বিপক্ষীয়েরা আহ্বানকারীকে আবদ্ধ করিতে পারে, কিম্বা তাহার নিখাস ফুরাইয়া গেলে মাত্র ছুঁইয়া দিতে সন্মত হয়, তবে সে মরিয়া যায়। অপর দলে এইরূপে কেহ যখন ‘মরে’, তখন তাহার বিপক্ষদলের ‘মৃত’ ব্যক্ত ‘বাঁচিয়া’ খেলার অধিকার পায়। এইরূপে কোন দলের সকলে ‘মরিয়া’ গেলে ‘এক পির’ আত্মপ্রসাদ লাভ করিয়া থাকে।

শেবোক্ত ক্রীড়াধরে শারীরিক বলের প্রয়োজনীয়তাই অধিক। স্তম্ভর এই দুই খেলার অধিকতর বলবান্ বালকের আবশ্যক। এতদ্ভিন্ন ছোট ছোট বালকদিগের উপযোগী “ঘিলাখারা”, “নাদেং (লাটিম) খারা”, “মাছখারা”, “পোকখারা”, “কুমীর খারা”, “শায়ুক খারা” প্রভৃতি শারীরিক ও মানসিক ব্যায়ামের অনেক ক্রীড়া আছে। শারীরিক ব্যায়াম প্রধান আর দুইটা খেলা আছে, তাহাতে বালক—কিশোর—যুবক ত্রিবিধ সম্প্রদায়ের লোকই যোগদান করিয়া থাকে। সেই দুইটা কথা :—

(ক) “গুহু খারা”। ইহা ‘ডু ডু খেলা’রই নামান্তর মাত্র। স্তম্ভর তাহার বর্ণনা দেওয়া নিম্নপ্রয়োজন। ইহাতে উল্লেখযোগ্য কথা এই, উভয় দলের মধ্যে বাহাতে সীমা নির্দেশ করা হয়, তাহার আখ্যা—‘গাং’ অর্থাৎ নদী। স্তম্ভর অপর পারে বাইতে হইলে পূর্বাঙ্কে পারের শক্তি বৃদ্ধিতে হয়।

(খ) “পোর খারা”। ইহা চটগ্রামে ‘পড়খেলা’ নামে প্রথিত। যাবতীর শারীরিক ব্যায়ামের মধ্যে এই ব্যয়পূক্ত ক্রীড়াই যে সর্বোৎকর্ষ সিকান্দ এবং সর্বোৎকর্ষ, তাহা সকলেই একবাক্যে স্বীকার করিয়া থাকেন। শারীরিক ক্রীড়ার বাহা মুখ্য উদ্দেশ্য, ইহাতে তাহা অর্থাৎ সর্বোৎকর্ষ সন্ধান ও নিরদিষ্টরূপে

রক্ত সঞ্চালিত হয়। কিন্তু হৃৎকের বিষয়, এখন আধুনিক সমাজে ইহার আদর ক্রমেই বিলুপ্ত হইতেছে। এই খেলার নিয়ম বথা :—

ক্রীড়কগণ দুই সমানভাগে বিভক্ত হইয়া থাকে। প্রত্যেকবারে একদল পলাইতে চায়, অপর দল বাধা দান করে। বাধাদানকারীদের পক্ষে একজনের উপর প্রাধান্য অর্পিত হয়, তাহার উপাধি—“মোইলা”। তাহার দলের প্রত্যেকের অস্ত্র সমতল ভূমিতে এক একটা সমান্তরাল স্থলরেখা ক্রীড়াভূমিতে অঙ্কিত থাকে। তাহারা স্ব স্ব রেখায় দাঁড়াইয়া অপর দলের বাহাকে পাওয়া যায়—বাধা দিতে প্রস্তুত হইলে ‘মোইলা’ বিপক্ষদলকে আহ্বান করে—“পোর” অর্থাৎ পড়। তাহাদিগকে ‘পড়িতে’ বা পলাইতে এই রেখাগুলিতে অবস্থিত বাধাদাতা ও ‘মোইলার’ হাত হইতে নিরাপদে অতিক্রম করিয়া যাইতে হয়। যদি কেহ পলাইবার সময় তাহার বাধাদাতা তাহাকে কোনরূপে স্পর্শ করিতে পারে, অথবা ‘মোইলা’ রেখাগুলির দুই পার্শ্ব ও মধ্য দিয়া পরিভ্রমণকালে যদি বিরুদ্ধদলের কাহাকেও কোন প্রকারে স্পর্শ করে, তবে পলায়নকারিদল পরাজিত হয়। অস্ত্রথা কোনরূপে এই সমুদয় বাধাবিগ্র অতিক্রম করিয়া দলের একজনও যদি এই রেখাগুলি পার হইতে এবং পুনঃ প্রত্যাবর্তন করিতে পারে, তবে তাহাদেরই জয় হয়। ক্ষিরে বার খেলিতে পরাজিত দলের উপরই বাধাদান করিবার ভার পড়ে।

তৃতীয় শ্রেণীর—তাস, পাশা, “প্যোক (পাখী) খারা” (১) প্রভৃতি বুদ্ধিবৃত্তি পরিচালক ক্রীড়ারও অভাব নাই বটে, কিন্তু অতিশয় অল্প। এই সকল দ্বারা মস্তিষ্কচালনা বাস্তব অপর কোনও উপকার হয় না। সুতরাং শরীর-রক্ষাকার্য্যে এই গুলিতে উপকার হইতে অপকার অধিকতর। হৃদ্ধ সংসারকষ্ট-বিমোচনের নিমিত্ত আমাদের বেক্রম অহর্নিশ খাটিবার প্রয়োজন আসিয়া পড়িয়াছে, তাহাতে আশা করা যায়, এই শ্রেণীর ক্রীড়াসকল যে উন্নতির একান্ত পরিপন্থী—তাহা অচিরে সর্বসাধারণের হৃদয়ঙ্গম হইবে।

এস্থলে বলিয়া রাখা অপ্ৰাসঙ্গিক হইবে না যে, দস্থ্যতার রূপান্তর—সত্য কি অসত্যের উপযুক্ত কার্য্য বলিতে চাহি না, কোন প্রকারের “জুরাখেলা” ইহাদের মধ্যে এবাবৎ প্রবেশ করে নাই। পূর্বেই বলিয়াছি, নিতান্ত অভাবব্লিষ্ট হইলেও ইহারা স্বীয় অবস্থার অনেকটা সম্বলিত থাকিতে জানে। সুতরাং তাদৃশী ছনীতি অবলম্বনে অর্ধোপার্জন ইহাদের নিকট অস্ত্রাপি ঘৃণার সহিত উপেক্ষিত হয়।

* “প্যোকখারা” আমাদের সমাজে ‘বাপবন্দী’ খেলা নামে পরিচিত। ইহা কতকপরিমাণে ‘দাধা খেলা’রই অনুরূপ। ‘হুক’ বা ঘরে একজন বাঘ এবং অন্ততঃ পাখী পরিচালিত করে

কিন্তু বাহুরবিগের “তুখুরী খান্না” ইহাবিগের মধ্যেও বেশ পশারলাভ করিয়াছে। মন্ত্রবলের অভ্যস্ত রহস্যময় উৎসব-আমোদে বিশেষজ্ঞ কর্তৃক প্রদর্শিত হয়। তজ্জন্ত তাহার উপযুক্ত পুরস্কারের ব্যবস্থাও থাকে।

[২]

কৌতুক নানাবিধ। মনুষ্যানীবনও কৌতুকময়! বাক্যে যেরূপ যতি, কর্মজীবনেও তেমনি মধ্যে মধ্যে কৌতুকের প্রয়োজন। ইহাতে মন প্রফুল্ল থাকে, কার্যেও নিত্য নুতন বল পাওয়া যায়। কিন্তু

কৌতুক।

ইহা যথাসম্ভব নির্দোষ হওয়া উচিত। কৌতুকলীলা একাগ্রবর্তী পরিবারেই যেন সমধিক। পরস্পর পরস্পরে হাসিয়া খেলিয়া থাকিতে অবশ্য সকলেই ইচ্ছা করে। আর কেবল বাস্পতা অর্থাৎ পৃথগীভূত পরিবারে যে কৌতুক, তাহা নিতান্তই এক ঘেঁয়ে। তাই একাগ্রবর্তিতার অভাবে চাক্‌মাসমাঙ্গে কৌতুকের অবসর বড়ই ছন্নভ; সাময়িক পর্ব বা উৎসব বিশেষে মাত্র যাহা কিছু সামান্য প্রচলিত আছে। অথচ বিলাত প্রভৃতি দেশে একাগ্রবর্তিতা বিরল হইলেও ইহার প্রাধান্ত বিস্তর। তাহার কারণ, সেসব দেশে সর্ববিধ স্বাধীনতা বিচক্ষমান এবং দেশও তত্প্রবোগী অর্থশালী। আমাদের স্থায় ‘অন্ন-চিন্তা-বিষধর-বংশন-কাতর’ পরিবারে কত আর কৌতুকের আকাজকা করা যাইতে পারে?

মন্ত্র সম্বন্ধে পূর্বে বিস্তর বলা হইয়াছে। এস্থলে প্রসঙ্গতঃ বলা যাইতে পারে, অতিরিক্ত সুরাস্কয় ইহাবিগের উৎসবের প্রধান লক্ষ্য। যাবতীয়

মনোযোগসব।

অল্পটানের পূর্বাঙ্কেই ইহাবিগকে সুরার আয়োজন করিতে হয়। রাজা বা হেডম্যানগণের ক্রিয়াকর্ম্মা-নিত্যেও প্রজাসাধারণের যথানিয়মে মন্ত্র উপঢৌকন দিবার প্রথা আছে, অল্পখা তাহাবিগকে দণ্ডিত হইতে হয়। তন্ত্রিণ ধর্ম্মকার্য্যমাঙ্গেই সুরাদানের ব্যবস্থা রহিয়াছে। ইতিপূর্বে ইহাও দেখাইয়া আসিয়াছি যে, সুরাব্যস্তিরেকে ইহাদের ‘তত্ত্ব’ দেওয়াও চলে না। বিশেষতঃ বিবাহের প্রস্তাবনা উপস্থিতকালে উহার একান্ত প্রয়োজন। উৎসবাদিতে অল্পনির্ণ সুরাসত্র খোলা থাকে; বাহার বত ইচ্ছা পান করুক,—কোনও বাধা পাইবে না! আর তৎপরিণামে যখন সমস্তাৎ বীভৎস রহস্যময় প্রকটিত হইতে আরম্ভ হয়, তাহাতে পরিবারের সকলে ও সমাগত আবালবৃদ্ধবনিতা লক্ষ আনন্দ অনুভব করিতে থাকে।

অগ্নরাগর জাতিতে যেমন নৃত্যবি দ্বারা আঘোষ-প্রয়োজের রীতি আছে,

ইহাদিগের ভেদন কিছুই নাই। বস্ত্রতঃ স্নানতা জাতিসমূহের পক্ষে ইহা
 একটি কলঙ্কবিশেষ। ইঞ্জিরতৃষ্ণির এহেন নিরুপ-
 নাচ।

আয়োজন—কেবল পবিত্রতার বিরোধী নহে, শিষ্টা-
 চারের পক্ষেও নিত্যস্ত বিসদৃশ বোধ হয়। কতকগুলি নীচশ্রেণীর ভাড়াটে ঘেয়ে
 বা নির্দিষ্ট করেক রাত্রির নিমিত্ত ধারকরা নর্তকী ও নৃত্য অভিনয় করে, আর
 শিখা, পুত্র, গুরু, শিবা প্রভৃতি সকলে মিলিয়া হা করিয়া তাহাদের প্রতি
 তাকাইয়া থাকে এবং মধ্যে মধ্যে 'বাহবা বাহবা' ধ্বনিতে পাপ-
 স্মৃতি জ্ঞাপন করে! কি বীভৎস দৃশ্য! যাহারা ইচ্ছা করিয়া এক্ষণে মনকে
 কলুষিত করিতে প্রয়াসী, তাহাদের কর্তব্যবুদ্ধির কখনও প্রশংসা করা যায়
 না। চাক্ষুসাদিগের যাহা কিছু নৃত্য "মহারুনি" মেলায় দেখাইয়া আসিয়াছি ;
 সেই অবিবাহিত যুবকযুবতীদিগের উদ্ভ্রান্ত নৃত্য দেখিলেও লজ্জার চক্ষু নিম্নী-
 লিত হইয়া আসে। পরস্পরে বাহুলতা বেঠনে আলিঙ্গনবদ্ধ হইয়া বিভিন্ন
 প্রকারে যে নর্তনলীলা প্রকটিত করে, তাদৃশ কুরুচিপূর্ণ দৃশ্য আর চিত্রিত
 করিতে চাহি না।

ইঞ্জিরসুখ চরিতার্থ করিবার নিমিত্ত বাজী পোড়াইবার ব্যবস্থাটি মন্দ নহে।
 টহা একদিকে যেমন বিপুল, পক্ষান্তরে তেমনি শিরকলা-প্রদর্শক! আমাদের
 বর্তমান দুর্গভঙ্গীবনে কামানের নাম শুনিলেই ভয়
 বাজীপোড়ান। পাই; বোমের আওয়াজটা মাত্র অতি কষ্টে সহিয়া
 লইতে পারি! এতদ্ভিন্ন আশ্চর্য বস্ত্র যাহা কিছু সমস্তই আমাদের অধিকারের
 বহির্ভূত। কেহ কেহ বা বাজীতে কতকগুলি টাকা ভয়সং করিয়া নিরর্থক
 অপব্যয়ে স্বীকৃত নহেন। তাহাদের এইরূপ সমৃদ্ধিতে অবশ্য আমাদেরও
 সহানুভূতি রহিয়াছে; কিন্তু সেই ব্যয়িত টাকাগুলি বস্ত্রতঃ সম্পূর্ণরূপে তস্বীভূত
 হয় না, তৎসমুদয় অনেকেরই জীবনযাত্রার সাহায্য করে। তবে বাজীর ধরচটা
 অপর কোন সংকর্মে ব্যয় করাই শ্রেষ্ঠতম ব্যবস্থা। সাধারণ বিবাহাদিতে
 চাক্ষুসগণ বাজীর অল্প ব্যয় তত উপযোগী মনে করে না; কিন্তু অন্ত্যেষ্টিকালে
 ইহার বিরাট আয়োজন হইয়া থাকে। বহুদূর অল্পমিত হয়, স্নানী প্রথা সম-
 দিগের সাহচর্য্যেই সংক্রামিত হইয়া থাকিবে।

[৩]

সুবিধা পাইলে ইহার বিবাহ এবং অপরাপর উৎসবসমূহে অধুনা বিদেশীয়
 বাদকদল আনয়ন করে, স্বকীয় বাজ যন্ত্রাদির ব্যবহারে তাহাদিগকে প্রায়ই
 উদাসীন দেখা যায়। জুমমকে বা যুবকসম্প্রদায়ের
 বাণ্য।
 লীলানিকেতনে মাত্র বাঁশী, মুরলী, শিঙা, "আন্দুয়া"

এবং “ধুঙ্গুগ” প্রভৃতি বহু প্রচলিত । এসকল ব্যতীত বেহেলা, সানাই, সারঙ্গ প্রভৃতিরও আমদানী হইয়া থাকে । পূর্বে সাধারণ উৎসবাবসিতেও আমোদ-প্রমোদের অঙ্গস্বরূপ এ সমুদয়ের ‘সঙ্গত’ চলিত ; এক্ষণে তাহা কদাচিৎ মাত্র পরিলক্ষিত হয় ; কিন্তু যখন হয়, তৎসঙ্গে “তুল” (ঢোল), “খেংগরং” প্রভৃতিও থাকে । এহলে শিঙা, ধুঙ্ক, জান্দুরা, খেংগরং ইত্যাদি যন্ত্রনিচয়ের পারি-ভাসিক ব্যাখ্যা প্রয়োজন হইতেছে । প্রথমে তৎপরিচয় দিয়া সঙ্গে সঙ্গে বাস্তব-প্রক্রিয়াও বিবৃত করিতেছি :—

“শিঙা”—মহিষশৃঙ্গেরই প্রশস্ত । তদভাবে শৃঙ্গগর্ভ পাতলা অথচ মোটা বাঁশের মুখে ‘বিশুলের’ জায় অপর এক সরু বাঁশের মুখ লাগাইয়া লয়, তাহাতেই ধীরগভীর ফুৎকার দিয়া বাজাইয়া থাকে । বহু পশুপক্ষী তাড়াইতে জুমক্কেত্রে ইহা প্রায়ই নিনাদিত হয় ।

“ধুঙ্কুগ”—ছই প্রান্তে ‘গিরে’ থাকে, এমন বাঁশের পর্কখণ্ড লইয়া মধ্যভাগ হইতে সামান্য একখানি বাখারি পরিত্যাগে প্রস্তুত হয় । ইহা উদর পাখে লাগাইয়া কাঠিধারা বাজ করে । তখন সেইরূপ আর একটা ভূমিতে রাখিয়া ছই কাঠিতে ধুঙ্কুগের ভাল রক্ষা করিয়া থাকে ; তাহার আখ্যা হয় “দগর” ।

“জান্দুরা”—বাঁশের জায় উদ্ভিদবিশেষের দ্বারা প্রস্তুত । দীর্ঘ প্রস্থ—প্রায় এক হাত করিয়া হইবে । কাঠিশুলি পাশাপাশি করে সাজান মাত্র । তাহার এক পৃষ্ঠে ধরিয়া অন্ত্রপৃষ্ঠে করতলাঘাতে বাজ করে ।

“খেংগরং”—লৌহনির্মিত চক্রাকৃতি পদার্থ । একদিকে লৌহশলাকার প্রান্তস্থর বাহির হইয়া থাকে ; মধ্যভাগে একটি ‘জিহ্বা’ও দেওয়া হয় । কেহ কেহ বাখারিখণ্ড দিয়াও ইহা প্রস্তুত করিয়া থাকে । খেংগরং বাজাইবার সময় মিলিত প্রান্তস্থরে একখানি স্থতা বাঁধিয়া লয় । উক্ত জিহ্বার মুখ লাগাইয়া থাকিয়া থাকিয়া স্থতাখানি টানিতে টানিতে মৃদলতানে নানা রাগ রাগিনীর ঝঙ্কার দেয় ।

“তুল”—আমাদের দেশীয় ঢোলই এখানে আসিয়া কিঞ্চিৎ বিকৃত নামে পরিচিত । অস্ত্রাস্ত্র সময়ে ত আছেই, সূত্রার অব্যবহিত পরবর্তী স্নানাদির সময় এবং অন্ত্যেষ্টিকালেও ইহার বাজ একান্ত আবশ্যিক । একত্র প্রায় প্রতি গ্রামেই ‘তুল’ রক্ষিত হয় । তাহা না হইলে গ্রামান্তর হইতে হাওলাত লওয়াও চলে ।

বাঙ্গী ও সুরলীর গঠনপ্রণালী প্রায় সমান । তারতম্য মাত্র এট, বাঙ্গীর একপ্রান্তে ধুঙ্কুগের মধ্যে দিয়া বাজাইবার নিমিত্ত চেটানো আছে, সুরলীর তাহা

নাই। কেননা, সুরলী আঁড় করিয়া ফুৎকারমাত্র প্রয়োগে ধ্বনি তুলিতে হয়। ইহার বাঁশী এবং সুরলী বাজাইতে সাতিশর পটু। এতদুভয়ের সাহায্যে অধিকাংশ যুবক ব্রজলীলার অভিনয় করিয়া থাকে।

[৪]

অধুনা ইহাদিগকে যাত্রা, কবির গান প্রভৃতিতে যথাসাধ্য উৎসাহ দান করিতে দেখা যায়। সম্পন্ন পরিবার মাত্রেই উৎসবাদি উপলক্ষে এই সমুদয়ের ব্যবস্থা হইয়া থাকে। বস্তুতঃ সঙ্গীতকে বাহার্য্য ভালবাসিতে সঙ্গীত। জানে না, এ সংসারে তাহাদের জীবন সাতিশর নীরস।

ইহা যে কেবল 'কানের ভিতর দিয়া মরমে পশিমা' যার তাহা নহে, স্বয়ংকে এমন অনির্বচনীয় শক্তিতে উত্তেজিত করে, যাহাতে বাহুজ্ঞান বিলুপ্ত হয়। পাপকোলাহলপূর্ণ জগতের জটিলতা—কুটিলতা ও কামিনীকাঞ্চনের চিন্তা ছাড়িয়া প্রাণ যে উধাও ভাবে কোথায় সেই সচ্চিদানন্দে গিয়া (১) মগ্ন হয়, সঙ্গীতের সুললিত রাগরাগিণীপূর্ণ স্বর্য্য ততদূর পৌছিতে না পারিলেও গায়ক কি শ্রোতা তাহার প্রতি আর লক্ষ্য করে না, অথবা ফিরিয়া দেখিবারও আবশ্যক মনে করে না। উদাচরণস্বরূপ বলা যাইতে পারে, 'প্রসাদী মালসী' পদলালিত্যের জন্ত প্রসিদ্ধ নহে, যখন তাহা কর্ণ অপেক্ষা অন্তঃকরণকে অধিকতর পরিতৃপ্ত করে।

ইহাদিগের সঙ্গীত সমুদয়কে রসভেদে বিভক্ত করা দুঃসাধ্য, এমন কি অনেক স্থলে অসাধ্যই বটে। কেননা, প্রায় সঙ্গীতেই দুই বা ততোধিক রসের প্রাধান্য দেখিতে পাওয়া যায়। তাই এস্থলে তাবানুসারেই ভাবচতুষ্টয়। শ্রেণীভেদ করা হইল। ভাবচতুষ্টয়, যথা :—ভক্তি, উদাস,

বিরহ এবং প্রেম। নিম্ন হইতে উচ্চ শ্রেণীতে—ক্রমপরবর্তী অপেক্ষা ক্রমপূর্ব্ববর্তী ভাবের সমান অধিকতর; সুতরাং সমাজ অনুন্নত বলিয়া ক্রম-পূর্ব্ববর্তী অপেক্ষা ক্রমে পরবর্তী ভাবের সঙ্গীতই ইহাদের মধ্যে অধিক পরিমাণে প্রচলিত।

পূর্ব্বকই বলিয়াছি, উৎসবমোদে ইহার "গেনকুলী" আনিয়া কথকতা শ্রবণ করে। বলিতে কি, আবাল-বৃদ্ধ-বনিতা সকলেই তাহাতে বিশেষ পরিতোষ লাভ করিয়া থাকে। রঙ-খেরাল বা কাহিনীর ভিতর দিয়া গভীর ভোত্রগান। ধর্ম্মভাব এবং উজ্জ্বল দৃষ্টান্ত সহযোগে সুনীতি-গর্ভ উপদেশ সমূহ যখন নানাবিধ সুর সংযোগে প্রকটিত হয়, তখন প্রত্যেকেরই মনোরঞ্জন

(১) কিন্তু মহাকবি মিটন "Paradise lost" এর একস্থলে লিখিয়াছেন,— "Music charms the sense, eloquence the soul" কথাটা নিতান্তই একদেশ ঘর্ষিতাসূচক বটে; তবে তাহার জীবনের যাবতীয় কবিতাগুলির আলোচনার দ্বারা যার যে, পারিবারিক বিদ্রোহ সম্বন্ধে উপলব্ধ হইয়া তিনি এইরূপ লিখিতে বাধ্য হইয়াছিলেন।

হইবার কথা। বস্তুতঃ এতাদৃশ নিশ্চল আমোদ সকল সম্প্রদায়েরই প্রাণের সামগ্রী। পিতা-পুত্র, মাতা-কন্যা, ভ্রাতা-ভগিনী যে আমোদপ্রমোদ একত্র মিলিয়া উপভোগ করিতে পারে, তাহা কেনই বা আদরের না হইবে? 'গেন্-কুলি'গণ সচরাচর যে সকল 'পালা' গান করে, তন্মধ্যে "গোজেনের লামা" অর্থাৎ গোসাইর (পরমেশ্বরের) স্তোত্র সর্কাপেক্ষা ছন্দস্বাকর্ষক! ইহার আগা-গোড়া উদাসিন্ত্বের মরম কথায় পরিপূর্ণ। উহার রচয়িতা শিবচরণ সংসার-

উদাসী শিবচরণ।

সঙ্কিবিরহিত ছিলেন। "কান্তীগোছা"র তাঁহার জন্ম হয়।
 বাল্যকাল হইতেই একমাত্র পুত্রের উদাসভাব দেখিয়া, তদীয় পিতামাতা অতিশয় চিন্তাকুল হইয়াছিলেন; তজ্জন্ম বিবাহ করাইয়া তাঁহাকে সংসারে আকৃষ্ট করিবার চেষ্টা করিলেন। কিন্তু তাঁহাকে সেই প্রলোভনে কেলিতে পারা যায় নাই। অনন্তর বাঁধিয়া রাখিবার চেষ্টা হয়,—তথাপি তিনি আপন ইচ্ছায় চলিয়া যাইতেন। আহারের সময় মাতা পুত্রকে না পাইয়া তাঁহার নিমিত্ত "ভাতমোচা" (১) "ফুলবারেঙে"র মধ্যে রাখিয়া দিতেন। আশ্চর্যের কথা, ২১৩ মাস পরে শিবচরণ আসিলেও নাকি সেই ভাত গরম পাওয়া যাইত; এমন কি কোন কোন বারে সেই পথ্যাসিত ভাত হইতে বাষ্পও উঠিত! অবশেষে তিনি সন্ন্যাসত্রয় গ্রহণ করিয়া গৃহত্যাগ করেন। তারপর তাঁহার আর কোন সন্ধান পাওয়া যায় নাই। তৎকৃত "গোজেনের লামা" সমাজে বিশেষ প্রসিদ্ধ; প্রায় সকলেই উহার প্রতি ভক্তিমান। শুনা যায়, তাঁহার প্রণীত সাতটা 'লামা' আছে, কিন্তু আমি বহু অনুসন্ধানেও ছয়টার অধিক পাই নাই। যাহা পাইয়াছি, নিম্নে উদ্ধৃত হইল:—

গোজেনের লামা।

(প্রথম ।)

উজানি ছরা লামনি ধার,
 ন আছিল সৃষ্টি জলংকার।
 জল-উপরে গর্ষ্যে (২) স্থল,
 বানেল (৩) গোজেনে জীব সকল।
 আরয়ে (৪) বানেয়ে ধার জনম,
 আগে ছালাম্ ঙ্গ (৫) তার চরণ।
 চানে সূর্য্যে স(হো)দর ভেই (৬),
 ছালাম্ ঙ্গ উদ্দেশে ভূমিং খেই (৭)।

(১) ভাতের পুটলী। (২) গড়িয়াছে; (৩) বানাইল (তৈয়ার করিল)।
 (৪) পূর্বে; (৫) সালান দিতেছি; (৬) ভাই; (৭) জন্মিতে যাক্খি।

সমুখে ছালাম্ভং পুগেদি (১)
 পছিমে ছালাম্ভাং শিজেদি (২) ।
 উত্তরে ছালাম্ভাং বাঙেদি,
 দক্ষিণে ছালাম্ভাং দেনেদি (৩) ।
 মোরে বিধিয়ে দয়া হোক ;
 তিন দেব-চরণে ছালাম্ভাং (৪) ।
 ন বুকে তিন দেবে যেই সকল,
 সেই সকল বড় কমল, কুল কমল ।
 মা সরস্বতী ছালাম্ভাং,
 যোগাই দিত গাই গীতপদ ।
 ছালাম্ভাং মানেই তপসী,
 ধর্মশীলা সন্ন্যাসী ।
 একা মনে ভজুত্তর (৫) ;
 ছালাম্ভাং জানেলুম্ভাং দেব কমল ।
 পূজার গুরু মানেলুং,
 হাজার ছালাম্ভাং জানেলুং ।
 মর্ত্যে পড়ি জনম যার ;
 তার চরণে নমস্কার ।
 দশমাস দশদিন হুথ পিয়ে (৬) ;
 জম্বু দিবৎ নি (৭) জন্মিয়ে ।
 পুরি চেলুং (৮) চোখ ভরি ;
 মা-বাপ পারা (৯) নেই দেশভরি ।
 পড়োয়া (১০) বুকে আখরৎ (১১) ;
 এজের (১২) মানেই লোক সংসারে ।
 মা-বাপ চরণে ভজিলেই (১৩) ;
 সকল তিথ্য (১৪) ফল পাই ভেই ।
 জ্ঞানী ধানী ছালাম্ভাং ;
 পড়োয়া পণ্ডিত বুদ্ধিলং ।

(১) পূর্বদিকে ; (২) পশ্চিম দিকে ; (৩) ডান দিকে ; (৪) ঠাকুর ; (৫) ভজন
 করিতেছি । (৬) পাইয়া ; (৭) জম্বুদীপে কি ; (৮) চাহিলুম্ভাং (দেখিলাম্ভাং) ; (৯) অপেক্ষা ;
 (১০) শিক্ষিত ; (১১) অক্ষর ; (১২) আসিবেছে ; (১৩) ভজন করিলেই ; (১৪) তীর্থ ।

সবার ছালাম মুই দিলুং ;

গীত সাধনান সাধিলুং ।

গীত একলামা পুরেয়ে (১) ;

বুঝিল বুঝিব মানেরে (২) ॥

(দ্বিতীয় ।)

ঔদাৎ (৩) বেয়েই ধোপ (৪) কাপড় ;

গোজেন-চরণৎ ভজঙর ।

আগে ছালাম দেয় শিবচরণ,

মাগং (৫) গোজেনর তুন (৬) ছই চরণ ।

ছেয়ার (৭) তলে রাখে-দ (৮),

একালে ওকালে তরে-দ (৯) ;

জন্মে জন্মে দেখা হক,

চিত্তে মনে একা হক ।

দেবাংশি গোজেনে ন দোষি,

অবুঝা মানেরে ন বুঝি ।

শুন শুনরে পড়োয়া ভেই ;

দ্বি-বা অক্ষরে তরি যেই ।

গুরু সাধি না পেয়ে (১০) ;

অনা গুরয়ে (১১) পার হয়ে ?

সাধি আনং (১২) আর জনম,

সকল দান করঙর(১৩) এই জনম ।

জুরি-ন পাল্লে (১৪) কুয়ং পের (১৫) ?

ভজিলে চরণে কুল পের ?

ন-র'লে (১৬) ধন মান সাধনে,

তরিব মানেরেই লোক কুল দানে ।

গুরুচরণ সার করে ;

বংশ ধন কি পার করে ?

একামনে ভজিলে ;

সকল ভীষ্য কল পারি বেলে (১৭)

(১) পূর্ণ হইরাছে ; (২) মনুষ্যে ; (৩) গলায় ; (৪) গুত্র অর্থাৎ পরিচ্ছন্ন ; (৫) মাপিতেছি ; (৬) ছইতে ; (৭) ছালাম ; (৮) রাখিত ; (৯) তরাইত । (১০) পাইয়া ; (১১) গুরুধাত্বিকেরে ; (১২) আনি ; (১৩) করিতেছি ; (১৪) জুটা'তে না পারিলে ; (১৫) কোথায় পাইব ; (১৬) না থাকিলে ; (১৭) বলিয়া ।

দয়া দেখে (১) সায় করে ;
 সাধিলে দজ্ঞপৎ (২) পার করে ।
 অপার পানি (৩) সাগরে ;
 ত্রিশ তিন জাতি (৪) ভাজ (৫) পড়তুম-
 গই (৬) আগরে (৭) ।

ভজ্ঞে মানেই লোক এই কালে ;
 যমে ন ধরিব ঐ কালে ।
 যে বর মাগে সে বর পায়,
 গোজেনে বর দিলে ন ফুরায় ।
 গোজেন-মেইয়া (৮) উদ'নেই (৯) ;
 বুঝি পারি কে ভাই সেই ।
 পরম বৃক্ষে ভর দিয়া ;
 বুঝি পারে কে তোর মেইয়া ?
 সকল জীবে বেদায় (১০) হোক ;
 চিত্তে মনে একা হোক ।
 পরম গোজেন কিয়ৎ (১১) থায় (১২) ?
 সাতবার সাধিলে সেই ন পায় !
 তঁদা (১৩) সাধি আনিব ;
 পরম গোজেনে ভূজিব ।
 চরণে ছালামে ভূঝিলে ;
 ধর্ম সাধনান পাই বেলে ।
 ছালাম দিবার কাঁছেল যে (১৪),
 গীত দ্বি-লামা ফুরেল যে (১৫) ।
 দ্বি-লামা ছিরেলে (১৬) ন যেবৎ (১৭) ;
 গোজেন-সম্মুখে বর লবৎ (১৮) ।

(তৃতীয় ।)

তঁদাৎ বেয়েই কাপড়ে,
 আরাধন করঙর হাত ষোড়ে ।

(১) দেখিলে ; (২) মূলমাত্রা শব্দ—নরক হইতে ; (৩) জন ; (৪) তেত্রিশ
 জাতি ; (৫) ভাষা ; (৬) পড়িতাম গিরে ; (৭) অক্ষত্রে ; (৮) ঈশ্বরের মায়া ; (৯)
 অন্তর্নাই ; (১০) বেধা ; (১১) কিনে ; (১২) থাকে ; (১৩) এখানে শূকর ; (১৪)
 কাছাইল অর্থাৎ ফুরাইয়া আসিল যে ; (১৫) ফুরাইল যে ; (১৬) শেষ হইলে ; (১৭) বাইব না
 (১৮) লইব ।

ছথ্যাকুলে যার জনম,
 তাঁদা সাধুগর পায় জনম ।
 হীন কুলে ন-যিহুং (১),
 ছথ্যাকুলে ন-হুহুং (২) ।
 হাদে (৩) ন-করতুম্ (৪) জীববধ,
 যুগে যুগে ন পড়তুম্ (৫) দজগৎ ।
 পরম বৃষ্টি মোর ন-হদ (৬) ।
 চিদা-চজ্জা (৭) ন-খেদ (৮) ।
 কথা ন-কদ (৯) তলেদি (১০),
 লোকে ন-কন্ত (১১) কলক্ষী ।
 রোগে বেদে (১২) ন ধন্ত (১৩),
 অজল (১৪) নীজ দাৎ ন-হদ (১৫) ।
 পোড়া ন-পিহুং (১৬) ধানদি,
 উনা (১৭) ন-হুহুংগোই (১৮) জনেদি ।
 অবু (১৯) জন্ম ন-হুহুং,
 তিতা কথা (২০) ন-শুন্দুং (২১) ।
 কানে ন-শুন্দুং কুকথা,
 পরে ন-কথ কুকথা ।
 পড়োয়া পণ্ডিত যেই দেশে,
 জন্ম হুহুং-গৈ (২২) সেই দেশে ।
 আরনি (২৩) রাজার দেশ লাক্-ন-পাং (২৪);
 অগাধে অপথে যে-ন-পাং (২৫) ।
 যেদক্ (২৬) চিদা থায় ন-জান্দুং (২৭),
 যেদক্ পোড়াধোয়া (২৮) ন-পেহুং ।
 গীত তিন লামা ফুরেলুং (২৯),
 সভায় হুজুর জানেলুং (৩০) ।

(১) না যাইতাম (২) না হইতাম অর্থাৎ না জন্মিতাম ; (৩) হাতে ; (৪) না করিতাম ; (৫) পড়িতাম না ; (৬) না হইত, না হইতাম ; (৭) চিন্তাতাবনাদি ; (৮) না থাকিত ; (৯) না কহিত ; (১০) নীচ অর্থাৎ তোষামুদী (১১) না করিত ; (১২) ব্যাধিতে, (১৩) না ধারিত ; (১৪) উচ্চ ; (১৫) না হইত ; (১৬) পাইতাম (১৭) কম ; (১৮) না হইতাম গিরে ; (১৯) মূর্খ ; (২০) কর্কণবাক্য ; (২১) না শুনিতাম ; (২২) হইতাম গিরে ; (২৩) আরও (২৪) দেখা না পাই ; (২৫) যাইতে না পারি ; (২৬) যত ; (২৭) না জানিতাম ; (২৮) লাহনাদি ; (২৯) ফুরাইলাম ; (৩০) জানাইলাম ।

(চতুর্থ ।)

তঁদাৎ বেৱেই কাপড়ন,
 ভজিলুং গোঞ্জন-চরণান ।
 গীতে রঙে উল্লাসে
 সাধঙর (১) সাধনান (২) খোলাসে (৩) ।
 হুখ্যা জন্ন ন-হুহুং,
 হুখ্যা জন্ন হুহুং-গোই,
 বাবে (৪) এ-দ (৫) গম্ (৬) দিনে,
 জন্ন দিত সূক্ষেণে (৭) ;
 সাদি (৮) ঘরং উবশ'তুম্ (৯) ,
 মন খোলাসে খেলেহুং (১০) ;
 জাতে কুলে হুহুং গোই,
 থানে ঠমগে (১১) হুহুংগোই ।
 ধম্মী মা-বাপ লাগ-পিহুং (১২),
 চিদ-সুখে মন-সুখে হুধ খেহুং (১৩) ;
 সাত ভেই সাত ভোন (১৪) লাগ-পিহুং,
 ননেয়া (১৫) খুলা বো'য়া (১৬) মুই হুহুং ;
 সোনা-ধুলনৎ ধুলে দাক্ (১৭) ,
 দা'র (১৮) ভঙানি (১৯) ভঙেদাক্ ;
 জেত্তা (২০) সমারে জেমেঙা (২১) ;
 খুত্তা (২২) সমারে খুড়াঙা (২৩) ;
 কালী কুশ্যারী বের বাড়ক্ (২৪),
 গুন্তিগুদরি (২৫) ডেল (২৬) বাড়ক্ ।
 ধনে জনে হদ (২৭) মোর,
 পান খুজি (২৮) হুধ খুজি হুবাবের ।
 সমারি (২৯) বন্ধু পাংপারা (৩০),
 লোকে কুহুমে (৩১) সব পুরা ।

(১) সধিতেছি ; (২) সাধনা ; (৩) খোলাসা করিমা অর্থাৎ সরলচিত্তে ; (৪) বাপে
 (৫) আসিত ; (৬) ভাল ; (৭) সূক্ষ্মে বা শুভক্ষ্মে , (৮) ভাল ; (৯) উপস্থিত হইতাম ; (১০)
 খেলিতাম ; (১১) সম্ভ্রান্ত্বরে ; (১২) দেখা পাইতাম ; (১৩) খাইতাম ; (১৪) ভগ্নী ;
 (১৫) মেহপাত্র (১৬) কনিষ্ঠবউটী ; (১৭) দোলাইত ; (১৮) দেখতাম ; (১৯) ঘুরাণি ;
 (২০) জেঠা ; (২১) জেঠী ; (২২) খুড়া ; (২৩) খুড়ী ; (২৪) কালীকুশ্যারী নাম
 বিশেষের গাছের স্তাভ বাড়িতে থাকুক ; (২৫) গোষ্ঠী প্রকৃত্তিতে ; (২৬) ডাল ; (২৭)
 হইত ; (২৮) বাহা করি ; (২৯) সঙ্গী ; (৩০) পাইমত ; (৩১) হুহুখে ।

কথা'নি (১) হলে মু-মিনা (২),
 গীতে রঙে গম্ গলা ।
 মাদা জগা (৩) চুল ধরোক্ (৪),
 মদুরগা হ'দ দ্বিবা চোখ ।
 বেঙা (৫) হ'দ চোখ-ভং (৬),
 মুজুঙ (৭) দাততুন (৮) হ'দ সং (৯) ।
 চেবার (১০) গম্ হ'দ উস্তানি (১১),
 গোন্ধনে বানেন্দ (১২) হান্তানি (১৩) ।
 তাঁদা পেজুং দেবগড়ন (১৪),
 বারা অজার (১৫) বুকভরণ (১৬) ।
 ছানে শিকায় (১৭) গড়নে,
 রূপে রঙে পিছং সবথানে ।
 রাজা বাদার (১৮) পান খেছং (১৯),
 গুরু সাধি নাং (২০) পেছং ।
 সাধি ঘরং উবুস্তুম,
 পড়োয়া পঞ্জিত মুই হুং ।
 দর্যা (২১) করলি (২২) পাই গণং (২৩),
 আকাজে চান্ (২৪) তারা হাদে (২৫) গণং ।
 সাধি পেছং মুই বিয়া (২৬),
 লোকে মাদেত (২৭) হাজিয়া (২৮)
 সর্কলোকে পুজিতাক্ (২৯),
 দে'লে (৩০) শতুরে (৩১) ভজদাক্ (৩২) ।
 হাদে পেছং লেখাবর (৩৩);
 কেইয়াং (৩৪) পেছং রূপ-বর (৩৫) ।
 গীত চারিলামা ফুরেই যার ;
 তাঁদা সাধঙর আর বার ।

(১) কথাগুলি; (২) মুখমিষ্ট; (৩) মাথা জুড়িয়া; (৪) ধরক্; (৫) বক্;
 (৬) জ; (৭) সম্মুখে; (৮) সীতগুলি; (৯) সমান; (১০) দেখিবার; (১১) গুঁট
 অর্থাৎ গুঁটখানি; (১২) নির্মূল করিত; (১৩) হাত খানি; (১৪) দেবতার গঠন;
 (১৫) বাহু ওনার অর্থাৎ বিহৃত; (১৬) বুক মাংসল; (১৭) সৌন্দর্যে; (১৮) বাটার;
 (১৯) খাইতাম; (২০) নাম; (২১) দরিদ্র অর্থাৎ সমুদ্র; (২২) কড়র; (২৩)
 পথিতে পারিতাম; (২৪) চক্র; (২৫) হাতে; (২৬) বিবাহ এখানে স্ত্রী অর্থে
 স্বাম্যত; (২৭) মাতাইত অর্থাৎ কথা বলিত (২৮) হাজিয়া; (২৯) পূজা করিত; (৩০)
 দেখিলে; (৩১) শতুরে; (৩২) ভজন্য করিত; (৩৩) লিপ্যাবর; (৩৪) কাহার (৩৫) রূপেরর ।

(পঞ্চম ।)

ঊদাৎ বেরেই কাপড়ান,
 ভজিলুং গোজেনর, চরণান ;
 চরণে ছালামে ভজিলে,
 সকল তিথা ফল পাই বেলে ।
 পাচকুল দান-ফল পেছুংগোই,
 রথে বলে (১) হছুংগোই ।
 গোজেন-সম্মুখে কর পাদং (২),
 সাত পুত চাই যদি বর মাগং (৩) ।
 ডেনে (৪) মাগং ধনবর ;
 বাঙে (৫) মাগং জনবর ;
 ধনে সম্পদে সব পূরা (৬),
 জুরি-পাতুংগোই (৭) হেং (৮) বোড়া ।
 যে বর মাগঙর (৯) মনের সাধ ;
 সেই বর পেছুংগোই হাদে হাদ ।
 হালা (১০) উবুজিলে (১১) লেই সাধি (১২),
 জুম্মোয়া উবুজিলে তং সাধি (১৩),
 দেওয়ান উবুজিলে বীর সাধি,
 রাজা উবুজিলে সেখাভুয়া সাধি (১৪) ।
 কেইয়াং পেছুং সাজানা (১৫),
 ত্রিশ তিন জাতিখুন্ পেছুংগোই সাজানা ;
 খাদে (১৬) পালঙে (১৭) ব-বেছুং (১৮),
 ত্রিশ তিন জাতি-ভাজ্ (১৯) মুই পাতুং (২০) ;
 যে বর মাগঙর মনের সাধ,
 সে বর পেছুং হাদে হাদ ।
 গীত পাঁচলামা ফুরেই যার,
 ঊদা সাধঙর আরবার ।

(১) গতরে, (২) হাত পাতি; (৩) মাগি; (৪) ডাইনে; (৫) বামে; (৬) পূর্ণ (৭) জুটাইতে পারিতাম; গিয়ে; (৮) হাতী; (৯) মাগিতেছি; (১০) কৃষক,
 (১১) জম্বিলে; (১২) যেন 'জেই' অর্থাৎ মুড়ি বিশেষ পাই; (১৩) যেন জ্বনের টংবর পাই,
 (১৪) উট্রিগা যাইতে; (১৫) মালসম্বা, (১৬) ষাটে; (১৭) পালকে; (১৮) বাতাস ষাইতান
 অর্থাৎ বায়ুসেখনকরিতাম; (১৯) ভাষা; (২০) আদি যেন পারি।

(ষষ্ঠ ।)

ঊদ্যাৎ বেরা কাশড় লই,
 গোজেন ভজ্ঞ্ডব গ্জি হই (১) ।
 মাথা পাতি বস্তা লং (২),
 গাত ভেই সাত ভোন (৩) বর মাগং ।
 তাদে চালি (৪) পানিয়ে (৫) ;
 দিব মা ববমতী (৬) সাক্ষিয়ে ।
 এগার হাজ্জার চোরামী সন,
 ফলনা (৭) বারে সাধঙর একামন ।
 চরণে ছালামে ভজ্ঞ্ডর,
 যেবার ছালামি (৮) মেলঙর (৯) ;
 গীত হয় লামা ফুরয়ে,
 বুঝিলে বুঝিব মানিয়ে ।
 দেবর কুলে (১০) দেব মানাই,
 মানাই কুলে লোক মানাই ;
 কুনি (১১) গেলা সঙ্গী ভেই,
 সাধি সমারি (১২) চলি যেই (১৩) । ইতি

গোজেনের লামা এই সমাপ্ত হইল । পাঠক দেখিলেন, লেখকের ভক্তির
 গভীরতা কত! স্তোত্রের মধ্যে যে “এগার হাজ্জার চোরামী সন” এর উল্লেখ আছে,
 তাহা বোধ হয় রচনার সময় । তবে হাজ্জার কথাটা সম্ভবতঃ ঠিক নয় । আমা-
 দের নিশ্চিত বিশ্বাস—এখানে শতকেই হাজ্জার বলিয়া উল্লেখ করা হইয়াছে । এবং
 ইহা সখ্যক । ‘লামা’র ভাষার জাতীয়তা পরিস্ফুট,—যদিও কথঞ্চিৎ সংস্কৃত বটে
 শিবচরণের লেখা পড়া কতদূর ছিল, জানি না ; তবে তিনি যে পূর্ব জন্ম হইতে
 কতকটা অগ্রসর হইয়াছিলেন তাহাতে আর সন্দেহ নাই । এ সম্বন্ধে আমাদের
 আর বিশেষ বক্তব্য নাই । সমালোচনার ভার পাঠকগণের উপর হস্ত রহিল ।

বলিয়া রাখা উচিত যে, এই ‘লামা’গুলি বস্তুত সঙ্গীত নহে । যে হিসাবে
 বেদকে গান বলা হয়, আমরা সেই হিসাবে—তান-লয় সহকারে গীত হ’য় বলিয়া
 ইহাদিগকেও সঙ্গীত শ্রেণীভুক্ত করিলাম । অত্যাধা ইহাদের সঙ্গীত সমূহ

(১) নত হইয়া বসিয়া ; (২) আশীর্বাদ লই ; (৩) জমী ; (৪) চালিতেছি ; (৫) জলকে, (৬)
 বহুমতী ; (৭) অধুক ; (৮) যাইবার অর্থাৎ বিদায়ের, সালাম ; (৯) মাগিতেছি ; (১০)
 দেবকুলে ; (১১) কোথায় ; (১২) সমাপ্ত করিয়া একসঙ্গে ; (১৩) চলিয়া যাই ।

উভগীত ।

“উভগীত” (১) আখ্যায় প্রসিদ্ধ । প্রাণের আকুল

পিয়ালি মিটাইতে প্রায় সকলেই “উভগীতের”

আশ্রয় লইয়া থাকে । ইহাতে সাধকের স্বনয়োচ্ছ্বাস, উদাসীন্যের ময়মকাহিনী বিরহীর প্রাণের আলা, প্রেমিকের সরস বিশ্রান্তালাপ অতি সংক্ষেপে, অথচ স্পষ্টরূপে প্রকাশিত হয় । এ সকল “উভগীতে” প্রায়ই ছুট চরণের অধিক থাকে না । তাহাতেও আবার প্রথম চরণটি মাত্র পদমিলনের নিমিত্ত প্রযুক্ত হইয়া থাকে । সুতরাং অধিকাংশ স্থলেই পূর্ব ও উত্তরচরণে অর্থগত সম্বন্ধ দেখা যায় না । এবং “উভগীত” নিভান্ত ক্ষুদ্র বলিয়াই বোধ হয়, গায়কেরা উপসংহারে একটি সুদীর্ঘ ‘কুই’ (উ-উ-উ-উ) ধ্বনি দিয়া উহাকে অপেক্ষাকৃত দীর্ঘ করিয়া লয় । নিম্নে কয়টি প্রধান ভাবের গান সমুদয়ের নমুনা দেওয়া যাইতেছে :—

ভক্তিভাব ।—

- ১। ফুলে তুলি আলামং (১)
সকল দেবতা ছালামং (৩)—উ-উ-উ-উ...
- ২। তাগল ধারেই (৪) খোছিলং (৫),
বচ্ছি (৬) সরস্বতী মর্জিলং (৭)—উ-উ-উ-উ...
- ৩। খাড়ি (৮) লামেই কালাম্ (৯) ঞ্ং (১০),
পঞ্চ সভা লক (১১) ছালাম ঞ্ং-উ-উ—উ-উ...
- ৪। আরেরে (১২) বানেল (১৩) যার জনম,
আগে ছালাম ঞ্ং তার চরণ—উ-উ-উ-উ...
- ৫। উদাস বেরেই কাপড়ান,
ভক্তের গোঞ্জনর চরণান—উ-উ-উ-উ...

উদাস ভাব ।—

- ১। সুপারি কাবি (১৪) খানে খান,
উদে (১৫) মনখুন (১৬) নানা গান—উ-উ-উ উ...
- ২। ছরমা (১৭) কুরারে (১৮) কি খুন্ দিম্ (১৯),
উদাসী মনরে কি বুন্ দিম্—উ-উ-উ উ

(১) “উভগীত” শব্দটির ব্যুৎপত্তিগত অর্থ নির্ণয় দুঃসহ । সম্ভবতঃ এ সকল সম্বন্ধিত পুরাকালে দম্পত্য কর্তৃক উল্লীত হইত ! উভয়ের গীত এই অর্থে “উভগীত” সংজ্ঞা হইয়া থাকিবে ।

(২) আদর্শ সূচক পটে (আলাম শব্দের পরিচয় ২৯৭ পৃষ্ঠায় দেওয়া হইয়াছে); (৩) সালাম নিতেছি । ‘৪) দারে ধার দিতেছি; (৫) খরশিলে—খারালশিলায়; (৬) বস অর্থে; (৭) মোর জিহা—আমার জিহ্বা; (৮) কাঠখণ্ড; (৯) গাছের গড়া; (১০) দিতেছি; (১১) লোক; (১২) অতিপূর্ব; (১৩) প্রস্তুত করিল; (১৪) কাটি; (১৫) উঠে; (১৬) মন হইতে; (১৭) লাভুক; (১৮) মোরগকে; (১৯) বিধ

- ৩। ছরমা কুরা ন খায় খুদ
উদানী মনে ন পায় বুঝ—উ-উ-উ-উ...
- ৪। দনা (১) উজানি জুনি গেল
পূরাণি ভালেৎ (২) দিন উদি (৩) গেল—উ-উ-উ-উ...
- ৫। মাঝারা (৪) খেইয়া (৫) ছাগল্যা ;
দযাৎ (৬) ন ভাজের পাগল্যা (৭)—উ-উ-উ-উ...

বিরহ ভাব।—

- ১। মদনা তদেগর ঠুট জলে (৮),
রাঙা খাদিয়ে বুক জলে—উ-উ-উ-উ...
- ২। কিঞ্জিং ছিনি (৯) পক্ষী গেল,
ভরন্দি বাজারৎ (১০) লক্ষ্মী গেল—উ-উ-উ-উ...
- ৩। চিগন (১১) মরিচা (১২) টানঙর (১৩) ;
দে'লে স্বপ্ননে (১৪) কানঙর (১৫)—উ-উ-উ-উ...
- ৪। দগরের (১৬) বেঙুওয়া করকরি (১৭) ;
লইয়ে পরাণে ধরফরি—উ-উ-উ-উ...
- ৫। তোতেক (১৮) উড়ে বাকবলি (১৯)
রাধিৎ (২০) ন পারম্ (২১) থাক্ বলি—উ-উ-উ-উ...

প্রেমভাবাব্যাক—গীতে অশ্লীল কথাগুলি অতি সাবধানে বিচলিত হইলেও 'আদমের' মধ্যে কিংবা অনতিদূরে গান করা বয়োবৃদ্ধগণ পছন্দ করে না। 'কারণ ইহাতে যুবতীগণের চরিত্রভঙ্গী হওয়ার আশঙ্কা আছে।' প্রেমোত্তীর্ণ যুবকগণ জুমক্ষেত্রে বা বিজন অরণ্যে মনের আকুল আকাঙ্ক্ষা স্বাধীন কণ্ঠে পরিব্যক্ত করে। এসময়ে প্রণয়িনী ভিন্ন অপর কেহ সঙ্গে থাকে না,—অথবা প্রেমিক সম্পূর্ণ একাকীই থাকে। তাহারা কখনও বা পাইয়া বেড়ায়—

- ১। মাছে খেলো শিল-কেই (২২),
ন-দেলে তোরে, মোর চিগন বেই (২৩), ন-পারৎ খেই—উ-উ-উ-উ...

(১) প্রায় তিনদিকে পর্কত-বেষ্টিত সমতল ক্ষেত্র ; (২) বঙ্গদেশ ; (৩) উট্টিয়া ; (৪) ফল বিশেষ ; (৫) খাদক ; (৬) সমুদ্রে ; (৭) এক-পর্কপরিমিত বাঁশ—ভাসি-তেছে না ; (৮) মদনা ভোক্তার ঠোট বন্ধক করে ; (৯) উপত্যাকাতৃমি ছাড়িয়া ; (১০) পূর্ণ বাজারে ; (১১) ছোট ; (১২) বেত ; (১৩) টানিতেছি ; (১৪) স্বপ্নে দেখিয়া ; (১৫) কাঁদি-তেছি ; (১৬) ডাকিতেছে ; (১৭) করকরি নামক বেঙুটি ; (১৮) তোতা ; (১৯) ঝাঁকে ঝাঁকে ; (২০) রাধিতে ; (২১) পারিতেছি না ; (২২) শিলের কলক ; (২৩) যুবতীরমণিকে মনস-সম্বোধন।

- ২। বনং দগরে হরিণ-ছ ;
 ন-দেলে তোরে মরিব—উ-উ-উ-উ...
- ৩। উড়ের পক্ষী তল্ চেইয়া ;
 ছাড়ি-নপারিম্ তন্ম-মেইয়া—উ-উ-উ-উ...
- ৪। ডিঙি কুলেষি (১), ত-র্খাদং (২),
 মোর আসল পরাধ্বান (৩) ত-র্হাতং—উ-উ-উ-উ...
- ৫। এক পণ সুপারি হাজিব (৪),
 তরে-মরেনি (৫) ছাজিব (৬)—উ-উ-উ-উ...ইত্যাদি ।

এভাবে আর কতকগুলি সঙ্গীত আছে, তৎসমুদয় কেবল যুবতীদের চিত্ত-বিজয়ের নিমিত্ত সন্ধান করা হয়। যুবতীগণ তাদৃশ সম্মোহনবাণে বিমুগ্ধ হইলে, যখন মরমের চঞ্চলতায় সরমের কপাট খুলিয়া যায়, পালটাগানে প্রত্যুত্তর প্রকাশ করে। ঈদৃশ সঙ্গীতলাপ অবশ্য যথোচিত সাবধানেই হইয়া থাকে। আবার তাহার ভাষাও কিরূপ সংযত এবং সতর্ক, নিম্নোদ্ধৃত অংশ হইতে প্রতীয়মান হইবে।—

- যুবক ।—(চিগন ছরা, চিগন চেই (৭),
 খুঁজি ডাগঙর (৮) চিগন বেই !
 (ছরাছরি বিল হব ;)
 তোর হাতর পান-খিলি হিল (৯) হব ?
 যুবতী।—ইঁজরর মাদাং বই (১০) চান-চাটৈ (১১),
 খাদী মেলি-দিয়ম্ (১২) পান খাটৈ (১৩) ।
 যুবক ।—ধুন্দা (১৪) বাঞ্জেই (১৫) ত-দি (১৬) ;
 এতক মাগিলুম ন-দিলি !
 যুবতী ।—শিলর কাজারা (১৭) কলে ধর ;
 পরাণে মাগিলে বলে ধর ।
 যুবক ।—শিলর কাজারা ডর গবে (১৮) ;
 বলে দহ্নন্ লাঙ গবে ।

(১) ধরিব অর্থাৎ বাধিব ; (২) তোমার ঘাটে ; (৩) প্রাণ পানি ; (৪) হারান যাইবে ; (৫) তোমার ও আমার মিলন কি ; (৬) সাজিবে অর্থাৎ শোভা পাইবে ; (৭) মাচ ধরিবার যন্ত্র বিশেষ (৮) আপনা হইতে আহ্বান করিতেছি ; (৯) আশ্বাসবিশিষ্ট ; (১০) মাধাম অর্থাৎ প্রান্তে বসিয়া ; (১১) চল দেখ গিয়ে ; (১২) খুলিয়া দিব ; (১৩) খাও গিয়ে । (১৪) তামাক ; (১৫) সাজাই ; (১৬) ত—তামাক সাজাইতে তরিয়ে যে কতর দেওয়া হয় ; (১৭) শিলাবাসী কাকড়া ; (১৮) ডর করে ।

যুবতী ।—(মইন ঘরং থের (১) ঝাড়ি ;)

মুই থেইম্ (২) বেরা-ঝাজি (৩) ।

যুবক ।—বেল্যা নিগলো (৪) তিত্তি পেইক্ (৫),

থবাক্ (৬) বাজোমবই (৭) নিছিরোইৎ (৮) ।

ইত্যাদি ইত্যাদি । বলা বাহুল্য, উদ্র পরিপারে এতাদৃশী স্বেচ্ছাচারিতা পূর্ব-কালেও ছিল না, এবং এখনও নাই । বর্তমানে সাধারণ চাক্ষুসজ্ঞানের মধ্যেও কচিৎ মাত্র দেখা যায় ।

প্রধান কয়তাবের দৃষ্টান্ত প্রদর্শিত হইল । এতদ্ভিন্ন কতিপয় গীতকে বিমিশ্র শ্রেণীভুক্ত করা যায়, তাহাতে বিমিশ্র ভাবের সমাবেশ থাকে । এগুলি

বেশ লঘা লঘা ; তবে এক বাক্যের সহিত অল্প বাক্যের

বিমিশ্র সমীত ।

অর্থগত সম্বন্ধ খুব বিরল—কেবল ছড়ার ঞ্চার কতকগুলি এলোমেলো কথায় গ্রথিত মাত্র । যথা :—

১। দীঘলি বাগৎ (৯) চরের মৈচ্ (১০) ।

সমারে (১১) বেড়াদন (১২) ননন-ভৈজ্ (১৩) ।

দগরের কুহুগী (১৪) ছন-বনৎ (১৫) ;

বত কুট্যারি (১৬) তার মনৎ (১৭) ।

পানি থেই ঞ্চাই (১৮) পনথুন (১৯) ;

ত্থ ন তুলিগ্ (২০) মনথুন (২১) ।

২। বচ্ছি (২২) বিয়া (২৩) পলগে (২৪),

নোয়া জুয়ান্ (২৫) কাবি কলগে (২৬) ;

কলগৎ উদিল্ পবনা (২৭) ;

তদেগ্ পুবি মদনা,

মদনা তদেগে কদা কয়,

খাদৎ (২৮) উজেল্লি (২৯) সদাগর ;

মুজুনা (৩০) মাদি পিচ্ছালে (৩১) ;

ইথু নুনেচ (৩২) ভালা করিবো ঞ্চথরে ।

(১) ঝড় ; (২) ঝাজি ; (৩) বেড়া ঘেঁসিয়া ; (৪) অপরাহ্নে বা রাত্রিতে বাহির হইলে ; (৫) চাতক পক্ষী ; (৬) মকের ঠেস বিশেষ ; (৭) ষা দিব গিরে ; (৮) নিশীথ রাত্রি ; (৯) খালের) দীর্ঘ বঁকে ; (১০) মহিব ; (১১) ঠেস ; (১২) বেড়াইতেছে ; (১৩) ঠাকুর কি ঞ্চ জোঠ ভাতৃষণ্ ; (১৪) স্রীসজ্জার ; (১৫) *জনবনে ; (১৬) কুটবৃদ্ধি ; (১৭) তাহার মনে ; (১৮) পাইচা ; (১৯) পরিষ্কার থেকে ; (২০) ছঃখ তুলিও না ; (২১) মন হইতে ; (২২) বডনী ; (২৩) বাহিয়া ; (২৪) লোকাইয়া ; (২৫) নুতন জুনখানি ; (২৬) গিরিগহ্বরে (২৭) জুমের পোড়ার পর নবোলপতে বাঁশ ; (২৮) ঘাটে ; (২৯) উপস্থিত হইল ; (৩০) এঁটেল ; (৩১) মাটি পিচ্ছালয় ; (৩২) ইহা হইতে বেশী ।

- ৩। অজল (১) পাগৰ্বী নীলবুপ্ (২) ;
 দিন দিন পরেল্লি (৩) কোলিযুগ (৪),
 কোলিযুগং সত্য নেই,
 বুগ্চিবি দেগেলে (৫) পত্তা (৬) নেই ।
- ৪। ছরা উজানি তুত্তুং মাছ (৭) ;
 শুজুরি (৮) পরেল্লি (৯) বৈশাখ মাস ;
 বৈশাখ মাসেনি ধান্ কজা (১০) ;
 উত্তর থাকদ্ (১১) পানকদা (২) ;
 কুজি কুজি (১৩) ছিন্নং (১৪) পান ;
 উথো পুগেদি (১৫) পুনং চান (১৬) ।
 পুনং চানে সাজ ধলা (১৭) ;
 হাজেতুং (১৮) মাজেতুং (১৯) লাজ গলা (২০) ।
- ৫। কুকুর পুছি হাদ্ দবা (২১),
 হাদ্ দবা-ছ (২২) নাক্ দবা ;
 নাক্ দবা-ছ ভোমরা ;
 লড়াই নিল (২৩) চোত্তরা (২৪) ;
 ধেল (২৫) চোত্তরা গাং পার হোই (২৬) ;
 সারেন্দ্ (২৭) কুনাদন্ (২৮) রং-বারোট (২৯) ;
 এক্কায়া সারেন্দ্ তিন্নোয়া খিল (৩০) ;
 তিন্নোয়া খিলং তিন্নান্ জিল (৩১) ;
 কানাই গাভর (৩২) দোছরি (৩৩) ;
 ইচা (৩৪) লামে সুর ধরি (৩৫) ;
 বাচ্চুন (৩৬) কাবি নয় কুড়ি,
 নয়কুড়ি বাশর তুলং কাং (৩৭) ;

(১) উচ্চ ; (২) গাছবিশেষ, ঝোঁপ নীচ ; (৩) আসিয়া পড়িতেছে ; (৪) কলিযুগ ;
 (৫) বন্ধ চিরিয়া দেখাইলে ; (৬) প্রত্যয় ; (৭) দীর্ঘ ঠোটবিশিষ্ট মাছ ; (৮) পর্যটন
 করিয়া ; (৯) আসিয়া পড়িতেছে ; (১০) ধান্গবপন ; (১১) উত্তর পার্শ্বে ; (১২) পানের বর ;
 (১৩) কঁচি ; (১৪) ছিন্ন করি (বহুবচনে) ; (১৫) পূর্বদিকে উঠিয়াছে ; (১৬) পূর্বদিক ; (১৭)
 সাজ ধরিল অর্থাৎ আঁধার হইল ; (১৮) হাসিতে ; (১৯) কথা বলিতে , (২০) লজ্জা করিল ;
 (২১) ষ্ঠতন্ত্রবিশিষ্ট ; (২২) হাতধলার বাচ্চা ; (২৩) তাড়াইয়া নিল ; (২৪) বড়হরিণ ; (২৫)
 পলাইল ; (২৬) নদীপার হইয়া ; (২৭) সারিন্দা , (২৮) কুঁদাইতেছে ; (২৯) সূতার ; (৩০) কীলক ;
 (৩১) তার ; (৩২) কানাই নদীর ; (৩৩) দুই নদীর সঙ্গমস্থান ; (৩৪) চিংড়ি ; (৩৫) সারি ধরিয়া ;
 (৩৬) বাঁশগুলি ; (৩৭) মঠ :

ক্যাঙে দিলুম্ চেরাগে (১) ;
 দেবায় কল্য পেরাগে (২) ;
 চেরাগর ধূমা (৩) লংকানি (৪) ;
 উঠো বাজারং (৫) অংবালি (৬) ।
 অংবালি বাজারং কি উঠো ?
 চিগন্ চিগন্ তোবালে (৭) উঠো । ইত্যাদি ।

এই যে সকল সঙ্গীতের বিবরণ প্রদত্ত হইল, বলা বাহুল্য, তাহাদের সহিত কোনও বাণ্যযন্ত্র ব্যবহৃত হয় না।

প্রথমেই বলিয়াছি, ইহার: যাত্রা, কবির গান প্রভৃতিতে যথাসাধ্য উৎসাহ দান করে। বিদেশীয় গায়কদল আসিয়া বৎসর বৎসর এই সুযোগে প্রভূত অর্থ লইয়া যায়, অথচ নিজেদের মধ্যে তাহা রক্ষা করিবার কাহারও তাদৃশী চেষ্টা পরিদৃষ্ট হয় না। কেবল তরনীসেন নামক “লাঙ্গা সঙ্গীতে অনুরাগ। গোছা”র জনৈক দেওয়াননন্দন কয়েকবৎসর ধরিয়া এক যাত্রার দল চালাইয়াছিলেন। তিনি তেমন উন্নতি দেখাইতে না পারিলেও, তদীয় উৎসাহ ও অধাবসায় প্রশংসায়োগ্য, সন্দেহ নাই। ইহাতে শিক্ষিত সাধারণের যোগ থাকিলে, আশাহ্রুত উন্নতির আশা করা যাইতে পারিত। সম্প্রতি কামাখ্যা নামে অপর এক চাক্ষু যুবক এক্ষে মনোযোগ দিয়াছে। তাহার শক্তি সামান্য হইলেও, আমরা হৃদয়ের সহিত তাহার সাফল্য কামনা করি। নিকট বলিয়া অগ্রাহ করা অতি সহজ, তাহাকে উৎকৃষ্ট করিয়া তুলিতেই যাহা কিছু কষ্ট। উপযুক্ত উৎসাহ ও সহায়তা পাইলে, ইহা সমাজের বহু অর্থ রক্ষা করিতে পারিবে। তাই আমি সর্বশেষে এতৎপ্রতি সমগ্র চাক্ষু সমাজের দৃষ্টি আকর্ষণ করিয়া বর্তমান ইতিবৃত্ত সমাপ্ত করিলাম।

(১) প্রদীপ; (২) দেবতার বজ্রপাত করিল; (৩) ধূম; (৪) চুৰাইয়া মলা পড়িবারপাতকের মুখে যে বেকড়া মুড়িয়া দেওয়া হয়; (৫) বাজারে; (৬) কর্ণাভরণ; (৭) তোবালে।

উপসংহার ।

(১) বাঙ্গালী-সংস্রব—(২) মিশনারী-চেষ্ঠা

এবং

(৩) ইংরাজাধিকারের ফল ।

—:~:—

[১]

আমি নিজেও বাঙ্গালী ; সুতরাং আমার মুখে বাঙ্গালী-চরিত্রের সমালোচনা তেমন শোভন না হওয়ারই কথা। কেননা, বাঙ্গালীমূলভ দোষগুণ ত আমার আমাকে ছাড়িয়া নহে ! তবে যদি সত্যের মর্যাদা রক্ষা করিতে গিয়া, আমার দ্বারা স্বীয় সমাজের কোন কলঙ্ককথা প্রকাশিত হইয়া পড়ে, আশা করি— বঙ্গবাসিনসমাজ সেই আত্মনিন্দার নিমিত্ত আমাকে ক্ষমা করিবেন। কতিপয় নীচমনা লেখক বাঙ্গালী জাতিকে ষাটশ কুৎসিত বর্ণে চিত্রিত করিয়াছেন ; বাঙ্গালী-চরিত্র যে তাহা হইতে বহু পরিমাণে উন্নত, একথা অস্বকোচে বলা যায়। জ্ঞানে, বিদ্যায়, বুদ্ধিমত্তায়, বাক্পটুতার কি কর্মতৎপরতার অগতে বাঙ্গালীর তুলনা মেলা কঠিন এবং তাহাদের শক্তিও অসামান্য। পক্ষান্তরে বাঙ্গালীর শঠতা এবং বিশ্বাসবাতকতার উদাহরণেরও অভাব নাই। বাঙ্গালীর দুর্বলতাও সর্বত্র প্রসিদ্ধ বটে, কিন্তু উপযুক্ত ক্ষেত্র পাইলে, তাহারা আপন দৌর্বল্য পরিহার করিয়া স্বীয় সামর্থ্য প্রকাশে সক্ষম। বর্তমান দেশব্যাপী আন্দোলন হইতে মদীর অস্তব্যের সত্যাসত্য কতকটা উপলব্ধি করিতে পারা যাইবে।

চট্টগ্রামের ভূতপূর্ব কমিশনার মিঃ জন বিম্‌সের কথায়* বলিতে গেলে—
“চাকমাগণ অর্দ্ধবাঙ্গালী।” বস্তুতঃ ইহাদের পোষাক * Letter No. 227H.
পরিচ্ছদ এবং আচার ব্যবহারে বাঙ্গালীর অনুরূপ Dated 5-9-1879.
যথেষ্টরূপে প্রবেশলাভ করিয়াছে। এবং ইহাদের ভাষাও যে বাংলা ভাষার
বিকৃত অবস্থা মাত্র, তাহাও যথাস্থানে প্রদর্শিত হইয়াছে। এতদ্বিন্ন চাকমা-

দিগের (উপাধি ব্যতিরিক্ত) নামগুলিও এমন বাঙ্গালী-ভাবাপন্ন যে, তদ্বারা তাহাদিগকে বাঙ্গালী হইতে পৃথক্ করা একরূপ অসম্ভব ।

এক্ষণে দেখা যাইক, ইহাদের এই বাঙ্গালী অনুকরণ কতদূর সফলপ্রসূ হইয়াছে । ১৮৭২ ইংরাজীর ১লা জুলাই কাপ্তেন লুইন বিভাগীয় কমিশনার বাহাদুরকে লিখিয়াছিলেন • “চাকমাগণ বাঙ্গলা বলে ।

* Letter No. 532.

বহু বৎসর ধরিয়া, বাঙ্গালী কৃষকদিগের সহিত অবাধ

সম্মিলনে আমাদের রাজ্যের মধ্যে তাহারাই অতি দ্রুত উন্নতিলাভ করিয়াছে ।

কিন্তু ইহাদিগের কোন জাতির মধ্যে কাহাকেও শাসনকর্ত্তার কার্যের বাধা ঘটাইতে দেখি নাই । তাহাদের মধ্যে যাহারা উপযুক্ত, তাহারা আর মনঃ-প্রাণে চাকমা জাতিতে থাকিতে চাহে না । পক্ষান্তরে প্রায় সমুদয়

চাকমা দেওয়ান নুনান্বিক পরিমাণে বাঙ্গালীদিগের সহিত বসবাস করিতে-ছেন । ইহাতে দ্বিবিধ ফল আছে । দেওয়ান ও হেড্‌ম্যানগণ তাঁহাদের প্রজা-

গণকে চাপিয়া রাখিতে চাহেন, তাহা হইলে তাঁহারা অধিক গাভভাগী হন ; এবং তাহাদিগকে অধিকতর শাসনেও রাখা যায় । অপরদিকে চাকমাগণের মধ্যে এমন এক তেজস্বর ভাব জন্মিতেছে যে, তাহারা দেওয়ানগণ হইতে স্বকীয় স্বার্থ সম্পূর্ণরূপে রক্ষা করিতে প্রথমে চেষ্টা করিবে ।” অনন্তর ১৮৭৫

খৃষ্টাব্দের ১৭ই জুন মিঃ পাউয়ার কমিশনার মহোদয়কে যে পত্র* লেখেন, তাহাতেও “বাঙ্গালী ও চাকমাগণের সম্মিলনে চাষের

* Letter No. 472.

উল্লেখ আছে । ১৮৭৯ ইংরাজিতে কমিশনার বাহাদুর

বঙ্গীয় গভর্ণমেন্টে যে পত্র (Letter No. 227H) লিখিয়াছিলেন, তন্মধ্যে তিনি বলিয়াছেন,—“আমরা আশা করি, চাকমাগণ হাল চাষে বিশেষ উন্নতি লাভ করিতে পারিবে । কেননা তাহারা অধিবাসী ; তাই মঘদের অপেক্ষা হাল-চাষে অধিকতর কৃতকার্যতা লাভ করিয়াছে ।” সুতরাং চাকমাগণের হালচাষের এই উন্নতিকে বাঙ্গালী সংসর্গের উৎকৃষ্ট ফল বই আর কিছুই বলা যায় না ।

কেবল ইহা নয়, একরূপ শত শত প্রমাণ উপস্থিত করা যাইতে পারে, যাহাতে দেখা যাইবে যে,—বাঙ্গালীর সাহচর্য্যই চাকমাগণের বর্ত্তমান উন্নতির মূল । গত কয়েক বৎসর ধরিয়া বিভাগীয় কমিশনারগণ রাঙামাটি গভর্ণমেন্ট উচ্চ ইংরাজী বোর্ডিং স্কুলে বাঙ্গালীছাত্রের গবেশাধিকার রুদ্ধ করিবার চেষ্টা করিতেছিলেন । ফলতঃ তাঁহাদের সঙ্গক্ষেত্রে অনিষ্টেরই আশঙ্কা ছিল । বাঙ্গালী ছাত্রের প্রতিযোগিতা না পাইলে চাকমাছাত্রদিগের বর্ত্তমান উন্নতিও যে বহু-

পশ্চাতে পড়িয়া থাকিত, তাহাতে আর সন্দেহ নাই। সম্ভবতঃ ইহা বৃদ্ধিতে পারিয়াই শিক্ষিত সম্প্রদায় গভর্ণমেন্টের তাদৃশ প্রস্তাবে প্রতিবাদ করিতেছিলেন। আশা করা যায়, বর্তমান বৌদ্ধাধিকার প্রবল থাকিলেও চাক্ষুণ্যজাতি বাঙ্গালী অনুরোধে অচিরে চট্টগ্রামী বড়ুয়া সম্প্রদায়ের জ্ঞান জ্ঞানোন্নতি লাভ করিতে সমর্থ হইবে।

গ্রন্থাংশে আমরা দেখাইয়াছি, “কালিন্দী রাণী বাঙ্গালী মন্ত্রী দ্বারা পরিচালিত” “রাজা হরিশ্চন্দ্র বাঙ্গালী পদ্ধতির লোক” “বাঙ্গালীদের প্রতি তাঁহার এত ঝোঁক যে, তিনি হিন্দুপর্ষ এবং ভোজাদিও পালন করিয়া থাকেন”, “রাজা আপনাকে হিন্দু বাঙ্গালী প্রতিপন্ন করিতে বিশেষ প্রয়াস” ইত্যাদি ইত্যাদি নানাকথা দ্বারা কর্তৃপক্ষ বাঙ্গালী সংস্রবের প্রতি দোষারোপ করিয়াছেন।

এতৎসঙ্গে কমিশনার মিঃ জন, বিম্‌সের আরও

*Letter No. 21H, 11-2-1879.

কিঞ্চিৎ অভিমত * দেখাইয়া রাখি।—“(ডিপুটি

কমিশনার) কাপ্তেন গর্ডনের রিপোর্টে দেখা যায়, পাহাড়ীদিগের মধ্যে সম্প্রতি এমন এক ভাব জন্মিয়াছে যে, তাহারা দীর্ঘতর সময় ধরিয়া একস্থানে তাহাদের চিফ্ বা হেডম্যানের কর্তৃত্বাধীন থাকিতে চাহে না। এই ভাব সম্ভবতঃ বাঙ্গালীদিগের প্রাধিক্ত্যে ঘটিয়াছে। এই বাঙ্গালীদিগের পরিচয় তাঁহার নিজের কথায় “Who are striving to impress the simple hillmen with that spirit of referring everything to law courts and questioning the validity of every order of an executive officer, which is so strong among themselves. অর্থাৎ যাহারা এই সরল স্বভাব পাহাড়ীদিগের মনে প্রত্যেক বিষয়েই আইন-আদালতের আশ্রয় গ্রহণ এবং শাসন-কর্তৃগণের আদেশের বৈধতা বিচার করিবার ভাব—যাহা তাহাদিগের নিজের মনেও খুব প্রবল, উত্তেজিত করিয়া দিতেছে। আমরা যোয়াজা (অর্থাৎ হেডম্যান) প্রথা প্রবর্তিত না করিলে ইহারা অধিকতররূপে ছিন্নবিচ্ছিন্ন হইয়া যাইত।” ইত্যাদি।

প্রাপ্তকৃত মন্তব্যে কেবল ঈর্ষ্যাপ্রকাশ ছাড়া অপর কোন যুক্তি আছে বলিয়া ভ মনে হয় না। যে বাঙ্গালীদের সংমিশ্রণে চাক্ষুণ্যদিগের এতদৃশী উন্নতি, যাহাদের অনুরোধে মুমূর্ষু জাতি নবজীবন লাভ করিয়া সভ্যতার দাবি কারিতে অগ্রসর হইতেছে, সেই বাঙ্গালী সংস্রবের প্রতি দোষারোপ করা আমাদের সঙ্গত বোধ হয় না। মিঃ বিম্‌সের অন্তান্ত উক্তির সহিতও একমত হওয়া যায় না। বাঙ্গালী প্রাধান্ত্য কি তাহাদের বাসস্থান স্থায়ী রাখিবার সাহায্য করিয়াছে,

অথবা তাহাদিগকে উদাসীন প্রায় ঘুরাইয়াছে ও ঘুরাইতেছে? পাঠকবর্গ দেখিয়া আসিয়াছেন, ইহারা জুনের জন্ম কেমন এখানে ওখানে ঘুরিতেছিল! এখনও যাহারা লালস ধরে নাট, তাহাদের সেই দুর্নীতি;—হুই বৎসর একস্থানে স্থায়ীরূপে থাকিবার উপায় নাই! বাঙ্গালীই ইহাদিগকে প্রথমে চাষ শিক্ষা দেয়। অত্ৰাপি অনেকে বাঙ্গালীর সহায়তা ভিন্ন নিজেরা স্বাধীনভাবে চাষ চালাইতে পারে না। যাহারা চাষ ধরিয়াকে, তাহারা স্থায়ী বসতিও স্থাপন করিয়াছে। যদিও চাষী পাহাড়ীর মধ্যে কাহাকেও কাহাকেও জুমিয়ার জায় বাসস্থান পরিবর্তন করিতে দেখা যায়, তাহা সম্ভবতঃ ভূমির চিরস্থায়ী বন্দোবস্তের অভাবে। সুতরাং বাঙ্গালীর সংস্রবে ইহাদিগের স্থিতিশীলতার ক্ষতি হইয়াছে, এ কথা নিতান্তই ভিত্তিহীন।

মুম্বাতালুকের সৃষ্টিতে অবশ্য রাজ্যমধ্যে বিশৃঙ্খলা ঘটিয়াছিল। ইহা যদি বাঙ্গালী-পরামর্শ প্রসূত হয়, তাহা হইলে মন্ত্রণাধিতার বুদ্ধির প্রশংসা করা যায় না। কিন্তু সেই ব্যক্তিগত অজ্ঞতা লইয়া কোন এক জাতির উপর দোষারোপ করা কদাপি জায়সঙ্গত নহে। এতদ্ভিন্ন বাঙ্গালী সমাজের অপর এক দুর্নাম অর্ধপিশাচ মোক্তার ও মহাজনদিগের গহিত উৎপীড়ন। উপযুক্ত পানে জলোকাও তৃপ্ত হয়, কিন্তু ইহাদিগের আকর্ষণ পেট কাটিয়া গেলেও, ছাড়িবার নহে! যাহাকে একবার পথে পাওয়া গিয়াছে, তাহাকে সর্ব্বস্বান্ত করিয়া পরিতুষ্ট হইলেও, হতভাগার পূর্ব্বজন্মের স্মৃতির ফল বলিতে হয়।

কাপ্তেন লুইন "ফ্রাই অন দি :ছইলে" লিখিয়াছেন * "মামি নীচ বাঙ্গালী মোক্তারদিগের দারা অতিশয় তাক-বিরক্ত হইয়া-

* Page 284.

ছিলাম। তাহারা পাহাড়ীদিগের অজ্ঞতা ও সারল্যের

প্রলোভনে আকৃষ্ট হইয়া এখানে আসিয়াছিল। ঘরে ঘরে ঝগড়া বাধাইয়া, তাহারা ইহাদিগকে মোকদ্দমা দায়ের করিতে উত্তেজিত করিত।" "ধৃত বাঙ্গালী মোক্তার ও টর্পিগণ এই পার্শ্বপ্রদেশের

Page 336-337.

গরলস্বরূপ। তাহাদিগকে এখন হইতে তাড়াইতে

আমি কদাপি শৈথিল্য প্রকাশ করি নাই। (সম্ভবতঃ মহামুনি) মেলার পরে আমি এমন এক উপযুক্ত কারণ পাইয়াছিলাম, যদ্বারা তাহাদের অবশিষ্ট ভিন্নজনেকেই স্বীকারযোগে এদেশ হইতে তাড়াইবার সুবিধা হইয়াছিল। সাধা-রণতঃ যেমন হয়, তাহারাও তদ্রূপ কমিশনার ও গভর্নমেন্ট সমীপে আমার বিরুদ্ধে অভিযোগ করিয়াছিল। তাহাতে আমার নিকট হইতে যে কৈঃকরং চাপ্তা হইয়াছিল, তন্মধ্যেও আমি তাহাদিগকে ছাড়ি নাই। পাহাড়ীদিগের

অজ্ঞতা এবং দুর্বলতার মধ্যে কলহ বাধাইয়া ও মোকদ্দমা তুলিয়া কিরূপে তাহার জীবিকানির্ভাহ করিত এবং আমার বিচারের বিরুদ্ধে আইনের কূটতর্ক ও বিশরীভ বর্ণনায় আশিগ করিয়া কিরূপে গভর্ণমেন্টের শাসন শক্তিকে দুর্বল করিবার চেষ্টা পাইত, আমি ভৎসমস্তই দেখাইয়াছিলাম। চতুর বাঙ্গালিগণ পাহাড়ীদিগের প্রতি অত্যাচার পূর্বক টাকা বাহির করিবার অজ্ঞ আমাদের আইনকে যন্ত্ররূপ ব্যবহার করিত।”

সত্য কথা বলিতে কি, এই বর্ণনার কিছুমাত্র অতিরঞ্জিত নহে। ভুক্তভোগী অনেক সাক্ষী অত্ৰাপি পাওয়া যায়। অবশেষে গভর্ণমেন্ট এই পার্কতা চট্টগ্রাম হইতে বাদা ও প্রতিবাদীর মধ্যবস্তী মোস্তাফাতির প্রথা উঠাইয়া দিয়াছেন। তাহাও অনেকদিন গত হইতে চলিল; তথাপি এত বৎসর পরেও সেই অত্যাচার ক্ষত আমাদের চক্ষে আসিয়া পড়ে। সেই সঙ্গে গভর্ণমেন্ট কর্তৃক উত্তমর্ণদিগের সুদের হারও শতকরা বাষিফ বার টাকা করিয়া নির্দিষ্ট হইয়াছে; কিন্তু অধুনা সেই আবরণমাত্র প্রকাশ্যতঃ রাখিয়া মহাজনদিগের উৎপীড়ন অবাধে চলিতেছে। পূর্বেই বলিয়াছি, মিতব্যয়িতার অভাবে পাহাড়ীরা প্রায়শঃই ঋণ করিতে বাধ্য হয়। যত টাকা ধার করিবে, তত তাহার বেড়গুণ লিখিয়া দিতে হইবে, ইহা অজ্ঞতা চিরাগত পদ্ধতি। অত্ৰথা কোন মহাজন হইতেই সাধারণ লোকে কর্জ পায় না। সুদ অবশ্য নিয়মতিরিক্ত নয়। কেবল ইহা নহে, বৎসরান্তে চক্রবৃদ্ধিক্রমে সুদ আসন যোগ করিয়া পুনরায় তাহাদিগ হইতে উক্ত বেড় গুণের ধং পরিবর্তন করিয়া লওয়া হইয়া থাকে। এইরূপে দেয় টাকা এককালীন পরিশোধের শক্তি না থাকিলে অধমর্ণ পুত্রপৌত্রাদিক্রমে মহাজনের কবল হইতে মুক্তিলাভ করিতে পারে না।

আমি যখন প্রথম এখানে আসি, তখন রাঙামাটা উচ্চ ইংরেজী স্কুলের হেড্-মাষ্টার মাননীয় শ্রীযুক্ত রামকমল দাস মহাশয় একদা তৎপ্রসঙ্গে বলিয়াছিলেন, এমনও একদিন গিয়াছে,—যে মহাজনেরা মৃতঅধমর্ণের উত্তরাধিকারীর অভাবে তাহার ঋশানোখিত ধুম বেইদিকে গিয়াছিল, সেই প্রতীবেশীদের নিকট হইতে প্রাপ্য টাকা আদায় করিত! উঃ কি ভয়ানক ব্যবস্থা! ইহাকেই “বে-আইনী মুলুকে”র বিধি বলা যাইতে পারে বটে! এখানকার মহাজনেরা ক্ষুদ্র ক্ষুদ্র দোকান উপলক্ষ করিয়া বসিয়া আছে। প্রজ্ঞাদৃষ্টিশালী দেখিতে পান—নির্মম দস্য ছদ্মবেশে শিকারের প্রতীক্ষা করিতেছে! এ সম্বন্ধে আমি নিজে আর কিছু না বলিয়া কাপ্তেন লুইনের “ফ্লাই অন্ দি হুইল” হইতে আর একটি চিত্র উঠাইয়া দিতেছি, বাহা সচরাচর ঘটয়া থাকে। তিনি নিজেই লিখিয়াছেন, “আমি

অবাস্তব কোনও ঘটনা জানাইব না। ইহা কাল্পনিক
নহে; আমি ইহা হইতে আরও শোচনীয় উদাহরণ

Page 338.

জানি। “জন্মেক পাহাড়ী মহাজনের প্রাপ্য টাকা চুকাইয়া দিলে, মহাজন
বলিল,—বন্ধু, বেশ ভালই হইল; এই দেখ—আমি তোমার খৎ নষ্ট করিয়া
ফেলিতেছি।” এই বলিয়া সে উক্ত পাহাড়ীর খতের বদলে অপর এক পুরাতন
কাগজ ছিঁড়িল। ঐ বেচারী লিখিতে বা পড়িতে জানে না; সুতরাং মহাজনের
দায় হইতে মুক্ত হইল ভাবিয়া, আনন্দের সহিত ঘরে গেল।

“মহাজন কিছুকাল পরে উক্ত খৎ মূলে সেই পাহাড়ীর বিরুদ্ধে স্তম্ভ ও
আসলের চক্রবৃদ্ধি করিয়া নালিশ উপস্থিত করে। এই পাহাড়ীকে আমরা নীল
চন্দ্র বলিব। উপস্থিত হইয়া আত্মপক্ষ সমর্থনের জন্ত যথানিয়মে নীলচন্দ্রের
নামে সমন জারীও করা হয়। মোকদ্দমার শুনানির দিন মহাজন তদীয়
নোকার মধ্যে থাকিয়া নীলচন্দ্রের আগমন প্রতীক্ষা করিতে লাগিল। পরে
তাহাকে দেখিয়া তাড়াতাড়ি অগুরাগপূর্ণ মুখ এবং স্বরে স্তোকবাক্যে সন্তুষ্ট
করণাভিপ্রায়ে বলিল, ‘প্রিয়বন্ধু, সত্যই আমি দুঃখিত হইতেছি যে, আমার
ক্রমে তুমি কত কষ্ট ও পথশ্রম পাইয়াছ। তোমার আর আদালতে যাওয়ার
প্রয়োজন নাই। সমনখানি আমাকে দাও। আমি সাহেবকে প্রকৃত কথা
খুলিয়া বলিব। ততক্ষণ তুমি আমার ঘরে গিয়া খাও এবং মদ্যপান কর।’

এইরূপে সেই হতভাগ্য মাছি আহার ও পানের নিমিত্ত গেল আর সে
সময়ে চতুর উর্গনাভ আদালতে চলিল। এদিকে যথাসময়ে মোকদ্দমার ডাক
হইল, নীলচন্দ্রকে উপস্থিত না পাওয়া মহাজনের সম্পূর্ণ দাবিতে মোকদ্দমা
একতরফা ডিক্রী হইয়া গেল। অনন্তর মহাজন স্বগৃহে প্রত্যাবৃত্ত হইয়া তদীয়
দায়িককে আতিথেয়তা দ্বারা সন্তুষ্ট করিয়া শীঘ্র শীঘ্র বাড়ী পাঠাইয়া দিল।
আপিলের ম্যাদ গত হওয়ার পূর্বে তাহাকে আর কোন কথা বা চিহ্ন জানাইল
না। ইহাতে ডিক্রী বলবৎ হইয়া দাঁড়াইল। অনন্তর ঐ চূর্ভাগ্য পাহাড়ীর
মন্তকোপরি ঝঙ্কারিত ঘুরিতে লাগিল! সে ক্রমে বুঝিতে পারিল যে, অপরি-
মেয় ঋণে ভারাক্রান্ত হইয়াছে! এরূপ কর্ত্তব্যে সে আর কোন দিন পড়ে নাই এবং
পরিশোধ করিবারও আশা করিতে পারে না। কাজেই সে প্রকৃত পক্ষে অবশিষ্ট
জীবনের নিমিত্ত মহাজনের দাস হইয়া রহিল। যদিও এ পাহাড়ে প্রকৃত স্ত্রায়ণর
উত্তমর্ণও আছেন, কিন্তু তথাকথিত মহাজনের সংখ্যাই বিশেষ প্রবল। বস্তুতঃ
তাহাদিগের এতাদৃশ জঘন্য ব্যবহার কখনই মার্জনীয় নহে। তাহাদের কৈফিয়ত
যে, আমরা ব্যক্তিবিশেষের সহিত এরূপ করি বটে, কিন্তু আবার অনেকেরই

আমাদিগকে প্রভাবিত করে। গড়ে হিসাব করিলে, আমরা যে বেশী কিছু লাভ করি, এমত নহে, বস্তুতঃ অনেকেই যে মহাজনের টাকা 'বেমালুম হজম' করিয়া ফেলে, ইহাও অসত্য নহে। শুনিয়াছি, সফদর গভর্নমেন্ট মহাজন-দিগের উৎপীড়ন সংবাদে ব্যথিত হইয়া অধমর্গদিগকে এক সময়ে ২৮০০০ হাজার টাকা ধার দিয়াছিলেন; কিন্তু তাহার অর্ধেক টাকাও আদায় হয় নাই,— 'অন্য পরে কা কথা?' সুতরাং একরূপস্থলে অন্নহুদে কুসীদ বাবসারীদের পোষাইবে কেন? তাই বলিয়া তাহারা যে রামের চাপড় খাইয়া শ্রামের বুকে ছুরি বসাইবে, ইহাও সর্বতোভাবে গর্হিত ও নিন্দনীয়! রাজা ভুবনমোহন রায় মহোদয়ের ঐকান্তিকী চেষ্টায় সম্প্রতি গভর্নমেন্ট হইতে আদেশ হইয়াছে, কোনও উত্তমর্গ অধমর্গের সঞ্চয়সরোপযোগী খাত্ত সংস্থান না রাখিয়া মাল ক্রোক করিতে পারিবে না। ইহাতেও নিরুপায় পাহাড়ীদিগের অশেষ উপকার হইয়াছে। সুখের বিষয়, সফদর গভর্নমেন্টে পাহাড়ীদিগকে স্বয়ং ঋণ দিয়া মহাজনদিগের হস্ত হইতে রক্ষা করিবার নিমিত্ত দৃষ্টিনিক্ষেপ করিয়াছেন। আশা আছে, এতদ্বারা তাহাদের সর্বস্বাস্ত হওয়ার কারণ আচিরেই বিদূরিত হইবে।

ক্যাপ্টেন লুইন বাঙ্গালী চরিত্র সম্বন্ধে আর যে সব মন্তব্য রাখিয়া গিয়াছেন, তাহা যেন ঈর্ষ্যা প্রসূত। বস্তুতঃ তিনি বাঙ্গালী-চরিত্রের বিকৃতি অন্ধনে সাতিশয় সিদ্ধহস্ত ছিলেন। কোন কোন স্থানে তিনি বাঙ্গালীদের অকর্মণ্যতা প্রতিপন্ন করিতেও চেষ্টা পাইয়াছেন। বোধ হয়, বাঙ্গালী কর্মচারিগণ তদীয় বাবহারে সন্তুষ্ট হইতে না পারিয়া অভিযোগাদি করিয়াছিলেন; তাহাতেই তিনি "ফ্লাই অন্ দি হইলে" লিখিয়াছেন * "বাঙ্গালী বাবুরা যখন

* Page 361.

দেখিলেন যে, আমার বিরুদ্ধে আবেদন ও অভিযোগ সমুদয় পণ্ড হইয়া গেল, তখন তাঁহারা একযোগে কর্ম পরিত্যাগ করেন।" ... "সুতরাং আমি বাপ্টিস ক্লার্ক আনাইয়াছিলাম।" কিন্তু আমরা তদানীন্তন রাজকর্মচারী (বর্তমান সব্ ডেপুটী কালেক্টর) শ্রীযুক্ত কৃষ্ণচন্দ্র দেওয়ানের মুখে শুনিতে পাই,—'মিঃ লুইন বাঙ্গালিগণকে তাড়াইয়া তাহাদের পদে (আরাকানী) মফ কেরাণী নিযুক্ত করিয়াছিলেন সত্য; কিন্তু অবশেষে তাহাদিগের দ্বারা, কাজ চলেনা দেখিয়া, বাঙ্গালীদিগকে পুনরায় আহ্বান করেন এবং তাহাদের পদোন্নতি করিয়া দিয়া মনোমালিন্য দূর করেন। হায়, তথাপি তিনি খোঁচা দিতে ছাড়েন নাই। অপর এক স্থলে * লিখিয়াছেন,— "আমি একজন ভিন্ন অপর সকল বাঙ্গালী বাবু হইতে পৃথক্ ছিলাম। ধর্ম্মাধিকরণে মদীয় উপযোগিতা

Page 363.

লোকে তখন বুঝিল ! বস্তুতঃ তিনি আত্মপ্রতিষ্ঠা সমর্থনকল্পে যাহাই লিখুন না কেন, তাহা লইয়া বাদ প্রতিবাদ করিবার স্থান ইহা নহে। তিনি বাঙ্গালা বাবুগণের সম্পর্ক কিরূপে ছাড়িয়াছিলেন, তাহা তখনকার বাঙ্গালীসমাজ কিছুতেই উপলব্ধি করিতে পারেন নাই। তদানীন্তন কৰ্মচারিগণ হইতে অধুনা একরূপ সাক্ষাই পাওয়া যায়।

যাক্, বাঙ্গালী চরিত্রের সাক্ষাই গাইতে গিয়া অনেক বাজে কথা বকিলাম। মোটকথা, বাঙ্গালী-সংস্রবে চাক্‌মাঙ্গিণের ইষ্টানিষ্ট হই ঘটয়াছে। বাঙ্গালীদের হইতে তাহারা ভাষা, শিক্ষা, চাষ ও বাণিজ্য প্রভৃতি যে সকল ফলভরস্ব লাভ করিয়া আজ সভ্য সমাজে পরিচিত হইতেছে, তজ্জন্য তাহারা চিরকাল কৃতজ্ঞ থাকিবে। পক্ষান্তরে বাঙ্গালী-জীবনের স্বভাবগত যে দোষ, তাহাও তাহাদিগেতে সংক্রামিত না হইয়া যায় নাই। আমরা পাশ্চাত্যজাতির কাছে যে পরিমাণে বিলাসিতায় অভ্যস্ত হইয়াছি, চাক্‌মাঙ্গণও আমাদের সঙ্গকলে প্রায় তৎসমস্তই আয়ত্ত করিয়া লইয়াছে। অবশ্য ইহাতে ইংরেজাধিকারও মুখ্যভাবে কম সাহায্য করে নাই। আর একটি চুটীকরণ—চাকরী। কিন্তু ইহাকে প্রচলিত শিক্ষারই ফল বলিতে হইবে। ফলতঃ বাঙ্গালীর সংসর্গে যা কিছু সামান্য অনিষ্ট ঘটিলেও, তাহাদের দ্বারা প্রভূত উপকার লাভ হইয়াছে। নতুবা তাহাদের বর্তমান অভ্যাদয় কদাপি সম্ভবপর ছিল না। তাহার প্রমাণ পার্শ্বতীয় অপরাপর জাতি এযাবৎ বহুদূরে পড়িয়া আছে।

এই চাক্‌মা ও বাঙ্গালীর সংস্রব আরম্ভ হইয়াছে, আজ কালের কথা নহে। “দেহ্য্যায়াদি আরো দক্ষুঃ”এ ধুটীর দ্বাদশ শতাব্দীর প্রথমভাগেও এতৎ সঙ্ঘর্ষে পরিচয় পাইয়াছি। তখন তাহাদিগের মধ্যে যে একতার ভাবদেখা গিয়াছিল, আরও বহুকাল পূর্বে যে তথাকথিত সংস্রব আরম্ভ হইয়াছিল, সন্দেহ নাই। ক্রমে পরম্পরের সঙ্ঘর্ষে এত ঘনিষ্ট হয় যে, ষোড়শ শতাব্দীর প্রথমভাগেও বাঙ্গালিগণ চাক্‌মা রাজার মন্ত্রী ছিলেন। যাহা হউক বড়ই সুখের কথা যে, বর্তমানে ইহাদিগের মধ্যে অনেকেই ধর্ম্মে, কর্ম্মে, ভাষায়, কথায় শিক্ষাদাতা বাঙ্গালীর সহিত প্রতিযোগিতায় দাঁড়াইবার উপযুক্ত হইয়াছে। কোন কোন বাঙ্গালী তাহাদের “বাঙাল” আখ্যায়—বাঙ্গালীর প্রতি ঘৃণা প্রদর্শন মনে করিয়া চুঃখিত হয়। কিন্তু আমরা তাহা সরল প্রাণের মধুর সন্তোষণ বোধে আমনের সহিত গ্রহণ করিয়া থাকি। পশ্চিমবঙ্গের লোকেরাও পূর্ববঙ্গবাসিগণকে ‘বাঙাল ডাকেন এবং উড়িয়াবাসীদিগকে আমরা ‘উড়ে’ বা ‘উড়িয়া’ বলি, তজ্জন্য কাহারও মনে কষ্টগ্রহণ করা কর্তব্য নহে।

(২)

মহাশয়মাজের অধুষিত ভূমণ্ডলের এমন কোনও স্থান আছে কিনা জানিনা, যথায় খৃষ্টিয়ান মিশনারী মহোদয়গণের ধর্ম্মালোকরশ্মি বিকীর্ণ হয় নাই। পথে—ঘাটে—বনে—জঙ্গলে—সর্ব্বত্রই তাঁহাদের গতিবিধি। অবিচলিত উৎসাহে—অক্রান্ত অধ্যবসারে বাবতীয় বাধাবিঘ্ন তুচ্ছ জ্ঞান করিয়া তাঁহাদিগকে ধর্ম্ম-বিস্তার চেষ্টায় তৎপর দেখা যায়। বস্তুতঃ বাহারা ঈদৃশী সাধনার নিয়ত, তাঁহারা এবং তাঁহাদের সাহায্যকারিগণ মহামতি যৌগুর প্রকৃত আশীর্বাদভাজন ও সমাজের প্রশংসার পাত্র।

সম্ভবতঃ সকলেই অবগত আছেন যে, এই মিশনারীসমাজ নানা সম্প্রদায়ের বিভক্ত। তন্মধ্যে “লণ্ডন ব্যাপটিষ্ট মিশনারী সোসাইটি” সর্ব্বপ্রথম ১৮১২ খৃষ্টাব্দে আসিয়া চট্টগ্রাম ও এই পার্শ্বতা প্রদেশের দক্ষিণাংশে কার্য্যারম্ভ করেন। এই প্রথম উদ্বোধকের নাম রেভঃ, ডি, ফ্রইন। কিন্তু তিনি অতি অল্পদিন পরে তাঁহারই কর্তৃক দীক্ষিত জনৈক মধ্য-বালকহস্তে নিহত হন। তৎপরবর্ত্তী মিশনারী রেভঃ পিককও ১৮২০ খৃষ্টাব্দে জ্বররোগে প্রাণত্যাগ করেন। অনন্তর রেভঃ ফিল্ড আসিয়া কার্য্যভার গ্রহণ করিলেন। তদীয় চেষ্টায় দুই বৎসরের মধ্যেই কল্লাবাজার ও তৎসমীপবর্ত্তী কয়েকটা গির্জায় ১৬৩ জন ধর্ম্মান্তরিত পাণ্ডাজী যোগদান করিতেছিল, কিন্তু প্রথম ব্রহ্মযুদ্ধে তাহারা চারিদিকে ছড়াইয়া পড়ে এবং অধিকাংশ জ্বর ও যুদ্ধে মৃত্যুমুখে পতিত হয়। এইরূপে রেভঃ ফিল্ডের চেষ্টা ও অধ্যবসায় সমস্ত পণ্ড হইয়া যায়। অতঃপর ১৮২০ খৃষ্টাব্দ পর্য্যন্ত এতদ্দেশে এই সম্প্রদায়ের কোন সংবাদ পাওয়া যায় না। কেবল “ফ্রাই অন দি হইলে” দেখিতে পাই, কাপ্তেন

Page 379.

লুইন লিখিয়াছেন,—এখানে ধর্ম্মপ্রচারার্থ জর্নৈক মিশনারীকে পাইবার জন্য, আমি কলিকাতাবাসী মিশনারীদের সহিত চিঠি লেখালেখি করিয়াছিলাম। আমি যখন বুঝিলাম যে, এ সকল সরল অড়োপাসক-দিগের মধ্যে ধর্ম্মপ্রচারের বিস্তৃত ক্ষেত্র পড়িয়া রহিয়াছে, তখন আমার নিজ হইতে উক্ত মিশনারীর অর্দ্ধেক বেতন দিতে সঙ্কল্প করিয়াছিলাম। পরন্তু এ বিষয়ে আমি বৌদ্ধধর্ম্মাবলম্বীদিগকে সম্মতি প্রদান করি নাই।” ইতি—ইহা ১৮৩১ হইতে ১৮৭৪ খৃষ্টাব্দের মধ্যবর্ত্তী সময়ের কথা হইলেও, চেষ্টা বা সঙ্কল্পমাত্র কলে কিছুই হয় নাই। অধিকন্তু আমরা এই শেষ কর পংক্তি হইতে তদীয় অন্তঃকরণ পরিষ্কার বুঝিতে পারিলাম।—তিনি স্বধর্ম্মপ্রমে এমনি মাতোয়ারা ছিলেন যে, ভিক্ষুগণকে তাহাদের ভ্রাতা অধিকার হইতেও বঞ্চিত করিয়াছিলেন।

বাহা হউক, ১৮৯১ খৃষ্টাব্দে রেভ: ডি, জুজ, চট্টগ্রামের কার্যভার গ্রহণ পূর্বক দ্বিতীয়বার চেষ্টা আরম্ভ করেন। তিনি বৎসরে একবার মাত্র এই পার্কভ্যাপ্রদেশে প্রচারার্থ পর্যটন করিতেন, তাহাতেও নাকি তিনি জরে এক্ষণ ভগ্নস্বাস্থ্য হইয়া পড়েন যে, অবশেষে অবসর গ্রহণ করিতে বাধ্য হইয়াছিলেন। অনন্তর রেভ: ম্যাকলিন তদীয় স্থলাভিষিক্ত হন। তখন হইতে এই সম্প্রদায় প্রকৃত ফলপ্রসূ হইতে আরম্ভ হয়। ১৮৯৫ অব্দে ম্যাকলিন দীর্ঘ বিদায় লইয়া স্বদেশে যান; প্রত্যাবর্তন পথে 'পোটসেইডে' নিউমোনিয়ায় (Pneumonia) পঞ্চম প্রাপ্ত হন। তাহার পর রেভ: ডোনেল্ড কর্মভার গ্রহণ করেন। প্রায় পাঁচ বৎসর কাল ধরিয়া তিনি নিয়মিতরূপে কার্য নিৰ্বাহ করিয়াছিলেন। তিনি ১৮৯৯ অব্দে অবসর গ্রহণ কালে তিনখানি 'আউট্‌ স্টেশন' এবং ৭৫ জন মেম্বরবিশিষ্ট একখানি গির্জা রাখিয়া যান।

বগা বাহলা, মিশনারিগণের প্রাপ্তকৃত যাবতীয় চেষ্টা প্রধানত: চট্টগ্রামেই চলিয়াছিল। ইহাতে চাকমা সম্প্রদায়ের দূরের কথা, এই পার্কভ্যাপ্রদেশের সহিতও সম্বন্ধ অতি সামান্য ছিল। অনন্তর ১৯০০ খৃষ্টাব্দের প্রথম ভাগে রেভ: জর্জ হিউজ এবং তদীয় পত্নী আসিয়া উক্ত কার্যভার গ্রহণ করেন। ইহারাই এই মিশন কার্যে আত্মসমর্পণ করিবার পূর্বে উভয়েই ইংলণ্ড এবং ওয়েল্‌সে বহুকাল ধরিয়া শিক্ষকতা করিয়াছিলেন। বর্তমান কর্মে প্রবৃত্ত হইয়া দেখিলেন, এই পার্কভ্যাপ্রদেশের কার্যে, চট্টগ্রামে থাকিয়া সাময়িক পরিদর্শন অপেক্ষা নিকটে থাকিতে পারিলেই অধিকতর ফললাভের সম্ভাবনা। এই নিমিত্ত তাঁহার রাঙাঘাটতে অত্রতা হেড্‌ কোয়ার্টার স্থাপন করেন। ১৯০৩ খৃষ্টাব্দে যখন এখানে বর্তমান স্মরম্য 'বাংলা' নির্মিত হয়, তখন হইতেই তাঁহাদের কার্যালয় এখানে স্থায়িরূপে সংস্থাপিত হইয়াছে। বস্তুত:ই তাঁহাদের আশা সফলতা লাভ করিয়াছে, সেই বৎসরেরই শেষভাগে তাঁহানিগের সম্প্রদায়-সংখ্যা ৬০০ হইয়া দাঁড়াইয়াছিল। কার্যভার বৃদ্ধি পাওয়ার তিনি একজন ইউরোপীয় সহকারীও পাইলেন। তাঁহারা এখানে শিক্ষা-সাহায্যেও মনোযোগ অর্পণ করেন। চৌদ্দখানি গ্রামে পাঠশালা খোলা হইয়াছিল, তন্মধ্যে তিনখানিতে 'বোর্ডিং'ও ছিল। কিন্তু দুঃখের বিষয়, এত চেষ্টা সত্ত্বেও তাঁহাদের বিদ্যালয়ে ছাত্র পাওয়া দুর্বল হইল। প্রচারের সুবিধার্থ অনন্তর তাঁহারা চিকিৎসা-সাহায্য উদ্যুক্ত করিলেন। তজ্জন্ত লণ্ডনের সুশিক্ষিত ডাক্তার জি, ও, টেইলর এম, বি, ; এক, আত, পি, এম, সত্ৰীক আসিয়া যোগদান করেন। তদীয় পত্নীও একজন তত্ত্বাবধায়িকা ধাত্রী, ইতোপূর্বে লণ্ডন নগরের কোন সুপ্রসিদ্ধ

চিকিৎসাগারে "সিষ্টার" (Sister) স্বরূপে কিছুকাল কার্য করিয়াছিলেন।

১৯০৬ অব্দে তাঁহারা চন্দ্রঘোনায় দ্বিতীয় কার্যক্ষেত্র খোলেন। তথায় সুপ্রসিদ্ধ "লুইনের পাহাড়ে"র উপর অপর এক রমণীর 'বাংলা' বিনির্গত হয়। এই ষ্টেশনের ভার ডাঃ টেইলার এবং তদীয় পত্নীর উপর স্তম্ভ হইয়াছে। তাঁহাদের চিকিৎসা-সাহায্যে কেবল পার্শ্বভাগ নহে, প্রতিবেশী হিন্দু মুসলমান অধিবাসিগণও প্রভূত উপকার লাভ করিতেছে। পরবর্তী বৎসর তাঁহারা এক 'আউট ডোর ডিস্পেন্সারী' খুলিয়াছেন, গত সনে এক সুবৃহৎ ইষ্টকনির্গত (Arthington) 'হস্পিটাল' প্রস্তুত হইয়াছে। বস্তুতঃ এই নূতন ষ্টেশনের নিমিত্ত যদিও তাঁহাদের অর্ধলক্ষাধিক টাকা ব্যয় হইয়াছে, কিন্তু তদ্বারা ইতোমধ্যেই বহুসংখ্যক পীড়িত ব্যক্তি অশেষ উপকার লাভ করিয়াছে।

মিশন সম্প্রদায়ের অতি সংক্ষিপ্ত বিবরণী একরূপ প্রস্তুত হইল, এক্ষণে তাঁহাদের বর্তমান পরিচালকগণের একটি স্থূল পরিচয় দিয়াই মদীর বক্তব্য শেষ করিতেছি। এই সম্প্রদায় পরিচালনে অধুনা—

মিশনারী :—রেভঃ জি, এবং মিসেস্ হিউজ্ তাঁহাদের সহকারী—রেভঃ পি, এইচ্, জোন্স এবং রেভঃ প্রিয়নাথ সাঁৎ।

ডাক্তার—জি, ও, এবং মিসেস্ টেইলার তাঁহাদের সহকারী—শ্রীযুক্ত ডাঃ রাজেন্দ্রলাল বিশ্বাস (এসিঃ) এবং শ্রীমাচরণ চাক্মা (কম্পাউণ্ডার)। এতদ্ব্যতীত নয়জন পাহাড়ী প্রচারক, এবং তেরজন বাঙ্গালী ও পাহাড়ী শিক্ষক আছেন।

আশা করি এতদ্বারা প্রিয় পাঠকমণ্ডলী তাঁহাদের চেষ্টার উগ্রতা উপলব্ধি করিতে পারিতেছেন। কিন্তু বলিব কি, এত প্রাণপণ যত্ন চাক্মাসমাজে অতি অল্পই ফলপ্রসব করিয়াছে। পূর্বে যে শিক্ষা সাহায্যের কথা উল্লেখ করিয়াছি, তৎকালে তাঁহারা এই চাক্মাপ্রধান চাক্মা সার্কেলে কয়েক বৎসর ধরিয়া অনেক স্কুল রাখিয়াছিলেন। যদিও সেই সকল কোনও স্কুলে খৃষ্টিয়ান শিক্ষক ছিলেন না এবং খৃষ্টিয়ান উপদেশও দেওয়া হইত না, তথাপি চাক্মাগণ তাঁহাদের প্রতি এত অবিখ্যাসী যে, অপর শিক্ষা-সাহায্য অভাবে তাহারা সন্তানগণকে অশিক্ষিত রাখিত, তবুও এই সব বিঘ্নালয়ে পড়িতে দিত না; অধিকন্তু সামান্য সামান্য বাধাও উপস্থিত করিত। ইহাতে তাঁহারা সেই সকল স্কুল বন্ধ করিয়া দেন। এখানে কেবল খৃষ্টিয়ান বালকবিগের আবশ্যকোপযোগী ২১৩ খানি স্কুল মাত্র রাখিয়া তাঁহাদের অবশিষ্ট শিক্ষা-সাহায্য বোমাং সার্কেলে স্থানান্তরিত করিয়াছেন; তথায় কাপ্তাই উপত্যকাবাসী বহুসংখ্যক যব তাঁহাদের অনুধ্যায়ী

হইয়াছে। আশ্চর্যের কথা,—এই স্থল সংখ্যা কমিয়া যাওয়াতেও চাক্‌মা-সমাজ দুঃখিত নহে, বরং যেন তাহারা বলিতেছে—“ছেড়ে দে মা কেঁদে বাঁচি!”

এইরূপে, মিশনারী-চেষ্টা খুব প্রবল হইলেও, বিরাট চাক্‌মা সম্প্রদায় হইতে তাঁহারা অতি সামান্য সহায়তাই পাইয়াছেন। এযাবৎ সোনারাম, শ্রামা-চরণ, রঘুমণি প্রভৃতি ৩৪ জন মাত্র তাঁহাদের দলভুক্ত হইয়াছে। তন্মধ্যে ভদ্রপরিবারসমূহ যে একজন ছিলেন, তিনি আবার বৌদ্ধধর্মে প্রত্যাবর্তন করিয়াছেন। কিছু উল্লিখিত তিনজনই তাঁহাদের নিকট চিরকৃতজ্ঞ থাকিতে একান্ত বাধ্য। কেননা, এই সোনারাম অতি দরিদ্র চাক্‌মার সন্তান ছিল। প্রথমে বাসায় চাক্‌মারী মাত্র অবলম্বন করিয়া চট্টগ্রাম যায়, তাহাতেই মিশনারী আশ্রয় লাভ করে। কিন্তু তাঁহারাও তাহার জন্ত যথেষ্ট করিয়াছেন, তাহাকে শ্রীরামপুর মিশনারী কলেজে পর্য্যন্ত পড়াইয়াছিলেন। এক্ষণে সে তাঁহাদের সহকারিরূপে প্রচারের কার্যে আছে। শ্রামাচরণও দরিদ্র-সন্তান, শিশুকালে পিতৃহীন হইয়া জটনক ত্রিপুরার অঙ্গে প্রতিপালিত হয়। অধুনা তাঁহাদের সাহায্য লাভ করিয়া কম্পাউণ্ডারী কার্যে অগ্রসর হইয়াছে। অপর রঘুমণি এক দীন হীন বৃদ্ধ, তাহার জীবিকা নির্বাহের দ্বিতীয় উপায়ই নাই। বস্তুতঃ এই ধর্মোন্মত্ত মিশনারী সম্প্রদায় বাড়ী ঘর আত্মীয় বান্ধব পরিত্যাগ করিয়া, কোথায় এই সুদূর দুর্গম প্রদেশে হুস্টন-প্রচার ব্রতে জীবন সমর্পণ করিয়া আছেন! তাঁহাদের এত অর্থব্যয়, এত ক্লেশ স্বীকারেও আশাহুরূপ ফল পাওয়া বাইতেছে না দেখিয়া মনে দুঃখ হয়। তবে আশ্বাসের কথা এই যে, রেভঃ হিউজ্‌ মহোদয় আমার লিখিয়াছেন,—“The results therefore from among the Chakmas has not been great. The number of baptised Chakmas in membership with the Christian church is small, but the number of enquirers, and of those who believe in the ‘Lord Jesus Christ’ as their saviour is by no means inconsiderable.” অর্থাৎ ‘তাই চাক্‌মাসম্প্রদায়ের মধ্যে ফল তত বেশী নহে। গির্জাভুক্ত চাক্‌মা খৃষ্টিয়ানের সংখ্যা অল্প, কিন্তু তত্ত্বজিজ্ঞাসু এবং প্রভু যীশু খ্রীষ্টকে পরিভ্রাতা স্বরূপে বিশ্বাস-কারীর সংখ্যা কোনরূপে মন্দ নহে।’ তিনি আরও বলেন,—“The missionaries are inspired with the hope, that when the sense of fear of consequences which now animates so many of the people passes away, the number of additions to the church will be large; and that this timidity will pass, nay, is passing they feel absolutely confident.” অর্থাৎ ‘মিশনারিগণ আশায় উৎফুল্ল আছেন

যে, এই অসংখ্য লোক রাহার পরিণামফলের ভয়ে এক্ষণে কাতর রহিয়াছে, যখন তাহাদের সেই ভয় চলিয়া যাইবে, তখন গির্জার দীক্ষিতের সংখ্যা ভয়ঙ্কর বৃদ্ধি পাইবে এবং এই ভীকৃত্য দূর হইবে, না—চলিয়া যাইতেছে, তাহার সম্পূর্ণরূপে (খৃষ্টিয়ানদের পরিণাম ফলে) বিশ্বাস উপলব্ধি করিতেছে।’

(৩)

সমগ্র ভারতবর্ষে ইংরেজশাসন মঙ্গল কি অমঙ্গলের নিমিত্ত হইয়াছে, তাহার বিচার বর্তমান প্রবন্ধের লক্ষ্য নহে। আর তৎসম্বন্ধে নিরপেক্ষ মন্তব্য ইংরেজ বা আমাদের কাহারও হইতে পাইবার সম্ভাবনা নাই। কেননা, এক্ষেত্রে উভয় পক্ষই স্বার্থসংপৃক্ত। তবে ইহা নিশ্চিত যে, সেই বৈদিক যুগ হইতে বিচার করিলে এ জগতে আমাদের স্থান বহু উচ্চে অবস্থিত; আর তাহা ছাড়িয়া দিলে বর্তমান যুগে আমরা ইংরেজ হইতে অনেক শিখিয়াছি, এবং এখনও আমাদের সেই শিক্ষা পূর্ণ হয় নাই। যাহারা এককালে সহোদর ভ্রাতাকে সিংহাসনচ্যুত করিয়া তাহাতে বিজ্ঞাতিকে আনিয়া বসাইয়াছিল এবং তাহাদের সহিতও মনোমালিন্য হওয়ায়, অপর এক বৈদেশিক শক্তিকে আহ্বান করিয়া আনিয়াছিল, আর এক্ষণে সেই ভারতবাসী আসমুদ্র-হিমাচল ব্যাপিয়া রাজনৈতিক অধিকার লাভের আন্দোলন পরিয়াছে—ইহাও ইংরেজ-শাসনের অন্ততম শুভময় ফল নহে কি? সে যাহা হউক, এই প্রবন্ধ তাদৃশ রাজনৈতিক গবেষণার নিমিত্ত নহে। ইংরেজাধিকারে কেবল চাকমাজাতির ইষ্টানিষ্ট পর্যালোচনা মানসেই ইহার অবতারণা।

একটি কথা প্রথমে এস্থলে উল্লেখ করিতেই হইতেছে। সকলেরই মনে রাখা কর্তব্য, রাজপুরুষগণও মনুষ্য বটেন, সুতরাং রাজশক্তি ব্যতিরিক্ত মানব-স্বলভ দুর্বলতাও তাঁহাদের মধ্যে রহিয়াছে। তবে কাহারও কাহারও তাদৃশ দুর্বলতা রাজশক্তির রুদ্রমূর্ত্তি অপেক্ষাও ভয়ঙ্কর হইয়া দাঁড়ায়। এই গ্রন্থে তাদৃশ দৃষ্টান্তের অভাব নাই সত্য, কিন্তু অতীব দুঃখের সহিত তৎসমুদায় উল্লেখ করিতে বাধ্য হইয়াছি। বলিতে কি, অনেক কথা আমরা চাপিয়া যাইতে ক্রটি করি নাই। কেননা, ব্যক্তিগত স্বার্থচেষ্টা অতি নীচতারই পরিচায়ক; পবিত্র রাজশক্তির ভিতর দিয়া তাহা দেখাইতে গেলে, রাজারই অবমাননা করা হয়। তথাপি যে কয়েক কথা বলিতে বাধ্য হইয়াছি, ভ্রাতৃ ধর্মের মর্যাদানুরোধে মাত্র। তাঁহাদের তথাকথিত কার্যকে কেহ রাজবিধানের অন্তর্ভুক্ত মনে করিলে, মহাভ্রমে পতিত হইবেন।

মির মহম্মদ কাসিম বন্ধের সিংহাসনাধিরোধ করিয়া কৃতজ্ঞতাপত্রক ইংরেজ-

কোম্পানীকে চট্টগ্রাম, বর্ধমান ও মেদিনীপুরের সর্বাধিকারিত্ব দানে পুরস্কৃত করেন। তদবধি চট্টগ্রামের ভাগ্যচক্রের সঙ্গে সঙ্গে চাক্‌মাদিগের অদৃষ্ট-নেমিও ইংরেজ-হস্তে পরিচালিত হইতে আরম্ভ হয়। তবে তদানীন্তন চাক্‌মারাজগণ করদ ও মিত্ররাজপ্রায় ব্যবহৃত হইতেন। রাণী কালিন্দীর শাসনকাল হইতেই মিত্রতাবন্ধন ক্রমে অধীনতাশৃঙ্খলে দৃঢ়তর করিবার উদ্ভোগ আরম্ভ হইয়াছে। পূর্বেই বলিয়াছি, ইংরেজাধিকারে চাক্‌মাদিগের ব্যক্তিবিশেষের স্বার্থে যেমন আঘাত পড়িয়াছে, সাধারণের সুখ-সুবিধা তেমন বৃদ্ধি পাইয়াছে। এ কথায় কেহ কেহ আপত্তি করিয়া থাকেন। তাঁহারা বলেন, বর্ধমান সভ্যতাদীপ্তবুগে ব্রিটিশ শাসন না আসিলেও তাদৃশ সুযোগ পাওয়া যাইত। উদাহরণস্বরূপ তাঁহারা অপরাপর স্বাধীন ও মিত্ররাজ্যের প্রতি অঙ্গুলী নির্দেশ করিয়া দেখাইয়া থাকেন। কিন্তু আমরা তাঁহাদিগের পক্ষ সমর্থন করিতে পারি না। কারণ পৃথিবীর বন্ধে লক্ষ প্রতিষ্ঠ এতাদৃশ পরাক্রমশালী জাতির অধীন না হইলে, তাহাদের বর্তমান উন্নতি অসম্ভব; সর্বাঙ্গ-সুন্দররূপে সংঘটিত হইত কি না, গভীর সন্দেহ আছে। ইতিপূর্বে যে মুসলমানাধীনে ছিল, তাৎকালিক ইতিবৃত্তও নিতান্ত উচ্ছৃঙ্খলাময়, এবং অশান্তিতে পরিপূর্ণ। বস্তুত: রাজা প্রবল প্রতাপশালী না হইলে দেশের শান্তিরক্ষা একরূপ অসম্ভব। তখন দক্ষিণে মঘ, পূর্বে কুকি, এবং উত্তরে ত্রিপুরারাজের ক্ষমতাও কম ছিল না, মুসলমানরাজ একমাত্র পশ্চিমে থাকিয়া আশ্রিতরাজ্যের কত আর শান্তিবিধান করিতে পারেন! ইংরেজ এদেশের একচ্ছত্র সম্রাট, সুতরাং তাঁহাদের হইতে যথার্থ আশা করা যাইতে পারে।

গ্রন্থভাগেও প্রদর্শিত হইয়াছে, ইংরেজাধিকারের প্রথমভাগ পর্য্যন্ত এতদেশে নিরীক্ষণ কুকিদিগের শোচনীয় অত্যাচার অব্যাহতপ্রায় চলিতেছিল। তাহাদের অত্যাচার বাড়াবাড়ি দেখিয়া অনন্তর ১৮৬০ খৃষ্টাব্দ হইতে গভর্ণমেন্ট দেশ সুশাসনকল্পে যেই প্রত্যক্ষভাবে হস্তক্ষেপ করিতে আরম্ভ করিলেন, সঙ্গে সঙ্গে তাহাদের উপদ্রবও কমিতে লাগিল। হায়, তখন ধনী-নির্ধন কাহারও ধন-মান-প্রাণ নিরাপদ ছিল না! সকলেই সপরিবারে সতত সশঙ্কিত থাকিত। তাহাদের ভয়ে স্বামী—স্ত্রীকে, মাতা—সন্তানকে, পুত্র—করাজীর্ণ পিতামাতাকে কেহিয়া পলাইয়াছে, এরূপ শত সহস্র দৃষ্টান্ত দেওয়া যাইতে পারে। অধিক কি, সুদূরবাসী আমরাও শিশুকালে "লেংটা কুকি"দিগের তাদৃশ পাশবিক অত্যাচারকাহিনী শুনিয়া শুনিয়া ভয়-ব্যাকুল হইতাম। আর এক্ষণে আসিয়া যাঁহা দেখিতেছি, তদ্বারা তাহারা যে কোন কালে তেমন হিংস্র-চরিত্রের ছিল—

কিছুতেই ধারণা হয় না। “বাবু” দেখিলে, কাছে আসিতেও ভয় পায়, এবং একজন “বাবুর” সমভিব্যাহারে চারিজন কুকি চলিতেও প্রাণভয়ে কাতর হয়। যজ্ঞ ইংরেজ-প্রভুত্ব!

ইহা হইতেই এতদেশে শাস্তিরক্ষার গভর্ণমেন্টের যোগ্যতা অক্লেশে অনুমিত হইতে পারে, তবে এই সঙ্গে একটি আনুমানিক কথা না বলিলে প্রত্যায়নভাগী হইতে হয়। বিপ্লবত আদমহুমারী মতেও দেখা যায়, এতদঞ্চলে সর্বসাকল্যে ২১৪১০ ঘর লোকের বসতি আছে অথচ দেশের ক্ষেত্রফল ৫১৩৮ বর্গমাইল। সুতরাং গড়ে প্রায় ৩ বর্গমাইলে এক ঘর লোকের বসতি পড়ে। ঘর-হিসাবে জনসংখ্যাও গড়ে ৫৯ মাত্র। অতএব এই স্থাপদসঙ্কুল দেশে একরূপ বিরলবসতি কত যে বিপজ্জনক—সামান্য অনুধাবনেই বুঝিতে পারা যায়। বর্তমানে দস্যু বা ততোধিক ভয়ানক কুকি-উপদ্রব দমিত হইয়াছে বটে, কিন্তু হিংস্রজন্তুর অভ্যাচার যথেষ্ট চলিতেছে। উৎপন্ন শস্তের অর্দ্ধাংশও কৃষকেরা গৃহে আনিতে পায় না, তত্পরি প্রাণের ভয়ে ত নিয়তই উৎকর্ষায় থাকিতে হয়। এতদবস্থায় আশ্রয়ক্ষার একমাত্র সম্বল—বন্দুকের সংখ্যা সমগ্র পার্শ্বত্যা চট্টগ্রামে দুই হাজারও নহে, অর্থাৎ প্রায় ২ বর্গমাইল অস্তর একটি করিয়া বন্দুক আছে। তাই আমরা দুঃখের সহিত বলিতে বাধ্য হইতেছি যে, ইহাদের ধনপ্রাণ রক্ষার প্রধান সহায় বন্দুকের পরিমাণ আরও বৃদ্ধি করা কর্তব্য। পূর্বে ইহাদিগের হইতে বন্দুকের টেক্স লওয়া হইত না, আজ কয়েকবৎসর হইতে বন্দুক প্রতি ১০ চারি আনা করিয়া কর বসিয়াছে। বস্তুতঃ ভাবিয়া দেখিতে গেলে, আমাদের দেশে আমোদ তথা শিকার-প্রয়াসে মাত্র বন্দুক রাখা হইয়া থাকে, আর ইহারা তাহা শস্ত এবং ততোধিক জীবনরক্ষার নিমিত্ত রাখিতে বাধ্য হয়। সুতরাং ইহাদিগকে এই জন্ত যথেষ্ট সুবিধা দেওয়া বিধেয়। আর সমস্ত পার্শ্বত্যা চট্টগ্রামে বারুদাদি বিক্রয়ের দুইটি মাত্র ডিপো আছে। অথচ একবারে তিনমাসের জন্ত ১০ আধেসের অধিক বারুদ বিক্রয় নিষিদ্ধ। ইহাতে এক দিকে যেমন তাহাদিগকে বহুদূর হইতে দুর্গম পার্শ্বত্যা পথ অতিক্রম করিয়া অশেষ কষ্ট পাঠিতে হয়, পক্ষান্তরে তিনমাসে আধেসের বারুদ দ্বারা কিছুতেই চলে না। অর্ধ সের বারুদে কোনরূপে শতক বার পর্য্যন্ত গুলি ছোড়া যায়। কিন্তু হিংস্র জন্তুর উপদ্রব বৃদ্ধি পাইলে, বিশেষতঃ ফসলের পক্ষী ও বজ্র পশু হইতে শস্য রক্ষা করিতে ঐ বারুদে তিনদিনও চলে না। তাই প্রার্থনা, কর্তৃপক্ষ এজন্ত অধিক-তর রূপাদৃষ্টি করিবেন।

অবশ্য বর্তমানে দেশের নানাস্থানে যেরূপ গণ্ডগোল চলিতেছে, তাহাতে আমাদের এই প্রস্তাবে গভর্ণমেন্ট কর্ণপাত না করিতে পারেন, তৎপক্ষে বক্তব্য এই যে, এখানে তেমন কোন গোলযোগের লক্ষণও নাই, এবং এই নিরীহ সরল প্রাণ পাহাড়ীদের মধ্যে ভাদৃশ ভাব আসা সম্ভবও নহে। তবে যে মধ্যে মধ্যে উচ্ছৃঙ্খলাচারের সংবাদ পাওয়া যায়, তাহা ব্যক্তিবিশেষের মস্তিষ্ক বিকৃতিমাত্র। তথাপি সন্দেহ হইলে কর্তৃপক্ষ সার্কেলচিফের মত গ্রহণ করিয়া সংস্কারাপন্ন ব্যক্তিগণকে প্রার্থিত বিশেষ সুবিধা দিতে পারেন।

পথের দুর্গমতা ও আপদসম্মুলতা নিবন্ধন এবং সংবাদাদি প্রেরণের সুবিধা অভাবে পূর্বে এদেশের আমদানী রপ্তানি প্রায় চলিত না। ইংরেজের প্রবল ক্ষমতাবলে এক্ষণে দেশে শান্তি স্থাপিত হইয়াছে, যাতায়াতের এবং সংবাদ প্রেরণের সুবিধাও দিন দিন অতি দ্রুতভাবে বর্দ্ধিত হইতেছে। অবশ্য ডাক ও টেলিগ্রাম সম্বন্ধে এখানে ভারতের অন্ত্যগ্র স্থানের সহিত সমানই ব্যবস্থা, কিন্তু রাস্তাঘাটাদির নিমিত্ত কোন পথকর নাই। এইরূপে অসুবিধা সমূহ দূরীকৃত হওয়াতে অধুনা বাণিজ্যের অশেষ ত্রীবৃদ্ধি হইতেছে। বিশেষতঃ তাঁহাদের প্রবর্তিত অবাধবাণিজ্যের কল্যাণে ইহাদের অশেষ উন্নতি ঘটিয়াছে। নতুবা একদিকে আমদানী অভাবে যেমন জীবন যাত্রা দুর্কষ হইত, পক্ষান্তরে রপ্তানী না থাকিলেও ততোধিক অসুবিধা ঘটত। অধুনা এদেশবাসিগণ বাণিজ্যের সফলতা হৃদয়ঙ্গম করিয়া ক্রমেই অধিকতরভাবে তাহাতে লিপ্ত হইতেছে। এই সঙ্গে ইংরেজরাজের অল্পতম সহস্রবতীর কথা পুনরায় বলিয়া রাখা প্রয়োজন। কতিপয় বাঙ্গালী মহাজন এই নিরীহ পার্শ্বত্যদিগকে প্রতারিত করিতে যেরূপ অহর্নিশ যত্নশীল, তাহাকে গভর্ণমেন্টের সাধুচেষ্ঠা সর্বিশেষ ধস্তাবাদাঁই। স্তনের হার হ্রাস, ততোধিক নূন স্তনে ঋণদান এবং সংবৎসরোপযোগী আহাৰ্য্যের ক্রোক প্রতিবেধ ব্যবস্থা প্রভৃতি ইংরেজরাজেরই মহতী কীর্তি।

গ্রন্থভাগেই দেখিয়াছেন, ব্রিটিশ গভর্ণমেন্টের ঐকান্তিক উৎসাহেই চাক্ষুস-গণ লাঙ্গলের চাষ ধরিতে আরম্ভ করিয়াছে এবং এই অসুহাগ বর্তমান রাজা বাহাদুরের উপাধি প্রদানকালেও ভূতপূর্ব লেপ্টেন্যান্ট গভর্ণর সার জন উড্‌ব্লগের মুখে প্রকাশ পাইয়াছে। বন-সংরক্ষণী ব্যবস্থাও তাহারই অল্পতম কারণবিশেষ। মাইয়সী রিজার্ভ ছাড়িয়া দিতেও মাননীয় গভর্ণমেন্ট বলিয়াছেন, চাঁদের ভূমির বিস্তারের নিমিত্তই ইহা করা হইল। অপরতঃ রাজা অপেক্ষা হেড্‌ম্যানদিগের ঝারাই চাঁদের প্রতি লোক অধিকতর প্ররোচিত হইতে পারে, তজ্জন্য কৃষিকর রাজস্বে রাজা হইতে হেড্‌ম্যানের কমিশন ভাগ অধিক রাখা হইয়াছে।

একত্রিংশ ক্রমিতে প্রথম তিন বৎসর নিষ্কর-সুবিধা দিয়া তাহা আরও লোভনীয় করিয়াছেন। তবে চাষবিস্তারের পক্ষে আর দুই অন্তরায় আছে। প্রথমতঃ—বন্দোবস্তগুলি সাধারণ ‘আমল নামা’ মাত্র; গভর্ণমেন্ট ইচ্ছা করিলে যখন তখন সেই জমি বাজেয়াপ্ত করিতে পারেন। দ্বিতীয়তঃ—ইহাতে অধীনস্থ প্রদানের অধিকার নাই; এমন কি কেহ গোপনে অধীনস্থ দিয়াছে প্রমাণিত হইলে কর্তৃপক্ষ তাহার ‘আমল নামা’ খারিজ করিতে পারেন। অথচ গভর্ণমেন্টের এই বিধি কার্যতঃ রক্ষাও হইতেছে না; শুনিতে পাই, বুদ্ধিমানগণ বিনামায় যথেষ্ট ইজারা চালাইতেছেন, কিন্তু রাজস্বতির ভয়ে সকলে সাহস না পাওয়ার চাষবিস্তারে ব্যাঘাত ঘটতেছে। তাই আমরা এখানে মাননীয় গভর্ণমেন্টসমীপে উক্ত অভাবদূর্য নিরাকরণার্থ সনির্ভর প্রার্থনা জানাইতেছি। ‘আমল নামা’র পরিবর্তে চিরস্থায়ী বন্দোবস্ত প্রদানের রীতি থাকিলে, একদিনে খুব সম্ভব এদেশের আবাদযোগ্য প্রায় সমুদয় ভূমিতেই চাষ চলিত এবং ইহাদের মধ্যে স্থান পরিবর্তনের যে একটা উচ্ছ্বল বাসনা অত্য়পি পরিদৃষ্ট হয়, তাহাও প্রায় থাকিত না। আর এই জঙ্গলাকীর্ণ ভূমি লাঙ্গল চালনার উপযুক্ত করা সমধিক ব্যয়সাপেক্ষ। এক একর ভূমি আবাদের উপযোগী করিতে, অন্ততঃ ৫০ পঞ্চাশ টাকা খরচ পড়ে; এবং চাষের জন্য অন্ত একশত টাকার এক ঘোড়া মহিষ প্রয়োজন। গরীব পাহাড়ীদের অনেকেই এই মূলধন অভাবে চাষে হস্তক্ষেপ করিতে পারে না, এবং হুঃসাহস করিয়া করিলেও অনেকে মহাজনদিগের কুসীদদারে ভারগ্রস্ত হইয়া পড়ে। অবশ্য এনিমিত্ত সহায় গভর্ণমেন্ট সামান্য সুদে কৃষকদিগকে ঋণদান করিতেছেন। সেই ১৮৭২ খৃষ্টাব্দেও যখন এদেশে সর্বপ্রথম লাঙ্গলের চাষ প্রবর্তিত হয়, ইংরেজরাজ প্রজাসাধারণকে ৮০০০ টাকা ঋণ দিয়াছিলেন; কিন্তু তাহা হইতে কোনরূপে মাত্র ৫০০০ টাকা আদায় হইয়াছিল। তথাপি গভর্ণমেন্ট আবশ্যকস্থলে ঋণদানে কুণ্ঠিত নহেন, গত বৎসরও প্রায় ২৫০০ হাজার টাকা দিয়াছেন। কিন্তু তবুও সকলের প্রয়োজনীয় অভাব মোচিত হইতেছে না। কেননা উপযুক্ত জামিন বা সঞ্চলের অভাবে অনেকেই ঋণ পায় না, সুতরাং অন্ততঃ সমর্থব্যক্তিগণকে ইজারা প্রদানের ক্ষমতা প্রদত্ত হইলে তাঁহারা অধিক পরিমাণে ভূমি আবাদ করিয়া আবশ্যকীয় মহিষাদি সহ সাধারণ্যে বিলি করিতে পারেন। চাষদ্বারা যে ইহাদের উন্নতি হইতেছে, তাহা সহায় গভর্ণমেন্ট স্বয়ংক্রম করিতে পারিয়াছেন দেখিয়াই, আমরা এই দুই প্রস্তাব উপস্থিত করিলাম। বর্তমান স্পার্লিমেণ্টেণ্ট মিঃ আর, এইচ, স্নেইড্, হাচিন্সন্ মহোদয়ের এতৎপ্রতি

সবিশেষ উৎসাহ দেখিতে পাই, তিনি চাষ বিস্তারের দিকে যত্নপূর্ণ যত্ন লইতেছেন, আশা করি, এই আলোচনার প্রতি সক্রম দৃষ্টিপাত করিবেন।

এই সন্দেহই আলোচনা-যোগ্য, এই হতভাগ্য পাহাড়ীদিগকে গত উপযুক্ত পরিচরিত্বের করাল কবল হইতে রক্ষা করিতে ইংরেজরাজের দয়াল হস্ত অব্যাহতভাবে অভয় প্রদান করিয়াছে। অগ্রাশ্রমবাদের কথা নাই বা ধরিলাম, গত ১৯০৬ খৃষ্টাব্দের সমগ্র বঙ্গদেশব্যাপী ভীষণ দুর্ভিক্ষে এখানকার অবস্থা যাহা স্বয়ং প্রত্যক্ষ করিয়াছি, তাহাতে সহস্র গভর্ণমেন্টের আনুকূল্য লাভ না করিলে ইহাদের অধিকেরও অধিক নিশ্চিতই কালসদনে গমনে বাধ্য হইত। তাদৃশ এককালীন দান ছাড়া দুর্ভিক্ষ-পীড়িত জনগণকে ইংরেজগভর্ণমেন্ট ৬০০০ হাজার টাকা বিনামূল্যে ঋণ দিয়াছিলেন, এবং আবশ্যিক হইলে আরও দিতে প্রস্তুত ছিলেন।

স্বাস্থ্যরক্ষার প্রতি সতর্কদৃষ্টি ইংরেজরাজের প্রধান খ্যাতি। ইহাদিগের পূর্ব-বর্ধিত রক্ষা হইতে এরূপ যত্ন পাইয়াছে কিনা, বিশেষ সন্দেহ আছে। ব্রিটিশাধিকারে আসার পর এ অঞ্চলে ক্রমে (রাঙামাটি, বান্দরবন, বড়কল, লামা, মাণিকছুরী, রামগড় ও তিনটিলার) সাতটি দাতব্য চিকিৎসালয় সংস্থাপিত হইয়াছে। এতদ্ভিন্ন বসন্তের আক্রমণ নিবারণকল্পে টীকাদানের ব্যবস্থাও কম সহায়তা-পরিচায়ক নহে। তবে কিনা দেশীয় লোকের বিশ্বাস গো-বীজের টীকা বসন্তের প্রকৃষ্ট অন্তরায় নহে। তাই অধিকাংশ লোকই টীকাদানের প্রাচীন প্রথার প্রতি অধিকতর আস্থাবান। এ সম্বন্ধে বিলাতেও আন্দোলন চলিতেছে, শুনা যায়। সে যাহা হউক এই টীকার নিমিত্তও গভর্ণমেন্টের বার্ষিক প্রায় ৩০০০ টাকা ব্যয়িত হয়।

স্বাস্থ্যের পরেই শিক্ষার কথা আইসে। কিন্তু বলিতে কি, প্রজাপুঞ্জের শিক্ষাবিধানের নিমিত্তও প্রাচীন চাকমা-রাজগণ কোনরূপ চেষ্টা করিয়াছেন বলিয়া প্রমাণ প্রাপ্ত হয় না। মহীয়সী কালিন্দী রানীর উন্নত শাসন খুঁজিয়াও তৎসম্বন্ধে কোন প্রয়াসচিহ্ন পরিদৃষ্ট হয় না। কিন্তু ইংরেজরাজ প্রত্যক্ষভাবে এদেশ শাসনে হস্তক্ষেপ করিয়াছেন—অত্യാপি অর্দ্ধশতাব্দী পূর্ণ হয় নাই, এই স্বল্পকালমধ্যে নিরক্ষর প্রায় চাকমাগণকে যে কি পরিমাণে শিক্ষাগ্রস্তি লাভ করিয়াছে, তাহা গ্রন্থভাগেই বিস্তারিত দেখাইয়া আসিয়াছি। এই নিমিত্ত গভর্ণমেন্টের বার্ষিক প্রায় বিশ হাজার টাকারও অধিক ব্যয় হয়। বস্তুতঃ শিক্ষার বিস্তার ইংরেজ রাজত্বের সর্বোৎকৃষ্ট সফল। জাতিধর্মনির্বিশেষে জ্ঞান প্রচারের চেষ্টা ভারতে ইংরেজের জ্ঞান আর কেহই করেন নাই। এই শিক্ষা-

বিস্তারের ফলে চাক্‌মাসমাজে এক সম্পূর্ণ নূতন উদ্দীপনা প্রবেশ করিয়াছে। তাহার। এক্ষণে নৈতিক ও সামাজিক বহুবিধ সংস্কার সাধনে ব্রতী হইয়াছে। এমন কি, অনেকে ক্ষুদ্র ক্ষুদ্র রাজনীতিক সমস্তা লইয়াও চিন্তা করিতে আরম্ভ করিয়াছেন।

এইরূপে ইংরেজশাসন ইহাদের জীবন, স্বাস্থ্য এবং শিক্ষা সম্বন্ধে কিরূপ বহু লাইতেছেন যৎকিঞ্চিৎ বলা হইল, অনন্তর শাসন পরিচালন লইয়া জুই চারিটা কথা মাত্র পুনরাবৃত্তি করিয়া যাইব। পূর্ক্বাপেক্ষা যে অধুনা সাধারণের সুবিচার লাভের পথ প্রশস্ত হইয়াছে, তাহা কেহই অস্বীকার করিতে পারিবেন না। তাহাতে আবার অধিকতর সুবিধা এই যে, এখানকার বিচারকার্যে ষ্ট্যাম্পের আবশ্যিকতা নাই এবং ব্যবহারজীবীদিগেরও উৎপীড়ন নাই। সামান্য সাদা এক খণ্ড কাগজেই আবেদন গ্রাহ্য হয়, এবং বাদী প্রতিবাদীগণ ইচ্ছা করিলে নিজেরাই পরস্পর ও সাক্ষীকে প্রয়োজন মত প্রশ্ন করিতে পারে। এক কথায়, ইংরেজরাজ এখানে সহজে ও সরলভাবে ছুষ্টির দমন এবং শিষ্টের পালন-ব্যবস্থা কারিয়াছেন। ধর্ম্মে ও জাতীয়তায় আঘাত লাগিবে আশঙ্কায় তৎসংক্রান্ত বিচারাদি সমাজের প্রধানগণের উপর ঞ্চস্ত রাখিয়াছেন। আরও সুখের কথা, ইহাদের মধ্যে উপযুক্ত ব্যক্তিগণকে রাজকর্ম্মচারীপদে গ্রহণ করিয়াও গভর্নমেন্ট যথেষ্ট সহৃদয়তার পরিচয় দিতেছেন।

পরিশেষে আমরা সুদক্ষ রাজকর্ম্মচারী কাপ্তেন টমাস হার্কট লুইন মহোদয়ের কমটা কথা এস্থলে উদ্ধৃত করিয়া গ্রন্থ সমাপ্ত করিতেছি। তাঁহারই দ্বারা এদেশে ব্রিটিশ রাজ্য বিস্তৃত ও সুদৃঢ় হয়, এবং তিনি বহু বৎসর ধরিয়া এখানকার শাসন-দণ্ড পরিচালন করেন। সুতরাং ইংরেজশাসনের সমালোচনা তিনি বেক্রম নিপুণতার সহিত লিপিবদ্ধ করিতে পারিয়াছেন, আমাদেরিগের হাতে ততটা হওয়ার আশা নাই। তিনি পূর্ক্বোল্লিখিত “পার্কীতা চট্টগ্রাম এবং তত্রত্য অধিবাসিবৃন্দ” নামক পুস্তকের উপসংহার শেষে লিখিয়াছেন ;—

“এক্ষণে আমি বলি, আমরা এই পার্কীতাপ্রদেশ নিজেদের নিমিত্ত শাসন করিব না, ইহার অধিবাসিবৃন্দের মঙ্গল এবং সুখ-স্বাচ্ছন্দ্যের নিমিত্ত মাত্র শাসন দণ্ড চালাইব। তাহা সত্যতাবিস্তারের জন্ম নহে, পরন্তু সভ্যতা আপনা হইতেই আসিয়া পড়িবে। এখানে কেবল একজন লোক ব্যতীত আর কিছুই প্রয়োজন দেখা যায় না। শাসন ক্রমতা দ্বিয়া তাহাদের উপর একজন কর্ম্মচারী দেওয়া হউক ; তিনি যেন গভর্নমেন্টের বিরাট কপিচক্রের মধ্যে কেবল দড়ির জায় না চলেন ; পরন্তু তাহাদের অপারগতায় সহিষ্ণু, সত্বরতার সহিত পর্যাবেক্ষণপর,

এবং সমগ্র বসুধার কুটুৰ্জ্ঞানরূপ তাহাদের স্বাভাবিক অল্পভূতিতে উপলব্ধ হন। এই নূতন ভাব সমূহ স্বল্পরজম ও তাহাদের ধারণাকে মার্জিত করিয়া লইতে উপযুক্ততা থাকে, কিন্তু কোন জাতীয় সংস্কারের উপর হস্তক্ষেপ করিতে যেন সাবধান রহেন। এইরূপ পরিচালনাদীনে তাহাদের নিজেকেই শনৈঃ শনৈঃ সভ্যতা লাভ করিতে দেওয়া হউক। শিক্ষাব্যবস্থা তাহাদের সম্মুখে, উন্মুক্ত থাকুক, তাহারা তাহা স্বকীয় বিধি ব্যবস্থা মতে চালাইয়া—বিনষ্ট ও বিকৃত ইংরেজী আদর্শে নহে, পরমেশ্বরের সৃষ্টপ্রাণীর নূতন ও মহান্ স্বরূপে বাহির হইয়া আসিবে।” (১১৮ পৃষ্ঠা।)

আমরাও তদীয় উদার উপদেশের সহিত একমত হইয়া—ভগবান্ সমীপে প্রার্থনা করি, প্রজার সর্বাঙ্গীন মঙ্গলবিধান রাজা ও রাজশক্তির চিরকামনীয় হউক।

সমাপ্ত।